



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
265/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
265/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
265/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
265/A




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
265/A




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
265/A

A xxix Amia

265/A 267





AMATI 429400
LVSITANI
MEDICI PHYSICI
PRÆSTANTISSIMI

Curationum me-
dicinalium,
CENTVRIÆ DVÆ,
QVINTA ET SEXTA.

In quarum vltima Curatione, continetur
Colloquium e uditissimum: in quo do-
ctissimè disputatur, & agitur de curandis
capitis vulneribus.

*Cum Indice omnium curationum, quæ ipsi
Centuriis continentur. omnia nunc
primum in lucem edita.*

IN
VIR-
TUTE,



ET
FORTVNA.

LVGDVNI,
Apud Gulielmum Rouillium.
M. D. LXX.



AMATI LVSITANI,
MEDICI PRÆSTANTIS.

curationum Medicinalium
suarum,

CENTVRIA QVINTA,
nunc recens in lucem edita.

*Curatio prima, in qua agitur, de
sanguinis reiectione, ex parte
superiori aspera Arteria.*



RAECESSE RAT hyens
partim rigida, partim
verò plumosa. Sed Ve-
ris prima pars subfrigi-
da erat: media autem,
hoc est, Aprili mense,
con calescente aëre, magna populi pars
in capitis grauedines, & ab eo defluxio-
nes incurrit. Erant autem ij pueri, adole-
scentes, & maiores natu, viri mulieresq;
Quorum nonnullis catarrhus, hoc est,
destillatio, siue ad os & eius partē vnam,
seu columellā defluxus progressu tēpo-
ri, apparebat Aliis autem ad nares, quē
deflux

defluxum Græci Coryzam, Romani verò grauedinem appellare solēt. Aliis autē ad fauces & guttura excrementū descendebar, ex quo sanē defluxu Branchos, id est, raucitas oritur. Sed multis omnia simul euenire contingebāt: ad hæc tussēs, excrementis nimirū capitis in Thoracem defluētibus, ex quibus venæ nonnullis ruptæ sunt: & ex ipsis multus sanguis effluebat. Aliis Anginæ cōparebāt: aliis autem oris vlcerationes, & inflāmationes, & secūdū aures parotides pullulabāt, nonnullis verò pleuritides grauissimæ, & periculossimæ infixæ erāt. Sed multi quoque phthisi, hoc est, pulmonis exulceratione, vexati postea sunt. Epidemic' autē morb' hic est, q̃a populi magna pars eo corripiebatur, præcipuè catari ho, cū quo pauci in febrim incidebāt: sed ab eo plures euadebāt: à quo ceteræ citatę affectiones ortū trahebāt. Quia in hyeme coaceruati pituitosi humores, veris caliditate cōmoti, & diffusi, tales generāt morbos, qui (vt docuit Hipp. li. 3. Aphor. xx.) verno tēpore potissimū euenire contingunt: cū quib' æris influxus maximè cōcurrebat. Hæc lues (vt audio) vniuersam Italiā, & Dalmatiā, ac Illyricā regionē grassata est. Extā multis igitur malè sic affectis, pri-

mò mihi se offert Manuel Hamisius è
Castello à Vite, Iuuenis natura biliosus,
coloris nigelli. capillamēti verò nigri &
hirti. Qui quū catarrho vexaretur, &
tussi torqueretur graui sanguinis, per os,
reiectionē incidit. Eū autē multū & fer-
uidū ac satis flauū, bis, vel ter emisit. sed
per internalla excreādo, Quē quoq; tussi
reiciebat: & cū nō aliūde quā à tracheę
arteriæ superiori parte effluere. hæ mihi
attestatur notę. Prima, quia excreādo so-
lum, & validē tussiedo sanguis reicieba-
tur. Secūda, quòd ipse æger ex ea eminēti
parte sanguinē exire percipiebat. Tertia,
quòd in collo ad mentū, vbi tãquàm no-
dus, caput tracheę arteriæ multis appa-
ret, & larynx dicitur, dolebat, dolore qui
dē ad sinistrā clauiculā vsque ascendēte.
Huic igitur de repētē occurrēs, sāguinis
vncias sex ex dextri brachij vena iecota-
ria demi iussi: quo detractō, hominem
quiescere neue altē loquatur, aut magnā
edat respirationē suadeo: ac illicò albu
oui, optimē concussū, pulueri sequenti
permixtum, ebibē dū offero, habet autē
puluis sic. R. Gummi arabici, tragacanti,
singulorum vnciā mediā, sanguinis dra-
conis optimi, boli armeniāci pallidi, ter-
rę lēniæ, vulgò boli armeniæ, lapidis hæ-
matitis

matitis, sarcocollæ, vtriusq; corali. ana-
dra. duas, seminis hyosciami albi, seinis
portulacæ, plâtaginis, cicutæ. ana drach.
vnâ: radicis symphiti, drach. vnâ, & al-
terius mediam. Omnia hæc in puluerem
redigâtur, & misceantur. & fiat pulvis: ex
quo scrupuli duo in oui albumine pro vi-
ce propinêtur. Exterius verò, album oui
quoq; pulueribus cōstringentibus mistū,
& stupa exceptum, loco dolenti applica-
batur. Cēterum, ab ebibitis, per interual-
la tribus vel quatuor ouorum albumini-
bus, prædicto modo apparatus, sāguis ef-
fluere desit. Interdiu tamē per interualla
syropum myrtinū aqua stipitum rosarū,
& plâtaginis dilutum, adiectis nōnullis,
ex prædictis pulueribus, cochleari lam-
bendo accipiebat, nonnunquam verò ex
hoc electuario pitissabat, capite non nisi
ad dorsum recuruo. R. Radicis symphiti
recentis vnciam vnâ, boli armeniz palli-
di & veri drach. duas, seminis papaueris,
portulacæ, ana drach. i. gūmi arabici, tra-
gacati, an. drach. vnâ, sacchari rosacei,
vncias tres. Philonis antidoti drac. duas.

Omnia syrupo de papauere excipian-
tur, & fiat electuariū, ac folio auri inaure-
tur: sed tunc secundo die retractiones, &
in membris ligaturæ sunt factæ, imò phi-
loni j

lonij perfici à Mesue descripti: drachmā
 vnā, exiguo rodofaccharo mistam, illi
 dedi:quo optimè valere dixit. Nā & rectè
 dormit, & ex toto sanguis cohibitus fuit:
 nec opus fuit ad Diaspermaton tātō pere
 decantatum medicamentū à Galeno, li
 bro quinto Methodi medēdi, & alibi sæ
 pè, deuenire: cuius descriptionē verā (si
 rectè teneo superioribus nostris Centu
 riis, memoriæ cōmendauimus. Huic pri
 mō cibus, ex similagine pulricula fuit,
 manē & serō: quandoq; simplex: quādoq;
 verò illi semen rhois, hoc est, sumachio
 rum admistū, quod prisci olim obsoniis
 miscere solebant: quādoq; verò ptisana,
 huius loco, veniebat. Postea verò, elapsis
 tribus diebus, ex oriza, eadē apparabatur
 pulricula, prædicto cum semine, vel plā
 taginis, vel portulacæ, vel taleolis radi
 cis symphiti admistis. Pot' huic ad mul
 tos dies, aqua hordei calybeata fuit: po
 stea verò vinū rubrū paulūm adstringēs,
 & tunc pyrū vnū, vel alterū illi elargieba
 mur, veluti diacy donitē ex saccharo cō
 cinnatū: Nā pulricula illa similaginea,
 vel ex oriza, ad aliquot dies (vt dixi) sola
 a qua, aliq̃do adiecto sumachiorū semi
 ne, vel taleolis radicis symphiti, paraba
 tur: postea verò ex pulli gallinacci iure
 vel

vel pedū veruecis, aut vituli apparabatur demū, vt alas & pectusculū pulli ederet suafimus, semper tamē vt clysmis vel glādulis, alius respōderet, in vniuerso morbi processu, curauimus. Tandem elapsis quindecim diebus ē cubili sese erexit: & domi ad vigesimū diē māsit: post quē pācraticē sēper habere dixit: sed nostro cō, filio, bolū armeniacū pallidū, & quē Gal, lib. 10. de Facultatib: simp. med. describit, & huic morbo mirum in modū prodesse tradit, per plures dies aqua plantaginis, vel farfaræ dissolutū ebibit. Nunc verò integra & secunda fruitur valetudine.

SCHOLIA.

Κατάρρῃς siue Katarrhus, latinis fluxio siue destillatio dicitur, à Κατάρρῃς quod est fluo, vel destillo: vnde à multis, catarrhus pro quacunque fluxione siue distillatione licentiori vocabulo accipitur: vnde Plinius secundus libro primo de re medica, capite secundo, ita tradit, Est quidem catarrhus humor defluxus ad nares, ad fauces, ad pulmones, vnde catarrhus dictus est à fluore, Græci enim hunc fluorē dicunt. Propriè tamen Κατάρρῃς apud Galenum libro de Symptomatum causis, distillatio dicitur ea, quando ad os excrementum defluit, vel ad palatum, vt libro secundo de cap. presagiorū enarratione 42. idem refert. Quod perinde est dictum.

14 A M A T I L V S I T A N I

dictum ac ab Aetio sermone octauo sua medicine, capite quinquagesimo tertio catarrhum esse, si ad vuam, seu columellam humor defluerit: est enim vuam (ut omnes norunt) oris pars. Nec minus à Paulo dictum est, libro tertio sue Medicinae, capite 28. Katarrhum esse, ubi ad fauces & palatum humor descendit. quum & fauces oris partem esse, omnibus conspicuum sit: si verò humor ad nares delabatur, Graecis λογίζα, Romanis verò Grauedo. At si humor ad fauces descendit, à Galeno & Graecis Βραγχός appellatur, à Celso, Plinio, & Latinioribus Raucitas, Paulus tamen raucitatem fieri tradit, cum humor ad gutture & asperam arteriam defluit: nec mirum, quum facilis est delapsus humoris in faucibus existentis ad guttur, & asperam arteriam: sic igitur legendi sunt versiculi, in omnium ore habiti,

Os, vuamque petens humor, stillatio nostris,
Fertur Romanis, Graeci dixere Katarrhum,
Quod si guttur habet, faucibusve, haec horrida pestis
Brachos erit Graecis Medicis, Raucedo Latinis
Graeca Coryza premit nares, Romana Grauedo

Ceterum, scire opere precium est: quod sanguis à vasis quatuor modis effluere potest, ut nos docuit Galenus libro quinto Methodi medendi, quem percurrere ne pigeat: potissimum tamen tribus de causis palam excitari sanguis à vena vel arteria contingit, aut earum ruptura, aut earum

rum erosione, aut quum earum ora adaperiuntur. Dignoscimus autem sanguinem ob vasis rupturā euenire, quia extrinseca aliqua causa præcessit, vt de lapsio ex alto: aut si luctādo plus iusto vasa distensa sunt, & consequens rupta: aut in terram homo concidit, aut si grauius aliquod pondus eleuauit, vel in pectus ceciderit. Item ob clamorem magnum quomodocunque editum, vasis ruptura fit: in quo reponatis velim tuſſim asperā: vt ex ea huic euenit iuueni: aliquando verò ruptura euenit ob humorio multitudinē, & tunc sanguinis effusio repente & eo aceruatiim facta cognitionē exhibet. Sed tunc deposita per euacuationem multitudine, sanguis compescitur, & postea ad vlcus curandum deuenimus. Sed quando à causa procatur Etica siue extrinseca, ruptura euenit, tunc curatio non admodum difficilis est: quæ potissimum conficitur, præter retractiones, & deriuationes per conglutinationem vasis disrupti: præcipuè medicamentis adstringentibus: & alijs illis mistis, citra mordacitatem resiccantibus, & glutinosum quiddā habentibus, velut est, terra lēnia & samius aster, & bolus harmenie pallidus verus, quo hodie abundamus, & de eo Galenus mira prodit: & varia alia à nobis citata in pulueris cōpositiōe. Prætereo pastillos à succino paratos, quos à Karabo, Mauritaniae factionis Medeci appellāt: & eos Galen⁹ ornatissim⁹
Medicus

medicus, libro septimo de comp. med. secundum
 locos describit, veluti ex Coralio dictos, aut à
 terra sigillata, hodie bolo Armenio dicto, vt va-
 rios alios pastillos taceam, & propè infinita re-
 media, ab eodem Galeno, Paulo Aegineta,
 Oribasio, Aetio, Alexandro Tralliano, Are-
 tæo, & practiciis variis citata. Nos verò, ea qui-
 bus vsi sumus, remedia in mediũ tantum addu-
 cimus, & eorum mentionẽ facimus. Ampla ete-
 nim remediorũ sylua est. non aduertentibus ho-
 diernis Medicis, qui vel pro minimo in disidiũ
 & discordiam, vel ad arma vsque veniunt: sed
 ij à consortio hominũ eliminãdi sunt, aut inter
 hominum hostes reputandi: vt qui fauere hono-
 ri, & rei caducæ ac pertinaciæ, quàm homi-
 num salutis, magis velint. Estote igitur cõcordes,
 quia concordia (vt nostis) parua res crescunt,
 discordia magnæ dilabuntur. Fit quoque, vt
 dixi, sanguinis reiectio ex vasis, siue venæ cor-
 rosione: quæ potissimùm euemt ob acres & mor-
 daces à capite in thoracem, delabẽtes humores:
 vel in ipso thorace genitos: sed tũc per interual-
 la parua euacuatio, sed cum tussi contingit.
 Quãquam aliquando compertum habeo, etiam
 ob corrosionem, copiosam & coaceruatam san-
 guinis eductionem cum tussi fieri. Sed hæc san-
 guinis reiectio periculosa admodum est, & ra-
 ro ab ea egrotantes euadunt, vt ante nos do-
 cit Galenus in suis dogmatibus, & meritò sa-
 ne

nè, quia eam vlcus consequitur, quod multis de
causis difficillimā, acquirit cōsolidationem, &
consequens hectica febris & tabes, mortis ima-
go introducitur. Curantur autem exesa aut cor-
rosa vasa quoties per cibos boni succi, & phar-
maca carnem gignentia, renutriuntur. Cete-
rū, Galeni præcepto, medicamentis constrin-
gentibus huic morbo facientibus nonnulla cali-
da, & tenuium partium, miscemus: portione ta-
men exigua, vt ea constringentia ex stomacho
ad iecur: & inde per cauam venam ad cor, &
consequens in pulmones distribuant, & ea pene-
trare faciant, ac illis viam sternant vt nos do-
cuit Gal. libro septimo de comp. med. s. l. vbi
de reiectione sanguinis agit. Ceterū, tu per
calida intellige, medicamēta tenuium partium
arteriam, quæ constringentia medicamenta ad
pulmones & thoracem trahant, & reiuti ma-
nu ducant: quæ omnia magna solertia, & ma-
turo cōsilio, Medici exercere debent, non minus
ac in stupefacientibus medicamentis propinan-
dis, & eisdem pharmacis ad sanguinis reiecta-
tiones facientibus, miscendis. Cōtingit quoque
sanguinis reiectatio, quoties vasis osculum rese-
ratur, & quasi per resudationem transcolatur,
quod potissimum fit, cū quis calidis balneis
vtitur, præcipuè in regione calida, & tempore
calido & cibariis calidis assuevit. Etenim mul-
tudo sanguinis, aut eius acuties a credore, ve-

narum ora aperit, & laxat: & tunc sanguis in principio est paucus, deinde absque dolore auge-
tur. uratur autem vena os dilatatum pro va-
ria eius causa, potissimum per obturationem,
que obturatio per astringentiam conficitur: &
in curationibus Pisauri fusius dicemus.

*Curatio secunda, de i flammato isth-
mo, seu vna, & tōsillis, que nagioth
pūa, & avtiadlis, Græcis dicuntur.*

Mulier nata annos viginti, cum eius
Vua, isthmus dicta, & tonsillæ, ob
defluxum à capite vehementer rubrica-
rent & tumentes apparerent, ut vix de-
glutire posset, multa spuebat: & per nares
varia quoque emittebat. Hæc cum paucula
& liquida in cibo admitteret, Syrup. vio-
laceū, & de endivia eisdem cum aquis, sed pa-
rum diluto, in aurora bibebat: & mēbro-
rū frictionibus utebatur: & ad nares ma-
teriā venire, ipsis sepe manu attractis, cu-
rabat: imò eisdem naribus aquā violaceā,
in qua dilutū erat parū sacchari cādi, ad-
iecto quoque exiguo succo betæ, nō rarò
attrahebat: & ex aqua decoctionis hor-
dei, adiecto syrupo acetoso gargarizabat
tribus verò elapsis diebus, à deglutito bo-
lo ex cassia ægyptiaca tantū melius habuit
Ex tunc ex atramento eiusdem cassiæ ægy-
ptiacæ,

ptiacæ, aqua decoctionis hordei excepto, gargarismū parabat, & breui sanitatem obtinuit. Caterū nata proxenetæ Græci, duodecim annorū, qui ad fonticulū habitabat, in hāc eandē affectionē lapsa est, sed aliquantulū febricbat, & altera tonsillarum vlcere affecta fuit. Huic sanguis ex cephalica vena, in brachij curuatura secta, missus ad vncias quinque fuit, & gargarismo sequenti utebatur. R. balaustiorum, citrinorū, rosarū, plantaginis, ana pug. mediū, hordei mundi, pug. vnum, calicū papaueris albi, drach. vnā, libris tribus aquæ pluuiialis omnia excipiātur, & ad ignē fiat decoctio sufficiens, & coletur: cui adde, diamoronis, syrupi rosati simplicis, ana vnc. vnā, pulueris boli armeniae pallidi, vnc. vnā: Misce, fiat gargarism⁹, & eo assiduò vtatur, post quem, vlcus ex melle rosaceo colatitio, adiecto puluisculo thuris, & prædicti boli armeniæ inungebatur: & tandē breui sanata est: veluti plures alij, vario tamen artificio. Vxor tamen illius, qui alituum Pernities vocabatur, post intēsam febrē, vlcera quoque sordida in tonsillis passa fuit, pro quibus curandis, ad aquam ex sublimato, post multa & varia adhibita, confectam deuenimus, & sanata est.

SCHOLIA,

NON discedam ab hoc loco, quin oris tertius partes prius exactè percurram, ut tyrunculi eas in totum teneant, neque in eis nominandis errorem committant. Dicitur igitur palatum totum fastigium supra linguam usque ad fauces Græcis *ὀφθαλμία*, sed Aristoteli *ὀφθαλμία*, & Galeno nostro *ὀφθαλμία*. Sequuntur fauces, Græcis *φάρυγξ*, quæ Galeno authore libro quarto de locis affectis, capite 5. ubi angina quatuor percurrit genera, sunt oris interna pars, ubi simul conueniunt, & gula & gutturis partes extremæ, Ceterum, Græci *φάρυγξ* & *λόδον* appellant, in quo spacio Gurgulio & amygdalæ sunt, vnde nonnullis gurgulio siue gergareon isthmus appellatur: quia inter duas cauitates, tanquam inter duo maria collocatur. Amygdalæ latinis tonsillæ & glandulæ dicuntur, Græcis *ἀμυγδαλῆς* & *πρόδομα* due euidentes, & magnæ, totidem occultæ. Ceterum, ne nominum vicinitate decipiaris, nota quod à pharinge larynx multum differt: nam pharynx (ut dixi) fauces sunt, larynx verò tracheæ arteriæ caput, siue gutturis nodus, qui nonnullis foras prominet, & bronchorum caput quoque vocatur, aut absolutè bronchus. Supra laryngem est Epiglotis, cartilago mollis, quæ laryngis operculum est: simile folio hederæ, factum à natura ad claudendam tracheam arteriam, ne cibus aut potus

potus illabatur rursus ad aperiendam eam in aere attrahedo. Porro Glottis, aliud quiddam est, lingula scilicet in orificio tracheæ arteriæ, qualis est in fistulis musicorum, rimâ duabus tenuissimis membranis facta. Ceterum, pro curâdis destillationibus aduertendu duximus: quod à capite in fauces, & iugulum destillantes humores, nō ita temerè & inconsultè gargarismis coercendi sunt, aut sistendi, ni suffocationis, aut anginae immineat periculum: repurgato verò corpore, tunc etiam apprimè constringentibus tuto uti possumus. Non enim iam timor est, ut retenti & congesti in capite humores, decidant & ruant, & repente suffocent, ut Mesue præceteris clariùs nos docuit.

*Cura io tertia, in qua agitur, de Vi-
ro singulis mensibus, per hæmor-
rroides, euacuationē siue sangui-
nis purgationem habente, ut mu-
lieres per uterum.*

IOannes Baptista Propola, vir annos natus quinque supra quadraginta, & qui iam olim morbo Gallico correptus fuerat, tandiu per hæmorrhoides, singulis mensibus, ut mulieribus menstrua cōtingunt, sanguinis euacuationem copiosam habebat. Qui nūc, quū illi ad aliquot

b 3

dies constringeretur, nec solito modo
 flueret, ecce per os sanguinem absque
 tussi, & febris, subflauum & rubrum mul-
 tum coaceruatim emisit: perterritus igitur
 hic, consilium petit, quo tantum fu-
 giat malū. Ego omnia, ut decet, perpen-
 dens, iubeo hominem bono esse animo,
 ac illico hæmorrhoidibus quatuor ap-
 poni iubeo hirudines: quæ sanguinis va-
 cias sex sugendo extrahāt: quo verò mo-
 do, ex scholio percipies: postea verò præ-
 scripta optima victus ratione, syrupū ex
 endiuia, & fumaria herba, ac lupulis, ea-
 rundem herbarum decocto dilutum, ad
 aliquot dies ebibit: hinc pharmacum, ex
 manna, rhabarbaro, & portiuncula ele-
 ctuarij Diaphiniconis constans: quibus
 optimè habere dixit. Ad plures tamen
 postea dies conditum ex floribus foma-
 riæ, saccharo, veluti floribus cichorij cō-
 cinnatum ieiuno stomacho comedebat:
 super ebibita aqua cichoreæ singulis vi-
 cibus: pauxilla, hoc enim ordine, sanguis
 cursum suum consuetū consequabatur:
 cuius fluxu hic optimè valebat. Alios ta-
 men, hoc morbo affectos, notavi: quibus
 refrigerato sanguine, temporis successu,
 & ætatis ratione sanguis ex se cohibitus
 est: & rectè habebant. Cæterum, qui ob
 hæmor

hemorrhoidum solitum sanguinem re-
strictum, in capitis dolorem incurrūt,
catapotia ex Aloë non lota deglutiūt &
bene habēt: quia Aloë venę aperiuntur,
& deinde sanguis fluit. Huic casui non
ab re esset quoque annexere vnum vel
alterum hominem: quibus singulis mē-
sibus ex gingiuis ad radices dētrum, abs-
que dolore aliquo, sanguis exiit, qui si ta-
men ad aliquot dies moratur, & solito
non respondet modo, in capitis dolore
incurrunt: ac sic eum ex gingiuis ipsis
euocare necesse habent: ex iis autē stu-
diosus quidam est. At ægrotus is, de quo
agimus, elapsis postea multis diebus de
totius corporis lassitudine conquereba-
tur: qua & sæpè in animi deliquium, &
capitis vertigines incurrebat: adeò vt, ne
in Epilepsiam incideret, aliquādò, time-
retur. Ceterum, huius corpore expurga-
to per medicamenta respicientia humo-
rem, morbum gallicum fouētē illi de-
coctum radicis Syriacæ ad 24. dies de-
dimus: quo ita valuit, vt omnes ad huius
decocti radicis potum inuitaret. At præ-
scribebatur huic, victus ratio hoc modo
in prandio turdū assum habebat, ex ce-
ptum (ad stomachum dissolutum iuuan-
dum) iunctu, siue sapore, parato cinna-

momo, saccharo, & decocto eiusdem radicis synarum, tandem abstemius factus panis nautici vncias quatuor comedit: & totidem in cœna, paucis cum vuis passis & amygdalis. Porro vino, sale, & similibus (vt nostris) abstinebat, singulis tamē octo dieb⁹, catapotiiis purgabatur. Iis enim (vt dixi) pancreaticè habuit. Sex tamen interiectis mensibus: hic, cū ad commensationes, & intēpestiua cōuiuia suis cum congerronibus, & compototibus frequens esset, ac semel aliis, & vino se ingurgitasset, repentē apoplexia cunctus obiit.

S C H O L I A.

Quum sēpē hirudinibus vtamur, dignum quæsitū est, an deceat post earum admotionem cucurbitulam affigere, vt Galenus agebat, & agendum proprio quoque libro de hirudinibus suadet, ad leuandam scilicet, venenositatem ab ijs animantibus derelictam. Nos huic quæsito breuiter respondentes, dicimus, non opus esse, quando nos hodie eisdē vtimur, purgatis & à veneno alienis, quas pharmacopola vitreis vasculis diu asseruat sēpē affusa, innouataq; aqua. Ceterū in exercenda hac per hirudines euacuatione, vt omnes sciant, hunc seruamus ordinem. Postquam affixe sunt, & sanguinis sucti
hirudines

hirudines sanguisuga dicta tumefieri incipiunt,
per medium eas forficibus præscindi mādamus:
nam tunc melius sugunt, & ex egroto super per
forata sede sedente, supposita aqua calida san-
guis in vasculum aut scutulam cadens, ea à no-
bis perscripta quantitate seruatur, vt postea de
eius colore & substantia iudicium feramus. sed
licet admirari hodie Bononiensium Medicorum
quorundam stupiditatem, ne dixerim ignoran-
tiam: qui indiscretè venas hemorrhoidales phle-
botomo aperiendas iubent: vos verò cauete, inde
enim multa sequi mala, certum est: & scalpelli
vice in aperiendis & reserandis venis hemor-
rroidalibus, quæ ad anum terminantur, sangui-
sugis vtimini, vel saltè parietaria helxina di-
cta herba, aut folio ficus, vel simili alio, quibus
frictio eo loco sanguis profilit, earum venarum
reseratis osculis. Placuit autem nobis huiusmo-
di euacuationis modum docere, quum sciamus
eam hodie apud Hispanos prætermisam esse.
qua vtinam deinceps vtantur, & eam in præ-
xim trahant.

*Curatio quarta, de hectica febre,
intromissa post longas alias febres.*

Ioannes ab Aegydio Gradu, Teutona,
Antuerpiensis mercator, Vir annos na-
tus triginta tres, longus gracilis, & tē-
peratura biliosus, quum in hyeme per

b. 5

duos vel tres mēses, febribus laboraret: quas cuius naturæ essent, ad præsens referre non puto operæpretium, eum tamen hectica febre laborare primo occur su comperi. Nam macie affectus, ingenti febre laborabat, sed à pandio, hoc est, ab assumpto cibo, grauius & intēcius à febre ipse affligebatur: cui pulsus debilis & paruus, & subdurus quadam cum æqualitate erat, lotium vero tenue, lucidum, & subcitrinum, & (quod peius est) à Medicis pro deplorato derelictus erat. Ad hunc igitur ingressus ipse, eum dicto modo habere comperio præter hæc etiā semper sudabat, sudore quidē frigidiusculo, & copioso, adeò vt duæ mulieres in eo absteigendo, pannis calidis, diu noctuq; continuò se fatigarent. Hunc igitur curaturus, cum sex res non naturales animadu rterem, ecce hunc ægro- tantem, in cubiculo peramplo, & valdè alto iacentem, percipio: cuius cubiculi aër humidus admodum, crassus, & frigidus erat: vnde non falsa coniectura deprehendo, quòd aëris frigiditas, quæ calidos vapores ex intima corporis parte, in cubili ad cutē delatos, attingebat, eos condensabat, & in aquam vertebat: vnde sudor cōtinuò huic, & madores copiosi,
hæc

hærebant: pro quibus abigendis, sumo, sed graui & philosophico consilio (absit dicto inuidia) vsus sum. Focum namque ex accensis carbonibus, in cubiculum inferri iubeo, vt aëris huius frigiditas, malæve eius temperies contemperarentur. A quo illato, intra quatuor horas, videres rem incâtamento similem, & illas duas mulieres applausis manibus omnia mihi foelicia precari, quòd tanto labore eas subleuarim: diu noctûq; enim (vt dixi) abstergendo eius sudore, magna angustia premebantur. Nam intra quatuor illas horas sudor hic continuus lenatus fuit, nec postea illum amplius persensit. Vnde ægrotus ipse iam de me optimè opinari cœpit, & breui fore, vt à me sanaretur, pro certo habebat. His igitur perfectis, huius victû ita præscribo. Primum cû hic gracilis sit, vt obefior euadat, & pristinas recuperet carnes: multis, & optimis cibis vescatur oportet. Cæterum, cû hi cibi dari debeant pro concoctricis virtutis tenore, & robore, ea de causa, maximo cum iudicio offerendi sunt: ad hæc, vt suis qualitatibus feбри opponantur, & optimum adgenerent succum. Talia enim cibaria erant, ex pullo, aut capo, lactuca aut hordeo mundo incocto

cocto absque sale, cōtusum, adiecta portiuncula ptisanæ optimè coctæ, aut amygdalarum & seminum melonis cremore, vel caprino lacte, ex quo gabatam iustam, frigidiusculo bibebat: & desuper parum pulli gustabat. Quæ omnia in cœna iterabat: sed interdum condita sacchara gustabat, videlicet, lactucā, portulacā, semen melonis, cucumerem, citrulum, pyra moschata, & huiusmodi alia saccharo incrustata, vel parata. Et post eā id quod in potu continuò habebat, ebibebat: videlicet, aquam hordei, iulepo violaceo illi admisto, cōtusum ex pullo, adiecto cremore seminis melonis, cucurbitæ, vel citruli, aut lactucæ, vel papaveris & portulacæ, quo multum oblectabatur, illi repetebant. Hic verò plerūque noctu tres vel quatuor horas dormiebat, & quādoq. vigil manebat: sed tū iusculis, aut contuso, semen papaveris albi, vnius vel alterius drachmæ pondere, infundi iubebam: sed eius vice, sæpè syrupi papaveris vncias duas, aqua lactucæ dilutas bibebat. Cæterum, successu temporis ob epota medicamenta, stomachus laxior factus: prædicto cōtuso puluisculum cinnamomi, & coraliij, & margaritarum præparatarum, immisceri iubebā,

ventr

ventriculi ipsius roborandi gratia: aut
portiunculam specierum Diamargarito
nis frigidi: cuius descriptionem, à nobis
euulgatam prima harum centuriarum ha-
betis: sed tunc exterius os ventriculum
oleo mastichino fouebatur, vt inferius
latius hæc patebunt: cætera verò quæ ad
sex res, non naturales, spectant, vt hecticis
conueniunt, debito ordine habebantur.

BRANDANVS. Si verum est Medicorum
nostrorum axioma, contrariorum con-
traria sunt remedia, Hecticis aer conue-
niens, frigidus & humidus sit docet: vt
qui æquali intemperie, calida sicca labo-
rent: ad quid igitur, ô Amate in hectici
cubiculum ignes inferendos curasti?

AMATVS. Nūquam, me herclè. te tam
lethargum, aut obliuiosum putaram, vt
qui paucis antea lineis à me signatam
causam memoria deponeres. Norunt vel
garruli barbitonfores, nedum cordati
Medici hecticis aërem frigidum, & hu-
midum conuenire, ignem tamen intra
ægroti cubiculum inferendum curavi: vt
aquea quædam, sed pessima aëri mista,
humiditas expelleretur. Quæ frigiditati
iuncta subleuatos, ex intima corporis par-
te, vapores in cute augebat, densabat, &
in aquam vertebat: vnde ille madidus, &
sudore

sudore respersus continuò affligebatur. Ut duæ mulieres noctu diuque id solùm agerent: vt eius sudorem detergerent. Solet sæpè, cameris occlusis, & in quibus iamdiu ignis non fuit, similis vigere humiditas, vt docuit quoque Galenus libro primo de sanitate tuenda. & eo magis si parietes noui sint, aut vasti & lati, vt in turribus & carceribus euenire videmus, qui sanè aër cutis poros obstruit, & magis obest, quàm prodest: vnde Galenus. aërem nimis frigidum hæticis rāquam obnoxium detestatur, lib. decimo Meth. Med. & libris de diff. febriū. BRANDANVS. Placent hæc, sed in illa domo vllāne alia cubicula erant, in quæ ægrotans transferri posset? AMAT. maximè, domus nāq; quā bonus vir hic habitat per ampla, & magnifica est: quæ ad porticum vbi Mercatores negociātur, & suis mercaturis operam dant, posita est: & nonnulla alia cubicula habet: sed cubiculo hoc quo ægrotus decumbebat, nec maiora, nec ita, vt illud, apta. BRAND. Cur igitur extra domum illam, atq; in aliam opportuniori aëre eum transferri nō iussisti? AMAT. Cordatè ais, & cō magis quia Galenus vir medicus consummatissimus, Romæ sæpè ægrotātes nō tantum

cx

ex vna domo, ad aliam traducebat: sed
extra urbem eos ad alias longinquas re-
giones sanitatis acquirendæ causa, rele-
gabat: vt ad Tabias, & longè distantem
Syriam. aut (vt Celsus primo tradit) ex
ipsa Roma, Alexandriam : quod Hippo-
crates ante omnes, vt Primus medicorū
Parens docuit, dicens libris Epidemio-
rum, & Aphorismorum, solum mutare
patrium, in diuturnis morbis, bonum. Is
tamen ægrotus (vt paucis tibi dicam) ex-
tra domesticos lares migrare noluit: imò
& ego cū aërem correctum parato ar-
tificio viderem, nō admodū laboraui
de eo ad alteram domum transferendo
BRANDA. optumè, ne graueret tamen,
pro tua humanitate, nobis rationem me-
dicamentorum, quibus hunc, veluti ex
perturbato mari ad portum, incolumè
& sanum perduxisti, recensere. AMAT.
Lubenter faciam, & paucis absoluam, &
cò magis quia in re graui, & difficili,
hucūque morari sumus: item vt tu apud
Britānos præsertim Bristolij similia re-
cte opereris Primò igitur hoc descripsi-
mus apozema. cuius in aurora sex ebibe-
bat vncias, & ita habet. R. hordei mundi,
vncias duas, foliorum boraginis, endi-
uiæ, cichoreæ ana pugillum vnum. pru-
norum

norum pinguium, sebesten, ana numero xij. senę drachmas duas, pimpinellę pugillum medium, florum borraginis, buglossę violarum, ana drach. vnam, seminis portulacę lactucę, endiuie, papaueris albi ana drach. duas, seminis melonis mundi, vncias duas. In libris sex aquę, fiat decoctio secundum artis ministeriũ, ad medias, facta colatura, & decenti expressione: adde, Syrupi decichorea, de violis ana vnciam vnam. Misce, fiat apozema, ex quo, singulis diebus in aurora ieiuno stomacho singulas sex vncias bibat, & insuper dormiat, tunc vero pectus vniuersum, & costę, cũ vniuersa dorsi spina, hoc inungebantur vnguento.

R. olei violacei vnciã vnam & alterius mediam, butyri recentis, xũgię gallinę ana vnciam mediam. Pauca cera alba, ad ignem fiat vnguentum molle. Ceterũ, hoc eodem tempore & sequenti, curę nobis erat, vt ab eis responderet, præcipuè clysteribus refrigeratibus, ex aqua hordei, oleo violaceo, saccharo, & ouo, nonnunquã verò atramento cassię ægyptiacę adiecto. At interdiu noctũque conditum hoc gustabat. R. Sacchari rosacei, violacei, buglossacei, boraginacei, ana vnciam mediam. Sacchari candi, drach-

drach. quinque. pulueris coraliij rubei
drach. vnam. In mortario marmoreo om-
nia conterantur, & fyrupo de pomis exci-
pantur, & fiat mistura: de qua per inter-
ualla gustet: & desuper aquam violarum
& boraginis simul mistam pitisset: huius
tamen misturæ loco, condita saccharca
(vt dixi) comedebat, præcipuè quando
eam fastidiebat: iis enim placidè ægrotus
hic habebat, consueta tamen habituali fe-
bre infestus. Elapsis curationis diebus
duodecim, ad balneum dulcis aquæ cum
vocauius: quod ita habet,

℞. Foliorum endiuia, lactuæ, maluæ,
hordei mundi, an. pugillos duos. In ma-
gno aquæ caldario pleno fiat decoctio
sufficiens, & in cortina lignea, ad id para-
ta, secundum hominis longitudinem, in-
fundatur, prædicta decocta aqua: & si
opus fuerit, ex frigida illi adiungas, vt te-
pida sedentis collum vsque attingat, in
quod balneū intrabat, & vniuersum eius
corpus (capite excepto) magna eius volu-
ptate, ad dimidiā horam, vel integrā, mo-
rabatur. Sed tunc quando ex cortina exi-
re volebat, prædictum bibebat apozema:
& frigida irrigabatur aqua, suadente ita
Galeno, tandem leuiter corpore à mado-
re absterfo, cum dicto vnguēto, aut simili

inungi iubebamus: præcipuè circa spiri-
tualia membra vniuersa, & dorsi spinam,
& circa ventriculi os, ex oleo cotoneorū,
& circa iecur, vnguento santalino. Sed
tunc cum cubile ingrediebatur, non dor-
miebat, quia à balneo somnus corpus
emaciat. Elapsis verò aliis octo diebus,
ventriculus debilis ei redditus est: vt agrè
concoqueret, & retineret, quæ comede-
rat: imò ea ipsa citò per secessum remitte-
ret, incocta, & non malè olentia, tunc ori
ventriculi ceratum applicitum est hoc.
R. Ladani optimi, benè & suauiter olen-
tis, & quod ad candelæ ignem facilè ac-
cendatur, vnciam vnam, rosarum rubra-
rum, thuris mastice ana drachmas duas,
spicæ celticæ, indicæ, ana scrup. duos. Gal-
liæ moschatae Mesuæ drach. mediam, co-
ralij vtriusque ana drach. vnam, & alte-
rius mediam, terebinthinæ parum: mi-
sce, & ad ignem fac ceratum: & pāno coc-
co infecto, ad scuti formam excipiat, &
& ori ventriculi admoueat: item, vt
omnino os ventriculi robur acquireret
etiam ferculis, quibus vescebatur, & actu
parum calida comedi debent, vt suadet
Galenus libro decimo Methodi med. pul-
uisculus is misceatur, Qui habet. R. Cin-
namomi optimi drachmam vnam, coraliij
rubri

rubri præparati, margaritarum præparatarum, ana drachmas duas. Seminis sumachiorum, drachmam mediam. Omnia subtiliter puluerizentur, & misceantur, ex quo puluere drachmam mediam pro vice, iuribus infundebat: sed audi, vt omnibus machinamentis ventriculo adiuumentum præstaremus, initio prandij & cœnæ parum diacitonitis ex saccharo parati comedebat, & à potu decocti siue apozematis descripti, nostris monitis destitit. Porro, quum sic aliquot dies maneret, & ventriculus robur adeptus esset, hic in tussim incidit, & in ore falsum saporem percipiebat, sed excreabat: & tunc syrupum violaceum, & de succo farfaræ paratum, adiectis similibus aquis, in aurora bibebat, & interdiu & noctu, loch de althæa & farfara lungebat. Cæterum, quum rectè à tussi valeret, à capite ad os excrementum descendere percipiebat, cuius portiuncula ad pectus quoque labeatur, & tussim irritabat: contra quam affectionem decoctum hoc parare illicò iussi. R. plantaginis, hordei mundi, rosarum rubearum, violarum, ana manipulum vnum, seminis melonis mundi, cucurbitæ, citruli, ana vnciam mediam, in libris quinque aquæ, fiat decoctio ad

consumptionem duarum partium, facta colatura: adde syrupi rosacei de rosis siccis vncias duas misce, fiat potus longus, cuius vncias quinque in aurora bibat, & subhinc dormiat. Interdiu autem diadragacanthum cum bolo armeno in ore tenebat, & aquam ex decoctione coriandri bibebat: & noctu diacodij simplicis rotulam vnam vel alteram drachmæ pondere gustabat, quibus breui à tussi & catarrho immunis euasit. Qua de causa, iterum ad consuetum balneum, cum traximus: in fine cuius vncias octo lactis capriui optimi, & calidi, recens emulcti, pauco saccharo fino adiecto, bibebat: à quo non tantum balnei ratione, sed lactis ipsius causa, non dormiebat: quia post epotum lac dormiendum non est, nec exercitatio vlla corporis habenda ad quatuor saltem horas: vt meminit Aëtius sermone secundo, suæ medicinæ, capite 93. cui titulus est, de Modo, tempore, ac mensura vtendi lactis. Quum verò in lactis potu perseueraret, quod ex capra (vt dixi) erat, quæ lactucis, endiuia, cicorea, rubi summitatibus, hordeo, & similibus vefcebatur: restaurans hoc conditum sæpe comedebat, quod habet. R. carnis capi iunioris, vncias tres: pistaciorum, munda

mundatorum & lotorum, amygdalarum
d. lotarum. ana vnciam vnam, & alterius
mediam, Seminum quatuor communium
frigidorum, ana vnciam mediam, specie-
rum diamargaritonis frigidi, drachmas
tres. Saccharo tabarzethico aqua rosacea
dissoluto, ad ignem misce, & fiant morsuli
tenelli. Iis enim & optimo constituto vi-
ctus ordine, à nobis perscripto, intra duos
menses hic sanatus est, magna artis me-
dicæ gloria: vt qui ab omnibus deplora-
tus habebatur: nunc verò viget, & gau-
det, & lactis potum sibi familiarem habet,
vt omnes Teutoni solent: imò ex se non
raro balneum parari iubet, in quod ingre-
ditur: quia eo maximè delectatur.

*Curatio quinta, de pleuritide, fur-
culam, & scapulam dextram pre-
hendente.*

MVlier Illyrica, annos nata quadra-
ginta quinque, & quæ iam confue-
tos menses amiserat, robusta, magna, car-
nosa, vt eam ex Gigantea prole quiuis
diceret, in pleuritim incidit: nam furcu-
lam siue clauiculam cum scapula acri-
ter dolebat, continua febris laborabat,
nonnihil tussiebat: sed ægrè spiritum du-
cebat. Hanc igitur sic malè affectam vbi

primum vidi, illico sanguinem ex axillari
eiusdem brachij dolorem respicientis ad
integram vsque libram emittendum cu-
raui: post quam sanguinis emissionem
fomentum exceptem filtro loco dolenti
adaptabatur: habet autem fomentum sic,
R. hordei mundi, matrum violarum, fo-
liorum maluarum, camomillæ, branchæ
vrsinæ, radicum maluaufisci, parietariæ,
rosarum, ana pugillum vnum, Seminis
maluæ fænugræci. S lini, ana pugillum
medium, in aquæ libris decem fiat deco-
ctio sufficiens: cui postea adde olei viola-
cei, rosacei, ana uncias duas: misce, & in
ea filtrum imbuatur, exprimaturque: &
dolenti loco calidum admoveatur, & ite-
retur. Ac postea ex vnguento pectorali
locus prædictus doloris inungatur: sed
tunc syrupum violaceum, aqua hordei
dilutum, in aurora bibebat: & interdiu
syrupum eundem violaceum cochleari
lingebat, aut loch ex althæa, vel farfa-
ra, & hordeaceam iulepo violaceo mi-
stam bibebat: & panatellam simplicissimā
penidiis paratam, aut ptisanam optimè
coctam in victu habebat: iis enim ita gu-
bernata, intra septem dies conualuit:
clysteres tamen, quum opus erat, iniicien-
dos curabamus. Simili modo sanitati re-
stituta

stituta fuit filia Marini, prædictæ mulieris vicina, puella septemdecim annos nata: quæ & ipsa, eodem die pleuritide correpta fuit. Veluti homo Antonij Carrionis, natus annos triginta, coloris ruffi, qui tunc ex Neapoli per Anconam, Bruias nobilem apud Flandros ciuitatem, patriam suam se recipiebat.

Curatio sexta, de sanguinis reiectione, per intervalla, simulque de fonticulo in brachio adaperto, ad priscorum imitationem.

IOannes Baptista Vccellinus, iuuenis Florentinus, optimis litteris, & moribus apprimè imbutus, temperatura atrabiliaris, gracilis, collum oblongum habens, pectus admodum strictum, capitis destillatione, subiectas corporis partes offendente, laborare solebat. Qui subinde per intervalla, sanguinem per os reiectabat, absque tamen tussi, & anxietudine aliqua, paucum: aliquando satis floridum, & viuidum. Cæterum, quum optimo victus ordine vteretur, & varia medicamenta, & remedia experiretur, & nihil

commodi consequeretur, languescebat: & contra artem medicam, & eius ministros irāſcebatur. Petiit igitur, quum morbus ex iis sit, qui inducias præbeat, & temporis intercapedinem ponat, nec ſæuitiem, aut periculum aliquod ſecum afferat: ex latē patente, tamque diuina arte remedium decerpamus: quo liber, immunis, que ab hac ſanguinis reiectione euadat. Ego verò, vt qui ſciam artem medicam vniuerſam perfici, vno ex tribus instrumento ſuadente id ſæpè Galeno, & Auicenna eius interprete: nempe, diætā, hoc eſt, victus ratione: medicamento, id eſt, remediorum potu & aſſumptione: & opera manuali, Græcis chyrurgia dicta: videns vtique nec diætā, nec pharmacis iuuenem hucusque iuuatum: ad opus manuale, tanquam certum & à me, & cæteris hodiernis doctis Medicis, pro comperto remedio habitum, confugi. Id autem eſt, fonticulus paratus in brachio, tribus vel quatuor digitis ab humero, inter illos muſculos: qui in molles carnes habentibus, ſolo veſicatorio admoto ex cantaridibus pauculo cum fermento, & aceto parato, excitatur. Veſicula enim ex eo leuata forficibus ſcinditur, & ciceris granum ſuperimponitur, & ſtrieta
fascia

fascia superligatur : ita vt carnem penetret, & fonticulus adaperthus maneat: sed ciceris postea loco, pillula ceræ viridis, vel communis, introduci poterit, ægrotantis arbitrio. In iis verò qui duras carnes habent, candente ferramento foramen excitatur. Sed in iuvene hoc vesicatorio fonticulus excitatus est, ex quo tantum iuuamenti consequetur est, quantum ipse votis cupiebat: bis tamē in die, manē & serò, fonticulū illū apertū curabat, & à sorditie abstergebat, nouo semper mutato cicere. BRANDANVS. Hoc vnū iam pridem à te ô patrue amātissime, scire vehementissimè desiderauī, an prisci fonticulos hos, & iis similes, grauibus in morbis, rebellibus & diuturnis admittere in corpore consueuerint? AMATVS. Extant nepos charissime (vt paucis tibi respondeam) omnes ferè libri Medicorū priscorum, tam Græcorum, quàm Latinorū, qui testantur, quum grauis se offerret morbus, illicò ad cauteria, & excitata vlcera, authores confugisse: ex Græcis Hippocrates est, Medicorum omnium primus parens: dein Galenus eius maximus ampliātor, & syncerioris medicinæ vberri-
mus fons. Tertius ante eum ætate, magnus rerum inuestigator, & singularis

doctrinae author Dioscorides est: cuius
præclara in Hippocratem Commenta-
ria, sua lingua conscripta, nunc Con-
stantinopoli haberi, à fide digno homi-
ne accepimus: quæ nos omni diligen-
tia, pro salute iuuanda humana, & arte
ipsa medica amplianda, habenda breui
curabimus. Cæterum hos sequuti sunt
postea viri doctissimi, & eruditione mul-
tiuga ornati, Aræteus siccam, nec adeò
succulentam doctrinam præ se ferens.
Paulus Ægineta, doctissimus vir, & qui
Galenum in compendium redegit, vt
Geleni simia dici rectè mereatur. Aëtius
diligentissimus medicus, & qui ex mul-
tis & doctissimis libris, sermones in me-
dicina sexdecim, vniuersam complecten-
tes medicinam, compilauit. Alexander
Trallianus, cognomento Medicus di-
ctus, & meritò, vt qui suo iudicio multa
arti medicæ adiunxerit: nec sic facile
omnes ante se imitetur: sed Galenum
quandoque, recto cum iudicio, vellicet:
& ab eius dictis meritò discedat. Hic,
vt artem medicam rectè teneret, ma-
gnam orbis partem peragrauit: vt ex
Græcia non modò in Italiam, sed in Gal-
liam, & Hispaniam, & in Africam perue-
nerit: vt ex suis dictis elicitur. Magnus
Oribasi

Oribasius, cuius ex tam multis & vastis operibus, paruum volumen hodie tantum habetur. Hi, & multi alij, quum in morbos grauiore, & contumaces, accuratu difficiles, agrotos incidisse viderent: quos nec victus ratio, nec medicamenta vlla iuuarent: illicò ad imprimenda cauteria in capite, in scapulis, in brachiis, in spina dorsi, in cruribus, prout morbus postulabat, vnum, duo, tria, plura & varia pro morbi genere, & agroti tolerantia, confugiebant: & vlcera incitabant. Hippocrates sic, post diætam multam, & medicamenta varia adhibita, ac lac narium propinatum, ad cauteria se diuertit, vt apud ipsum legere potes (vt cæteros suos libros taceam) libro secundo de Morbis: vbi præcipuè à capite morbos exortos, prosequitur: quo in loco crustas octo, ex vstione fieri iubet, duas circa aures, duas in occipitio, hinc atque hinc ad ceruicis neruum, duas in naso, ad oculorum magnos angulos: sed latiùs libro de Internis affectionibus. Qui sanè liber, totus vstionibus, & sectionibus scatet, sæpè autem pectus, & dorsum in eo Hippocrates vrit: & supra vsturâ statim porrum multum, tritum imponere, per diemque perma

permanere iubet. Nos verò hodie butyrum per se, aut maluæ & oui vitello mistum superponimus: aut ex iis compositum, pauco oleo rosaceo exceptum. Sed in eo morbo, vbi medulla spinalis ficitur, præcipuè à Venere, varia cauteria affigi iubet: veluti quum renum morbos curat: videlicet ad scapulam, ad acetabulum coxæ, ad nates, ad medium femur, ad genu, ad malleolum, hac condicione: vt si carnosæ fuerint loca, ferro vratur: si verò ossea, & nervosa, ignitis fungis. Tu verò hodie dicas, aut causticis medicinis, vt oleo vitreo leo, id est, ex vitriolo, composito, vel oleo ex Mercurio, vel ex Antimonio, cōcinnatis: & chimica arte extractis: aut caustico medicamine, ex viua calce, & prima saponis aqua, cōflato: quod ornata officinæ pharmacopoliæ paratum, & promptum semper habent: vt varia alia silentio præteream, quibus opus hoc cōfici potest: sed ex cantharidibus vesicatoriū, adiecto aceto acerrimo, & pauculo euforbio, cum fermento paratur, satis bonum, & medicis vulgare. Sic autem, eodem libro citato Hippocrates, & splenem, & varia alia membra, quum opus est, vrit: vt libris Epidemiorum, & sexto Aphorismorum, & libro de Articulis: quem secutus Galenus

nus

nus idem facit, vt ex eo elici potest, prædictis commentariis supra Hippocratem: præcipuè libro sexto de Morbis vulgaribus, & sexto libro aphorismorum aphorismo sexagesimo, & libro de articulis, & libris de locis affectis, vbi propè genu crus, & brachium ad humerum inurere iubet. Quod Hippocrates, & Galenus, idem faciunt cæteri Græci medici à nobis citati: ex quibus vnus præ cæteris Paulus Ægineta medicus cordatissimus, & sapientissimus libro sexto suæ medicinæ consulendus venit. Veluti & cæteri Romani medici, vt C. Celsus magnus Hippocratis imitator, in vniuerso suo opere medico, præcipuè libro tertio, capite 23. in quo de morbi comitialis curationibus agit: & libro quarto, capite secundo, vbi capitis morborum curationes persequitur: & cap. 22. eiusdem libri quarti, quo docet vlcera à cauterio cōtracta diu aperta tenenda esse, quousque morbus conquiescat. Missos facio cæteros huius viri libros, in quibus id in primis agit: & magno ægrotantium iuuamento exercet. Idem agendum suadet author libri, cui titulus est Trotula, antiquis Romanis medicis adnumeratus. Idem Marcellus vir præclarus: idem Scribonius Largus,

vir

vir antiquissimus : idem Plinius Secundus libris suis de re medica quinque : idē Cælius Aurelianus Siccensis , medicus doctissimus & absolutissimus in quinque de Morbis cronicis libris : idem Theodorus Priscianus, scribens ad Timotheū, ad Victoriā, & ad Eusebium : idem & Mauritaniæ factionis authores præcipui : Auicena quarta fen libri primi, & prima fen libri tertij, capite de Apoplexia : idem Razes, & Alzaraius. Sed ex ijs, & eorum sectatoribus, nemo est (vt ego arbitror) qui doctius, clarius, aut cordatius vno Albucasi, rem hanc tractauerit, in eo præcipuè tractatu, qui chirurgiæ Petri ab Argillata, adiectus est, & ab hinc vigintiquinque annos, varijs chirurgicis instrumentis pictis, Venetijs fuit excusus. BRAND. Optimo consilio hæc à te ò Amate dicta sunt, vt ea cū mihi dabitur inuestigandi occasio apud præclaros hos authores percurrere possim : sed cū ad opus deuenerim, vt operari sciā, dicas, (rogo) quibus nam locis sapientes hodie medici in comtumacibus defluxionibus, & antiquis catarrhis cauteriū admovent. AMATVS. Hoc differenter, pro varia distillationis ratione, medici agunt : & (vt rem teneas) audi, in

iuuene

iuvene hoc, de quo agimus, vt qui de-
 stillatione antiqua laboret, fonticulum
 in brachij dextri parte syluestri, quatuor
 digitos ab humero inter musculos ape-
 rire iussi: & ita semper, vel maiori ex
 parte, quum in brachio candente ferra-
 mento, vel caustico medicamento vlcus
 excitare decreueris, eo in loco fieri de-
 bet: vt etiam superioribus diebus factum
 esse vidisti, Sallustio Burquesio Viro no-
 bili: & Coronelio Anconæ: cui ob deflu-
 xum à capite in pectus, & subiectas cor-
 poris partes, duo cauteria ambobus bra-
 chiis inflicta sunt, singulū pro parte. Qui
 sæpè voce priuabatur, & corporis fun-
 ctionibus destituebatur, nihil proficien-
 ribus medicamentis variis, & potu aqua-
 rum è thermis, tandem hodie fonticulo-
 rum horum beneficio, ita rectè valet, vt
 nunquàm melius: aliquando verò ad nu-
 cam, quandoque ad scapulam, sed in cru-
 ribus sæpè quoque fonticuli in aperiun-
 tur, sed præsertim in articulorum dolori-
 bus. BRAND. Qua igitur parte in cru-
 ribus parandi fonticuli ij sunt? AMA-
 T V S. Non secus ac in brachiis, quatuor
 digitos à genu, syluestri in parte, inter
 musculos, ad hos nanque fonticulos, hu-
 mores soliti in pectus fluere per coxas, &
 subiect

subiectas corporis partes trahuntur, & per eosdem purgantur: vnde superiores corporis partes mundæ & liberę euadunt. In vteri tamen vitiis, & affectionibus, interna potius cruris pars aperienda est, vt infra dicetur. Cæterum, cum quatuor digitos dico, intelligas velim, plus minus pro corporis ratione, vel ipsius ægrotantis mensura.

BRAND. Beasti me ò Amate: vt qui hæc ita clarè docueris: vt iam deinceps non sit futurus medicus, qui ante oculos ea habiturus non sit: immo ijs & similibus tandiu à te edoctus ego, non verebor publicè Londini, aut Bristolij, apud Anglos: aut Olyssipponi apud Lusitanos: & Sanctereme mea patria, artem medicam exercere: sed vnum (vt ego reor) prætermisisti, Patruæ dulcissime, & est, an in commissura, coronali dicta, cauterium ignitum affigendum sit, præcipuè in desperato catarrho, vt omnes hodierni factitant medici. AMATVS, Id consultò præterieram: vt qui Secunda Centuria harum curationum quæsitum obsolueram: & pro summa dixeram, in catarrho calido, à candentibus ferramentis, & causticis medicinis abstinendum esse: vt Alexander Trallianus, magno iudicio, contra

tra Galenum contestatur. Quia humores magis igniti, fluxibiliores euadunt, & consequens maius nocumentum inferunt: nec est, quod cauterij iuuamenta adducas: quando ea in humore calido nullius sint momenti, secus autem in frigido. Nam cum catarrhus à frigido humore pendeat, tunc commissuræ, siue futuræ coronali, cauterium inditum, summum est iuuamentum. Hæc autem obiter sint dicta, de cauteriis, & vstionibus, dicturus tibi multò plura, cum occasio se obtulerit: præcipuè in coxendicum dolore, inurenda coxa, quum varient Authores. BRAND. Eò mihi gratius erit, quia cum de hac re differueris, illud Galeni, contra quosdam medicos, ex commentario secundo, in librum sextum de morbis vulgaribus mihi interpretaberis: quod à te pridem audiui, & mihi mente excidit. AMATRVS. O teneo id, quod cupis: est enim locus apud enarrationem nonam prædicti commentarij, quæ huic nostro colloquio multum fauere videtur: in ea nanque Galenus vnum proponit, quod quidam cum in coxendicum dolore, coxa iniustus esset, illicò dolore liber euasit: quæritur tandem quid in causa fuerit, quod dolor coxendicus leuatus

d

ita breui post inustionem illam fuerit? cui
 quæsito respondent nonnulli, quòd huius
 rei causa fuerit dolor consequens inu-
 stionē, quod falsum esse Galenus tradit.
 Et eos, tanquàm in arte medica, & philo-
 sophia, parùm exercitos detestatur: quum
 dolentibus, nullum dolor præsidium affe-
 rat: adferunt autem auxilium anodyna
 remedia, hoc est, dolorem leuantia, affe-
 ctum tollendo, per quæ, multæ dolentes
 partes sanantur. Non igitur ob dolorem
 dolor coxendicus sedatus fuit, quia dolor
 exasperat, & magis contristat: ob inustio-
 nem igitur adhibitam, quam consequitur
 membri roboratio, & humoris difflatio,
 & expulsio, & malæ qualitatis impressæ
 extirpatio prædictus subleuatus fuit do-
 lor: non verò ob dolorem, inustionem se-
 quentem. Hæc enim tibi, satis ad præsens
 fore duxi: dicturus multò plura, cùm ca-
 sus variij se nobis obtulerint.

*Curatio septima, in qua agitur, de
 lumbricis cum febre.*

Filia Trapezitæ, qui ex Pisauro Anco-
 nam venerat, puella nata annos qua-
 tuor, obesula, & boni habitus: febrì conti-
 nua affligi cœpit. Qua, & per interualla,
 tremo

tremor e quodam, vniuersum corpus cor-
 riciente, cruciabatur: quo inter dormien-
 dum quoque vexabatur: & eò sæpè exper-
 gescebat. Ad hæc, manus ad os, & nares
 sæpè admouebat: imò os ipsum sæpè ape-
 riebat: per quod halitum, vermes præ se
 ferētem, expirabat: vt nunc puellam hanc
 vermibus laborare cum ingēti illa febris,
 mihi certum esset: & eò magis, quia ante
 paucos dies, eorum nonnullos egresserat.
 Puellam igitur hanc sic afflictam conside-
 rans vespere, quo tempore stomachus ie-
 iunus ferè erat, sic illicò remedia illi paro.
 Et primò per os electuarium ex Rhabar-
 baro concinnatū, quod officinis paratum
 prostat, illi ebibendum tradidi: cuius de-
 scriptionem infra habes, & clysterem ex
 lacte iniici curavi. Sic enim medicamen-
 tum habet, ex Rhabarbaro compositum.
 R. Rhabarbari, Agarici, ana vnciam me-
 diam, spicæ celticæ grana octo, salis gem-
 mæ, drachm. vnam, sacchari albi libram
 vnam, aqua graminis sufficienti omnia
 excipiantur, & fiat electuarium: cuius do-
 sis ad vnciam integram sit: re vera tamen
 sequens medicamentum hoc, interiectis
 nonnullis diebus, illi propinauimus. R.
 Electuarij de Rhabarbaro vnciam me-
 diā, diasebesten leniētis, drachmas duas.

Seminis sancti scrupulum vnum, cum aquæ portulacæ vnciiis tribus: misce, fiat haustus vnus, à cuius potu, illicò ex lacte clysterium iniectum fuit. R. Lactis caprini, vncias decem, sacchari rubei vnciam vnā, vitellum oui vnum: misce, fiat clysterium. Porro, medicamentum epotum, post horam euomuit, & parum egressit, vt nullum emisisse vermem, nec integrum nec comminutum (vt sæpè fieri solet) crederetur. Tunc victus, panis affusus iure pulli portulaca incocti, illi erat, cui aromatum vice, puluisculus coraliij præparati, scordij, & dictami Cretenfis erat: potus verò, aqua Coriandro incocta, pauco vino granatorum mista: sequenti nocte puella melius non habuit. Itaque parentes maximo dolore affiebantur: in aurora verò clysterem parare iubeo, ex decocto coriandri herbæ, portulacæ, graminis & acetosæ, adiecta semiuncia hieræ picræ, & oleo violaceo & rosaceo, singulorum vncia vna, quo multa & varia egressit: tunc verò aliquantulum quieuit. Cæterum, quum per vetulam quandam ceratum supra cor, huic admodum esset, ex aloë, myrrha, & alijs huiusmodi compositum: ecce autem fortè fortuna, caliditate, & attractione,

Etione febris intensè aucta est: unde puella angi cæpit, & aliquantulum delirare. Tunc ad eam vesperi ingressus, eodem modo eam afflictam, & eius parentes non mediocriter turbatos reperio: qui tunc post varia vtrò citroq; dicta, ceratum supra cor applicitum illi esse, id quod antea occultauerant, mihi significarunt: quo percepto, & deposito cerato: epithema (vt errorem à vetula commissum sarcirem) supra ipsum cor poni iussi: quod habet. R. Aquæ acetosæ, rosarum, portulacæ ana vncias tres, aceti rosacei, vnciam vnam, & alterius mediam, croci, grana. vj. specierum dia margaritonis frigidi, drachmā vnam, vini odoriferi optimi, vnciam vnam, coriandrorum præparatorum subtiliter pistorum, drach. vnam.

Misce, fiat epithema, & cordis regioni applicetur, & sæpè innouetur. Item, ori vetriculi remedium hoc applicitum fuit.

R. portulacæ pugillum vnum, & aceto acerrimo incoque, & sic tabefactam herbam ori vetriculi admoue, ijs enim remedijs febris imminui cœpit, & puella melius habere: tunc victus & potus, dicto modo erant. Re vera tamen vniuersam hanc curationem clausit bolus armeniaæ verus: quem (vt verum fatear)

nunquam antea videram: & is est, quem tantoperè Galenus libro nono de Facult. simpl. med. ad varia morborum genera laudat: est autem terra hæc, meritò lapis cognominandus. Quum gleba terræ sit, grauis, coloris pallidi, saporis butyrosi, nihil arenæ referentis, odoris non iniucundi: quam si in aquam infuderis, illicò vt calcem liquefieri videas. huius igitur scrupulum vnum, vel alterum in aqua acetosa, vel condito ex acetositate citri, puellæ dabamus, qua ex toto sanata est. Cæterum, hanc siue terram, siue lapidem, siue lutum, siue bolum armenia appellauerimus, Galeni modo nihil interest, quæ dubio procul, vera & germana est: & qua olim Galenus vti solebat, præcipue in lue pestilenti illa immani & sæua. Contra quam hodie Venetiis scintillantem, vtinam medici Veneti ea vtantur, & in praxim trahant.

Curatio octaua, in qua agitur, de talpa siue talparia, hoc est, tuberculo cum cranei corruptione, quod ad melliceridas, vel atheromata, vel steatomata reduci iubet.

Filius

Filius Romerij chirurgici, qui postea
 ē carceris fenestra se præcipitavit, &
 miserrimè obiit, annos nactus octo, gra-
 cilis, nec adeò bonæ temperaturæ, nulla
 interueniente extrinseca causa, per au-
 rem absque dolore, anxitudine, aut fe-
 bre aliqua, sanie multam emittebat. Cæ-
 terum, anno post, huic in capitis latera-
 li parte, tuberculum doloris expers, ni
 manu premeretur, apparuit: succedente
 verò tempore, puer feбри correptus fuit:
 quem cum pater infelix sic afflictum vi-
 deret, eius tuberculum capitis aperire,
 multis conuocatis chirurgis & medicis,
 decreuit. Quo tandem aperto tuberculo,
 cranei magna pars corrosa, perforatæue
 conspecta est. Sed vice cranei exempti,
 sanies quædam carnis modo concreta,
 nata erat, quæ supra duram meningem
 sedem habebat: tertio verò die, ab hoc
 opere, quum chirurgus scalpro rasorio
 corrosas cranei partes adæquare tenta-
 ret, & nonnihil prædictæ concretæ saniei
 extraheret: ecce post peractam operatio-
 nem, & puerum fasciatum, illico puer
 conuulsione & tremore correptus fuit:
 vt illico eum moriturum putaremus. Sed
 inde utcunque roborato capite, ex opti-
 mis herbis parato emplastro, fota quo-

que nuca oleo costino, & similibus, euasit. Sed tunc puer nihil gustabat, imò omnia fastidiebat, tandem sequenti die, eadem hora, simili aduentante paroxysmo: diem suum obiit. Quo die, in eadem domo puella quoque, phthisi consumpta, mortua est.

S C H O L I A.

Qui practicas ex recentioribus scripserunt, medici, tumores in capite vario modo appellant: videlicet, testudines, caries, rimas, & talpas, vel talparias, aut topinarias: quæ genera abscessuum, dubio procul, ad ea, quæ Græci atheromata, steatomata, & melliceridas appellant, referri debent, pro contenti ratione: de quibus Galenus 14. Methodi medendi tradit, & alibi sæpè, veluti & nos, qui eum pro viribus maximè imitari cupimus, his in Centurijs, fusè enarrauimus. Dicitur tamen tumor hic de quo agimus, talpa bene adaptato vocabulo, ab animalculo talpa, muri similimo, sed visu carente: quod terram fodiendo, sub qua vitam degit, eam in monticulos, & eminencias leuat. Hunc ferè morbum Hippocrates describit libro secundo de Morbis popularibus, cap. tertio, quem non lethalem esse tradit: & re vera, maiori ex parte agrotantes ex hoc euadunt morbo: obiit tamen puer hic, de quo agimus, quia exedens materia non solum cranium corrofit, sed duram

ram meningem imo subtilem : & ipsam cerebri substantiam malè affecerat.

Curatio nona in qua agitur de verrucis in balano à coitu contractis, qui morbus Græcis Thymus fortassis dicetur.

A Scanius Bronchonius, nobilis Senensis, iuuenis vigintiquinque annos natus, post habitum cum muliere coitum, verrucas in balano contraxit: cæteris sui corporis partibus rectè valentibus. Cæterum, hic, quum ex membro virili fœdationem hanc depellere conaretur, ne fortè eius contagio reliquæ corporis partes fœdarentur, chirurgos & medicos accersuit: qui post corpus sæpè expurgatum, & guayaci ligni decoctum ad multos dies ebibitum, & varia adplicita topica remedia, meliùs nō habuit: quum verrucæ semper fixæ manserint: si quandoque tamen remediorum vi delitescibat, breui postea repullulabant: vt ad quatuor menses morbus hic, sic progredereetur. Ad eum igitur ipse nouissimè accitus, post propinata catapotia à nitro dicta, quibus alius optimè respondit, verrucas hoc remedio bre-

d s

ui extirpauit, quod diligentissimè chirurgus nostris mandatis apponebat: habet autem remedium sic. R. Aquam argenteriorum, quam sortem vulgò appellant, ampulla excipe, in quam frustula aliquot chartæ dentibus contractæ, & exactè mastica æ, ad minùs per horas duas macera: dein verò vnicuique verrucæ vnâquamq; dictæ chartæ portiunculam adapta, pro loci, & magnitudinis ratione: butyri tamè recētis parum, aut vnguenti albi portiunculam, lineo panno exceptam, superpone: ipsis enim eradicatis, earum vestigia, ac derelicta vlcera, ex plumbeo vnguento ad cicatricē reducta sunt: iis enim tantum, intra paucos dies, hic ab hac fœdatione sanatus est. Qui postea (vt audio) miserè in bello Senesi interēptus est, magno parentum, & amicorum suorum dolore.

Curatio decima, de carneis excrescentijs, & ragadijs quibusdam, intra annum ad primum intestinorum, adnatis.

Fabritius de Medicis, illustris familiæ, apud Florentinos, iuuenis, vnum de viginti natus annum, post habitum morbum

bum gallicum, à quo curatus fuerat: intra
 anum carunculas, & ragades, rectum
 intestinum occupantes, ab eodem morbo
 derelictas, & contractas patiebarur: adeò
 sæuas, & malignas, ut quum egere-
 re vellet ingentem inde incurreret dolo-
 rem, anxitudinem, & animi deliquium.
 Quo factum est, ut sæpè non nisi singulis
 sex vel octo diebus, egereret: ita enim
 hoc cruciabatur morbo: ut post consul-
 tos Florentiæ, & Senarum medicos, Ro-
 mam venerit: ut illic quoque à doctis cu-
 raretur medicis. Quorum opera (ut pau-
 cis dicamus) nullum nobilis hic iuuenis
 inuamentum consecutus fuit: sed in dies
 peius habebat: adeò ut Anconam se rece-
 perit, ut saluti consuleret suæ, eique pro-
 uideret: ad quem vocatus ipse, morbum
 confidero talem, qualem à me descriptū
 percepistis. Sunt namque intra podicem
 carunculæ, ficos referentes (nouistis au-
 tem locum hunc propitium fici esse ve-
 luti & caput, non sunt tamen fici carun-
 culæ hæ) quæ primum intestinum infe-
 stabant, variis cum ragadibus: ob quas,
 quum egerebat, multum dolebat. Cau-
 sam porrò huius morbi referre, non pu-
 to operæpretium: pulcherrimus autem
 hic iuuenis erat, qui & morbo gallico in-
 fectus

fectus iam fuerat: quantum verò, ad curationem audi. Hic optima victus ratione, & subtili constituta, post eius corpus rectè preparatum, & purgatum decoctum rubi viticosi ad triginta dies ebibit: ita enim sarzam parrilham vocitandam meo in Dioscoride, primò sanciu: quum ex directo sarza parrilha, Romanis, rubus viticosus dici debeat: quæ (vt hodie compertum habeo) apud Dioscoridem similax aspera appellatur: vbique planta obuia, in dumetis spina sua sæuiens: cuius radices rotundas, sed oblongas à Dioscoride prætermittas, sarmentis æquales hodie eradicamus, in totum similes iis, quæ ex Peru afferri solent: & Romæ, & Venetiis publicè venales habentur. Proinde, quum radices hæc iam hodie recentes vbique haberi possint, non est, quòd ab India, & terra noua, eas amplius petamus. Gaudeant igitur Gallicana scabie infecti, quum tam præstans antidotum pro ea domàda, tam paucis nummis paratum habeant. Receptui igitur canentes, post epotum huius similacis asperæ decoctū ad triginta dies, quo semper iuuenis hic optimè sudabat, rectè valere videbatur. Sed interim hæc machinabamur speculo instrumento ferreo, quod matrici adaptabatur: vnde speculum

culum matricis nomen adeptum est, Latini-
 ores spicilum oricularium dicunt, po-
 dex aperiebatur: & carunculæ rubrican-
 tes, & nigricantes, aqua forti argentario-
 rum, aut oleo ex vitriolo, aut Mercurio,
 aut ex Antimonio, inurebantur: quæ faci-
 le cadebant, ac postea balanum ex pingue-
 dine porcina filo adligatum intromitte-
 batur. Quod per diem integrum, ni ege-
 rendi necessitas impediret, retinebat: & to-
 ties repetebat balanum, quoties aqua illa,
 aut oleo inurebantur carunculæ. Cate-
 rum, apprimè extirpatis carunculis, Sy-
 phone hæc impellebatur aluminosa a-
 qua, quæ habet. R. plantaginis, centum-
 nodiæ herbæ, hippuris, rosarum rubea-
 rum, balaustiorum, citrinorum ana pu-
 gillum vnum, radicis symphiti, Aristolo-
 chiæ rotundæ ana vnciam vnam, alumi-
 nis rochæ vncias duas in libris quinque
 aquæ, fiat decoctio secundum artis mini-
 sterium, ad medias: & coletur, ac syphone
 impellatur: & (vt dixi) vlcera irrigentur.
 Postea verò balanis concinnatis ex me-
 dicinis propitiis nunc, nunc, dicendis, vl-
 cera fouebantur: habent autem balani si-
 ue glandes sic. R. sarcocollæ, myrrhæ, a-
 loës, thuris, boli armenia pallidi & veri,
 pulueris radicis aristolochiæ rotundæ,
 ana

ana partes æquales, & decocto rubi viticofi omnia excipiantur: & formetur glandes crassitudinis, & longitudinis longioris digiti, medij dicti, quibus filum adaptabatur, extra prominens: aliquādo tamen ex gosapio glandes filo prætensæ parabantur: quas ex vnguento plumbeo illini iuebamus. BRAND. Maximo iudicio glandes hæ pro hoc curando morbo excogitatæ abs te sunt ô Amate: vt quibus intromissis, vires suas medicamenta super vlcera imprimere valeant diu.

A M A. Solis iniectionibus, & infusis, Florentiæ medici, & Romæ, pro hoc curando iuvene, præcisus primò carunculis, utebantur: quibus scopum nunquam attigerunt. Nos autem decocto huius rubi viticofi, dictæ similacis asperæ, ad triginta dies ebibito, & sæpè repurgato huius iuuenis corpore, subtili admodum victus ratione habitæ: & iis paucis citatis remediis, & nonnullis similibus: eum (vt nosti, & manibus tractasti) intra sexaginta dies pristinæ sanitati restituimus: nec postea vnquam repullulauit morbus.

Curatio

Curatio undecima, de febre interficiente grauibus & perniciosis symptomatis.

DAuid Donius, vir probus, temperatura sanguineus, renes calidos habens, veluti & iecur, obesus, faciem satis rubicundam præseferens, ætatis suæ anno quinquagesimo secundo, febribus laborare cœpit. Qui cùm per medicum tractatus esset, ad octauum diem, optimè habere dixit. At medicus multò plura machinari volens, quàm aut morbo, aut ægrotanti conueniret, nono die, illi valde potens purgans pharmacum obtulit: quo multa egressit, & breui malè habere cœpit: delirabat: intensè, & continuò febricitabat: & sudore frigido eius vniuersum corpus irrigabatur (vteo die ad eum vocatus exactè apprehendi, & vt ab assistentibus & familiaribus accepi) non multum à ratione distrahebatur: quia circa res, de quibus non diu antea tractauerat, eius erat sermo. Huic lorium crassum, turbidum, & subalbidum erat: quo & pulsus vtcunque constabant, & ad oblata bene rectèque habebat. Caterùm, quum hic post nimiam humorum excretionem, malè

malè habere visus esset, ad ea remedia,
quæ conueniunt vitiis, & symptomatis, à
medicamento post purgationem dereli-
ctis, confugere visum est, pro vt medici
actitant:& Ioānes Mesue vir doctissimus,
omnibus suis numeris absoluit, quarto
theoremate libri sui primi. Erant autem
ea remedia, (vt paucis dicam) hirudines
venis hæmorrhoidalibus applicitæ:cucur-
bitulæ scapulis admotæ, epithema vniuer-
sum pectus refrigerans, & aliud quoque
renes respiciens:ad hæc, clysteres alteran-
tes,& corpus ad frigidum trahentes:oxi-
rhodinum capiti admotum,& similia.Sed
victus quoque huic,cōtusum ex pulli car-
nibus erat, duabus ptisanæ rectè paratæ
adiectis portiunculis: cui sæpè syrupum
de papauere miscebamus:aliquando verò
eiusdem papaueris albi semen, pondere
drachmæ vnius. At, post ebibitum contu-
sum, ita (vt dixi) ptisanæ mistum, iure opti-
mo pulli offas imbutas comedebat: & tūc
aquam hordeaceam iulepo, & vino grā-
natorum acetosorum mistam superbibe-
bat.Porrò, phrenitis in dies perseuerabat:
qua de re, abrais capillis, embrocha, siue
irrigatione caput eius præcipuè anterior
pars, siue iput dicta, ex alto irrigabatur: vt
optimè agēdū suadet Galenus libro tertio
decimo

decimo Methodi medendi, capite 22. Et postea ex vnguento populeo caput inungebatur: & quandoque ad pileum, ex ranis confitum viuis, deuenimus: qui vniuersum caput prehendebat, veluti ad pullos dissectos innato suo calore calentes: quibus sic dissectis, hyosciami succus affundebatur. Sed vice pullorum gallinaceorum, vel columborum, animalium pulmones calidi, prædicto fomento imbuti, apponebantur. Quæ omnia remedia nihil profecerunt: quinimò in deterius vires labebantur: & morbus præualebat: adeò vt à præsagio habito, hic quartodecimo die obierit.

S C H O L I A.

In dubium verti posset, num agrotus hic ob violentum & acre propinatum pharmacum, diem suum obierit? demùm (vt coniecturis assequi possumus) cum Galeno dicemus libro De const. art. medica, vt humor intus latitans, & fortè principem partem offendens, repente ab ea ad membrum ignobile defluere poterit, & tunc ager pro deplorato habitus rectè validèque habebit: ita contrario euenire sape, vt humor partem ignobilẽ obsidens, repente ad principẽ ruat: vnde repentina & non cogitata mors subsequitur: vt huic Hebræo euenisse credendũ est. Quo factum est: vt ab Hippocrate rectè dictũ sit, Acutorum

c

morborum non omnino certa esse presagia ad salutem, vel ad mortem: fuit tamē pharmacū obitus ex parte causa, cum humores ad motum concitauerit, viresque deiecerit: & eas ad prostrationem traxerit: Caveāt igitur Medici de dandis potentibus & magnis purgationibus, febribus in continuis, malignitatē præcipuē præ se ferentibus: quoniam ut ex Galeno audistis lib. 2. aphor. enarr. 22. Euacuatio nimia morbum parit: unde Aui-cenna eius interpres fen 4 primi libri, capite 3. recte ait, Euacuatio superflua secundum plurimum febres gignit, & ob hoc, inibi inquit residuum materia dimittere quod etiā necessarium erat euacuare, minus noxiū esse, quā conferim euacuare. Quæ omnia Diuus senex, duobus verbis antè docuit: quum dicat, euacuationes quæ ad extremū deducunt, periculosæ: rationes verò, hæc omnia roborantes, ut lectori notas prætermitto.

Curatio duodecima, de Abortis, & Symptomatis postea exortis.

VXor Moïsis Iobij, mulier sanguinea, annos nata quinq; supra viginti, quum uterum ferret, vnius mensis fœtum, vel veriūs cyema, id est, conceptum, abortiuit. Ab abortu nihil ex ea sanguinis effluxit, sed validè habebat, rei tamen euentum timebat: quia intus alterum fœtum habere, obstetrices in dubium vertebant.

bant. Ego verò parum sanguinis ex pedis vena extrahi oportere contendebam. Caterùm, quum mulier optimè rectèque haberet, absque opera aliqua transegi-
mus. Elapsis verò triginta diebus, ecce mulier hæc circa ilia dolere cœpit absque febre tamen: pro quo remouendo dolore, sanguinis emissionem, ex vena pedis vsi sumus, & fomentis debitis, quibus optimè habuit. Caterùm tertio die post dolorem, ad pectus circa mammam intensius doluit: ad hæc, tussiebat, continuò febricbat: & difficulter respirabat, ac capitis anteriorem partem dolebat. At tunc, vt pleuritide affecta, tractata, curatàque est, & sanitatem obtinuit: perdurauit autem morbus ad viginti quinque dies.

S C O L I A.

In sedando quouis dolore, dignū quæsitū proponitur: an primò vti debeamus fomentis & medicamentis anodinis, hoc est, dolorem sedantibus: & postea sanguinis missione, vel potius contrariò, regulata cura, & vera incedendo methodo, vbi & sanguinis missio, & fomentorum usus, tutò admitti possunt. Huius namque dubij auctor Auicenna præcipuus est, vt qui sen. 4. libri primi sui Canonis, cap. 3. dicat. Caterùm, cum ad locū remotum materiã repellere intendit,

mitiga prius dolorom loci affecti: sic enim minor fiet tractionis violentia, cum dolor ipse trahat. Quae verba, primo capite eiusdem partis idem Auicenna memoria comendauerat, dicens, At cum ad contrarium locum reuellere desideras, primò quidem dolorem illius particula à qua retrahitur: mitiga, & cetera. Et inferius, subdens repetit, ubi morbus coniunctus fuerit dolori, aut causa doloris, vel inferenti dolorem, ut est vulnus vel casus, tunc à mitigantibus dolorem inchoandum est. Hae Auicenna ex Hippocrate desumpsit, libro secundo de Ratione victus in morbis acutis, ubi priusquam in pleuritide sanguinem mittat, enixè variis fomentis dolorem sedare conatur, præcipuè anodynis, hoc est, verè dolorem sedantibus medicinis. Quae temperata esse solent, vel saltem primum caliditatis non excedunt gradum, & cutim ipsam ad perspirationes rariorem efficiunt, humorèque in flatum dissolunt: ut sacculus ex milio semiplenus, vel ex fursure & sale: aut ex semine lini crudo compositus: aut vesica semiplena decocti camemillae, seminis lini, maluae, radicum maluauiisci, anethi, & similium, adiectis adipibus ut gallinaceo, anserino, vel oleis camemillino, sesamino, anethino, rosaceo completo, & de semine lini. Vel horum vice, vnguentis lenientibus, & dolorem mitigantibus utimur: quia doloris locus tensione affectus quum sit, oblitus laxatur. Sed hac ultima foris applica

cita fortè respondent illis, quæ sua mixtura humo-
rum acrimoniam temperant : vnde Galenus
Commentario sexto in librum sextum de morbis
vulgaribus, Enarratione quinta, inquit : Fre-
quentissimus est apud Medicos fomentorū mem-
bris dolentibus vsus: nam & cōtenta laxat, reple-
ta euacuat, refrigerata calefacit. Refrigeratione
autem rariùs ad partium dolores tollendos uti-
mur : utpote, quæ exteriorē superficiem cōdenset:
& proinde difflationes impediat, intentaq; ten-
siora reddat, & cætera. Nos igitur fomentis ano-
dinis prædictis vaporem exitum non habentem
discutientibus, primo occursum pro sedandis dolo-
ribus utimur: item quia humorem ita sæpe infla-
tum dissolunt, ut opus compleant, nec sanguinis
missione, aut alio remediorum genere uti opus sit.
ut verè remedium hoc non solum tentant (ut neo-
terici putant) sit dicendum, sed magis curans.
Sed id quoties molimur, regulata methodo, &
non violenta operamur: quoniam aliquando ita
urget dolor, ut ad narcotica improprie anody-
na appellata, affectu pro tunc neglecto, recurre-
re cogamur: vel auersionibus & euacuationibus
ante eius admotionem utamur: ut inferius latius
docebo. Cæterum, fomētis acribus, & potentibus,
dissoluendique potentiam habentibus, opus hoc
non aggrediemur: quoniam, ut Galenus indi-
cat, & experientia ipsa rerum magistra attestat-
ur: ad se multum trahunt: quo fit, post exercitatus

ac celebratas vniuersales euacuationes, ipsis vti debemus, vt ex libro tertio decimo *Methodi medendi*, capite 22. docemur. Porro internis in doloribus secus est, vt colicis affectionibus, pro quibus domandis, precipue si à frigido euenerunt, *Galenus* acribus & potentibus illico vitur, vt oleo in quo incocta sunt semina apij, petroselinij, cymini, etiam athiopici dicti, fœniculi, sisonis, anisi, libistici, seselis, dauci, & spondilij: quibus & rutam addit, & lauri baccas, & fœniculum, veluti bitumen & oleum laurinum, & alia huiusmodi: vt iam videas mutari curationis materiam pro differentia locorum affectionum, vt per ample docet *Galenus* libro 2. ad *Glaucanem*. Porro, si anodynorum applicatione dolor non delituit, sed potius magis increbuit: tunc ad sanguinis missionem, si modo casus efflagitat, veniendum duximus: quia de fluxu maior & copiosior ad locum doloris est concitatus. Ceterum locus exposcit, cur in diuersionibus, dolorem primò sedare debeamus, rationem reddamus: pro quo absoluendo dubio, vt *Anicennam* quoque rectè teneas, audi, *Auersio*, humoris ad alia loca conuersio est: quæ sanè auersio veluti genus est ad reuulsionem & deriuationem, vt ex *Galeno* desumitur libro quinto *Methodi med.* capite tertio, & libris eiusdem voluminis, 14. cap. 8. & lib. 13. cap. 11. de quibus multa, varia, & pulchra leges in *Commentariis nostris*,
in *Anic*

in *Auicenna* Fen quartam libri primi. Curamus autem nos *Vgonem*, & sibi similes homines è scholis detrudere: vt rei medicae studiosi in totum solidiorem medicinam vtpote *Galenianam* teneant: sed de iis aliàs. Nunc autem ad dubium respondentes dicamus, *Auicennam* responsum, cap. I. à nobis citato iam dedisse: sic enim *Auicenna* citato loco ait. Ceterum, cum ad locum remotum materiam reuellere intendis, mitiga prius dolorem loci affecti: sic enim minor fiet tractationis violentia: cum dolor ipse trahat. Iis enim verbis *Auicenna* rationem reddit: quare in reuulsione, stante dolore, ipsum prius sedare debeamus: quia reuulsio attrahit materiam, quæ est in fluxu: dolor verò eam quoque ad se attrahit: quia attractio à dolore, calore, proprietate, & vacuo (vt nosti) fit, vnde ex ista varia attractione, maxima oritur contrarietas violentia, alteratio, ac materialium concitatio, & eò maior, quò dolor potentior in attrahendo ad se fuerit: reuulsio verò generosior in retrahendo. Vnde (vt mea fert opinio) *Auicenna* sententia de ea præcipue intelligenda venit reuulsione, quæ absque euacuatione fieri solet, vt cucurbitulis, frictionibus, vinculis, sinaptismis, & dolorem inferentibus remediis. Nam in ea, quæ cum vacuatione molitur reuulsione, tametsi optimum sit primò dolorem sedare: vt ex *Hippocrate* docemur: non adeò tamē vt in illa, quæ absque vacuatione fit, necessariū est.

quippe reuulsio cum vacuatione non solum humorem fluentem retrahit: sed etiam cum fluxum, qui locum obsidet, & dolorem infert, & eo magis quò vacuatio copiosior fuerit. hinc enim à Galeno, tanquam ex tripode aureo, pròditum est, libro primo aphorismorum, Enarratione 23. In maximis verò doloribus nullum maius inueni remedium, quàm vsque ad animi defectionem euacuare. Caterùm, quòd hac eadem sit Avicenna mens, deprehēdet ille, qui eius penitus tenuerit verba capitis tertij adducti, quæ ita habent, & citatis sunt continua. At cum grauius trahitur ad locum, ad quem trahere cupis, non properes importunè: fortasse enim huiusmodi vrgens infestatio mouebit materiam, eamque attenuabit: & non trahetur, imò ad affectum locum facilius reuocabitur, & cetera. Per quæ sententia nostra manifesta euadit, videlicet, quòd Avicenna intelligendus venit potissimum de reuulsionibus, quæ absque vacuatione fieri solent: tunc enim primò medicus omnibus conatibus dolorem placare eniti debet: quanquam non rarò eueniat retractionibus solis dolores sedari, vt in cordis pressuris, angustis, & doloribus affixa cucurbitula euenit: & hodie in muliere, quæ pueros prima literarum elementa docet, contingit: nec minus in colicis affectibus hac venire quoq; seruamus. Quanquam Galenus pro eisdem curandis, primò anodynis tam intus affusis, quàm

quàm extra applicatis veluti calfacientibus; ex-
tenuantibus, & rarefacientibus, vtatur: postea
ad cucurbitulam magnam multa flamma igni-
tam recurrat: vltimò verò ad stuporem inducen-
tia medicamenta, vt libro *Artis curatiuæ ad*
Glaucōnem legitur. Nam libro 12. *Meth. med.*
hec à nobis in presenti propofita, Galenus ipse
difputat, & tractat: quem legere ne pigeat.

*Curatio tertiadecima, in qua agitur
de febre continua ex repletione
oborta.*

Iacobus ſororius Vincētij à Chio, mili-
tis Laurētani, vir quadraginta ſeptē an-
nos natus, pinguis, carnaſus, temperatura
ſanguineus, poſt multa comeſta & bibita,
in febrem cōtinuam incidit: capitis totius
quadā cum grauedine, & ipſius partis an-
terioris non exiguo dolore. Huic occur-
rens ego, illicò vomitoriū pharmacū ob-
tuli, quod nihil vomuit, qua de re mino-
rans hoc pharmacū illi propinaui. R. Siru-
pi roſacei ſolutiui, vncias tres, electuarij
de prunis nō ſolutiui drach. tres, diaphē-
niconis drach. vnā, & alterius mediā, deco-
ctionis ſene vnc. quatuor: miſce, fiat potus,
quo ſanè alius optimè reſpōdit: ſed inde
febris increbuit: nullo alio grauante ſym-
ptomate. Nā hic parū ſitiebat, & noctu dor

miebat: tertio verò die lotiū non admodū
rubrū apparuit, sed substantia mediocre
erat, & in eo nescio quid nubeculae pēde-
bat: affligebant nanque tūc febres hominē
acriter, & vires constabant: qua de re deo-
nerata per clysterem aluo sanguinem ad
libram integram emittere iussi. Qui sanē
sanguis in totum putrefactus apparuit, à
cuius extractione perinde ager, vt antea
habuit: proinde vesperi ex eodem venae
vulnere, iterū sanguinē fluere in duas per-
missimus peluiculas: in prima quartū san-
guis infectus quoque apparuit: sed secun-
dæ peluiculæ sanguis corruptione omni-
moda vacabat. Vnde iudicio habito, præ-
sagii hunc breui ad sanitatem rediturū:
quarto die febris eodem modo erat, & cæ-
tera illi annexa: ceterū in locio pendens
nubecula maior conspiciebatur: vnde bo-
no animo vxorem & assistentes esse iussi.
Quinto, peius habuit, & nocte antea non
dormierat, pulsus tamen fluctuosi, vndo-
siq̃ue intercurrentes, quandam præ se fe-
rentes vehementiam erant. Sed ecce, in fi-
ne quinti, sudor copiosissimus, vniuersum
eius irrigans corpus, superuenit, quem
tres vel quatuor horas tulit: post quas,
arteriæ in genere quietis rariores erāt, in
genere verò motus tardiores, & demū in
genere

genere rhythmī, pulsus si nō eurythmus, hoc est consonus, saltem pararhythmus, id est, mediocriter cōsonantiæ accedens, dicēdus erat: exterius tamen carnes bene calebant. Sexto febris parua erat, sed vesp̄ri nulla, Septimo bene habuit: octauo, pharmacum ebibit hoc. R. Rhabarbari optimi bene contriti drachm. vnam, & alterius mediam, in aquæ endiuīæ vnciis quinque per noctem macera. dein in aurora exprime optimè: cui diluto adde, mannæ electæ vncias duas, Electuarij lenitiui, dicti diasene lenitiui drach. sex, electuarij de dactylis, drach. duas: misce, fiat haustus vnus. Quem in aurora bibat, & sub eum dormiat: quo aluus optimè respondit: & tunc pulli gallinacei gustauit carnes, & vinum optimè dilutum ebibit: quū tamē antea sola panatella, & ptisana, & aqua decoctionis hordei per se sola, aut saccharo, aut iulepo, aut vino grana orū mista ageret, nono à leuante iniecto clysteri. & postea saccharo rosaceo gustato, rectè habuit, decimo, tauricè valebat.

S C O L I A.

Huic egroto pendens nebula in vrina, quarto die apparuit salutis (vt omnes nostis) signum euident: ceterum quinto sequenti die, peius habere visus est: pulsus tamen vndosi, & intercurrentes

rentes, crīsim futuram praeseferentes, erant: & eo magis, quia ictuum vehementiam vndosi ij pulsus comitabantur, iudicium valida & potentis facultatis: vnde Galenus lib. 2. de causis pulsuum, capite octauo, prope finem, inquit, Nam validam facultatē habet vndosus pulsus, quippē magnas sic partes arteriarum poterit attollere. Haecenus Galenus, quem tu intellige de vndoso pulsu eueniente ab humorum multitudine, cūm quandoque euenire soleat, à mollitie arteriarum ob nimiam humiditatem emollitarum, id quod Galenus ipse fatetur lib. 2. de praesagitione ex pulsibus, capite nono: in quo & de vndoso, & vermiculante agit pulsu, ita inquit: Aliud ad superiora genus est inaequalitatis in vno pulsu, quod non raro animaduertitur, nec in paucis affectibus: imò praeter cetera frequenter, atque in multis, inuenitur hoc, tum, cūm arteria propinquior pars principio prius mouetur: in quo genere vndosus, atque vermiculans pulsus sunt: quos mollis arteria, & facultas non valida constituunt. Ac vermiculans non modò non validam, sed & infirmam facultatem denunciat: vndosus interdum hoc ipsum duntaxat, significat non firmam esse: non statim tamen infirmam: interdum etiam mediocriter firmam, cūm praesertim decretorium sudorem promittit: in humidis enim inuenitur, & pituitosis morbis: cūm ipsa solida corpora, nimia humiditate imbuta, emollita

lita sint. Id quod potissimum accidit in morbis lethargicis, & febribus quotidianis, illisque etiā, quas palustres, & typhodes appollant: iam etiam tarditatem, & raritatem, magnitudinemque, pulsus in iis omnibus acquirit: qui si præterea altitudinem, & vehementiam nactus sit, decretorium sudorum significabit: magis hic sperandus est, si plures vehementes, & alti appareant, quā contrarij. Qui si æqualiter appareant, salubrem simul & breui sudorem promittunt: maximè si indicia appareant concoctionis morbi. Hac Galenus, in quibus hac (vt noscitis) traduntur, primò quòd vndosus, & vermiculans pulsus sub genere inæqualitatis in vno pulsu, & non in acervo continentur: de quo genere quum dabitur occasio, multa, & præclara dicturi sumus. Secundò traditur à Galeno, quòd pulsus ij, vndosus scilicet & vermiculās, eueniunt à molli arteria, & facultate non valida: sed hic deest, tertium ab eo dictum lib. 2. de causis pulsuum, c. 8. à quo quoque vndosus pulsus euenire solet, scilicet humorum copia, ita enim ille. Causa sunt illorum generationis, facultatis imbecillitas, vel copia humorum, vel summa instrumentorum mollitudo. In quo capite, (vt obiter hoc scitu dignum tradam) Galenus contra Erasistratum agens, profirmo tenet omnes arteriarum partes, eodem distendi tempore: adeò vt cordi viciniores non primò moueantur, quā ob eo distantes. Tertiò traditur

ditur à Galeno, vermiculantem pulsum semper arguere facultatis imbecillitatem, vnde sam verò potius vehementiam, & eò magis si in eo altitudo, & vehementia fuerint. Tunc enim decretorij sudoris indicium est: & eò certius, si concoctionis signa praecefferint: vt in hoc nostro agrotante euenisse percipitis. Qui si quinto die malè habere videbatur, & in symptomata deuenit: ea omnia futura crisi tribuenda esse, ex Hippocrate didicistis, libro Aphorismorum, cùm dicat, quibus crisis fit, is mox antea difficilis est. Prudens igitur, & exercitatus, ac generosus sit medicus oportet, vt similia adipiscatur, teneat, & non turbeatur: immo futuros euentus tanquam praesentes habeat: & de eisdem praesagium verum, tanquam de rebus euidentissimis, ferat. Quae omnia facilius consequatur, si modò pulsum omnes numeros, & differentias varias memoria tenuerit. Proinde ne sic ab vndoso, & vermiculante discemus pulsum, scias velim, quòd vndosus pulsus ab vndarum similitudine dicitur: vermicularis verò à vermibus praecipuè reptilibus. Qui cùm inuenitur, vndarum quoque modo mouentur, debilius tamen, & obscurius, & ea de causa vermicularis pulsus facultatis imbecillitatem insignem semper arguit: qui etiam saepe sine febribus, solet largis evacuationibus succedere: vt memoria commendauit Galenus libro 2. de praesagitione ex pulsibus, capite citato nono. Caterum, vermicularis
hic

hic pulsus, si in extremam incidat debilitatem, paruitatem, & frequentiam, iam tunc non vermiculans, sed potius formicans appellabitur: in quem sæpè labuntur ij, qui iam propè ad obitum veniunt.

Curatio decimaquarta, in qua agitur, de miro quodam artificio ad recuperandā vocem, in totū amis- sam, propter vlcus palato innatū.

GRæcus nobilis, & qui à Græcis imperatoribus originem trahere se iactabat, variis vlceribus à morbo gallico contractis, scatebat: à quibus optimo, sed subtili constituto victus ordine, & ebibito Guayaci decocto ad quadraginta dies: ac postea à ceratis cruribus, & brachiis, ex mercurio impositis: & postea iterum repetito guayaci decocto, sanus euaserat. Vno tantum vlcere, in alta palati parte, permanente, quod nullis medicamentis cicatricem duxit: immo ibi perpetuum foramen relictum est: ob quod, vir hic in totum vsum linguæ, & vocis amiserat. Quo tamen modo tanto malo occurrerimus, vt vir commodè loqueretur: attendite. mirum nanque artificio hoc excogito:

gito: quo ita rectè & concinnè postea loquebatur, ac si nihil mali vnquam haberet: habet autem artificium sic. Ex auro capitatum clauum per aurificem parari iubeo: clauus caput erat rotundum latum, vt vniuersam foraminis circumferentiã contegeret: cuspis verò parua admodum, & rotunda: in cuius medio auricula, lentis modo, prominebat: in hac igitur clauus cuspide, siue spica, spongiola adaptabatur, quam simul intra foramen ægrotus mittebat: quæ humiditate tumida, inibi fixa manebat: vnde ita eleganter loquebatur, ac si nihil mali haberet. Dein verò singulis diebus, bis, vesperi scilicet & manè, instrumentum deponebat, & spongiolam lauabat, & digitis comprimebat, & iterum instrumentum reponebat, & intromittebat: quo ita concinnè & eleganter loquebatur, ac si nihil mali vnquam haberet: eo enim deposito, Vox in totum deficiebat, quæ (eodẽ intromisso) recuperabatur. Merito igitur inter alia voci necessaria palatũ numeratur: ex hoc nãque instrumento, arti medicæ, gloria, nō vulgaris, ascita est: quo & nūc dū hæc Ragusi cōmētaremur, simile op⁹ cōfecimus in Samuele Erquio iuvene Hebræo. Cæterũ, clauus, vt ex auro, ita ex argẽto, vel stagno parari poterit.

Curatio

Curatio decimaquinta, in qua agitur, de duobus similem faciem habentibus, simulque eodem morbo agrotantibus.

QVum ad cœnobium prædicatorum visum ægotantes, de more, accederem: hominem monachum Racanatensem, annos natum triginta, pleuritide affectum comperio: qui, cùm omnia necessaria conficienda (vt decebat) iussissem: ad alterum in eodem cœnobio visum diuer-
ti, ætate, tēperatura, & physiognomia, primo similem: qui & eodem die, eodem morbo affligi cœpit. Ambobus igitur curatio similis peracta fuit, & victus similis præscriptus, & demum symptomata omnia paria erant: & vno eodem die ambo sanari sunt: erant verò diuersi patria, & moribus.

SCHOLIA.

Dum hæc commentarer, veniebat mihi in mentem illorum Virgilij carminum.

Glautia Laride Thymbæq; simillima proles.

Indiscreta suis, gratiſque parentibus error.

Sed Plinius, & Valerius Maximus, multa de hoc similitudinis genere, memoria prodiderūt.

f

Quod verò magis me in admirationem traxit, duo fratres Hebræi fuere, Hamisij nomine, septimestres, & eodem partu ambo editi: qui ita inter se similes erant, vt ipse familiariter etiam illis vsus, alterum ab altero, nunquam discernere potuerim.

Curatio decima sexta, de febre continuo affligente.

BRandanus nepos meus, nigelli coloris, iuuenis, annos natus viginti, naturalibiliosus, exustus, vt omnes ferè Hispani sumus. Quum primùm Italiam venit, vt philosophiæ & arti medendi operam nauaret in febrem cōtinuam incidit: huic (eo efflagitate) nam doctor medicus est, ter secta vena brachij fuit, & sanguis ad libras duas extractus. Nam & syrupos refrigerantes ex succo acetosæ ebibebat, demum, quinto die ægritudinis in copiosissimum sudorem, vniuersum eius corpus irrigantem incidit: à quo sanus euasit. Nec pharmaco aut aliis medicamentis opus habuit: vsus autē quinque illis diebus, subtili admodum, & refrigerante victus ratione fuit: prout talibus conuenit febribus. Nam potus, tamarindorum decoctum illi erat.

Curatio

*Curatio decima septima, de quodam,
qui balanum ob præputij stric-
tam, nudare non poterat, qui mor-
bus Græcis φευκίς dicitur.*

A Loysius Beneuenutus, iuuenis Flo-
rentinus, glâdem præputio per par-
tem frænum dictum, ita hærentem habe-
bat: vt ipsam glandem nudare non posset.
Ipse igitur ab eo consultus, illicò, chirur-
gum accersiri iubeo: qui meis mandatis,
eam partem per quam præputium glandi
hærebat, & frænum Romanis appellari
dixi, vniuersa cum parte decliuiori præ-
putij scalpello acuto præscidit. Breuiter
igitur, oui albumine cōstringentibus pul-
ueribus admistis applicito: & tempore se-
quenti, pauculo vnguento digestiuo sim-
plici, admoto: & albo camphorato super-
posito: intra octo dies, omnino sanatus
est. Dicitur autem morbus hic Celso, ex
Græcorum mente, φευκίς, libro septimo,
capite vigesimo quinto. A Eginetæ verò,
phymi nomine appellatur: qui & mulieri-
bus in vteri ceruice contingere solet tunc
autē obturatio seu coarctatio quædā est,
in ore aut vteri ceruice: de qua re cū dabi-
tur occasio agemus. Cæterū, huic morbo

f. 2.

contrarius alius est, Græcis *πικνυμωσις* dictus, & est, ubi glans ita est detecta, ut non possit amplius tegi.

*Curatio decima octaua, de intestino-
rū dolore, ab humore calido oborto.*

PREDICTI iuuenis socius, qui simul apud Aloisium pixonium Florentinū mercatorem agebat, ætate viginti duorum annorum, dolore intestinorum afflictabatur. Huic facies hilaris erat, temperatura sanguinea, iecur calidum, ad quē accedens, clysterem ex infuso (ut vocant) communi, iniici iubeo: quo biliosa mera eiecit, in aurora verò, dolores manebant non continui tamen, sed identidem pungentes; quodam per vniuersum corpus, extraneo calore. Quibus omnibus perpensis, iudico: à iecore ad intestina humorem biliosum aliquem delabi, à quo pungentes dolores ij ortum trahebant, tunc verò haustum hunc ebiberet suasi. R. Syrupi rosati solutiui, vncias tres aquæ endiuivæ vncias quatuor: Misce, fiat haustus vnus, quem ieiuno stomacho bibat, quo aliquantulum egressit, & sequenti nocte, absque dolore quieuit: cæterum, tunc iecur & renum regio ex santalino vnguento

guento rosaceo misto illinebantur, & ægrotus ipse syrupum hunc bibebat.

R. Syrupi de endiuia, lupulorum, cichorea, ana vnciam mediam, aquarum cichorea, endiuia, acetosa lupulorum, ana vnciam vnam: Misce, fac syrupum, & bibat, ac ter iteret, optimo habito victus ordine. Tunc verò iecoraria vena in brachij curuatura secta fuit, & sanguis ad sex vncias emissus: vnde ita rectè valere dixit, vt non opus fuerit aliis vti medicamentis. Ad nonnullos tamen sequentes dies saccharo rosaceo, ieiuno stomacho, vsus est, quo vniuersa clausa fuit cura: cæterū huic cibis tenuis erat ad frigidum declinans, potus verò, communis aqua, vino granatorum acetosorum, mista.

Curatio decimanona, in qua agitur de tertiana duplici in simplicem versa, & brevisanta.

EDuardus Gomez Lusitanus, vir grauis, doctus, & Poëta non vulgaris, vt qui Petrarchæ numeros hēdecasyllabos, & cantiunculas Hetrusca lingua scriptas fœliciter in linguam Hispanicam vertat, ita cordatè, appositè, & suis numeris cōsonè, vt omnibus admirationi sit. Hic anno

f 3

ætatis suæ 45. ex Venetiis vbi varia, & ingentia mercium negocia exercet, Anconam venit, vbi ab amicis (vt fieri solet) ad opipara & lauta conuiuia inuitatus, in duplicem tertianam lapsus est. Cæterum, is secundo elapso agritudinis paroxismo, vncias tres syrupi rosati solutus, totidem aquæ Endiuæ dilutas ebibit: quibus aluus optimè respondit, & humor excernendus excretus fuit: adeò vt paroxismus eo die venturus, non venerit: & sic ex duplici tertiana simplex facta est, nec multum ab exquisita distans. In qua paroxismus singulis inuasionibus singulas tres horas anteponebatur: adeò vt ad horam vnde cœperit desierit: vt consonum sit dicere, humorem hunc, circulum suo motu perfectum & integrum confecisse, terminabatur autem paroxismus sudore copiosissimo: ad duas & plures horas. Nam cum primùm ad statum paroxismi febris veniret, multam gelidam ad satietatem vsque bibebat: qua & sudor copiosior illiciebatur, & febris expers tunc manebat. Cæterum, hic Syrupos de Endiuia, & acetosa, eisdem aquis stillatitiis, vel decocto optimè dilutos bibebat: sed elapso quarto paroxismo, ani venis Hæmorrhoidalibus dictis, duas hyruidines apponi

apponi iussi: nam sanguinis missionem per venæ sectionem in brachio non admisit. Post sextum verò paroxysmum, multa & copiosa apparente in vrina concoctione hoc ebibit pharmacum: quo sanitatem adeptus est. Recip. Mannæ electæ vncias duas, rhabarbari optimi drachmam vnam, Electuarij lenitiui, vnciam mediam, aqua endiuivæ excipiantur: & fiat haustus vnus, super quem dormiat horam vnam vel alteram: quo ita multa biliosissima & peccantia excreuit, vt inde sanus euaserit. Huic porrò, requiei die, pro victu pullus gallinaceus lactuca incoctus erat: die verò paroxysmi, aut panatella, aut lactuca oxaleo cocta, mica salis adiecta, vel potiùs per se cruda, pauculo aceto, intincta, & recentes amygdalæ à putaminibus extractæ & dealbatæ, ac aqua frigida immersæ, & cerasa acida saccharo concinnata. Potus verò in vniuerso morbi tempore, aqua fontana per se fuit, aut iulebo mista: fuere autem paroxysmi simplicis huius tertianæ septem, duobus prioribus non numeratis.

Curatio vigesima, in qua agitur, de febris consequentibus charadas, id est, strumas, scrofulas vulgares

f 4

dicunt, quæ agrotum interfecerunt.

Filius Barboſij illius, quē ſæuiter & immaniter Turcæ apud Theſſaliam interfecerunt, puer annos natus quatuordecim, temperatura ſanguineus, præualeſcente humiditate caliditatem, iandiu chæradas in collo patiebatur, non admodum tamen eradicatu difficiles: quia ſuperſnam corporis partem occupabant tantum. Cæterum, quum puer hic nihil doleret, nec mali aliquid à chæradibus perciperet, de eis eradicandis, matri nunquam curæ fuit: porro, poſt elapſum vnū vel alterum annum, à chæradibus puer hic, miti & lenta quadam febricula perſentari cœpit: quàm conſideranti in mentem mihi venit Cornelius Celfus libro quinto ſuæ medicinæ, inquiens, ſtrumæ ſæpè febres mouent, quas ego maiori ex parte interficientes dico, proinde cùm febres ſtrumæ ſequantur, vt ſtrumæ eradiceamus illicò pro viribus adniti debemus: id quod in puero hoc maximè curabamus. Cæterum, cùm hæ extipatæ non eſſent, febres eas conſequentes, in dies magis affligebant agrotum quadam graui cum tuſſi: ſed & temporis proceſſu in Kakexiam lapſus puer hic eſt: cum facici,

ciei, & oculorum palpebris tumefcentia,
& pedum edematis, hoc est, laxis tumo-
ribus. Cæterum, huic medicati sumus
prout morbus postulabat: & indies sym-
ptomata apparebant, & pullulabant: de-
mum, quum morbus omnino ingrauesce-
ret, & vires indies labarentur, spueres de-
stitit: & phthisi consumptus occubuit, cui
si strumæ dum vires constarent, extractæ
fuissent: proculdubio, puer hic viveret, vt
aliis euenisse vidimus.

*Curatio vigesima prima, in qua agi-
tur de dentium dolore, & optimo
contra eum remedio.*

MVlier iuuenis Senensis, & quæ (vt
deprehendi) morbo gallico olim in-
fecta fuerat, dentium dolore torqueba-
tur, quos & tremulos habebat: post varia
(vt illa dixit) exercita medicamenta, ad
eam accedens, eius vniuersum corpus per
catapotia à fumo terræ, purgari iussi: ac
postea hoc diluto dentes collui, & opti-
mè habere dixit. Recip. sandarachæ Ara-
bum optimè puluerizatæ, vnciam vnam,
aceti acerrimi, vini rubri non dulcis, ana
libram mediam: misce, & ad ignem fiat
f s

ebullitio sufficiens: hoc enim medicamen-
to calido, os colluebat, ter & quater die,
quod sibi multum opis attulisse dixit: &
multò magis, quàm si decocto parato ex
ligni guayaci scobe, rosis, myrtillis, ma-
stiche: balaustiis, & variis huiusmodi,
vsa fuisset.

*Curatio vigesima secunda, de Cura
morbi Gallici, per inunctiones ab
unguento ex Mercurio confecto,
simulq; docetur, quomodo euitari
debet sputū ad os euenire solitum.*

L Apicida, Iuuenis robustus & fortis,
morbo gallico infectus erat: nam v-
niuersam eius faciem, pustulæ variæ fœ-
dabant: veluti aliquas alias corporis sui
partes: sed præcipuè inferiores, nihil do-
lebat: nec mali aliud quicquam habebat,
præter pustularum fœditatem. Cæterum,
hic ab epotis syrupis, & repurgato corpo-
re, ac optima constituta victus ratione,
ex unguento mercuriali, sæpè à nobis re-
petito iis in Centuriis, oēties inunctus
fuit: & sanitatem obtinuit. Verum, vt hic
oris fœditatem & vlcera effugeret, quum
mihi compertum esset humores in motu
esse,

esse, catapotia ei propinaui: id autem post
 secundam, vel tertiam inunctionem fa-
 cere soleo. Nam eo tempore humores re-
 belles, & qui vix medicamentis purgato-
 riis obediūt: commori, & ad expulsionem
 acti: à catapotiiis propitiis, humores pec-
 cantes respicientibus, facillimè foras per
 inferiora traduntur, purganturque. Quo
 fit, vt superiores partes immunes, & libe-
 ræ maneant: nec ita infici soleant: vt per
 consuetas, similésque inunctiones con-
 tingit: cùm ægri, sic ore infecti, vlcera in
 eo patiuntur & multa, & varia, ad multos
 dies expuunt non loquuntur: vix liquida
 deglutire possunt: dentes tremulos ha-
 bent: qui postea nigerrimi euadunt: vn-
 de oris, siue habitus fœtor certus pullu-
 lat. Quæ omnia, vel eorum magna pars,
 catapotiiis, vel pharmaco (vt dixi) præui-
 siuo, opportuno tempore exhibito, inter-
 ciipiuntur: vt sæpè experientia comper-
 tum habemus. Simili modo, Luna ad op-
 positionem veniente, morbos rebelles: &
 quibus humores eradicatu difficiles in-
 sunt, curamus: eo nanque tempore humo-
 res natura sua pharmacis resistentes, Lu-
 næ caliditate subleuantur: rarefiunt. & ex-
 pulsioni parati pharmacis obediunt: ac sic
 facillimè purgātur, & à medicamētis pur-
 gato

gatoriis vincuntur: vt olim Romæ, non sine artis medicæ gloria, variis aliis rationibus, & experimentis, probauimus. Sic autem ager hic, de quo sermo nobis est, à catapotis eo debito tempore deglutitis, multa egressit: & parùm per sputum purgauit: & intra quindecim dies, penitus sanatus est: vltimò tamen, ob vnguenti sortitiem derelictam, aqua marina calida se totum lauauit. Hoc eodem modo sanus factus est Leonardus Dolarius: sed hic, ob tumorem in genu habitum, claudicabat: at huius vxor guayaci decoctum magis ebibere voluit, quàm vnguento illini: veluti & Franciscus, qui arcas parat: sed hic brachia, scapulas, & crura dolebat: & alij duo huius sodales: nam & iis duo vicini tunc malè habebant. Quorum alter, quum segniter ambularet, à deglutitis catapotis, optimè valuit: alter verò, cùm caput doleret: & sanguifugas anores admoueret: & oximel, ad nonnullos dies ebiberet: ac postea per catapotia purgatus esset, rectè habuit.

SCHOLIA.

*Placuit hoc loco, argenti viui, vnguentum
adornanti, temperaturam veram describere: nè
deinceps*

deinceps in scholis iuvenes pro vna, vel altera parte digladiantur. Nouisti autem alios opinari argentum viuum (Mercurium vocant) calidum esse, alios verò frigidum. Nos igitur dicamus, argentum viuum frigidum, siccumq; esse: in quo partes subtiles, & acuta, sed frigida: vt in vento boreali, reperiuntur: quibus meditantibus, rarefacit, subtiliat, & penetrat, ac humores in altum ascendere facit: demùm ipsis, omnes suas complet operationes. Harum partium subtilium, acutiem, & acredinem ignorantes medici nonnulli, argentum viuum humidum putrefaciens describunt, nulla fulciti ratione euidenti: quum si alchimi- cam artem tenerent, & mercurium condensatum viderent, vel inuiti id frigidum & siccum esse fa- terentur. Inest igitur mercurio, viuacitas, motus facilitas, penetratio, acuties, & humorum subti- liatio: non ob caliditatem, sed ob acutas partes, illi haerentes: quas frigidas siccasq; similes illis, quas frigidus boreas possidet, diximus: cetera verò de Mercurio, in nostro legito Dioscoride.

*Curatio vigesima tertia, in qua agi-
tur de febribus continuis.*

Dlua Myra, iuuenis vidua, & quæ asth-
mate per interualla corripitur solet:
quum febribus continuis corriperetur, ad
eam accersitus, eius iecur calidum admo-
dum, & renes calidos deprehendi. Huic
sym

symptomata grauia admodum erant: & similia iis, quæ viduis iuuenibus euenire solent. Erant namque huic pulsus, protensif, rari, & inæquales, vrina verò iumentorum modo crassa, turbulenta, ad ruborem vergens: in qua & nescio quid pinguitudinis conspiciebatur. Pro hac igitur liberanda muliere ab iis pessimis affectionibus, optimo constituto victus ordine, ex saphena primò sanguinem emitti iubebam: Caterùm, vena illa pedis, saphena dicta, quum penitus lateret: nec artifice, vt feriretur, se exponeret: ex iecoraria brachij sanguinem emisimus. Postea verò elapsis tribus diebus: in quibus syrupos refrigerantes, & aperientes bibebat, ad eam venam feriendam, quæ sub genu posita est, & poplitis appellant, deuenimus: ex qua sanguis abundè effluxit, & meliùs habere videbatur: & re vera, eo die, sexto scilicet, febris ita remissa erat: vt eam non febrire, quis diceret. Per intervalla tamen vterina symptomata eam affligebant: ob quæ, nonnulli pessi ex herba mercuriali concinnati, veluti alia metrenchyta non admodum calida, vtero subdita sunt. Caterùm octauo ab epoto pharmaco, quo multa egeffit, etiam torrida, tametsi sæpè clysteriis aluus respondebat, meliùs habuit. Tunc verò

ro sequentibus diebus cucurbitæ femoribus sunt applicitæ: in quibus, & frictiones vniuersa crura percurrentes, fiebant. Nam & renes, & iecur vnguento rosaceo, & santalino inungebantur. Quibus omnibus, intra quatuordecim dies, sanitatem obtinuit: nè tamē in morbos similes incideret, cōsului vt nuberet: ab humore nāq; intra vterum viriato, morbus originē traxerat.

Curatio vigesimaquarta, in qua agitur de febribus continuò affligentibus.

Ioannitius Teuthona, mercator Antuerpiensis, vir annos natus triginta quinque, capillitio ruffus, cū in æde diui Cyriaci pernoctaret: vt concionem de Iesu obitu, audiret: in febrem continuā lapsus est: quam comitabatur tussis, capitis dolor, & scapularum grauedo. Hic quum minorās pharmacum primò propinatum esset, & sanguis ex vena brachij abundè extractus, breui sanitatem obtinuit. Veluti vxor Frācisçi à Franzini, & illius soror, & Ioannes Telinus Florentinus, vt multi alij, sed tunc filij duo viduę Lætitia: febriebant, & multos habebant vermes: qui (vt cæteri) sani effecti sunt.

Curatio

Curatio vigesimaquinta, de morbo gallico, narium interiorem partem occupante.

Luius à Bertinoro iuuenis viginti natus annos, cùm iandiu morbo gallico laboraret, ex quo tubercula varia in cruribus, & frontis alta parte, & brachiis, contraxerat, intra nares vlcera habebat. Ex quibus, singulis diebus multa pituitosa, torundarum modo, per ipsas nares concreta emittebat. Cæterùm, hic à sua patria, cùm ad me veniret: vt ipsum à tanto malo liberarem, in medio itineris ex equo cecidit, & brachium per tres fregit partes. Cæterùm, hunc vt, à morbo gallico liberaremus, eius fractum brachium (vt par est) sanare primò operæpretium erat: qui vbi ab eo rectè valuit: & si antea syrupos, & purgatorium pharmacum ebiberat, iterum tamen monitis nostris potentiores ebibit. Proindè, eius optimè purgato corpore, ad decoctum rubi viti-cosi, confugimus: quod ad plures dies ebibit, & rectè valere dicebat: huius namque radice decoctum intra nares sypnone immittebatur. Quo vlcera lauabantur abstergebantur, & purgabantur: ei tamen quâdoque colaticium mel rosaceum ad-
uin

iungi faciebamus, nonnunquam verò torundæ lineæ, apostolico vnguento illinitæ, intromittebantur, aliquādo verò alia remedia varia, vt plumbeum vnguentum, quibus vlcera cicatricem duxerunt, & ægrotus ipse non amplius concretam saniem illam per nares emittebat, ac si cū rectè valeret, ad eius fratres volauit: qui Romæ agebant. Eodem ferè artificio sanatus est Nicolaus Grimaldus Chius, iuuenis nobilis: sed hic extra nares ruborē quoque patiebatur: & vice rubi viticosi, asperæ dictæ smilacis decoctum guayaci ad quadraginta dies ebibit. Cæterum, alios non paucos nouimus, qui cū vlcera intra nares haberent, ni officula primò ex eis dempsissemus, nunquam ad sanitatem peruenissent.

*Curatio vigesima sexta, in qua agitur
de febre biliosa continua.*

NAaman sacerdos, qui ex Græcia Anconam reuersus est: vt ingentia mercium negotia tractaret, iuuenis biliosus exustus, si quis alter, natus annos viginti quinque, in febrem continuam biliosam incidit: caput grauissimè dolebat, & oris amarorem ingentē sentiebat, & circa scapulas dolorem patiebatur. Ad hunc igitur

accitus ipse, illicò vesperi clysterem iniiciendum curauit, & in aurora minorans hoc pharmacum ebibit: quod habet.

R. Syrupi rosati solutiui, vncias tres, electuarij lenitiui drach. sex, aqua endiuia excipiantur, trium vnciarum mensura, & fiat potus: quem ieiuno stomacho bibat: quo postquam multa egressit, ita multa biliosa, citrina, & vitellos ouorum referentia, per interualla, euomit, vt mirum fuerit Grauiissimus autem (vt ego reor) error fuisset, si primò huic sanguis per venæ sectionē demeretur: quàm minorans hoc pharmacum propinaretur (vt prima quoque dixi Centuria) sequenti verò die, melius habebat. Caterùm, vrina cum crassitudine rubricabat, & pulsus magnus erat: excedebat autem longitudine, latitudine, & altitudine, profunditate dicta: ad hæc, capitis dolor non admodum intēsus eum affligebat. Qua de re, præmissio leui clysteri, ex iecoraria sanguinis vnc. sex, duabus in peluiculis fluere iussi. Ex quibus, sanguis primus corruptione affectus erat, secundus verò absque vlla aquositate serosa, rubricabat: vnde eodem die, melius habere dixit, & re vera, tūc febris minus erat intensa: sed tunc sudore superueniente ex toto, liber hic euasit. Scire tamen decet, quòd

quòd hic ad oblata malè se habebat, nam
 cius victus, cucurbita agrestia parata erat,
 aut ptisana optimè concinnata, absque
 tamen saccharo: aut leuior panatella, a-
 grestæ succo parata, à rebus nanque dul-
 cibus in victu & potu, tanquam ab igne,
 etiam meis monitis, abstinebat: quæ facil-
 limè in bilem illi vertebantur. Qua de re,
 syrupum quem ter tantùm repetiuit, ita
 parabamus. R. Syrupi de agrestæ succo,
 ꝑnc. vnam, aquarum acetosæ, endiuia, la-
 ctuæ, portulacæ, ana ꝑnciam vnā misce.
 Cæterùm aqua huic, quam potus vice ha-
 bebat, ex acetosa distillatitia erat: cui non
 rarò vinum malorum granatorum aceto-
 forum miscebat: vel horum vice, decocto
 tamarindorum utebatur, quo multùm in
 potu oblectari, nō rarò inculcabat, veluti
 aceto diluto, porrò iulebo, & sacchareis,
 ac rebus dulcibus omnino abstinebat. At,
 post sectam venam, & extractum sangui-
 nem, renes ex refrigerante Galeni vnguento
 fouebantur, superposito linteo, imbuto a-
 ceto rosaceo, & aqua rosacea simul mi-
 stis: nec minus iecur vnguento santalino,
 & rosaceo simul refrigerabatur. Cæterū,
 hic (vt audistis) absque dulcibus curatus
 est, & intra paucos dies repetito leuiori
 pharmaco, sanatus est.

Curatio vigesima septima, in qua agitur de muliere utero gerente, feбри continua laborante.

MVlier Vrbinas, quadragenaria, robusta, vterum ferebat: quæ cum ad secundum mensem conceptionis perueniret, in febrem continuam lapsa est: qua afflictabatur, & multum cōquerebatur: & ad renes multum quoque dolebat, & lotium crassum meiebat. Quibus omnibus perpensis, illicò post glandem ex melle paratam, intromissam: & facibus excretis: vena communis brachij dextri, secta fuit, & sanguis ad vncias sex extractus. A qua sanguinis missione, melius habuit: adeò vt ex continua, tertiana nocturna simplex facta fuerit: tunc syruporum vice, ex quatuor simul conditis cordialibus, conseruis dictis, singulis diebus, in aurora gustabat: & secundum hæc, aquam endiuie ad vncias tres bibebat: & renū regio ex Galeni refrigerante vnguento fouebatur & vitis folia superponebantur. Cæterum, elapsis nonnullis diebus, in quibus viguit semper morbus, apparente materierum aliquantula cōcoctione, pharmacum hoc illi concessi. R. Mannæ electæ, vncias duas, rhabarbari optimi pisti, drachmam vnā,

vnā, electuarij lenitiui vnciā mediam,
 aquæ endiuix, vncias quinque: misce, fiat
 potus vnus, detur in aurora, & deinde dor-
 miat, ad horam vnā vel alteram. Cæte-
 rum pharmacū hoc (vt percipitis) sic con-
 cessimus: quia mulier hæc magna, corpu-
 lenta, & potens est: quo optimè & absque
 anxitudine, vel ventriculi rosione egressit,
 & melius habuit. Sed non inde penitus
 extirpata febris fuit: tunc verò singulis
 ex octo diebus sequentibus, rotulum v-
 num diarhodonis abbatis ieiuno stoma-
 cho, comedebat: & tandem optimè valuit.
 Scire tamen decet, postea quā febris de-
 siit continuò eam affligere, nunquam mu-
 lieri huic abnegatam pulli carnem fuisse,
 & vinum pauciferum: id quod Teutona
 mulieri huic præstans, multum lauda-
 bat. Proximū erit hîc narrare curationem
 vxoris propolæ: quæ cū prægnans se-
 cundo mense esset, febri continuò affli-
 gente correpta fuit: quæ caput grauiter
 dolebat, & multum sudabat: cui illicò ex-
 ternam brachij venam aperiendam curauit,
 & sanguinis vncias septem fluere: vnde fe-
 bris, cum capitis dolore repētè cessarunt.
 Ad duos tamen sequentes dies, circa
 ventriculum, & præcordia, erosiones &
 angustias persentiebat: sed fomento ex

rosis, camæmilla, mētha, & similibus confecto, & philtro excepto, & applicito, omnino sanata est. Sed & mulier vtero gerēs, quinto mense, vxor cuiusdā Mediolanensis claudicātis, ophtalmia graui, vtroq; in oculo corripiebatur: cui cephalica quoq; vena, brachij exterior dicta secta fuit, & sanguis copiosè extractus, & breui melius habuit: adeò vt paucis postea adhibitis topicis medicamētis ex integro sana euaserit. Nouistis autem cephalicā venā, securiùs prægñatibus, præscindi, tum quia nō ita cum vtero cōmunionem habeat: tum etiam quia sub se nec arteriā, nec neruum teneat: subsistit autem basilicæ, & aliis venis, primò arteria. Dein verò nervus, vt docuit Galen. lib. 2. de Locis affectis, cap. 2. & experientia rei, ita esse indicat. Vxor quoque Pádulfini militis Lauretani, quū vtero gereret, ni prioribus gestationis mensibus, illi multum sanguinis ex vena, in brachij curuatura, extraheretur, abortiebat. sanguinis autem quātitas, quadam acredine infecti, abortus causa erat.

Curatio vigesima octaua: de cholera morbo, simul febre cōtinua, & intestinorum tumescentia externa, affligente.

Iuuenis

IVuenis orientalis mercator, annos natus vigintiocto, temperatura biliosus exustus, in choleram morbum febris cum continua incidit. Nam infra supraq; multum materiarum emittebat: & adeo violenter, vt ad tertium diem intestina infra umbilicum intumuerint: vt mihi tunc non difficile fuerit asserere. agrotum hunc colica affectione phlegmonosa laborare, ventris nanq; illa inflatione, tumescētiā ve non parum dolebat, & cōtinuò febriēbat. Demum postquam ventris tumor ille apparuit, & febris, & ciborū fastidium perseverarent, fluxus tam superior quā inferior desit. Tunc in dubiū vertebatur inflatio: & ea ventris tumescētia, illicō ne cum vomitu & fluxu ventris caperit, an postea ob morbi violentiā, & dolorem intensum superuenerit, cui quæsito medici, qui primò adfuerant, omnino nescire, responderunt. Multum nanq; ad curationem (vt tu optimè nouisti medice) interest, an tumescētia illa, primū cum morbi inuasionē cōeperit, adeo vt illa præcipuus sit morbus, quem sequerentur symptomata varia, hoc est, febris cōtinua, ventris fluxus, simul & vomitus cholera dictus morbus. Demum cum in agone, & dubio hoc effemus, remediorum beneficio, tam intus

assumptorum, quàm extra applicitorum, fluxus ventris denuò superuenit solus: unde confestim tumescencia illa imminuta est, & breui ex toto extincta. Cæterùm, nōnullis affectio hæc colica phlegmonosa videbatur, quam, ob violentiam & scuitiē, miserere mei Deus, practici appellāt. Et ea olim apud Lusitanos, mulierē quandam obesam, vterum gerentem, laborare vidi: cuius vi & crudelitate, ea enecta, diē suum obiit. At vir hic, de quo agimus, liber euasit: etenim (vt ego credo) ob morbi violentiam, intestina subleuata sunt, interueniente humore quoque flatuoso. Cæterùm medicamenta, quibus hic curatus fuit, pauca fuere: vniuersus autem noster conatus eò dirigebatur: vt hic, morbo resisteret, & valeret: clysteribus tamen nonnullis vsi sumus, & fomentis carminantibus, & flatus dissoluentibus.

Curatio vigesima nona, in qua agitur de vera, & indubitata quadam methodo præseruandi à podagra: simulque de remedijs nōnullis conuenientibus doloribus podagricis, & tophis articulorum, quos Græci ποπὸς appellant.

Metho

Methodū præseruādi à podagra (quod mirum, sed verum dixerim) veram & indubitatam describere aggredior : cui, quicunque se concredere voluerit, omnes fugiat causas oportet : à quibus podagra ipsa, aut chiragra, aut vt in vniuersum dicam, arthritis, siue articularius morbus, ortum trahere solet : vt assiduas comestationes, intempestiua conuiuia, frequentes ebrietates, immodicum rei venereæ vsum, à quibus cruditates certè gignuntur : præterea vehementes, & concitatiores deambulationes : præsertim post assumptum cibum, vt crebrum equitatum : præcipuè absque stapedis, vt meminit Hippocrates, cū de Scythiis agit. Quo tempore non solū Scythæ, sed Romani absque stapedis, cruribus pendentibus, equitabant, non minus mœrores, curas, vigilias, & reliquas animi perturbationes. Omnia nanque hæc podagram generare solent, veluti alicuius familiaris exercitij intermissio, & consuetarum excretionum suppressiones, præcipuè hæmorrhoidum. Parcus igitur, & frugalis ille, sit oportet : qui curationi huic subiici debet, aliter ea abtineat suademus. Sit igitur huic cibus, qui parū nutriendo, extenuet : vt sunt olera, & similia : proinde oua, nisi imbecil-

lis multum fuerit, fugiat: carne nisi a-
uium montanarum prorsus abstineat: ea
de causa capos, praesertim veteres, fugiat:
podagra enim & ipsi affici solent. Vino
penitus huic interdicitur: cuius vice, si
ventriculum calidum habuerit, nec colic-
um affectum timuerit, aquam puram bi-
bat: si minus, aquam decoctionis corian-
dri, aut aquam mellis, confectam foliis
& summitatibus, vel ipsis floribus saluiae.
Aut verò, melle confecto ex floribus sal-
uiae, saluatio dicto: quod eo tempore,
quo vigent flores, concinnari poterit: aut
vua passa, aut floribus roris marini, aut
omnibus simul: sit mellis pars vna, sed
non nisi optimi & rutili, aquae verò octo
partes: & dum coquuntur, subinde, vel as-
siduè despumentur, quoad tertia pars ab-
sumpta sit. Caetera verò, consultò præter-
mittimus: quæ in immensum protrahi pos-
sent: & ad institutum redimus. Galenus
igitur in primis occurrit, libro de sangui-
nis missione per venæ sectionem, qui Ar-
thritide & podagra affici solitos, verna &
autumnali sanguinis emissionem, & per
pharmacum purgationem, sanos præserua-
bat: hanc, vel illam, aut vtranque simul, se-
cundum humorum prædominium, exer-
cens euacuationem: quod nos summopere
laud:

laudamus. Admonentes venæ sectionem
edirectò membri affecti fieri debere: vt
sæpè agendum suadet Galenus, tum libro
à nobis citato, tum etiam libris methodi
medendi. Nam si dexter pes dolore affici
contingat, vena ex brachio dextro secta,
sanguis emitti debet. Quòd si verò ma-
nus dextra affecta dolore fuerit, venam
iuxta poplites, aut eam, quæ talum obre-
pit, vel huius ramum, qui ad magnum di-
gitum solet apparere, secādam credimus:
vt fusius commentariis nostris, in Aui-
cennæ sen quartam libri primi diximus.
Cæterum, nos, Galeni præseruatrices va-
cuationes has, certis, & constitutis iis tem-
poribus, exercitas: vt certas & mirificas:
non nisi laudibus extollere possumus.
Speramus tamen, vt quicumque hoc à no-
bis præseruante remedio vsus fuerit: nul-
la sanguinis detractione, nisi valdè, &
plus iusto fuerit sanguineus, indigere. No-
uistis autem vos ex artis exercitio, quòd
& prisci medici memoriæ commendave-
rant. Qui sæpius podagra, & chiragra
sunt conflictati, plus noxæ, quàm auxi-
lij, ex sanguinis detractione contrahe-
re: sed ne iam eos, qui podagra, & chi-
ragra, ac articulario morbo præseruari cu-
piunt, amplius remoremur: methodum
hanc

hanc enarrare aggredior. In primis lactis caprini optimi, libras quinque, vel sex accipito: quod lacte ficus, si id tempus anni fuerit, si minus, cardui floribus, aut coagulo cogito: cuius serum per colum diligenter traicito: & olla exceptum, ad lentum ignem coquito: & ab eo, dum coquitur, & bullit, spumam cochleari, ingenti cura quoad nihil lacteæ spumæ appareat, abstergito: & serum hoc ad tertias, hoc est, quousque tertia eius tantum pars remaneat, bullire finito: atque iterum per colum traicito: sed hoc quousque ex eo nihil spumæ lacteæ compareat, iterato. Nam tunc defæcatum, & ab spuma lactea purificatum serum dicemus: quum nihil spumæ superstet dum per colum traicitur. In hoc igitur, serum ita purum, & ab spuma defæcatum, foliorum borraginis pugillum vnum infundito, quod si pituita multa in ægroto dominabitur (vt sæpe podagricis euenit) adiecito quoque iuæ, betonicæ, saluæ, ana pugillum medium: imò si atra bilis adfuerit, addito quoque senæ, aut epithimi, vnam vel alteram portiunculam: demùm pro humoris dominantis ratione, simplicia hæc vel illa prædicto misceto sero. Cæterum, cum podagricus dolor nimis infestauerit, sic sero

com

composito, vnam, vel alteram drachmam optimi, & albi agarici, linteo excepti, infundito: & ad ignem simul omnia, sed parū bullire finito. Demū percolato sero, à prædictis rebus, eius vnciiis decem vel duodecim, plus minus, pro ægrotantis robore, & alui lubricitate, vel constringentia, rhodomelitis, vel oximellitis, vel melius oximellitis scillitici binas vncias adiiçito: & sic hoc modo serum apparatus ægroto, quoad ipse calidum ferre possit, in aurora ieiuno stomacho, propinato. A cuius potu, quatuor horas ægrotus ipse, absque cibo & potu maneat: quòd si paululum supra potum dormierit, non erit à ratione alienum, & tunc magis, cū serum agarico apparatus fuerit. Cæterū, potum hunc absque agarico, singulis mensibus, septies, vel octies ægrotans ebibere poterit, alternis scilicet diebus, pro alui respondentia: si enim alius multum egesserit, supersedendum est. Porro agaricum admiscere, inchoante vere, & autumnò, item æstate, & hyeme, concedimus: non secus ac cū dolor nimis cruciauerit ægrotum: modò venter lubricus admodum non sit: vel cū ægrotus ipse timeret podagræ inuasionem: tunc verò, hoc remedio præseruatiuo, eius infringimus conatum, aduen

aduentumve. Est nanque remedium hoc tantæ efficaciz: vt hominem totum liberum à podagra, & articulario morbo præseruet: ita vt qui eo utitur, nihil ei opus sit, de sanguine extrahendo, aut remediis aliis: vt longa experientia, compertum habetur, si modò ægotas sobriè viuat, & sex rebus non naturalibus temperatè habeat.

Supereft, vt hic appendamus remedia, paratu facilia, podagræ conuenientia: ea præcipuè, quæ Topica appellamus, & nonnulla alia: quæ Tophos, id est, iuncturarum & articularum nodos, & duritiam, emolliunt, & curant. Cæterum, in podagræ, & articularij morbi curatione, hoc notum omnibus esse velim: vt iis, quæ extrinsecus adhibentur medicamentis, quæ dolores lenire, discutere, & moderatè resiccare solent: illicò inchoante morbo, aliqua, quæ constringendi facultates habeant, admisceant: post morbi verò initium, sola discutientia applicent.

Topicum remedium, contra podagricos dolores.

Oleum rosaceum omphacinum, pro linendis podagricis, & arthriticis doloribus, linteo exceptum, præsertim, si locus
rubore

rubore affectus fuerit, optimum est præ-
fidium.

*Aliud, ex medulla panis, & la-
cte confectum.*

R. Lactis caprini libram mediam, vitel-
los ouorum duos, quòd si dolor ingens
fuerit, & caliditas, & rubedo ægrotum
contristauerint, eorum quoque albumi-
na miscebis: olei rosacei, vnciam vnā:
croci scriptulum vnum, medullæ panis
contritæ, quantum satis sit, vt cataplas-
matis formam recipiant: omnia simul te-
rantur: & fiat cataplasma, & dolenti loco
applicetur, porro, huic cataplasmati, si
dolor nimis cruciauerit, adeò vt ægrotus
eum ferre non possit, adiungemus cicutæ
summitates, aut succum hioscyami, aut
semperuiui, aut semina papaueris, & hio-
scyami, aut opij parum vel multum, pro
virium robore, & doloris vehementia.
Reminisci tamen oportet, quòd post stu-
porem inducentium remediorum appli-
cationem, membra refrigerata cal fieri &
roborari cupiunt, vt pipere, cinnamomo,
zinzibere, castoreo, myrrha, croco, oleo
lilino, piperato, costino, sinapino, iryno,
unguento althæo, agrippino, aragonio,
& similibus.

Aliud

Aliud reperiſſorium, & diſcuſſorium.

R. Ammoniacy, Galbani, aceto diſſolutorum, vtriuſq; vnciam vnā: thuris drach. duas: croci drach. vnā: olei roſacci, vnciam vnā: aceti vnciam mediam: reſinæ drach. vnā: ceræ parum, ad ignem miſce: fac emplaſtrum, vel depoſito oleo, para ceratum, & loco malè affecto admoue.

Aliud.

Folia maluanifci aqua cocta, tere, & hordeacea farina excipe, ac oleo roſacco & camæmelino, quantum ſit ſatis, emplaſtrum confice: & calidum dolenti loco admoue.

Aliud.

Farinæ ſeminis lini, roſarum, ſcœnugræci, fabaceæ, hordeaceæ, camæmelinæ, lentium, ana vnciam mediam: radicis althææ, vnciam vnā: olei roſacci, chamæmelini, ana vnciam vnā: vitellos ouorum tres: rob vini vnciam vnā: omnia decocto roſarum, & chamæmillæ excipiantur, & terantur, & fiat cataplaſma: quod calidum applicetur: & ſæpè innouetur, & lana ſuccida faſcietur.

Aliud.

Atramentum caſſiæ Ægyptiacæ, ſtillario, vel decocto ſolani diſſolutum, & linteo exceptum, & applicitum, ab Anicenna proprio

proprio capite de cassia, laudatus.

Aliud.

R. Ramenti rapæ, & cucurbitæ, vtriufque pugillum vnum: foliorum caulium, pugillum medium: aqua excipiantur: & ad ignem noua olla parū bulliant: postea in mortario optimè terantur: quibus addas, pinguedinis porcinae vncias binas, oleorum, chamamelini, rosacci, ana sesquiunciam: farinae fœnugræci, quantum ad cataplasmatism compositionem sit satis: misce, & vtere calido, nec vt refrigeretur permittas: sed iterum atque iterum calidum applica.

Aliud, pro abigendū, & emolliendū articulorum durū tumoribus, & tophi, quos Græci wopôs appellant.

Ita tophi, hoc est, articulorū duritiæ, & nodi curari debēt: quemadmodum nodi, & tubercula, ac dura curātur apostemata. Solent quippe, qui Galeni sequuntur methodum, libro artis curatiuæ ad Glauconem, & libris methodi medendi, & eius interpretem Auicennam, in curatione apostematum durorum, & scirrhorum, primò emolliētibus medicamētis, postea verò discutientibus, ac vicissim nunc illis, nunc iis, quousque scopum attingant,

h

vti:quem ordinem in profligandis & abi-
gendis articulorum tophaceis duritiebus
summoperè laudo:proindè,primò emol-
lientibus sic vtere. R.Ebulorum,althææ,
maluæ, branchæ vrsinæ, ana pugillum
vnum:caricarum,numero decem,seminis
lini fœnugræci, ana pugillum vnum &
medium: chamæmelæ, meliloti, ana pu-
gillum medium: in libris sex aquæ fiat
decoctio ad medias, & coletur: cui adde,
vini cocti, sapæ dictæ libram vnā: olei
seminis lini libram mediam: & misce,qua
imbuta spongia optimè calida, mem-
brum malè affectum foueatur, & irrigetur,
quousque rubere incipiat:tunc mado-
re absterfo,hoc illinatur linimento.

R. Mucaginis fœnugræci,seminis lini,
maluauisci, ana vnciam vnā: medullæ
cruris vituli,ceruinæ, butyri recentis, ana
vnciam mediam:pinguedinis anatis, gal-
linæ, ana drachmas sex: adipis suilli vete-
ris,vnciam mediam: vermium terrestriū,
vnciam vnā: olei seminis lini, abiegni,
terebentinæ, ana vnciam vnā: pulueris
chamæmelæ quantum ad spissitudinem
mellis sufficiat:misce,& eo calente illina-
tur membrum affectum: sequenti die, di-
scutientibus vtamur, & primò, fomento
discussorio, quod habet. R. Auenæ, vr-
ticæ,

ticæ, hisſopi, marrubij, anethi abſinthij, tribulorum terreſtrium, abrotoni, chamæmelæ, meliloti, ana pugillum vnum: radicis althææ, brionia, ireos, liliorum alborum, ana vnciam vnam: in libris ſex aque, vel lixiuij, fiat decoctio ſecundum artis miniſterium, & coletur: ex qua imbuta ſpongia, irrigetur locus affectus per dimidiam horam: tandem abſterſo loco, emplaſtrum hoc applicetur.

Emplaſtrum.

R. Emplaſtri de meliloto, de hyſſopo, ana vnciam mediam: ammoniaci, galbanes aceto diſſolutorum, ſtyracis liquidæ, bdellij, ana drachmas duas: olei irini, vulpini, ana vnciam vnam & mediam: croci drachmam vnam: medullæ cruris vituli ceruini, ana vnciam mediam: vnguenti de althæa, agrippini, aragonis, ana drachmas ſex: ceræ citrinæ quantum ad ſpiſſitudinem vnguenti ſufficit: miſce, & ad ignem vnguentum compone, & morboſo loco admoue: & ſequenti die ad priora remedia reuertere. Dein ad hæc recurre, & circulum hunc ab Auicenna traditum, & ſeruatum procurandis ſephiris, & duris tumoribus imitare.

Aliud.

Ammoniacū aceto diſſolutum, & igne

h 2

ad formam cerati redactum, & tophacæis duritiis, & nodis applicitum, summum est remedium.

Emplastrum de marmore, tophacæas duritiis dissoluens.

R. Marmoris subtilissimè puluerizati, libram mediam: butyri vaccini, quantum ad spissitudinem prædicti pulueris sufficit: misce, fiat emplastrum, & actu calidum applicetur: & rectè fascietur. est enim à multis expertum.

Præseruantia à podagra, topica remedia.

Caligis, & manicis, ac chirotecis, ex pelle canis ruffi paratis, vti contra podagrâ, & chiragram, remedium præseruatium, non contemnendum à multis habetur.

Aliud.

Sale minutim oleo trito, membra affigi solita, illinire, bis & ter in die per totum vitæ curriculum, tanquam expertum laudatur.

Aliud.

Succus cæparum illitus, & desuper piperis nigri puluisculus respersus, ac spongia vino decoctionis cymini imbuta, superposita, si bis in die iteretur, manè, & sero, magna pollicetur: subtiliatur enim humor, & per sudorem extrahitur: vel saltem per insensibilem euaporationem.

Aliud

Aliud.

Membrum lauare fomento, ex lixiuio parato aqua marina: in quo decoctæ sunt herbæ, stæchas, myrtus, saluia, rosmarinum, balaustium, & cæteræ similes. vt expertum scribo.

Aliud.

Lauare membrum, affici solitum lixiuio: in quo terrestres tribuli cocti sunt, à podagra præseruat.

Admonendum duximus in præsentî, quòd nodi articulorum, & tophaceæ duritiæ, sæpè remediis extirpantur: & tamen membrum retractum manet: sed tunc instrumento, membrum extendere faciente, medicus sapiens vti debet: prout in Iulio 111. Pontifice maximo, actitatum esse vidistis. Digitum nanque dextræ manus contractum habebat, vnde scribendi inhabilitatem cōtraxerat, qui instrumento parato, aliquando dicendo, in pristinū statum, & motum, redactus fuit. Sed hîc occurrit problema ex Galeno decerptum, non prætereundum. Cur nullus vnquam podagricus visus est pati conuulsionem: quæ frequenter solet, in neruosarum partium inflammationibus, aduenire? quum, & ipsos partium istarum inflammatio, fatiget. An quoniam neruosorum omnium

ligamenta tantum ipsis inflammari, extendique contingit: reliqua vero nervosa, ut tendones, nervi; proprii non inflammantur: sed tantum dolent: ut quæ, cum ligamentis simul patiuntur.

Curatio trigesima, de iocinoris inflammatione, cum singultu, ex qua subsequuta est mors.

SAlamon Sagatius, vir annos natus Squadraginta temperatura, si qua altera, sicca: hic cum assuetus esset non adeo optimis vesci cibis, inchoante autumno, conqueri cepit pedes sibi, & faciem tumere: demum respreta & tumescencia illa abolita, quæ ex iocinoris vitio ortum, dubio procul trahebat, in dolorem quendam incidit, iecur & spiritualia membre vexantem: quæ comitabantur febris continua, tussis, fastidium, sitis inexhausta, & respirationis aliquanta difficultas. Quibus de causis, medici eum inuisentes pleuritide affectum esse statuerunt: ac illico, secta interna eiusdem brachij vena, sanguinem emiserunt. Cæterum, paucis interiectis horis, singultus huic superuenit, ad finem usque morbi perdurans. Nam prioribus diebus hic expuit, sed postea elapsis nonnullis, scretus ex toto sunt cohib

cohibiti, octauo, ad hūc vocatus ipse, eum absque dolore inueni, nihil excreabat: sed, per interualla, singultiebat: & quod peius est, vires deficiebant: à me enim sæpè dieterij modo vsurpatur, solus defectus virtutis, signum malum. Qua de causa, hunc breui moriturum prædixi, ridentibus medicis assistentibus: sed ille intra triduum obiit, ignorabant autem medici illi, vt morbum, ita pulsum inæqualitatem, vt tamen horum medicorum error deprehendatur, attendant lectores.

S C O L I A.

Cum hic iecinoris inflammationem pateretur, medici assistentes pro pleuritide eum curabant, nescientes inter vtrunque morbum differentiam ponere: cum tamen eam Galenus distissimus medicina oceanus descripserit, & charitū mandauerit: vt Centuriū in iam diximus, indicauimusque ex ipso Galeno, tum alibi, tum etiā ex libro de locis affectis quinto, capite sexto. Iecur affici declarant in dextra præcordiorum parte, grauitas, dolor tota præcordia retrahens, atque ipsius vsque ad iugulum extensio, (nam & hoc nonnunquam euenire solet) exigua suffis, linguae color. Primò quidem ruber: dein verè niger, ingens fastidium, sitis inexhausta vomitus tum syncera bilis, tum eius qua ouorum

h 4

vitellis assimilatur: quæ postea eruginis aliquando colorem referre cõspicitur: alius quoq; astringitur, nisi vna cum visceris huius imbecillitate inflammationem excitari contingat. Quæ omnia multum absunt à notis, quæ pleuritidi harere solent: sed agè, cum iecoris gibbae vel concauae varia affici contingant partes, lectori gratificemur: ut doctus noscat inter utranque differentiam ponere. Interdum igitur, ut in gibbis duntaxat, ita & in simis, siue concauis huius visceris partibus inflammatio oriri solet: quamvis (ut rectè tradit Galenus) inflammatio in neutra partium exquisitè distincta possit consistere: quoniam gibbarum, & simarum carnes inter sese continuantur. Quando tamen inflammatio simas obsederit partes, tunc dolor ad intestina vergit, & ventriculus magis afficitur: unde vomitus oritur, nausea, singultus, inconcoctio, fastidium, sitis, & cetera mala, ac vitia, quæ membris nutritioni seruientibus naturalibus dictis, euenire contingunt. Quod si verò inflammatio gibbas occupauerit partes, tunc iecur tanquam semiluna euadit. Sed signum hoc à paucis deprehenditur: proinde eius vices, suppleant nota hæc videlicet, tussicula sicca, dolor partes ipsas afficiens proprias, veluti & thoracem, & membra spiritualia: adhæc tactus, quo non ita difficulter gibbarum inflammationes percipimus: quemadmodum simarum. Tametsi enim iecur oper-

tum

tum sit peritoneo, ac tribus musculis contegatur recto obliquo, & transuerso ob quos non facile ad cum topicorum remediorum vires penetrant: nihilominus utcumque eas percipimus, & assequimur. Ceterum, cum agrotus hic magnam pateretur inflammationem in ipso iocinore: factum est, compatiente stomacho, ut singultus superuenerit, qui, (ut ego puto & symptomata ipsa indicant) compatientibus primò instrumentis respiratione deseruientibus, euenit: quoniam gibba partes grauius afflictae erant. Nec enim apud me in dubium vertitur, in medio iocinoris inflammationem, utranque partem afficientem fieri posse: quoniam viscus hoc variis canaliculis perforatum, dissectis humanis corporibus, comperimus: unde à mediocri inflammatione, utraque symptomata euenire posse: non est dubium. Galenus tamen, libro sexto aphorismorum, enarratione sextadecima, aphorismi illius, à morbo laterali, vel pulmonia habito, alui profluuium adueniens, malum, (inquit) cum partes aliqua patiuntur, non simpliciter alia compati sunt natura apta, sed forti cum passione detinentur. Secundum hoc igitur & hepate fortiter patiente, singultus superuenit, compatiente stomacho: tuſis autem & difficilis anhelitus, compatientibus hiis, quae respirationi seruiunt instrumentis. Ceterum, cum hac commentarer, in mentem venit Galenus, commentario secundo

h s

in librum secundū prorrhetici, enarratione sex-
decima, qui ad iuuenem hepaticum vocatus, irri-
sus à medico Thessali discipulo fuit. vt qui per
vrinas, iuuenem tali affici morbo, scire contende-
ret. Nam medicus ille à Thessalo doctus nun-
quam vrinas contemplatus erat, imò eas con-
templantes fullones appellabat.

*Curatio trigesima prima, in qua agi-
tur de papillis, siue mammarum
capitulis elongandis, formãdisve.*

Nobilis Veneta, cū peperisset, &
mammillarum papillas intus abscon-
ditas, contractasve haberet: vt lac nec
pueri ore, nec artificio alio euocari pos-
set: magnum dolorem ac ingentem gra-
uedinem in ipsis sentiebat. Ego verò at-
tentiùs rem hanc considerans, sic pro pa-
pillis ipsis formandis producendisve, ma-
chinor. Vitream phialam, oris non admo-
dum latam circumferentiam habentem,
feruente aqua impleri iubeo: ac illicò ab
ea aquam totam deponi, cuius phialæ, sic
calentis os ad papillam admoueo (mi-
rum enim in modum attrahit) qua at-
tractione papillæ formatae & elongatae
manferunt: lactis autem non parua quan-
titas in phiala ipsa extracta fuit. Vnde
mam

mammarum tensio, & dolor imminui cœperunt, & mulier rectè habere: persensit tamen (vt verum fateamur,) nobilis hæc mulier, in phialæ applicatione, non paruum dolorem:quem postea in totum contempsit, cùm præcipuè tantum iuuamentum inde se consecutâ videret. Fuit nanq; opus hoc mirum, ex quo ars medica non parvam gloriam consecuta est. Qua de causa, & medici assistentes hoc summo-perè laudarunt:vt qui nunquam antea viderant, nec apud aliquem legerant.

Curatio trigesima secunda, de sanguine detracto à muliere gracili, cui iam diu suppressi menses erant, & contra medicorum opinionem, sana euasit.

Mulier boni habitus, gracilis reddita est: cui menstruæ purgationes, per sex menses iam defecerant, grauabatur, angebatur: & quotidie non rectè valere nobis inculcabat. Cæterum huic venæ tumebant, & exertæ erant, ac nigricabant: quibus de causis, ex pedis vena, saphena dicta, sanguinem per interualla, ad libras duas, contra medicorum assistentium opinionem

opinionem demī iussi : aqua sanguinis emissionē, optimē valuit : & in pristinum statum reddita est : ac non multo postea, menses illi suppressi fluxere, & basilicē viuit.

S C O L I A.

Quōm hac tractarem, in mentem venit Galenus commentario tertio, in librum sextum de morbis vulgaribus, enarratione 29. ubi huic similem historiam enarrat, quam sic habeto. Multi itaque (inquit) non parū sanguinis habent: qui tamen maximoperē graciles sunt, quemadmodum alij crassi quidem, nec tamen nisi pauci sunt sanguine præditi, & quidem mulierem, cui iam per octo menses suppressa erant menstrua purgationes, quæq; attenuatissima erat, copioso sanguine detractō, breui tempore ad suum pristinum ac proprium statum restitui, nec secus etiam quamplures alias. Id tamen, quod in ea factum est: quippe, quæ non ignobilis esset, celebre admodum fuit. Præcipuè verò quum alij medici vererentur polliceri, certum ex eo remedio futurum auxilium, immo nonnulli etiam nobis aduersari auderent, qui dicebant non modò ob gracilitatem, sed etiam ea in appetentiam, ex vena sectione illam fore ledendam. Hac Galenus: qui paulò post, inquit, Porro, mulieri, de qua nuper est habita mentio, prima die, sanguinis sex qui

sexquilibram, id est, libram vnā & alterius
mediam, detraxi: postridie libram, tertia verò,
non multò plus selibra, erāt siquidem vncia octo:
& subdit. Porro, illi vena exerta erant, quæ san-
guine videbantur repleta, liuentes, secto autem
vase, sanguis atra pici, tum colore, tum crassitie,
similis effluebat: ob id ipsum verò longè magis
decreui liberaliùs vacuare. Hac sanè obiter
medicis dicta sint, qui rectè mederi volunt. Ha-
ctenus Galenus: cuius doctrina muniti, nos mu-
lierem hanc, de qua agimus, ad sanitatem traxi-
mus: quæ & hodie firmata valetudine vtitur.

*Curatio trigesimatertia, de obitu cō-
tracto, ex Diabete, & potu aqua-
rum ex thermis montis Bodij.*

ADamans ex Cyrolio, mulier nata an-
nos sexaginta, cū ab hinc duos an-
nos fluore muliebri vexaretur, multis &
variis adhibitis remediis, ad morbum fa-
cientibus, conualuit. Cæterū, paucis
postea diebus in alium grauiorem lapsa
est: diabetycam scilicet affectionem, ma-
ximo cum ardore afflictātem. Porro cū
hanc quoque malam, & pernecantem af-
fectionem leuare, multis machinamētis,
conaretur, aquam thermarum Montis
Bodij,

Bodij, alumen, sulphur, & ferrum sapientium, per quatrimum, ebibit: ex cuius potu, vniuersa eius facies tumuit: ac postea ita malè habuit: vt per quatuor alios dies tanquàm emortua cubuerit. Vix autè eius pulsus percipiebantur: sed postea reuixit: & tanquàm ex tenebris in lucem reuocata est: mente tamen non exactè cōstabat: sic plures dies vixit. Postremò, ad obitum veniens, per septem dies, absque loquela mansit: & pulsus illi ita exiles erant, vt vix perciperentur: quousque ex toto absumpta, diem suum obiit. Hoc eodem tempore obiit Ioānes Angelus Caribaldus mercator Mediolanensis, diues satis, ex vrinæ stillicidio, maxima cum acrimonia, & mordacitate, complicato malo. Erat autem vir hic natus annos plus sexaginta quinque, rarò enim ab hoc vitio senes liberantur: vt diuinus Senex, memoriæ commendauit, libro sexto aphorismorum, aphor. sexto, dicens Renum, & vesicæ vitia, in senioribus difficulter sanantur. Sed tunc eodem vitio afflictum Vincentium scœniculum, rei maritimæ maximum exploratorem, liberauimus: senex autem & hic vir erat, sed robustus admodum. Cæterùm de iis, & similibus curandis vitiis, breui multa & pulchra, Deo optimo, maximo

ximo fauente, chartis mandabimus.

*Curatio trigesimaquarta, in qua
agitur, de accelerando
partu.*

PInta vxor Pharasij, musici insignis, quum per triduum in emittendo foetu, grauiter laboraret, ad eam iuuandam accersiti sumus: ac post multa ab obstetricibus adhibita, & machinata, hoc illi ebibendum dedimus medicamentum.

R. Cinnamomi optimi, trochiscorum de myrrha, croci optimi ana drachmam mediam: omnia optimè, & subtiliter triturentur: & generoso vino excepta, bibenda propinentur: hoc enim epoto, & repetito medicamento, duas peperit puellas, omnino luteas: ob quem colorem assistentes mulieres admirabantur. Cæterùm, nos colorem hunc, à croco ebibito cōtractum esse docuimus, itaque lauatae puellæ albæ sunt effectæ. Porro interim hæc agebamus, sternutationē ciebamus cōdiso, hoc est, struthio, siue lanaria dicta herba helleboro, pipere, euphorbio, & similibus, prout, nos docuit agēdū, nūquā satis laudatus senex ille, nature verus minister: libro

bro quinto suorū aphorismorū, aphor. 35.
Dicens mulieri, quæ vterinis molestatur,
aut difficulter parit, superueniens sternu-
tatio, bonum: vidimus autem nos difficul-
ter pariētes, à repetita sternutatione, bre-
ui parere, quia vehementiore concussu,
atque feruore, partim quidem naturam
excitat, partim verò excernit, quæ parti-
bus corporis firmiter infixæ adhærent: sic
enim & singultum solet sanare sternuta-
tio. Porro, ingresso nono mense à conce-
ptione, ventrem vniuersum axungis, pin-
guedinibus, & oleis violaceo, amygdala-
rum dulcium, liliorum alborum, seminis
lini, & variis, similibus emollire, laxare,
extendere, dilatare, & forum habere, opti-
mum est: siue pariendi difficultas à vitio
parientis, aut foetus, aut secundarum, aut
extrinsecus aduenientium accidat. Partu-
ritionis quoque tempore, suffitus ex tro-
chiscis myrrhæ, aut herbarum variarum,
iuuat, vt sauinæ, mentastri, calamintæ ne-
pithæ, pulegij, origani, dictāni, artemisiæ,
iridis, rubeæ tinctorū, cyclaminis, baccarū
lauri, & similiū: quæ, sufficiēti vino albo, o-
dorifero, in olla decoqui debēt, actā dē ol-
la ipsa sedili perforato supposita: mulier,
vnde quaque circūsepta vestimētis, illi in-
sideat. Nos instrumētum parare iubemus:
quoties

quoties mulier difficulter parit, vt manibus, apprehensa resti, ex alto pendēte, alta maneat parturiens ipsa, ita vt concuti commodè à viro forti possit: id enim ad partum accelerandum multum prodest.

Curatio trigesima quinta, in qua agitur, de febre continuò affligente, in morbillos terminata.

A Brahamus, ex Cidicariis, puer annos natus decem, obesus, mense Ianuario febre cōtinua, variis cum paroxysmis, inordinatis, affligebatur. Huic sexto die ægritudinis, secta fuit dextri basilica brachij vena: ex qua sanguinis vnciæ sex extractæ sunt. Cæterum, sequenti nocte, puer hic angī cœpit, & lamentari. demùm sanguis per nares, illi ita copiosè fluxit: vt pueri mater de eius vita timeret: nam & ter egressit, fortè ob cassiam ægyptiacam, quā die antea comederat. Tūc vniuersum huius corpusculū, exanthematis mitioribus, hoc est, morbillis, plenū fuit: à quibus gubernatus (vt decet) puer & abstemius factus, in totum sanus euasit, & liber: fuisse autem omnes ægritudinis dies viginti.

Curatio trigesima sexta, de vomitu cuiusdā mulieris, ex quo medicus

quidam contendebat vermem, scolopendrum dictum, eiectum esse.

QUum mulier quædam nobilis Anconitana, iam diu morbo laboraret, & cum periniquè ferret: & inde singultiret, ac vomeret: nonnullos vermes cum vomitu emisit, paruos quidem. Quos cum medicus consideraret, fortè fortuna, scolopendram, vermem terrestrem, vnde ceterach, siue asplenium herba, ob similitudinem, scolopendra vocatur, inter eos vermes inuenit, magna cum admiratione, cum tam horrendum vermem, agrotantem mulierem per vomitum emisisse videret. Porro illi similes, Bononiæ aliàs euomitos sub magistris vidisse, gloriabatur: id quod falsum esse, ipse contestatus sum: cum opinio eius non aliundè eueniret, quàm ex ignorance vermis illius, quem ille terrestrem esse, scolopendrumque appellari, ignorabat. Fieri autem posse, eo quo euomuit tempore mulier, vermem in eum locum, in quem euomita ceciderant, irrepsisse, vel si magis placet, id quod non credo, noctu dormiente muliere, & adaperto ore, in eius stomachum ingressum, vt olim euenisse cuidam adolescenti, memoriæ commendauit Hippocrates,

crates, libro quinto de morbis popularibus. Et Gatinarius alij contigisse, historiam citat, viuebat autem vermis hic dum ad me delatus est. Cæterum, cum vermem agnouissem, terrestrem esse, & in homine non genitum, medici ignorantiam detexi: vnde populus miris laudibus, artem simplicium dignoscendorum extulit, & in nostram iuit sententiam.

Curatio trigesima septima, in qua agitur de ascite morbo.

MVlier ad maris portum habitans, annos nata triginta septem, ascite morbo laborabat. Cæterum, elapso nonnullo à morbo, tēpore, vmbilicus huic ex morbo, similis membro virili factus est, & in eo pustula quædam ingenita fuit, quam mulier vngue cum scalperet, inde aquositas contenta profluebat: quod aduertentes nos, emissarium natura factum, scalpello dilatauimus, vt humor siue aqua illa contenta, liberalius emitteretur. Viuit autem & hodie mulier hæc, & rectè se exerret, & ad functiones obeundas, optimè virilitérque se habet: à qua plus minus libræ viginti aquæ huius, intra menses duos effluxere: magnum tamen splenem (vt sciatis) mulier hæc patitur.

S C O L I A.

Morbum hunc, ita curandum esse, docuit
 Divus ille senex, libro de Internis affectionibus,
 quum ait, Si verò aqua intercus innascatur,
 & rumpatur in ventrem, iisdem medicamentis,
 & potibus, & cibis, ac laboribus, quibus priores
 curato. Vinum verò bibat, austerum nigrum, si
 verò tibi videatur discessisse ab epate, ferro ubi-
 cunque apparuerit, vrito, & aquam paulatim
 emittito & velut reliquos priores curato: si verò
 ab his non sanus fiat, temporis progressu cor-
 rumpitur, ac moritur. Morbus enim est gravis,
 & pauci hunc effugiunt. Caterùm, à natura
 facta apertura hac, non ita saeva, & periculosa
 est, ut ea quam Salamantica, hodie Florentissi-
 ma, in Hispania, Academia, in alio, ascite labo-
 rante, notauimus: de quo prima Centuria ser-
 monem si rectè teneo, habui.

Curatio trigesima octaua, in qua agi-
 tur de febre continua, eueniente à
 bile furente, & maligna.

HAbrahamus, Oæffus natus annos vi-
 gintiquinque, temperatura (si qua al-
 tera) sicca, & canina, ad Asculanum por-
 tum, febre cōtinua cum laboraret, & eum
 medici rectè, doctèque tractarent, elapsis
 quindecim diebus, à morbi initio, Anco-
 nam delatus est. Qui quum febre conti-
 nua

nua graviter vexaretur, imum ventrem
dolebat, & non quiescebat: imò furibun-
dè cubili huc & illuc movebatur: idque
assiduò, parum dormiebat, nihil sitiebat,
& rectè ad oblata se habebat, solus in no-
cte absque socio dormire formidabat.
Cuius rei causam cum ab assistentibus in-
terrogarem, respondit quidam, quum
nuncium hic accepisset de morte amici
sibi charissimi, proxima nocte, inter dor-
miendum, vidisse per somnium se per li-
teras ab amico vocari: expergefactum,
terrore affectum fuisse: & inde mœrore &
metu concitatum, solitudinem in lecto
timere. Quum igitur hic tam graviter fe-
bri laboraret, ut cubili perquiescere non
posset, illicò intra huius corpus humores
furere, ad quorum motum hic mouere-
tur, coniectura atque argumentis conse-
quor. Proinde illicò purgatorio pharma-
co, furentes materias respiciente, euacua-
uimus: à quibus depositis, agrotus dolere
desiit, & melius habere cœpit. Quan-
quam febris continuò affligens, utcunque
eum teneret, qua & alius medioeriter
respondebat: sed tunc decoctum hoc præ-
parauimus. R. Ordei mundi, asari, endi-
uiæ, cichoreæ, buglosi, borraginis, ana-
pugillum medium: radicum endiuiæ, bu-

glofi, petroselini, ana vnc. mediam : senæ
drach. sex, prunorum pinguium duode-
cim: florum cordialium, capillorum vene-
ris ana pugillum medium : seminis melo-
nis mundi, cucurbitæ, batechæ, ana vnciâ
vnam: libris sex aquæ, omnia excipiantur:
& fiat coctura secundum artis ministeriū,
ad consumptionem tertiæ partis, & cole-
tur. R. prædicti decocti vnc. quinque. Sy-
rupi de pomis saporis, de lupulis, de endi-
uiâ, ana vnc. mediam: misce, fiat syrupus,
quem in aurora ieiuno stomacho, bibat.
At dum hæc pararetur, interim iecur huic
illinebatur santalino vnguento, & spina
dorsi, rosaceo, & os ventriculi, roborante,
fouebatur: tunc vrinæ mediocres conspi-
ciebantur. Huic victus, carnes capi erant,
& gallinæ iurulentæ, radicibus petroselini
vulgaris incoctæ. Potus verò, vinum opti-
mè dilutum, ordeacea erat, quandoque
communi aqua. Elapsis verò sex diebus,
huic catapotia ex tribus cum rhabarbaro,
obtuli, scrupulorum pondere quatuor,
quibus parum egressit. Cæterum, hoc tem-
pore, videns morbum præualere, & hunc
in dies graciliorem fieri, cum eum graci-
lem & siccum esse natura cannina, ac pro-
pterea facile in habitum morbum labi
posse viderem, ad balneum eum traxi, ex
aqua

aqua fontana: adiectis paucis herbis, endiuiia, lactuca & malua. Duobus autem balneis, intra tres dies peractis, ita rectè valere dixit, vt nunquam antea. Morabatur autem ferè in balneo horam vnā, cū eo multum delectari diceret, in fine cuius, ius pulli endiuiia alterati, ad vncias octo bibebat: & inde absterfo, oleo violaceo inungebatur: & vt ne dormiret tunc monebamus. Tunc verò huius vires refici videbantur, & morbus minui: sed nos singulis sequentibus diebus, singulis gabatas prædicti iusculi capi, ventre vacuo, dabamus, & eum optimis cibariis reficiebamus: & cū venter non rectè responderet, clysteriis utebatur, medicamenta purgatoria fugientes: demū ordine citato tractatus, intra quinquaginta dies sanitatem obtinuit.

Curatio trigesimanona, in qua agitur, de oris ventriculi dolore.

QVi de oris ventriculi dolore conque- rebatur, vir effœminatus, euomere non potuit. Cæterū, ab injecto clysterio, quo alius rectè respondit, vncias tres aquæ florum chamæmelæ calidæ ebibit, à cuius potu dormiuit, & optimè valere dixit. Est sanè distillatitia chamæmelæ

aqua, hoc est, ex ipsis chamamelæ floribus, parata pro iis leniendis ventriculi, & intestinorum doloribus, præcipua medicina.

Curatio quadragesima, in qua agitur de oris tortura.

Vir quadragenarius, morbis variis vexari solitus, oris tortura ingenti apprehensus est, à qua vt rectè curetur, in dubium verti decet. Vtrum à paralyfi resolutione dicta, an à conuulsione spasmo dicto, tortura hæc euenerit: demùm perpensis, & examinatis omnibus: à paralyfi ortum, morbum traxisse comperimus. Eratenim in loco attracto, sensus deperditio: cui remedia admovebantur, non despecta tamen neruorum origine: vt secunda Centuria, vberius diximus. Placet tamen non nihil de hac re memoriæ euocare: vt studiosi, & qui artem medicam exercent, quidquid in hac curatione desideratur, in promptu teneant. Vir tamen hic, intra mensem sanus factus est.

SCOLIA.

Est oris tortura, in figura vitium, quod ex accidenti contingit, aut à resolutione neruorum, Græci dicta, paralyfi: aut conuulsione, eisdem spasmo dicta. Caterum, quum à paralyfi euenit alterum

alterum duorum, vel simul duo, in eodem membro
reperiri necessum est: videlicet, aut sensus, aut a-
ctionis, aut utriusque amissionem: cum verò à
convulsione euenit, nullum horum reperiri licet.
Porro, cum altera in parte, resoluti musculi sunt
membrum trahitur à reliquis, qui actionem obcunt:
& sic sana pars agram trahit: & tunc attracta
parti medicamenta admoenda sunt: non negle-
cta (vt dixi) nervorum origine. At si musculi
convulsi, hoc est spasmus, siue retractione affecti
fuerint, ij ad se partem valentem alteram tra-
hant: & sic attrahenti remedia applicabimus.
Nec enim hac altius repetere decet, quando cate-
ra huic rei conuenientia, secunda centuria cura-
tionum harum abundè diximus: de quibus &
Galenus nonnihil attigit, libro de sympt. diffe-
rentiis, qua percurrere ne pigeat.

*Curatio quadragesima prima, in qua
agitur de angustis & cordis do-
loribus.*

Mulier quædam, quæ puellas legere
docebat, nocte quadam, angustis &
cordis doloribus valde opprimebatur. Ad
eam igitur accitus, breui cucurbita ad vè-
triculum affigi iussi, & illicò se sanam di-
xit, vt incantationi opus simile applausis
manibus exclamaret. Non minus mulier
illa, quæ post ebibitum pharmacum purga-

torium, in cordis pressuras, & angustias incidit: ab applicita cucurbitula ventriculi regioni, illico se sanam dixit: & ad Deū pro tanto beneficio preces fundebat.

Curatio quadragesima secunda, in qua agitur de scabie curanda.

IVuenis scabiosus, qui sæpè plus iusto calebat, optimo constituto victus ordine, & ebibitis syrups, bilem atram respicientibus, & repurgato leuioribus medicamentis corpore, fomento & vnguento sequentibus lauabatur, & illinebatur: & intra mensem sanus est factus: habet autem fomentum sic, R. herbarum fumariz, rumicis, senæ, mentastri, acetosæ anapugillum vnum, libris decē aquæ fiat decoctio sufficiens: ex qua aqua huius vniuersum corpus lauetur, & postea abstergetur, ac vnguento sequenti illinatur.

Vnguentum contra scabiem.

R. lithargirij, cerusæ, ana vnciam mediam: olei rosacei, vncias duas: aceti rosati, vnciam mediam: sulphuris viui, drachmas duas, salis drachmam vnam: butyri recentis vnciam vnam, terebinthynæ vnciam mediam, mortario plumbeo omnia tere: misce, & fac vnguentum contra scabiem.

Aliud

Aliud.

R. Butyri recentis vnciam mediam, terebinthynæ drachmas tres, aluminis rochæ vsti drachmas duas: sublimati drachmæ quartam partem: succi limonum duorum, oua integra duo: misce, & compone vnguentum. Cæterum, curationibus Pisarenfis sequentibus, longè melius aliud comperies remedium: quo purpurati, & nobiles Romæ frequenter, pro depouenda scabie, vtuntur.

Curatio quadragesima tertia, de tertiana, gelida potu expulsa.

I Oannes Thomafius, mercator Venetus, & frater pharmacopolæ Venetiis præstantis in officina, triplici corona insignita, quum ex Antuerpia Anconam venisset, ex itineris longitudine, & laboribus contractis, fractus & confectus, in tertianam incidit. Ad quem cum intraret medicus quidam, & illi minorans medicamentum propinaret, & sanguinem per venæ sectionem extraheret, & syropos illi concederet, & grauissimè haberet: elapsis quatuor paroxysmis, ad eum sum vocatus die paroxysmi: quem magna, & ingenti febre afflictum, ac validissima siti cruciatum, comperio. In qua accessione
assisten

assistentes illi, aquam obnegabant: ego verò, hominem, sic eo tempore vexatum, & valde siticulosum videns, linguam admodum quoque aridam habentem: in cuius vrina, nescio quid sublimamenti conspiciebatur, aquam ad satietatem bibere concedo. Quam ille avidissimè vno hausto, affatim ebibit: à cuius potu vehementer sudauit, & ita bene habuit: vt sequentis paroxismi die, immunis euaserit: ne tamen in morbum recideret, ex manna, & rhabarbari diluto, purgatus fuit, & basilicè habuit.

Curatio quadragesima quarta, in qua agitur, de colico dolore.

Petrutius Bergomas, Anconæ mercator, quum dolore colico vexaretur, ab iniecto clysterio emolliente, clysteribus acribus, & potentibus vsi sumus, & breui sanus est factus. Non multò post tamen in quartanam incidit, præstans tamè clyster, pro abigendo colico dolore, hic habetur. R. Anethi, chamæmelæ, parietariæ, rutæ, an. pugillum vnum: seminis anisorum, carui, dauci, cumini, ameos, an. vnciam mediam: oleorum anethini, rutacei, chamæmelini, an. vncias duas: butyri recentis, vnciam vnam, & alterius mediam

mediam vini optimi, librā mediam: aquæ libras duas: ad ignem in olla omnia bulliant, & secundum artis ministerium coquantur, colentur, & clysterium paretur, salis drachma vna, vel altera adiecta: item mellis cocti, vna vel altera vnciola: quod si acre reddere cupis, adde trochiscorum alaandal drachmam mediam, plus vel minus, pro ægrotantis virium robore, & morbi indigentia.

Curatio quadragesima quinta, de sanguinis mictu, ob casum contingente.

PVella annos nata octo, ex alto cecidit, ac prope spinā ad lumbos vehemēter cōtusa est: & in frōte vulnus nō exiguum quoque accepit. Cæterum, quum hæc merueret, sanguinem multū, & viuidum cum vrina emittebat: idque non semel, sed sæpius ad tertium diem: à renum enim regione sanguinem effluere, tum contusio exterior, eos respiciēs, tum etiam sanguis ipse, & dolor attestabantur. Proinde loco exteriori cōstringens medicamētum admotū est, interius verò pulveres adstringendi vires habētes pauco cum philonio persico ebibendos propinauimus: quos Mesues, capite de rhabarbaro descripsit, & demum sanguis intra tres alios dies cohibitus

hibitus fuit, capitis quoque vulnus postea ad aliquot dies, coaluit. Caterum, nunc, nunc, cum hæc Ragusij commentarer: Ciuis iuuenis ex alto cecidit, & sanguinem viuudum meiebat, qui eo dicto modo tractatus, sanus euasit: bis tamen illi secta vena fuit.

Curatio quadragesima sexta, in qua agitur de vermibus.

PVeri ab Alba, vermibus vexabantur. Cæterum, cum febrerent, & electuarium ex mixariis, sebestis dictis, cui admistum erat parum boli armeniaci pallidi comederent, sani sunt facti. Porro, puella scarintij, quum vermibus quoque laboraret, & illi tardè medicamentum datum esset, vnum præmagnum egeffit vermem rotundum, cuius cum pater pede caput calcasset, ex eo alij prodire vermes: puella tamen breui mortua est.

SCOLIA.

Ex verme isto rotundo alij prodire vermes: quod Hippocrates fieri posse, nō negat, immo lib. quarto de morbis, rotundos lumbricos intra intestina parere, & fectare, fatetur: id quod experientia, de rotundo verme isto habita, Hippocratem veridicum

veridicum attestatur: cum ex eo calcato, & disrupto, alij prodire vermes ferè ad exitum maturi. Porro, ut rotundi vermes ij, intra intestina, nidificent, foetant, & pariunt, ita lati nihil horum faciunt: ut citato loco, idem testatur Hippocrates, De quo verme lato, lege sextam centuriam sequentem, veluti primam, apud curationem sextam.

Curatio quadragesima septima, in qua agitur de puella à cheradibus liberata, postea gibbosa facta.

PVella, filia, honestæ viduæ brudorum, alteri ex iis, quæ à nobis ab scrophulis liberata, sana perseverabat, post elapsum annum: altera spinæ vertebrarum exterius deducta est: supra quam, muliercula quædam, ex constringentibus rebus emplastrum cum admoueret, vertebra utrumque intus sese recepit: sed postea paucis elapsis diebus, puella hæc gibbosa apparuit. Pro qua curanda, accitus ipse, ex unguento de alihæa, supra gibbam partem, ad aliquot dies inungi iussit: postea verò constringente cerato, locus munitus fuit: & desuper lamina plumbea superposita. Habet autem ceratum constringens eo modo: quo alibi à nobis, in iis centuriis, descriptum est.

Curatio

*Curatio quadragesima octaua, in qua
agitur, de vrinae suppressione, ob
carunculas in viis vrinariis ha-
bitas.*

CYriacus Anconitanus, vir robustus, annos natus trigintaquinque: quum lōgo tempore gonorrhœam esset passus, ad quam carunculæ in vesicæ collo, vel vrinariis meatibus, oriri solent, & consequenter vrinae difficultas: quæ & in vrinae retentionem sæpè terminatur: carunculis laborabat, & vrinae retentione. Cui malo occurrentes nos, cum nec medicamentis, nec caractere immisso quicquam proficeremus: postquam vniuersum eius corpus purgatū fuit, & gonorrhœa ferè extincta: ad carūculas extirpādas nos diuertimus: & scopum obtinuimus: prout ex quarta centuria docui, & sanus euasit. Est sanè morbus hic difficilis curatu, & à paucis cognitus.

*Curatio qua dragesima nona, in qua
agitur de morbo gallico, papulis
per corpus efflorescentibus.*

ALouisius Flor ntinus, iuuenis ex Pi-
xonum familia, mercator à muliere
meretrice discedens, in plures eius vni-
uersum

uersum corpus fœdantes papulas incidit: quarum, nonnullas etiam capiti infixas, habebat. Ad hæc in testiculis ingentem, & ad internecionem vsque, sentiebat pruritum, pro quo leuando, domandove vnguento populeo, nonnullis opij granis, illi admistis, & aceto acerrimo dissolutis, eos inuagendos curauimus: & breui à pruritu liber euasit. Cæterum, pro curatione papularum, & ne in palpebrarū, & capillorum defluuium veniret: à repurgato optimè corpore, decoctum radicis synarum, ad viginti quinque dies ebibit: & tandem sanus est factus. Nec enim opus fuit, pro ipsius abigendis papulis, vti aqua forti argentariorum, aut aqua sublimati, aut vnguento aliquo exsiccante: prædicto nanque radicis decocto, penitus extirpatæ sunt. Cæterum, hic tenui admodum vsus est victu, & eo quidem exsiccante.

Curatio quinquagesima, in qua agitur de malignis quibusdam tuberculis: quæ in digitorum articulis sæpè oriri solent.

Rosa, mulier Anconitana, sexaginta nata annos, articulario morbo obnoxia, in manus pollice digito, tuberculum articulum prehensens passa est. ex eorum

k

genere, quę dolores, & graua symptoma-
ta afferre solent, Pro quo domando, illicò
emplastrum parare iubeo: quo nullū præ-
stantius, aut diuinius excogitari potest: &
supra tuberculum admouere. Habet au-
tem remedium sic. R. Scabiosæ herbæ,
pugillum vnum: fuliginis camini, vnciam
vnā: albū ouī vnum, vel duo: salis drach-
mas tres: omnia optimè triturentur: & fiat
emplastrum, & supra tuberculum appo-
natur. Cæterū, si tuberculum tibi inci-
dēdum videbitur, incide, & aperi: cui quo-
que sic adaperto emplastrū admoueatur.
Eo enim dolores, & symptomata pessima
euenire solita, ex iis tuberculis, leniuntur:
& sæpè omnino remittuntur, immo & tu-
berculum ipsum, hoc remedio minuitur,
& delitescit. Cæterū, si tibi videbitur cor-
rodēdam esse carnem: prout sæpè euenit:
utere alumine rochæ exusto, vel vnguēto
apostolico, vel simili alio: supra tubercu-
lum prædictum semper ponendo empla-
strum: quousque omnino compos voti sis.

Sic enim mulier hæc sanata est, nec
in digito vitium aliquod reli-
ctum fuit: vt sæpè ex
iis tuberculis
contrahi
solet.

Scol

SCOLIA.

Est tuberculum hoc, ex eorum genere, quæ tria sæpè citantur: *steatoma*, *Atheroma*, & *Meliceris*, & sic pro contentorum ratione appellantur, in *steatmate* seuum referens materia cōtinetur: in *atheromate* pulticula, in *meliceride* mel. Cæterum, id quod in iis continetur tuberculis siue abscessibus, nonnunquam putrescit, quandoque digeritur, quandoque verò ferro exciditur. In *steatmate* enim propter contenta materia duritiem: nunquam putrescit, nec digeritur, sed ferro exciditur: ut in *Cerdone Pisaurensi* actitatum est, de quo curationibus *Pisaurensibus*, legito. In *Atheromate* contentum, & putrescere potest, & excidi. In *meliceride* putrescere potest, digeri, & excidi. Cæterum, emplastrum à nobis descriptum, tanta potentia & dignitatis est: ut etiam ad carbunculos domandos vsurpetur.

Curatio quinquagesima prima, in qua agitur de quartana curata.

Reverendus Concionator, qui linguam sanctam optimè callebat, ex ordine dominicorum, vir me herclè, meliori fortuna, quàm ut inter monachos agat, dignus: vigète autumno, quartana laborabat: quam iam diu patiebatur. Cæterum, hic ab epotis decem syrupis,

humorem melancholicum respiciētibus, & deuoratis catapotiis, nocte, ante diem accessionis, melius habuit. Demum, epotis drachmis duabus theriaces, singulis diebus, in aurora, ieiuno stomacho, veluti die paroxismi, hora vna ante accessionem intra mensem sanus euasit. Cæterum vir hic doctus, per manus nostras posse breui curari, sibi persuaferat: quia quartanæ curationem in Centuria nostra prima antea perlegerat. Cæterum, cibus huic optimus (vt oportebat) erat, non nisi multo piperi, aromatis, & sinapi mistus: potus verò, vinum meracum, ab aqua verò, tanquam ab igne monitis nostris, fugiebat. Ea enim splen tumescit, fons, & origo quartanæ, si qua tamen aqua ebibi à quartana affecti, permittitur, ea est, asplenio, ceteracha, siue scolopendra dicta herba, incocta, aut capillo veneris, aut tamarice: à lingua verò Ceruina herba, utpote philitide, meatus obstruente, & constringente, fugiendum, iam olim monuimus.

Curatio vigesima secunda, de puero continuo febriente, & circa petus, dolorem, difficili cum respiratione patiente.

Filius

Filius Zornagæ, cùm iam diù afflicta-
retur, & de ventris, & thoracis dolore
quereretur: medici iussu, hirudines ano
illi applicitæ sunt: & mannam iure pulli
exceptam, ebiberat: & dolorum loca lini-
mentis variis illita sunt: quibus morbus
gravior euasit. Cæterùm, ad hunc vocatus
puerum quinque annos natum cōsidero:
obesum, morbo graui laborantem, vires
constantes habentem: & cui olim ego (vt
mater, & assistentes testabantur) morbo
grauis, & periculoso laborāti, sanguinem,
per venæ sectionē, extrahi iusseram. Tunc
audacter dextram iecorariam in brachij
curuatura aperiri iussi: sanguinēque vn-
cias quatuor fluere: quibus extractis, puer
illicò melius habuit: & breui sanitatem
exactam obtinuit.

*Curatio quinquagesimatertia, in
qua agitur, de delendis oculo-
rum nebulis.*

PVella, annos nata duodecim: quæ con-
cepta vtero materno fuerat, eo tempo-
re, quo pater morbo gallico laborabat:
morboſa erat. Cæterùm, huic post ebibi-
tum decoctū guayaci ligni, in oculorum
nebulas crassas, ob destillationē à capite,
incidit: pro quibus delendis, à repurgato

k 3

corpore: & rubi viticosi decocto ad viginti dies ebibito: non admodum subtili victus ratione constituta, hoc remedio vsumus: & sana euasit. R. Mellis ex ipso fauo, libras duas: summitatum fœniculi, florum sambuci, euphragiæ, ana pugillos duos: sacchari candi, vncias quatuor: in duplici vase vitreo, fiat destillatio secundum ordinem chemicum, ex qua nebulae sæpè inungebantur: & tandem sanata est.

Curatio quinquagesimaquarta, de puero mingente lotium nigrum, qui non febricabat, sed scabiem ulcerosam multam in capite, & collo, patiebatur.

Filius Angeli Anconitani, natus annos quinque, obesus, cum bene recteque (ut parētibus videbatur) gubernatus esset, circa præcipuè sex res nō naturales, in capite, & collo, multā scabiē crustosam, ulcerosamve passus est: ex qua ichores, & sanies multæ in dies fluebant. Cæterum, elapso mēse, à morbo, puer hic lotiū multū, nigrum ad tres dies nō sine acrimonia, & virgæ dolore meiebat: absque tamē febre. Porro rectè gubernato puero, & abstemio facto

facto, mannæ vncias duas iure pulli inco-
cti lactuca, exceptas, bibit: quas illico vo-
muit: sed postea ex cassia ægyptiaca atra-
mentum manibus suis exemptum, come-
dit: quo alius optimè respondit, & melius
habuit. Ad sequētes verò octo dies, singu-
lis auroris, singulas gabatas plenas, iuscu-
lo pulli incocti malua, & paucis foliis se-
næ, bibebat: & tandem sanus est factus: nec
enim ad capitis scabiē quicquā admōuen-
dum permisi, ex se enim postea sanata est.
Ceterum, lotiū nigrū quod puer hic misit,
crisis & terminus ferè huius morbi fuit.

*Curatio quinquagesima quinta, in qua
agitur, de Angina.*

Pistor, Qui ad sacellum Diui Marci ha-
bitat, angina laborabat: febriebat, tuf-
siebat, difficulter respirabat, os non ape-
riebat: ad latus sinistrum phlegmon ma-
gis declinabat. Quibus animaduēsis, illi-
cō cephalicam, sinistri brachij locum læ-
sum respicientem, secare iussi: & sangui-
nis vncias decem, per intervalla, demere,
vires constabant, & emplastrum extra ad-
mouere iussi: nam & gargarismo uteba-
tur. Cuius usu, & emplastri beneficio, dis-
rupta phlegmone ægrotus, ab orci fauci-

bus reuocatus est. Tunc verò, aqua mellis gargarizabat, & paucis postea diebus pancreaticè habuit. Erat autem emplastrum, ex nido hirundinis, apparatus, vt sæpè iam me fecisse vidistis.

Curatio quinquagesima sexta, de morbo gallico, varijs symptomatis complicato.

LVca, Ligurus, vir robustus, & rei maritimæ maximus explorator: quum ex Alexandria Anconam nauigaret, ita malè affectus, & varijs vitiis oppressus erat, vt pedibus deambulare non posset. Nam, morbo gallico vehementissimè vexabatur: & eiusdem vlceribus, ab umbilico, ad pudenda illi omnes particulæ excorticatæ erant: ad hæc, brachiorum, ita intensum dolorem patiebatur, vt ea mouere non posset, nec eisdem functiones obire, per vniuersum quoque corpus, papulas plures habebat: nonnullas verò crustaceas. Gonorrhæam nanque iam diu illi familiarem, omnibus prædictis coniunctam quoque patiebatur, cum quibus omnibus, vires imbecilles quadam cum febricula erant. Curaturus igitur hunc, primò eum reficiendum, eiusq; vires instaurandas

randas putavi: deficiente namque facultate vitali, curatio cassa, & nulla sit necesse est, ut ex Galeni libris, docti euadimus. Interim tamen vlcera aliqua nobis cura erat, quia eis maximè torquebatur: addèdò ut nec syndones, nec stragula operatoria, supra se ferret, tunc ea vlcera lauacro exsiccandi, & abstergendi vires habente, abluebantur: & vnguento plumbeo inungebantur. Refectis tandem viribus, intra octo dies, hunc leuiori quodam pharmaco, purgauimus: quo optimè alius respondit, tandem pro extirpanda mala qualitate, iocinori, & reliquis membris impressa, quæ prima intentio in curatione esse meritò debuerat, ad decoctum radicis synarum bibendum eum traxi: quod ad viginti quatuor dies ebibit: & eo parum sudabat, alius tamen, in vniuersa hac curatione, optimè respondit. Cæterum, vix decimus agebatur curationis dies, quando huic vlcera ex toto sanata sunt: & brachiorum dolores leuati: quibus ita utebatur, ut se sanum diceret, ad triginta tamen dies, curatio protracta fuit, & rectè habuit. Cæterum, cum adhuc sese non omnino sanum diceret, alium accersuit medicum. Qui ex mercuriali vnguento eum illiniuit: & ita sinistrè, ut per os

k s

vniversam corporis substantiam spueri
illi fecerit: adeò vt tabe, & marcore con-
fectus, diem suum obierit.

*Curatio quinquagesima septima, de
febre continua maligna, alteri fe-
bri, superueniente.*

IOannes Florentinus, vir annos natus
triginta, temperatura biliosa exusta, vt
eum sæpè Hispanum appellarem, febre
lenta diu correptus fuit: quam acuta post-
eà subintravit, maligna cordis humores,
& ipsius cordis corpusprehendens, ma-
gis tamen humores. Porro, calor febrilis
nunquam intensus fuit: pulsus tamen par-
ui, diminuti, & debiles erant: caput ad an-
terio rem partem dolebat: & linguam ari-
dam, & nigram habebat: vt vix eius verba
ab assistentibus perciperentur. Delirabat,
noctu magis, diu parùm loquebatur: &
interrogatus rectè respondebat: ad obla-
ta se bene habebat, & alius vtcunque re-
spondebat, huic vrina pallida erat, parte
in superiori nubeculam diuulsam habēs.
Cæterum, iis consideratis: victum huic
ex pullo contusum parare iubeo, adiecto
ptisanæ cremore: cui puluisculus boli ar-
menia pallidi admiscebatur: item, dia-
marg

margaritonis frigidi species, sed tunc ex
 vena communi brachij, sanguinis uncias
 quatuor demendas curavi: qui sanè, non
 admodum magnam præ se ferebat pu-
 tredinem, unde prædixi, omnia prospera
 breui futura. Iam & si, ex febribus cordis
 corpus occupantibus, quæ & ipsæ hec-
 ticæ sunt: vt fusè iam in his centuriis dixi
 ex Galeno, libris de pulsibus, sanguis ex-
 tractus, optimus ferè semper est. Quare
 in eis à sanguinis missione, medici pru-
 dentes abstinent, modò tales febres pen-
 dentiam ab humoribus, & membris aliis
 non habeant, vt Iosepho aurifici Veneto
 euenit. Qua de causa illi sanguinem ex-
 traximus, vt centuriis per Frobenianos,
 excusis legitis. Cæterum, ab hac sangui-
 nis missione ægrotus meliùs habere di-
 xit. Sed tunc spuere cœpit: nam circa pe-
 ctus pondus sentiebat, & quandoque tuf-
 fiebat: qua de causa, decoctum hoc para-
 re iussi. R. Capillorum veneris, farfa-
 ræ, radicum endiuia, buglossi, borragi-
 nis, anapugillum vnum, prunorum pin-
 guium, decem, sebesten, iuiubarum, sin-
 gulorum quindecim, seminis melonis
 mundi, cucurbitæ, batechæ, ana unciam
 mediam, glicirrhizæ mundæ unciam me-
 diam, florum nenupharis, borraginis,
 buglo

buglossi, violarum, rosarum, ana pugil-
lum medium: excipiantur omnia libris
sex aquæ, & fiat decoctio ad consumptio-
nem tertiæ partis, & coletur: cui adde, sy-
rupi violacei, nenupharini, oximelitis, a-
na vnciam vnam: misce, fiat potus lon-
gus, cuius manè & serò, magnam quanti-
tatem bibebat. Cæterum, linguæ nobis cu-
ra incumbibat: quæ sæpè semine psillij ex
aqua lauabatur, & circumflexa canna ab-
stergebatur: & frontis altæ parti oxyrho-
dinum admouebatur, veluti cordi epithe-
ma refrigerans, quæ sæpè innouabantur.
Sed hæc cum tractarentur, ex naribus ei
sanguis fluxit: non multus tamen, dehinc
nocte quater egressit, & magis solito deli-
rauit, agebatur autem dies, (vt assistentes
aiebant,) octauus à morbo acuto, & mali-
gno introducto. Tunc ego morbum in
statu iudicaui, ac victum eius solum pti-
sanæ cremorem esse iussi: & ad scapulas
cucurbitulas quatuor applicandas cura-
ui. Sequenti die, cum hic magna, & ingen-
ti siti torqueretur: & gelidam vehementer
appeteret: tametsi hyems vigeret, aquam
ad satietatem ei concessi: qua ipse valdè
oblectatus est, & ea multum sudauit. Pro-
ximo die, melius habuit, & ptisanæ cre-
mor in cibo auctus est, & mannæ electæ,
binas

binas uncias & tertiæ mediam in deco-
ctione florum & fructuum cordialium, ei
propinauimus: quo pharmaco alius opti-
mè respondit, & rectè tunc habere dixit.
Exinde victus, ei pullus aqua coctus, esse
cœpit: & alia vires instaurantia: vt vinum
vermiculum subtile, quod facilè conco-
quitur, & membris apponitur confestim.
Decimoquarto die, ex toto sanus fuit fa-
ctus, qui & nunc rectè viuit. Hoc eodem
tempore, febribus quoque correpti, con-
ualuerunt, Lazarus iuuenis, qui ex nun-
dinis fulgineis, tunc reuersus erat: vbi à
medico cognomento uncia, rectè tracta-
tus erat: Et miles, qui summi pontificis sti-
pendium merebat, qui cùm febris cōtinua
corriperetur, tertio die bile suffusus est,
pullicari morbo apparente quoque.

*Curatio quinquagesima octaua, de
pleuritide in impiema versa: &
hominem, intra quadraginta dies,
interficiēte.*

Q Vinquala, vir temperatura sangui-
neus, obesus, natus annos quadra-
ginta sex, inspirante vento austro admo-
dum calente, qui sese ad interneccionem
exer

exerceret: malè habere cœpit. Cæterùm,
tertio die ad noctem, pleuritide sæuissi-
ma affligi cœpit: ad quem accitus ipse,
eum ita fortiter dolore infra scapulam si-
nistram, cordis anteriorem partem, pre-
hendente, cruciari inuenio: vt me præsen-
te, bis & ter, in animi deliquium, ob do-
lorem illum internecabilem laberetur.
Totus nanque riguit, quem pannis cali-
dis confertim restituiimus: quibus, & lo-
cus dolore affectus quoque fovebatur: vt
ex millio, & furfure, confecto sacco, sed
interim, dum hæc applicabantur: fomen-
tum hoc apparabatur, quod habet. Re-
cip. rosarum, hordei, fœnugræci, seminis
lini, maluæ, violarum, anethi, camæme-
læ, parietariæ, radicis maluauiſci, ana pu-
gillum vnum: libris decem aquæ omnia
excipiantur: & fiat decoctio sufficiens: &
coletur. Cui adde, olei rosacei, violacei,
camæmelini, ana vncias duas: misce fiat
fomentum, & sponsia noua, vel philtro,
vel meliùs vesica bouina semiplena, su-
pra locum dolentem applica: & sæpè in-
noua, iis enim dolor ille pernecans leni-
tus fuit. Sed tunc, ex interna brachij ve-
na, respicientis latus affectum, sanguinis
vncias decem demendas curauì: & supra
ipsum locum vnguento inungi: constan-
te, oleo

te, oleo rosaceo, violaceo, & pauca cera,
 lana succida excepto: quibus optimè ha-
 buit, & eam noctem absque dolore tranf-
 egit: in aurora verò ad eum diuertens,
 eum rectè valere comperi: Nam, optimè
 spuebat, & parùm, vel nihil dolebat: to-
 tum tamen corpus suum tanquàm con-
 tusum, & verberibus affectum, dicebat:
 parùm gustabat, & id quod gustabat, pti-
 sanæ cremor, aut hordei aqua iulebo vio-
 laceo admista erat. Sequenti nocte, dul-
 ces somni cum tenere: vt se sanum asse-
 ueraret. Tertio die, ex flore sili. quæ Æ-
 gyptiæ bolum deglutiuit: quo alius opti-
 mè respondit: & tunc omnia rectè ha-
 bere visa sunt. Quarto, cum ex toto se sa-
 num diceret, cum venia discessimus: do-
 mi tamen hic ad sequentes octo dies man-
 sit: quibus optimè semper habere dixit.
 Post octauum verò diem dolore, ite-
 rum circa eundem locum, affligi cœpit:
 non sine febre, & corporis sui lassitudi-
 ne: ad quem ingressus alius medicus, ita
 in eo curando segniter, & pigrè se ges-
 sit: vt nullo extracto sanguine, solis pro-
 pinatis syrupis, sexto die illi pharmacum
 purgatorium dederit: quo die phlegmo-
 ne disrupta est: & ægrotus empimicus fa-
 ctus. Tempore etenim illo intermedio,
 fluxio

fluxio locum illum debilem repetiuit. vnde phlegmone orta est: pro qua curanda, illicò sanguinis copiosi emissionē opus erat: quam negligens medicus præterit: syrupos tantum dando, oblitus verborum Hippocratis, Vltimis morbis, vltima remedia esse adhibenda: & vltimos & exactè peracutos morbos summa, & exacta diligentia indigere: demum sexto die, ab ebibito pharmaco concessio, per medicum indignum, vt medicus dicatur, phlegmone disrupta est: vnde ægrotus malè habere cœpit: empimicus autem (vt dixi) euasit, à quo die, ægrotus in fluxum ventris incurrit, & saniem per os scretare cœpit. Nam phlegmonem intus disruptā esse ægrotus ipse firmabat, quia eam rumpi persensit: sed euidentiores notæ hoc testabantur. Thoracis nanque cauitas, ex ipso pure plena (vt empimicis euenit) euasit: id autem per os interpellatum ita putidum, & fæculentum, magna quantitate mittebat, & ita pessimi odoris: vt ægrotus ipse ampliùs eius emissionem ferre non posse, assistentibus nō rarò inculcaret. Imò aliquando, ita coaceruatum, & magna quantitate, tabum, & corruptum humorem hunc, mittebat: vt quis per vomitum emissum diceret. Demum
per se

perseuerante ventris fluxu, & putris materiei per os reiectione, quę magnam, & ingentem viscerum corruptelam arguebat, tabidus factus, diem suum obiit, quadragesimo die, à morbi initio, non sine medici illius culpa ingenti: aliter enim non moreretur.

Curatio quinquagesimanona, in qua agitur de dolore oculi.

ANtonius Baptistę filius, iuuenis natus annos vigintiseptem, quum rectę haberet, repenti dextrę oculi dolore cruciari cępit. Dolebat etiam à capite, persentiebatur autem iuuenis hic, boni habitus, temperatura biliosus, intra oculum, dolorem paucum cum rubore, absque tamen febre. Pro quo curando, à depositis per clysterem alui fęcibus ex cephalica externa, siue capitali dicta vena, eundem oculum affectum respiciente, sanguinis uncias sex detraximus: à qua sanguinis missione, illicò se rectę valere, nec amplius dolorem persentire dixit. Ad oculum tamen stillatitiam ex rosis, vno vel altero croci grano, intinctam, admouebat frigidam. Vt enim, quę auribus iniiciuntur calida esse oportet ita oculis applicata, frigida, vt sint necesse est,

*Curatio sexagesima, in qua agitur
de urina acredina, mordacita-
tēve ob ulcera à morbo gallico
contracta.*

MVlier, quæ ad portum agit, & iam-
diu morbo gallico vexata est, vt
quoque ex eius facie percipitur: in urinæ
ingentem acredinē, mordacitatēve in-
cidit. Cæterum hæc, proposito optimo vi-
ctus ordine, & cassiæ ægyptiacæ pulpa-
mento bis, atque ter deglutito, ac ebibitis
decoctis, quæ materiam morbi gallici
respiciunt, guayaci decoctum ad quadra-
ginta dies ebibit, & ex toto sanata est.

*Curatio sexagesima prima, in qua a-
gitur de quadam mala affectione
derelicta, à quaterna febre.*

RAphael Thadaus, iuuenis Florenti-
nus, & qui Anconæ apud Aloisium
Pixonium mercatorem agebat: quum
Antuerpiæ quartana laboraret, in Italiam
se recepit: & ab ea curatus sanus euasit.
Cæterum, inde eius facies pallida admo-
dum contracta est, vt alio grauiori mor-
bo iuue

bo iuuenem hunc affligi, quibus diceret: patiebatur namq; lienis & corporis meorum obstructions. Pro quibus abigendis, ab ebibitis syrupis, & apozematis de obstruentibus, & repurgato corpore, decoctum radice synarum ad vigintiquinq; dies ebibit: & floridum colorem solitum adeptus est: fistula tamen ano infixata detecta est, quam antea (vt ille aiebat) non perceperat. Pro qua curanda Hipp. consulendus est, proprio huic dicato negotio libro, hoc est, de fistulis.

Curatio sexagesima secunda, in qua agitur, de Ramice intestinali, ruptura dicta.

ESau Martilinus, iuuenis Florentinus, absque procathartica causa (vt ille aiebat) in herniam intestinale incidit: quæ descensus intestinorum in scrotum, ob omenti rupturam describitur. Ceterum, huius curam suscipientes nos, à depositis alui per clysterem excrementis, intestina per chyrurgum leniter intus reducenda curauimus: tandem accinctus est fascia inguinali, optimè composita: sub qua, ad rupturam, ceratum nostro modo apparatus ponabatur. Cuius beneficio,

& syruporum, etiam infra dicendorum, potu, intra mensem sanatus est. Agitur autem iam biennium à curatione ista: ille verò (vt ait) ita rectè habet, ac si nunquam hunc passus sit morbum. Habet igitur ceratum mirum, contra rupturam, hunc in modum, Recip. gummi tragacanthi, arabici, carabe dicti succini, ana drachmas duas: bdelij aceto dissoluti, acaciæ, mastichis, hippocisthidis, thuris, sandarachæ, boli armeniæ, sarcocollæ, ana drachmas duas: & tertiæ mediam, sanguinis draconis optimi, lapidis hæmatitis veri, mucaginis vesicarum vlmii, ana vnciam mediam: visci quercini vnciam vnam, glutinis taurini aceto dissoluti, drachmas sex, ceræ, resinæ, ana vncias duas, terenda, terantur, & secundum artis ministerium, fiat ceratum: primò ceram & resinam in cacabo liquefaciendo, dein cætera mittendo: vltimò viscum, & glutinum, tandem ceratum para, me hercle diuinum dices.

Syrupus bibendus.

Recip. Bistortæ, ossium myrobalanorum citrinorum, mumix, granæ tinctorum, radicum consolidæ maioris & minoris, sarcocollæ, ana vnciam mediam, rubæ tinctorum drach. mediam: ex his
omni

omnibus fiat pulvis. R. prædicti pulueris scrupulos duos, rob Myrtillorum vnciam vnā: decocti rerum prædictarum constringentium vncias tres: misce, fiat syrupus: quem ieiuno stomacho bibat, & saepe iteretur: iis enim vir hic sanus (vt dixi) intra mensem euasit: qui & nūc apud Ægyptum merces exercendo tauricè valet.

Curatio sexagesimatertia, in qua agitur de puero tumorem prædurum, & ingentem in occipitio patiente, unde paralyfis illi superuenit, & postea obitus.

PVer proxeneta à Lanxiano, annos natus duos, magnus & obesus, tumorem in occipitio prope nucham ingentem, & prædurum passus fuit. Pro quo curando, accersitus fuit chirurgus, qui emplastrum (nescio quale) tumori superposuit, quo breui tumor delituit. Cæterum, paucis interiectis diebus, puer paralyfi correptus fuit, adeò vt brachium sinistrū illi ita resolutum fuerit, vt motus in vniuersum expers manserit: & oculus dexter ita infectus, & peruersus, vt strabo, puer factus sit. At puer hic, paucis postea diebus, feбри correptus est, multis & variis exanthema-

tis nigris corpusculum occupantibus: unde intra octo dies diem suum obiit.

SCOLIA.

Ob tumorem materiam retroducentem, ad interiora supra nervorum originem, obstructio facta est, quam consecuta est paralytis: sed & oculi paralyti quoque affectus est: qui ut Straboni bini apparet, perversus erat, & vix à palpebra claudabatur. Nam oculum ipsum, cum ipsa palpebra egrotus non movebat: quem casum, non raro ante nos, prisci multa laude digni, notarunt. Ut accuratè Aetius sermone septimo sua rei medica, cap. 49. pertractat, quem percurrere ne pigeat. Lactauerat autem puer hic matris sua lac, quæ hæctica febre, & phthysi laborauerat: & ex ijs consumpta non diu ante tumorem apparitionem obierat, unde fortè puer morbum contraxit, & obitum. Hoc eodem tempore, huius pueri patrem ab hæctica liberauimus: quam contraxerat ab uxore: quæ paucos antea dies phthysi, & hæctica consumpta, diem suum obierat: quam ipse diu curauerat, tractaueratque.

Curatio sexagesimaquarta de febre ardente, cum pulicari morbo.

VXor piscatoris, mulier procera, & corpulenta, quadraginta nata annos, ardētissima febre corripiebatur. Ad quam accersitus, eam sic ardenti illa febre, pulicari

rari symptomate per vniuersum corpus
 florescente, vexari comperio, multis ru-
 bis, paucis verò liuidis exantematis ap-
 parentibus: vnde huic illicò sanguinis
 vncias decem demendas curauì: ex bra-
 chi; dextri vena basilica: erat autem san-
 guis non admodum corruptione affectus.
 Cæterum, victus ratione, prout similibus
 febribus correptis, fit, constituta: & propi-
 natis syrupis ex succo acetoso, & acetosi-
 tate limonum, quinto die, per nares, san-
 guinis fluxum adeò copiosum incurrit: vt
 opus fuerit retractionibus, frictionibus,
 vinculis, ac ad nares torundis pulueribus
 constringentibus oui albumine exceptis,
 vt: imò ad tempora & frontem, gypsi-
 um, oui albo mistum, & plagulis exceptum
 admouebatur, tunc sanguis desinit per na-
 res fluere, & in os cadebat. Cæterum, ab
 oxicato ore detento, sanguis ex toto co-
 hibitus fuit, & mulier ex toto libera: Hoc
 eodem tempore huius mulieris filia duæ,
 eisdem febribus, & syptomatis correptæ
 erant: quæ & ipsæ sanatæ sunt.

*Curatio sexagesima quinta, in qua
 agitur de aurigine morbo, simul
 cum tertiana duplici infestante.*

1 4

A Moretus iuuenis Florentinus, natus annos tres supra viginti, temperatua biliosa (si qua altera) aurigine morbo, simul & tertiana duplici laborare cœpit. Cæterum, huic occurrens ego, in brachij curuatura internam secari feci venā sanguine ad vncias octo diminuto: syrupos quoque iecur respicientes, & eum ab obstructionibus liberantes exhibuimus: vltimò deniq; pharmaco purgatus ex rhabbaro & electuario à dactilis, in quo oximelitis parum affusum erat, composito, bene habuit: & sequentibus nonnullis diebus rhodosaccharum ieiuno stomacho comedebat, & stillatitiam cichoreæ suprabibebat, ac tandem sanatus est. Erat autem huius lotium, adeò croceum: vt familiaribus admirationi esset. Hoc eodem tempore, in eadem barberinorum domo; Petrus Franciscus à terra noua, mercator diligentissimus, à nobis ex articulario morbo, curatus est, qui & ipse sanitatem obtinuit.

Curatio sexagesima sexta, in qua agitur de veteri fluore, rubricante.

VXor Orientalis mercatoris, qui ad ædem Diui Rochi habitat: postquam abortiuit, fluxum ordinatum passa est:

est: qualem tamen parientes vel abortientes, solitæ sunt pati: à quo optimè valuit. Octavo postea die, fluor muliebris rubicans, qui à toto corpore decidi solet, illi superuenit: ita copiosus, vt sæpe mulier hæc animo linqueretur. Ad hanc igitur vocatus ego, post septimum diem, eam habitu gracilem, viribus tamen vtcunque valentem deprehendi: quæ ad ea quæ illi offerebâtur, mediocriter se habebat: tunc verò vniuersa intentio nostra eò dirigebatur, vt hunc compesceremus fluxum: quando ex illo mulier hæc sæpe in animi deliquium incidebat, vt timor esset aliquando, ne ex toto deficeret, & moreretur. Cæterùm, quia mulier hæc etiam de stomacho querebatur, & ad gulam nescio quid persentire se aiebat, vomitoriū medicamentum hoc paro, vt humorum fieret auersio, retractione. R. Seminis raphani, cumini, rapæ, cæparum, anethi, anadrachmas duas, seminis staphisagriæ scrupulum vnum: in libris duabus aquæ para ad ignem decoctum, & cola: cui adde, agarici optimi, candidi, in puluerem reducti, drachmam mediam, oximelitis vnciam vnam, & alterius mediam: misce, fac vomitorium, & tepidum bibendum trade. Nouisti tu, quæ tepida sunt, stoma-

chum dissoluūt, & cum ad vomitum prorum reddunt: hoc etenim vomitorio medicamento multa euomit. Dein verò ex diacitonite ante esum parum gustauit, vt eius stomachus roboraretur: qui laxus & dissolutus erat. Huius victus, capi, aut hædi, carnes erant, assæ potius quàm aqua coctæ: quibus assis siue elixis, aromatum vice species hæ iniiciebantur. R. Seminis summachiorum optimè pistorum, drachmas sex, coriandrorum præparatorum, drachmas tres, boli armeniaci pallidi, drachmas duas, cariophyllorū drachmam mediam: misce, & tere, & fac puluerem: cuius pauxillum pro vice infunde: sed in potu vinum rubrum austerum aqua calybeata dilutum habebat: sed interdium & noctu iulebum hoc bibebat. R. Aquæ plantaginis, stipitum rosarum, ana libram vnā, rob myrtillorum, vncias duas: misce, fac iulebum longum, de quo bibat: & eò minùs quò potuerit: iis enim ordine digestis, radicibus mammillarum, cucurbitulas duas magnas affigi curauit: post quas fluxus non ita copiosus erat: imò tunc ex se, materia per secessum deriuata est: sæpe nanque egerchat, & tunc, vt consequens erat, ex vtero fluor imminutus est, sed cum postea ventris fluxus restri

restrictus sit, ex utero fluxus iterum ad solitum suum cursum rediit. At cum tunc ad manus esset ceratum contra rupturam paratum: curavi, ut obstetrix ad os ventriculi, eius parum in panno coccino ad-moueret, veluti & parum quoque ad imum ventrem. Quibus, prædicto regimine, ita fluor hic restrictus fuit: ut intra octo dierum spatium, post meum accessum sanata fuerit: rarò sanè morbi ij curationem recipiunt, & eò magis si iam veteres sunt.

Curatio sexagesima septima, de puero continuo febriente, cui datum est purgatorium pharmacum: quo mirum in modum sudavit, & liber à febre mansit: quæ postea in quintanam degeneravit.

PVer Alphariorum, quum febre continua laboraret, & bene haberet: non multum postea, ab ingestis pomis viridibus in febrem recidit, huic post per iniectos clysteres, deposita ventris excrementa, sequenti die ad eum accedens, syrupi rosati solutiui uncias duas, tribus aquæ portulacæ mistas, ieiuno stomacho, propinaui: quibus ita in sudorem copiosum, vniuersum eius corpus irrigantem: ad

ad tres horas peruenit: vt inde liber à fe-
bri maneret: ex pharmaco autem purga-
torio, per sudorem euacuans humores fa-
ctū est: Cæterum, elapsis postea quinque
diebus, puer hic, feбри correptus est, à qua
sudore mundus euasit: postea, quinto al-
tero sequenti die, eadem febre in eadem
hora oppressus fuit, à qua & sudore liber
euasit: sed & quinto altero sequenti die,
simili paroxismo vexatus est: à quo & su-
dore in totū sanatus est: Quintani autem
tres ij paroxismi à me in hoc puero de-
prehensi sunt: adeò euidentes, & manife-
sti: vt ex tertianis quotidie percipiuntur.
euenere autem hæc, mense Iunio.

*Curatio sexagesima octaua, in qua a-
gitur de agylope, à morbo gallico,
in angulo oculi, contracto malo.*

MVlier, quæ ex Sancto Lupidio ad me
delata est, morbo gallico laborabat.
Nam eo, maritus antea laborauerat, ex
quo Romæ curatus fuerat. Cæterum, hæc
ex ipso morbo vlcus in naribus contraxe-
rat, & ad oculum in magno angulo, hoc
est, intra nares, & ipsum oculum, agylo-
pem, non admodum tamen inueteratum
malum

malum: nondum enim in fistulam dehi-
scerat: & in capite tuberculum magnum
patiebatur, & prope alterum oculum du-
ritiem quādam: quam omnes affectiones,
ac vitia, capitis ingēs dolor comitabatur.
Erat autem mulier hæc, annos nata, quin-
que supra triginta. cuius alius, nisi clyste-
riis, aut balanis irritaretur, sex, & octo
dies, absque secessu permaneret, causa nō
parua: vt morbus hic difficilis, & grauis,
in dies magis, & magis foueretur, mali-
gniōrque euaderet. Omnia igitur hæc,
ipse considerans, quæ symptomata antea
cū essent, morbi euaserunt: sic victum
huic instituo, quantitate, prout longitudo
morbi, & ipsius vires postulabāt: qualitate
verò, cibaria optimi succi essent, cōmen-
dauērā. potus verò, aqua decoctionis cin-
namomi: iis enim ordine digestis, syru-
pos hos, hæc bibere cœpit. R. Syrupi de
fumo terræ, de epithinio, de elleboro an.
vnciam mediam: infusionis senæ, vncias
quinque: misce, fac syrupum, quem ieiuno
stomacho, ebibebat, & octies repetebat, in
fine quorum hæc deglutiuit catapotia.
R. Pilularum de nitro Alexandri, scrupu-
los duos: aurearum, de fumo terræ, an.
scrupulum vnum, diagridij, grana tria,
trochiscorum almandal, grana duo, omnia
syrupo

syropo de fumo terræ excipiantur: & formetur pilulæ quinque: quas hora septima noctis deglutiuit, & inde nocte dormiuit: quibus alius optimè respondit: tunc verò ad decoctum radicis synarum eam traximus, quod ad triginta quinque dies ebibit: subtili admodum victus ratione instituta, & abstemia facta. Cæterum, paucis interiectis diebus, post potus initium, narium vlcus, vbi os denigratum compauerat, candente ferramento, leniter exussimus: & (vt decet) tractauimus: sed ægylopem ita tractauimus: vt pro ea curanda non vfi simus vstione: nondum enim os corrosionem, aut ingentem putrefactionem in se contraxerat: quanquã non tantum quartum diem: sed alios plures ægylops ipsa, transegerat. Et hoc est, de quo Gal. contra Apollonium, & Archigenem conqueritur: contra primum, vt qui nulla pharmaca ad ægylopos descripserat: quia fortè, quũ morbus hic acribus curari debet, ab eis oculus officitur, & affectus partis inflàmatio magis augetur. Item quia pernecessaria ad affectionem curandam, pharmaca liquida maiori ex parte sunt: quæ cum locus non tolerat, quia necessariò ex eis in oculum aliquid influit, ideò postponenda sunt. Cõtra Archigenem verò, quia
perpau

per pauca scripsit remedia, pro hoc curando morbo, dicens, morbum hunc per chirurgiam curari debere: sed Galenus, Archigenem, toto cœlo errare, contendit: cum morbus hic non subiiciatur manuarum operæ: sed pharmacis potius secundum genus, & id magis quando nondum vlus ad ossa vsque dehiscit in fistulam. Galeni igitur doctrina munitus ipse, morbum hunc topicis remediis profligandum curavi: proinde, ad emplastrum à nobis iandiu descriptum: pro hoc eodem morbo eradicando: cuius iam antea longam habueram experientiam, confugi, ex cuius applicatione, res ita felicem habuit successum: ut nullo alio remedio uti opus fuerit. erat autem durities ad angulum magnum, prope nares, ingens, & orbiculata. Caterum, intra oculi ipsius angulum, foramen parvum erat, per quod sanies effluebat, unde oculus totus male affectus evaserat: immo ex ipso angulo, palpebrarum circumferentiæ duræ, scabræ, & cõtortæ apparebant. Advertendum tamen duximus: quod singulis curationibus, antea quam emplastrum admoueretur, à nobis inferius describendum, ex ipso decocto radicis synarum, oculus, & nares, immo & tuberculum capitis, lauabatur: fovebanturque:

sic

fic enim intra triginta dies ægylops ex toto sanitatem obtinuit: ex narium verò vlcere, elapso quinquagesimò die ab v-
stione tria exēpta sunt ossicula: & viginti
aliis sequentibus, clausa vniuersa curatio
fuit. Porro, tuberculum capitis, prædicto
decocto radicis synarū quoque, foueba-
tur: quod postea abstersum, ex vnguento
ab althæa, paucò argēto viuo misto inun-
gebatur, fricabaturve: sic enim ex toto
mulier hæc intra hoc prædictum tempus,
sanata est. Habet autem vnguentum, siue
ceratum ex nostra descriptione, contra æ-
gylopas, sic. R. Pulueris testarū coclea-
rum drachmas duas, myrrhæ, aloes lotæ,
thuris, an. vnciam mediam: sarcocollæ,
sanguinis draconis, cerusæ, an. drachmas
tres: opopanax aceto dissoluti, lapidis
hematitis veri, an. drach. vnam, & alterius
mediam: croci scrupulos duos, ceræ. resi-
næ, an. vnc. tres. misce, & ad ignem, secun-
dum artis ministerium, para ceratum, &
angulo oculi admoue.

*Curatio sexagesimanona, Pisauri ha-
bita, in qua agitur de ramice car-
noso variis aliis affectionibus com-
plicato.*

Pisau

Pisaurum venimus, urbem antiquam,
de qua Catullus dixerat,

Sedes moribunda Pisauri.

Nunc verò ciuitas nobilis est, & magnifica: in qua ita salubri aëre, & clementi, amænâque aura fruitur: ut nusquam (quod sciam) salubrius aut vegetius viuatur, sed id in causa esse, à senioribus ciuibus accepimus, in totum exsiccatas lacunas, à quibus olim inficiens & pestilens aër expirabat: item, quia silicibus munitæ viæ, nunc lateribus sunt ornatae. Cæterum, Pisaurum, ita fructibus, & ad victum hominis, per necessariis bonis abundat: ut hodie Italiae totius hortus dicatur: & meritò, quum inde ingēs tritici, vini, fructuum, & frugum copia, per varias totius Italiae partes dispartiat. Hæc dum scriptis mādaremus regnabat Guidus Vbal'dus Illustrissimus Urbini Dux quartus, & Pisaurensum dominus clementissimus, & liberalissimus: qui, ut est omni genere literatum ornatus, & ingerendis bellis alter Mars: ita Iustitiæ administratione alter Traianus habetur. Sub cuius tutela Pisauri aliquot menses moratus sum, & ex pluribus quibus medicati sumus ægrotantibus, paucas has curationes memoriæ commendauimus: quarum prima sequens habetur.

m

Iacobus Mantuanus, mercator Pisanus, tres supra quadraginta annos natus, temperatura biliosus, & qui ad rixas ita promptus est: vt vel ex facili causa, furibundus ad arma currat. Hic adeò morbosus est: vt in hoc vitæ suæ cursu, magnā partem affectionum, quæ homini euenire solent, sustinuerit: nam à capite destillatione patitur, ex qua grauissima tussis per intervalla oritur: quæ ipsum insomnem tenet: quas affectiones comitantur scapularum, & coxendicum dolores: veluti coli intestini affectio: & renitens curationi ramex carnosus. Pro quibus abigendis, profligandisve tam variis, tamque cōcatenatis, ac contumacibus affectionibus, multi multa, & doctrina, & artis excellētia præstantes viri machinati sunt. Nam, & decoctum guayaci illi ebibendum tradiderant: quo peius habuit: & Thermarum aquas non paucas Patauij ebiberat: sed frustra: quo tempore ramicem, ita sinistrè medici tractarunt: vt ipsis in testiculis cavernosum vlcus fieri permiserint: sed tunc docti medici Veneti ad nucham, fontem siue vlcus, candente ferramento excitarunt: per quem paratum fonticulum musci & solitæ destillationes, foras utcunque exhibant: adeò vt curandis testiculorum vlceribus

ribus locum præstiterint, & cæteræ affectiones non ita sævè cruciarent: carnosus tamen ramex, cum iis contumaciter vigebat. Ad hunc igitur accersitus ipse, præter citatas affectiones, alias nonnullas pati deprehendo: iecur nanque calidum admodum habet: in lotiôque album pituitosum multum emittit. Gonorrhæam non patitur, sed eam longè antea viderat, proinde curationem sic adior: & primò, vigebat nanque hybernium tempus, minorans medicamentum illi ebibendum dedi: sequentibus verò diebus, ex decocto sequenti, vncias decem in aurora, ieiuno stomacho bibebat. R. Myrobalanorum citrinorum, chebulorum, indorum, ana vnciam mediam: polipodij quercini recentis, vnciam vnam: ligni sancti vncias duas: corticis eiusdem, vnciam mediam: radicum cichoreæ, endiuix, ana pugillum vnum: seminis melonis vnciam vnam: ordeï integri pugillum vnum: pasfarû de corinthio vncias duas: foliorum, & folliculorum seneg, an. vnciam mediam: rosarum rubearum pugillum medium: libris septem aquæ excipiantur omnia: & fiat decoctio secundum artis ministerium, quousque maneant libræ tres, facta colatura, & expressura: adde syrupi de

m 2

lupulis, de fumo terræ, de endiuia, añ. vñ-
ciam vnam, misce. Ex hoc cæterum apo-
zematē, vt dixi singulis diebus, singulas
decem vncias bibebat, quibus in dies ter,
& quater egerebat: vt triplicato apoze-
mate hoc, non opus fuerit illi purgatoriū
aliud medicamentum propinare: quo ita
rectē valere inculcabat: vt nunquam an-
tea. Tunc verò ad ramicem carnosum, ce-
ratum hoc descripsi: quo ita imminuta
carnositas & durities illa fuit: vt ægrotāti,
& assistentibus admirationi fuerit. habet
autem ceratum sic. R. Ammoniāci pin-
guis, & optimi, vncias tres: in aceto eas
macera: & ad ignem, cerati modò, redigē:
& postea illi adde, marchasitæ argenti, &
auri, in puluerem redactæ, πυρίτω Græci,
latini ignarium lapidem appellare solēt,
vnciam vnam & mediam: & in aluta, ad
equi ferri figurā, aut diadematis, aut lunæ
falcatæ effigiem extendatur: & loco affe-
cto superponatur. Cæterum, ne destillatio
virum hunc nobilem malè afficeret, ad
sinistrum brachium, fōnticulum machi-
nati sumus: quatuor ab humero digitos,
sequenti hoc vesicatorio, vt tyrunculi ad-
discant. Accipe, cantarides ex aceto ma-
ceratos, quindecim, euphorbij scrupulos
duos, in mortario in puluerem redige: &
fermen

fermento excipe:vesicatorium,ex quo caput cauum glandis infarciatur, & loco signato infigatur:modò in eius circuitu, ceratum in medio perforatum circumponatur: & aliud ac manutēns superponatur, ne hinc inde currendo,locellos exulceret. Sequenti verò die disrupta vesicula, loco exulcerato, granum ciceris adaptato: & parū prædicti cerati scilicet, diachilonis, vel similis superposito: & fascia optimè fasciato, & singulis diebus, granum bis innouato:sic autem factitādo, fonticulus absque dolore apertus manebit, per quē, mucorum & destillationum,magna diuertitur quantitas. Cæterum, iis intra mensem,hic ita rectè valere dixit:vt nunquam antea. solent autem pro simili testiculo- rum atterenda duritie, vti medici fomentis, linimentis, cataplasmatibus, vnguentis, vaporationibus, suffumigiis,veluti variis aliis, quæ referre non vacat. Porro hæc Ragusij cū commentaremur, occurrit Hilarius Senensis, vir triginta septem annos natus:qui ramicem aquosum,& prædurum patitur: ex quo cū singulis sex mensibus, (scroto inciso) humorem contentum foras trahat, rectè habet: immo si non coit,peius habet.

*Curatio septuagesima, in qua docetur
quòd propagines vene aingos, id
est, vena paris expertis, coniungun-
tur ramulis vene caue, thoracis
internas partes nutrientibus.*

NOllem, quis mihi vitio vertat, quòd
Vesalij Bruxellensis opinionem me-
morizæ reuoco: quã curationum medica-
rum harum centuria prima, ab hinc octo
annos confutauit: est nanque Andreas Ve-
salius Bruxellensis vir medius fidius do-
ctus: & honore multo dignus: vt qui ma-
gna cura, & ingēti solertia, ac non vulgari
labore, rem anatomicā, hac ætate illustra-
rit: & ita illustrarit, vt primas in hoc mu-
nere inter medicos obtinuerit: coactus ta-
men, eius opinionem (testis est Deus) in
mediū afferro: ob quā vim, vnum pulchri
accedit, quòd ratio propter quam in pleu-
ritide dextra, axillaris dextri brachij seca-
tur: in sinistra verò axillaris sinistri, illu-
stratur. Prædixi nanque prima centuria
Andreā Vesaliū, Caroli quinti Impera-
toris medicum, non rectè dixisse, quando
in pleuritide, siue phlegmone partes occu-
pet dextras, siue læuas: dextram axillarem
semper secandam esse: ex eaq; sanguinem
mirren

mittendum, memoriae commendauerit. Credebat namque Vesalius, quia vena a iugos, quae à vena caua iuxta cor, in dextra parte oritur, & ad inferiora reflectitur: crassa, & multo sanguine repleta est, optimum consilium fore, si semper, quacunque in pleuritide dextra, siue sinistra, axillaris vena secetur, ex eaq; sanguis mittatur: quam opinionem Vesalicam, vt erroris plenam, nos citato loco cōfutamini. Quia in corporibus humanis, à nobis magna dissectis diligentia, comperimus, ea quae venam hanc sine pari intrant, non amplius remeant, nec foras transmittuntur: obuiatibus, impredientibusq; ea, ostioliis quibusdam, quae ad recipiendum aperta prostant. Ceterum, ea quae recipiunt, nunquam remeare sinunt, proinde credens Vesalius in axillaris dextrae venae sectione, magna sanguinis quantitas per venam sine pari phlegmonem alente, extrahitur, quod summum remedium sit, axillaris dextri lateris vena, in omni siue dextra, siue sinistra pleuritide, secetur: sed ille ignorans, per venam illam, nihil sanguinis foras euocari, hanc in lucem misit opinionem. Quam postea Leonardus Fuchsius Germanus hioris suis Anatomicis, veluti commentariis suis in Galeni

librum, de sanguinis missione per venæ sectionem omnibus vulgarem fecit: & ita pro coronide habet: si pleuritis latus dextrum, tam in parte alta, quàm in parte infima, occupauerit, sanguinis missio ex axillari dextra fieri debet. Si verò sinistrū offenderit, distinguendum, vel dolor laceffit costas tres superiores: vel nouē inferiores: si tres superiores, ex latere sinistro sanguis demendus est: si nouem inferiores, ex brachio dextro sanguis extrahendus est. Quoniam nouem hæ costæ, (vt ille ait) aluntur: propaginibus & ramulis venæ aiugos, id est, paris expertis venæ, quæ ad latus dextrum iacet. Cæterum, cum à nobis compertum sit, per venam sine pari, sanguinem foras non venire, nec remigrare, consequens est, Vesalij & Fuchsi ratiocinationem, cassam & vanam esse: vt Commentariis meis, quos supra Auicennæ Fen quarta, libri primi conscripsi, vberius dixi: præfixo etenim Auicennæ textu, per Iacobum Mantinum Hæbræum, fideliter verso: & à nobis reuiso, & latiniori facto: commentarios scripseramus, me herclè, vt ab iis, quibus legendos dedimus, accepimus, non obscuros. Quos Anconæ in ea bonorum direptione, vna cum vniuersa mea supellectili, & non paruo argen

argenti pondere, ac non contemnēda bi-
 bliotheca, amissimus: speramus tamen, ad
 aliquot dies, resumptis viribus, hos com-
 mentarios. denuò parturire, ædere, & in
 lucem mittere: vt noscant omnes, meos
 illos esse labores, non illius, qui alienis se
 plumis ornare cupit. Sed de iis latis, &
 proposito redeuntēs, scire decet, quòd
 cūm hæc de pleuritide prædicto in loco
 tractassemus: vt rem claram, & omnibus
 euidentem faceremus, indicaremūq; cau-
 sam: ob quam in pleuritide, interna secan-
 da sit vena, dextra in dextra, sinistra in si-
 nistra, dixi: quod rami venæ sine pari con-
 iunguntur, & copulātur osculis venarum
 propagatarum à vena axillari, quæ inter-
 nas thoracis altas partes alunt. Id quod
 nunc ita esse firmamus, quandò sic in cor-
 pore vno, vel altero, à nobis dissecto, eue-
 nire obseruauimus: quanquā variis a-
 liis in corporibus, venæ huius aiugos ra-
 mos, non omnino coniungi, & copulari
 propaginibus venæ axillaris in thoracis
 interna alta parte percepimus: sed ita os-
 cula osculis sunt propinqua, vt non diffi-
 cilis sit transitus humorum contentorum
 ab vnīs venis, ad alias: adeo vt si non co-
 pulentur copulari tamen, & coniungi vi-
 deantur: vt in omnibus ferè euenire per-

cipimus. Nobiscum hac in re est, Bartholomæus Eustachius ducis Vrbinatis medicus: qui ita rem haberi, per literas è Roma mihi significauit: vt prope diem, docto, & eleganti libro suo de Anatomia in lucem futuro, omnibus palam faciet. Cæterum, vt de hac re plenius dicamus, scitatis, quòd rami venæ paris expertis, qui per inferiores costas distribuuntur quando versus sternum reflectuntur, non solum coniunguntur, sed eadem euadunt cum ramis venarum, quæ sub os pectoris currunt, quæ originem à vena caua in iugulo antea quàm diuidatur, habent. Item, vt supremam, & vltimam manum huic rei imponamus, dicimus, quòd venæ infra spatia intercostalibus inferioribus, ex se mittunt venas iustæ crassitudinis, & notatu dignas, ad thoracis externas partes: quæ coniunguntur propaginibus, & ramis thoracis in parte exteriori: qui ortum habent à vena axillari: & sic quoque vena sine pari cum axillari consensum habet, ex eodem loco, & parte. At hæc ita ingenti speculatione, diligentia, & cura: vt adipiscantur, indigent: vt per pauci hodie extent, qui rem hanc ita se habere noscant: non vulgari igitur diligentia deditus sit, immò ingenti labori, & assiduo studio incum

cumbat oportet, is, qui ad artis medicæ cacumina peruenire debet: prout de virtute acquirenda, ex Hesiodo, decantatur. Hæc porrò si Syluius Parisiensis in sua (ut ille ait) contra Vesalium Apologia, sciret, nunquam me hercè sileret: ac sic ex tam multis debachationibus friuolis, sutilibusue depulsionibus, aliam veram in lucem mitteret.

Curatio septuagesima prima, in qua agitur de Ischuria, id est, urinae suppressione, ob urinae fistulam crassis, & lentis humoribus constrictam.

Vir Venetus nobilis, qui Pisauri agebat, & urinae omnimodam suppressionem, propter crassos, & lentos multos humores, urinae fistulam obstruentes, patiebatur: ita afflictabatur: ut in vitæ desperationem veniret: quum non nisi accersito chirurgo, & immisso catectere, meiere posset: proinde ut nobilis vir hic expedite meieret, ne catectere, nec chirurgo opus haberet: sic curationem adior: ebibebat autem antea plures syruos, & pharmaca purgatoria varia. Recip. radicis raphani,

phani, fœniculi, apiij, saxifragiæ, ana vñ-
ciam mediam: corticis radicis anonis vel
ononis, dictæ remoræ aratri, vñciam vñā:
capillorum veneris, agrimonie ana pu-
gillum vnum, baccarum Alkekengi nu-
mero viginti: seminis asparagi, rusci, vrti-
cæ, cari, ana vñciam mediam: florum sam-
buci, camæmelæ, ana pugillum vnum: in
libris sex vini optimi albi, fiat decoctio:
quousque remaneant libræ tres. Facta co-
latura, & expressione forti, adde theriacis
optimæ, si quæ habetur, vñcias duas, mi-
sce, fiat potus longus, ex quo ieiuno sto-
macho bibat vñcias octo, vel decem: sed
exteriùs, ad partes inferiores, etiam intra
testes, & anum, hoc illinebatur linimento.
Recip. aquæ vitæ vñciam vnam: olei scor-
pionum, vñcias duas: Mithridati antidoti
optimi, vñciam vnam: & alterius mediam:
cantaridum panno lineo exceptarum, nu-
mero duas: cum cera ad ignē fiat linimen-
tum secundum artis ministerium. Cæte-
rùm, linimentum præcedebat balneum, ex
oleo communi apparatus: in quo inco-
ctæ erant nonnullæ ex citatis herbis: qui-
bus ita rectè habuit: vt deinceps non opus
habuerit caractere, aut chirurgo, expeditè
autem meiebat. Porro, pro hac complen-
da operatione, succus limonis pondere
trium

trium vel quatuor vnciarum, approbatissimum habetur remedium: sua nanque acutic, crassas, & lentas attenuat, & subtiliat materias. Qui quoque pro extinguenda gonorrhæa, primatum habet: ut milies experientia compertum habemus: cautè tamen limonis acidi succus bibatur, decet: cum impotentem sæpè hominem reddat: & ad procreandam sobolem inhabilem, ut cuidam ex principibus Italiæ, superioribus annis, in bello Germanico euenit. Cæterum, ad agrotū, de quo agimus, redeuntes, interim dicta parabantur: hic optimo victus ordine utebatur: vescebatur autem ficedulis, & aliis auiculis montanis, perdice, turdo, veluti & pullo gallinaceo. Ex herbis verò aneto, benè olente, fæniculo, petroselino, caro, mentha, cerepholio, cappare, & similibus: quæ aperiendi, & incidendi vim habent: eius nanque potus vinum album generosum erat, non enim iecoris, aut renum caliditatem extraneam timebat.

S C O L I A.

Trifariam vrina meatus constringi contingit (ut memoria commendauit Galenus, libro primo de Locis affectis, capite primo) aut enim
vesica

vesica corpus inflammatione, vel scirrho, vel abscessu, vel alio quouis tumore, ita in tumorem insignem attollitur: ut eius meatus adeo occupetur, & constringatur, ut per eum urina reddi nequeat. Secundo, urina supprimi solet, ob rem praeter naturam, quae meatui innascitur, ut lapidem, calum, carunculam, quam semper vlcus praecedere solet, & vlcus hodie gonorrhœa, aut grimum, aut pus, aut lentum crassumq; humorem, prout in casu nostro contingit, qui (ut citato loco adnotat Galenus) ex ijs est, quae longo temporis spatio, & paulatim nasci solent. Caterum habet unaquaque harum rerum suas notas, per quas coniectura artificiosa, deprehendit medicus exercitatus viam, vel alteram in causa esse, quod urina suppressa sit. Qui igitur ad Curationes accingitur, primò sub magistris exercitatus accedat oportet. Nos vero, hunc virum, hanc affectionem à crassis, & lentis humoribus trahere deprehendimus: ijs precipuis notis, quia non à lapide, non à grumo, non à caruncula, non à tumore, ergo ab humoribus crassis, & lentis: & eo magis quia immissa argentea fistula, catectere dicta, illico meiebat: & cum urina ipsa, crassi, & lenti humores exercebantur. Item quia vir erat in orio educatus, & multis cibarijs, crassos, viscososq; humores generare potentibus, fuerit usus. Caterum, affectio hæc ischuria vocatur: quæ & ob renum vitia non raro euenire contingit: & tunc periculosissima

lofiffima est, ut Ancona semel notauimus in dul-
 cicario homine magno & robusto: qui in foro for-
 tu habitabat: & Ragusij in homine obeso, &
 grandi: sed ij inde diem suum obiere.

*Curatio septuagesima secunda, in qua
 agitur de dolore gallico, cream,
 tibie anteriorem partem infestan-
 te, & per theriacas applicationem
 amolito.*

Qui patiebatur morbum gallicum, &
 malè habebat, post remedia adhibi-
 ta, melius habuit. Cæterum, circa cream,
 id est, tibie anteriorem partem semper
 doluit: pro quo propulsando dolore, mul-
 ta & varia topica remedia, aliquando ca-
 lida, aliquando frigida, admota sunt: sed
 frustra, immò ad opium peruentum est:
 & nihil contulit. Proinde considerans eo
 in loco, nullum esse humorem, nullam
 qualitatem manifestam, in mētem venit,
 qualitatem venenosam aliquam à mali-
 gno humore derelictam, tibie particulam
 illam infestare. Pro qua abigenda, do-
 mandave theriacam, summum futurum
 antidotum, coniecto, & re vera, à ratioci-
 natione hac mea, minimè sum defrauda-
 tus.

tus, cum post applicitam theriacam dolor ita euauerit, ac mus, cōspecto fele. Nam theriaca adula, calida est, & potens, utpote ex tam multis, & potentibus, ac præclaris simplicibus composita. Caterum, similibus doloribus, quoties theriaca non opitulatur: illi adiungendum suadeo oleum ex guayaco ligno paratum: sic enim theriaca oleo huic mista, similes faciliè destrudit dolores.

Curatio septuagesimatertia, in qua agitur de angina saua delitescente, & hominē postea interficiente.

L Aurentius de Gentilibus, publicus notarius Pifaurensis, vir annos natus quinquaginta, temperatura biliosus, compositione verò siue habitu gracilis, & qui (ut audio, & eius attestatur facies) morbum gallicum passus est: in anginam lapsus est: & eam quidem grauissimam, sæuissimamq;. Quæ ita hominem lancinauit, ut intra quinque horas, linguam crassam admodum habuerit: ut nedum loqui, sed nec vocem formare: immò verò ne aquam deglutire posset. Ad eum igitur accersitus hora noctis, hoc est, decima post morbi initium, illicò iniecto clysteri,

steri, degrauiato ventre, sanguinem ex cephalica sinistri lateris, ad uncias sex, demere non nisi per interualla, admoto digito vulneri, iussi: erat autem humor inflammationem faciens, sanguis pituitæ mistus. Caterum, ex sinistro brachio sanguis extractus est, quia in colli parte sinistra, tumoris nonnihil aliquid apparebat, & in eo loco æger magis dolebat: constabant autem vires, tunc verò affecto loco, topicum remedium hoc applicitum fuit.

R. Foliorum maluarum, parietariæ, rosarum camæmelæ, ana pugillum vnum, radicis maluauiſci, pugillum medium, nidi hirundinis numero vnum, caricarum pinguium, quatuor, in aqua sufficienti fiat decoctio secundum artem, & depofita aqua omnia in mortario tractentur, triturenturque: quibus adde, olei camæmelini, rosacei, ana unciam mediam: butyri recentis unciam vnā, farinæ ordeī, unciam vnā, & alterius mediam: cum decocto prædicto: misce, & fac emplastrum, & calidum loco affecto applica: item ut gargarizet, sic perscriptum fuit. R. Aquæ hordei libram vnā, syrupi acetosi simplicis, unciam vnā, & alterius mediam: diamoronis uncias duas: misce, fiat gargarismus. Tertia hora noctis quum mor-

bus ingrauesceret, ad sectionem venarum
sub lingua deuenimus: quæ quum diffi-
culter secari possent, parum vel nihil san-
guinis ex eis defluit, parum tunc dormi-
ret, consului, in aurora verò cum morbus
ad statum peruenerat, & materia fluxa fe-
rè erat, nihilominus ex eodem secto loco
sanguinis uncias quinque effluere feci:
constabant autem vires. Paulo postea in-
teriecto tempore cucurbitulas collo præ-
cipuè, & scapulis, secta cute, chirurgus ad-
mouit: nam licet deriuatio hoc tempore
quàm reuulsio magis conueniret, nihilo-
minus multum iuuare opus hoc, vel ex
hoc deprehēdimus: quia de nouo aliquid
humoris ad locum affectum semper ef-
fluit, & ea de causa in Scirrho Galenus
etiam repellentia desiderat, quanquam &
opus hoc à deriuatione non multum abhor-
ret. Cæterum, horula vna vel altera inter-
iecta, iterum ad venarum sub lingua sectio-
nem peruenimus: quibus omnibus pera-
ctis, gargarismo utebatur sequenti. R. Flo-
rum camæmelæ, radicum maluauisci, ana-
pugillum vnum, caricarum pinguium de-
cem, in aquæ libris duabus, fiat decoctio
secundum artem, fasta colatura, & expres-
sione: adde oximelitis simplicis unciam
vnam, & alterius mediā: diamori unciam
mediam.

mediam, stercoris canis prærodentis ossa
 optimè triti, vnciam vnam, croci drach-
 mam mediam, myrrhæ scrupulos duos:
 misce: fiat gargarismus: quo tepido, assi-
 duò gargarizet: sed tunc emplastrum, se-
 quens loco affecto applicabatur. R. Nidi
 hirundinis, numero vnum: caricarum nu-
 mero decem, radicum maluaufci, florum
 camamelæ, ana pugillum vnum, foliorũ
 maluarum, pugillum medium, in aqua
 fiat decoctio secundum artem, & coletur.
 Caterum, omnia in mortario iustè teran-
 tur, quibus adde butyri recentis vncias
 tres, olei camamelini, anethini, farinæ lu-
 pinorum, camamelæ, hordei, ana vnciam
 vnam: misce, fiat emplastrũ: quòd si huic
 adieceris stercus pueri comedentis lupi-
 nos, longè præstantius effeceris. Iis enim
 eo die non nihil melius habuit, vt iulebũ
 violaceum, aquæ hordei mistum degluti-
 uerit, sequenti verò die, ad eum diuertens,
 in medio colli, ex directo gutturis dolore
 dixit (loqui nanque iam cœperat) quo
 conspecto loco, tumorem inibi depre-
 hendi: effluxerat nanque humor à supe-
 riori parte, ad inferiorem. Admoto tan-
 dem supra nouum tumorem, emplastro
 prædicto, tumor delituit: & ex ea materia
 nouus, supra pectoris altam partem ortus

est tumor, tunc expeditè loquebatur iam,
& quę illi offerebantur, comedebat: Supra
quem tumorem emplastrum admotū est,
& sequenti nocte, inde humor effluxit, &
tumor euauit: sed humor effluens, in co-
stas dextras, & thoracis anteriorem par-
tem cecidit: sed quanto dolore ægrotan-
tis, ipsi & assistentes nouimus: vt qui eum
totam noctem gemere, morique velle, di-
cere audiremus: difficulter nanque tunc
respirabat, imò ea nocte, septies, vel
octies egressit, omnia pauca, liquida; putu-
lenta, ingentem præ se ferētia corruptio-
nem: Inde enim malè de ægrotante suspi-
cari coepimus: vt ex scolio rationes colli-
getis: tunc verò supra latus dextrum septē
vel octo cucurbitulas apponendas cura-
uimus: post quas non ita dolere dixit, a-
motis porrò cucurbitulis, eum vniuersum
locum linimento hoc inungi iussimus:
quod habet, R. Olei violacei camæmeli-
ni, ana vnciam vnam, butyri recentis, vn-
ciam mediam, ceræ, axungię gallinæ ana
vnciam vnam, ad ignem misce, fiat vn-
guentum, quo locus inungatur. Item vt
expeditè screaret, ita perscriptum fuit.
R. Loch de althæa, de farfara, ana vnciam
vnam, sacchari candi violacei, penidiarū,
diadragacanti, ana vnciā mediam, syrupi
capillo

capillorum veneris, syrupi violacei, ana drachmas sex: misce, fiat eclegma, ex quo assiduò lambat: vesperi verò, quia dolor perseverabat, fomentum parari iussi, & loco affecto admouere, & ita habet.

R. Radicum maluauisci, camæmelæ, fornugraci, seminis lini, maluarum, hordei, violarum ana pugillum vnum: in libris quindecim aquæ fiat decoctio sufficiens: cui adde, olei camæmelini, rosacei, ana uncias tres: misce, & filtro imbuto applicetur, & sæpe innouetur. Cæterùm, cum dolor persevereret, ab injecto clystere lauante, hora secunda noctis, ex axillari dextra, locum dolentem respiciente, sanguinis uncias quatuor demi (nam robur virium, utcunque constabat) & fomenta iterari iussi: sed sequenti nocte, pessimè habuit: & vires labefactari coeperunt, & spueres desit. Animalis tamen facultas semper immunis mansit: rectè nanque loquebatur, ratiocinabatur, & auxilia exposcebat: quia intensissimè dolebat. Demùm, facta omnimoda naturæ prostratione, suum obiit diem: sexto die ab anginae ortu, à pleuritide verò infestante, secundo, demùm obiit in pleuritidis augmento. Nobiscum hac in curatione erant Baptista Gualterius, & Hieronymus Carmo

nas, ambo ex conducto Medici Pisauri:
vigeat autem solstitium hyemale.

S C O L I A.

Quod agrotus hic moriturus esset, duo prae-
cipua attestabantur: alterum, humor anginam
faciens, in thoracis dextram partem cadens, &
pleuritim gignens: quod quàm perniciosum sit,
testatur Hippocrates in aphorismis, dicens, qui-
cunque ab angina liberantur, in ad pulmonem
vertitur, & septem diebus percunt: si verò has
effugerint, suppurantur. Nam licet Hippocra-
tes annuat, ad pulmonem verti, exitiosum esse:
satu tamen esse exitiosum creditur, si ad succin-
gentem costas, membranam, talis humor decu-
buerit, & eò magis subiecto imbecilli: ut in hoc
evenit casu. Posset tamen quis argutè in eos de-
bacchari, praesagium nostrum infringendo, cum
ex ea angina permutatione (Hippocrate teste)
potius bonum, quàm malum praesagire debeat-
mus: sic enim Hippocrates libro sexto aphorif-
morum, trigesimo septimo aphorismo, ait, ab an-
gina habito, si tumor fiat in collo, bonum: foras
enim morbus deducitur, & aphorismo, quinqu-
agesimo primo, libri septimi, ab angina habito, tu-
mor & rubor in pectore superveniens, bonum:
extra enim vertitur morbus, Cum igitur mate-
ria anginam faciens, evanuerit, & extra in col-
lo ac pectoris alta, sed exteriori parte apparuerit:
conseq

consequens est inde optimum desumamus praesagium. Nos huius tergiuersatoris facile diluimus obiectiones : dicentes ab interioribus partibus ad exteriores humoris mutationem fieri, optimum esse, ut docuit senex : & ratio dicat, quia à membris precipuis ad minus precipua humorum fit permutatio. Verum ut hac optima dicatur permutatio, decet exteriori in parte, humor quietus, & fixus maneat, ut inibi concoqui, suppurari, aut dissilari possit. Nam aliter talis permutatio nullius dicetur iuuamenti, ut in hoc contigit homine, in quo humor anginā faciens, extra per transennam in thoracem ruens, apparuit.

MICHAEL. Quid igitur, ô Amate, deinceps, quoties ita euenerit, ut ex angina humor in thoracem ruens, extra apparuerit, & ibi aliquot horas commoratus fuerit, agendum arbitraris?

AMATVS. Pulchrè me herclè quæris Michaël, & hoc quidem quaesitum non philosophicum, aut logicale est : sed ex ijs maximè quæ naturam humanam multum iuuare possunt. Ego verò cum hac coniecto, nihil melius hac in re fieri existimo, quàm quoties per transitum humor ille apparuerit, candente ferramento, decliuiori in parte excutere : si modò locus consenserit : sin autem, caustico medicamēto, & hoc siue humor crudus fuerit, siue coctus, candens tamen ferramentum hoc in negotio magis laudari. Secundum indicans huius obitum, alui profluvium est, post

habitam pleuritim eueniens, quod testante Hippocrate, malum est: sic autem ille libro sexto aphorismorum, sextodecimo aphor. tradit: à morbo laterali, vel pulmonia habito, alui profluvium adueniens malum. Et, ut Galenus rectè admodum in enarratione ait, à laterali morbo, id est, pleuritide habito, hoc est, detento, siue fortiter vexato, profluvium alui superueniens, malum, ut huic euenit agrotanti. Caterùm, an humor ille ad alui profluvium faciens, potio fuerit illius cadentis ab angina per asophagum: & inde per pylorum & intestina, vel potius ex eo, qui pectus infestauit: & inde ad stomachum peruenit: quod & fieri posse, Medici non inficias eunt, & Galenus fatetur. An potius virtus extimulata, ex venis ipsum ad intestina traiecit, in dubium verti posset: probabilius autem mihi videtur, ex superiori parte ad ventriculum descendisse. Cum eo tempore ventriculum multum doluit: reuera ex quocunque loco decisum dixerimus, ipsum agrotanti pernitiem protendere notius est, quàm à me multis explicari possit: nimiam nanque humorum corruptelam attestabatur, & morbi supra naturam victoriam.

Curatio septuagesima quarta, in qua
agitur de ulcere uterum occupante
confirmato dicto.

Mulier

MVlier propola, quæ ad Diui Domi-
nici cœnobium habitat, intra pud-
bunda grauissimè torquebatur, dolebat:
& maximo cum labore, & ardore meie-
bat: & cum vrina multas carunculas, ma-
ximam quoque saniei copiam emittebat.
Cæterum ad eam inuisendam vocatus,
paucis adhibitis remediis, præfagio ha-
bito, discessimus, adeò enim vlcus ex-
dens, corrodensve erat, vt prædiceremus
fore, vt intra paucos dies intestina quo-
que corroderentur, & perforarentur: ita
vt per ipsam vuluam, vrina & stercus si-
mul egrederentur: vt aliis, ita euenisse,
obseruatum habemus.

*Curatio septuagesimaquinta, in qua
agitur de morbo grauissimo, & sæ-
uissimo: ex quo agrotans, bis, ter,
& pluries, in die corripiebatur:
& ita saue, vt à mulierculis assi-
stentibus ab spiritu demoniaco
eam vexari crederetur.*

DIua Clara ex Gallis, animæ dotibus
satis ornata, & optimæ habitudinis
virgo, nata annos octodecim: cum aliàs

syncope corripī solita erat, nunc demū ob mœrorem, & longam habitam tristitiam, in grauissimas lapsa est affectiones. Nam singulis diebus, bis & ter, ita affligitur, & membrorum omnium concussione torquetur, vt à spiritu maligno, vexari, & corripī assistentes mulierculæ affirmarent. Eo nanque tempore, quo ita correpta est, nihil sentit, vel percipit: imò omnes sensus sopitos habet, ingenti cum cordis motu. Adhæc dentes clauiculatos ita retinet, vt os aperire illi impossibile ferè fuerit: tanto tamen impetu, & furore, hora vna vel altera mouetur, vt robustissimos quosque homines eam amplectentes, lapsos defatigarit: post quæ ipsa ita fessa, & immobilis semihoræ spatio manet, vt eam ad obitum peruenisse, quis dixerit. Agitur nanque tertia hebdomada, ab huius morbi initio: quo tempore, & eius læuum brachium, paralyti affectum fuit. Cæterum, huius morborum, & sæuarum affectionum, ortum inuestigans, comperio, iuuenem hanc, mensium suorum respondentiam debitam non habere. Et id in causa esse puto, cotyledonum, siue orarum venarum, ad vterum peruenientium obstructionem, à crassa, & viscida pituita, multo sanguini mista, geni t

genitam: vnde quoque humori atrabilia-
rio: qui sæpè per menses expurgari solet,
via abdita, & occlusa cùm sit, maximè do-
minatur, & viget: qui sufficiens est vterum
ita malè afficere: vt inde symptomata præ-
dicta oriantur. Quibus accedunt (vt dixi)
pituitæ non exigua quantitas, vt ex excre-
mentis conicio: veluti non contemnen-
da seminis genitalis redundantia, iuue-
nis (vt dixi) est: in delitiis agens: bonis
fortunæ affluens: quæ omnia ita vterum
afficiunt: vt eam in prædicta trahi sym-
ptomata mirum non sit. Ex vtero enim
ipso, humor cor petit: dein capiti, ac ner-
uorum origini obrepit: vnde cordis ex-
traneus motus, veluti paralyfis, & mem-
brorum ingens concussio ortum traxere.
Meminit nanque Hippocrates Diuinus,
libro sexto Epidemion, Melancholicos
magna ex parte comitiali morbo affici:
& contrà, morbo comitiali laborantes
affici melancholia: atque horum vtrum-
libet magis accidere: prout vel in hanc,
vel illam partem infirmitas vergat: &
(vt Galenus libro tertio de locis affectis
interpretatur) si atra bilis in corpus ce-
rebri cadit: ex ea epileptici fiunt. Si ve-
rò, in mentem siue temperaturam ipsius
cerebri, melancholici redduntur: quip-
pe, epi

pe epilepsiam, quam vocant morbum comitiales: non solum pituita efficit, sed etiam atrabilis, ea præcipue, quam fæcis sanguinem, vel melancholicum succum, aut sanguinẽ melancholicũ appellamus. Qui humor, in quibusdam plurimus provenit, vel à temperatura ab initio contractus, vel à cibis: qui cum in venis consequuntur, in huiusmodi humorem transmutari solent: vt prædicto libro, capite quinto, memoriæ cõmendavit idem Galenus: quo in loco sapiētissimè adnotat ex Hippocratis sententia, animam esse temperamentum quatuor qualitarum actiuarum: aut saltem eam ab ipsarum temperatura permutari. Vnde (vt receptui canamus) quum primũ melācholicus humor cor, dein capitis meatus occupauit, & neruorum obstructionem genuit, & eorum origini vitium impertiuit: omnia hæc pulularunt. Nam quoties exacta obstructio fit, nulla fit neruorum retractio: sed magis exolutio: vt in apoplexia, & paralyfi, euenire percipimus: in semiobstructione verò, neruorum fit conuulsio: & retractio, ac membrorum concussio, vt huic euenit iuueni, & fusius nostra prima diximus Centuria. Nec est quod dubites, de brachij paralyfi, quum sic affectum brachium, non
moue

mouetur, nec concutitur, impediēte ner-
 uorum & musculorum obstructione: spi-
 rituum transitum, qui sensum, & motum,
 prædicto impartiri solebant brachio: Cæ-
 teri verò nerui, non sic affecti habebātur,
 vnde cætera mēbra concutiebantur. Hanc
 igitur curaturus, cū alij medici multa
 iam essent machinati, sic curationi initiū
 dedimus. R. Pilularum foetidarum scru-
 pulum vnum, diagridij grana duo: melle
 rosaceo colatitio excipiantur: & fiat pilu-
 la vna: quam hora septima noctis in auri-
 tam deglutiat. Cæterū, catapotio hoc,
 alius respondit, (clysteres nanque non
 admittebat) nec est, quod obiciās, cata-
 potium hoc non cōuenire, ob brachij pa-
 ralyfim. Quoniam medicea regula est, vt
 in huius morbi initiō, potentia, & humo-
 rum dissoluentia medicamenta non den-
 tur: quia medicamentum hoc potens cū
 sit, exigua datur dosi: vt potens debile, à
 iunioribus dicatur medicis: itē quia mor-
 bi initium elapsū iam diu erat. Missa fa-
 cimus tot, & tam varia: quæ paroxysmi
 tempore administrabantur: & decoctum
 sequens describemus: quo ipsa vsa est.
 R. Foliorum, & folliculorum senę, thymi,
 epithymi, radicis hellebori nigri ana vn-
 ciam mediam: polypodij quercini recētis,
 & con

& contusi, radicis petroselini, rusci, fœniculi, asari, ana vnciam vnā: hermodactylorum, drachmas duas: passarum de corinthio, vncias duas: pomorum appianorum numero sex: seminis anisi, carui fœniculi, ana drachmas tres: in libris sex aquæ, fiat decoctio, quousque maneant libræ quatuor, facta colatura, & expressione, adde, syrupi de epithymo, de matricaria, de pomis, ana vnciam vnā: misce, fiat potus longus, de quo singulis diebus, singulas octo vncias, ieiuno stomacho calidas bibat: totidēque duas horas ante cœnam. Porro origini neruorum, & brachio sic descripsi. R. Olei vulpini, chamæmelini, liliorum alborum, ana vnciam vnā: ceræ parū, ad ignem fiat linimentum, iis enim intra triduum ita rectè valuit: vt brachium paralyti affectum non esse: sed magis ob labores paroxysmorum sic malè affectum reliquisse, in dubium verteram. Porro, cū iuuenis hæc, optimæ sit habitudinis, & natura sanguinea, ex pedis vena illi sanguinē emittere iussimus: ceterū, cū saphena nunquam apparuerit, ad venam iecorariā brachij deuenimus: ex qua bona fide, scissa vena, sanguinem emitti ad viginti vncias permisi, tum quia vires constabant, tum quia sanguis

guis admodum crassus, niger, & atrabiliarius expeditè fluebat: tum etiam, quia nisi sanguis ita copiosè demeretur, nulum ex sanguinis missione iuuamentum ægrotans consequeretur, sed magis nocumentum, cum ex acetabulis, siue cotyledonibus, hoc est, ex oris ipsius venarum: quæ ad materiam terminatur, sanguinem euacuare: & obstructions referare, necessarium erat. Hoc enim sanguine deposito, melius ægra hæc habuit: & intra quatuor dies libera à tanta sæuitie, & tormento fuit, non sine omnium admiratione: & artis medicæ ingenti gloria.

S C O L I A.

Iubet Hippocrates, & Galenus assentitur, libris de ratione victus in morbis acutis: tum sæpè alibi, in pleuritide sanguinis missionem copiosam fieri: vt etiam in ipsa inflammatione sanguis contentus euacuetur: adeò, vt pro rubro liuidus sanguis euadat, vel contra. Proinde nos tantorum virorum consilium sequuti: quum huiusmodi affectiones, & symptomata ab obstructionibus impactis cotyledonibus, pendere sciremus: optimum, imò consilium summum fore duximus: si saphenam præcipuè in iuvene sanguinea, & boni habitus aperiremus: & sanguinem copiosè demer

demeremus. At quia pedis vena, etiam diligenter inquisita, nunquam comparuit: de basilica eum demere, necessarium esse deliberauimus: idè copiosè eum emitti constituimus: vt etiam (vt verum fateamur) ad libras duas deuenerimus: nisi enim tantus demeretur sanguis, proculdubio, hac peius haberet: & in deterius rueret. Quia symptomata magis durarent: & in dies seuius cruciaretur: quum optimus sanguis deponeretur, & pessimus obstructione facta, remaneret: demum (vt multa paucis dicam) aut ita copiosè sanguis ex interna brachij vena emitti deberet: aut omnino supprimi. Caterùm, crurū scarificationem, hoc in morbo, perutilem esse, nisi ad aras vsque eam respiceret, omnes nouistis: hac enim copiosa sanguinis emissionem, hac sana euasit, & pulchrè valet.

Curatio septuagesima sexta, in qua agitur, de humida qualitate absque humore, hominem ad perniciem trahente.

Mercator orientalis, qui cubiculum testudine lapidea cameratum habitabat: & in eo dormiebat: ita ab humida qualitate, absque humore vexabatur: vt parum abfuerit: quin in tabem veniret. attestabantur autem notæ hæ, morbum immaterialem hunc humidum esse, quia ab

aëre

aëre illo ambiente humido, grauedinem corporis totius contraxerat, & eius facies tumescētiā, albido quodam colore, præ se ferebat, & humiditates in eius corpore non paucae accrescebant: vt nulli sit dubium morbum hunc à nuda qualitate humida ortum trahere. Ceterum, cum homo hic sic affligeretur, eum ab eo cubiculo in alterum, sicciori aëre perflatum venire curauimus: & exsiccante victu constituto: nonnullis adhibitis frictionibus, & exercitio admissio, intra mensem sanitatem obtinuit.

S C O L I A.

Humida qualitas, veluti qualibet alia, per se sola sufficiens est, corpus humanum deperdere, & destruere: vt huius rei autor est Aristoteles, & Galenus: quibus ceteri philosophi adstipulantur. Vnde hominem hunc sic ab immateriali humiditate affligi, & in vitam suam perniciem deuenire, nō malo obstitissemus, mirum nō est: cum iis tamen, humiditas absque humore sufficiens non est dolorem excitare: vt huius rei autor est Galenus, libris de facultatibus simpl. med. & de sympt. causis: in hunc differens modum: Porro, vehementes eueniunt in tactu à naturali habitu transmutationes, ob violentum calidi, frigidi que occursum: atque ob eas res, quæ contundere, secare, excēdere,

aut erodere possunt: nā siccitas, humiditasque nisi calori, frigoriue coniungantur, occursum suum inferre non consuevere. Hac Galenus, quorum rationem, nos ex eo ibidem collectam, subiungimus: quia nulla res dolorem excitare potest, nisi eius occursum sit vehemens, & repentinus. Ceterum, cum humiditas, & etiam siccitas, nullam violentiam, aut molestantem sensationem in corporibus sensu praeclatis, introducere nata sint, consequens est, dolorem non inferant: in summa, humiditas, qualitas nuda, non est sufficiens dolorem excitare: quia subito, & repente, tristis, & molestantem sensationem inducere non est potens: cum hoc tamen ipsa per se sola, absque humoris complicatione, humanam naturam exoluere: & deperdere paulatim absque dolore: & tristi introducta repentina alteratione, potest. Vnde Consiliatorem, dictum Petrum Abanum, differentia 193. aberrare certum est: cum humiditatem, phthisim gignere non posse nisi caliditati, aut frigiditati, aut humori catarrhali iunctam dixerit. Experiētia namque, variis in animantibus à nobis dissectis, cōpertum habemus: eorum pulmones male esse affectos, nullo in eis comperto humore. Ceterum, Mesuem, & alios de hac re loquentes, cōsultò praeuertimus, veluti Auicennam, qui hemicraniam ab intemperie nuda fieri non posse contra Alexandrum Trallianum contestatur. Sed, qua ratione, vos ipsi indices estote.

Curatio

Curatio septuagesima septima, in qua agitur, de visu diminuto, & corrupto, simulque scotomia, ob suffusionem, & crassam nebulam, in altero oculorum apparentem.

MAalem ex Castris, Hebraeus, vir, qui Solimani Turcarum Imperatoris in Ægypto omnes redditus in cura habet, diminutè, & corruptè videt, & Scotomia laborat: dextro namque in oculo nubeculam crassam, & magnam patitur. Is Pisaurum venit, ut à nobis curaretur. Cuius affectiones intimius consideranti, in mentem venit: quòd omnes ferè Ægyptij homines duo morborum genera patiuntur, aliud oculorum obtenebrationem, aliud verò, testiculorum rupturam. Euenit namque oculorum morbus, ex assidua eleuatione, & depressione fasciæ turbinatæ, capiti obuolutæ: vnde capite sudore perfuso, & nimis calido existente, de repente, eleuata fascia capiti obuoluta, refrigeratur: & humor ad oculos fluit, vnde obstructio sæpe fit: & scotomia, & nubecula, & suffusiones oriuntur. Iis adde, aëris ipsius siccitatem, & acutiem ingentem, qui suffi-

ciens est, humores subtile, & fluxiles ita reddat: vt in oculis morbi ij pullulent: & cò magis concurrente puluere, continuo à vento eleuato: qui oculos ferit, & percutit, ex qua percussione, & aëris caliditate, & acutie, ad oculos humores fluunt. Ex quibus omne genus morborum ipsis euenire poterit, præcipuè ophthalmia, lippitudo dicta: & suffusio, vulgò cataracta, Græcis *ὀφθαλμία*, dicta: visus obscuritas, dicta omnimoda vel maxima ex parte vidēdi interceptio, Græcis *ἀμύρωσις*: dilatio & diminutio pupillæ, Græcis *μυδρίασις*. Nuscitiosa affectio: in qua interdū, egrotantes vident, sole verò accidente, obscurius: sed noctu omnino nihil. Sed hæc, ad mentem Galeni, sint dicta, non verò secundum Herodotum, in suo introductorio, & definitionum libris, Galeno attributis: in quibus longè aliter ille de hoc morbo sentit: vt legenti manifestum euadet, accedunt morbis, ægyptiis hominibus venientibus. *ὀνυξ*. siue vngula, quam practicarum autores sanie intra corneam appellitāt, & Græcis, aliis vocibus *πύρωσις*, vel *ωπίον* vocitatur: accedunt iis, albugines, siue nubeculæ, aut nebule, quæ si oculi superficiem tantum attingunt, *νεφελία* dicuntur

euntur: si verò altius radices pertingunt
 λευκίματα, vocantur. Vtræque verò si, ab
 vlceribus curatis remaneant, cicatrices ap-
 pellari merentur: & albugines, quia in ni-
 gro oculi omnes cādidę cernuntur. Vlcerā,
 quæ plerūque in adnata membrana, nunc
 in cornea, interdū etiam in palpebris, &
 oculorū angulis fiunt: veluti phlyctanæ,
 dictæ pustulæ exiguæ, & pterygion, id est,
 nervosa adnatæ mebranæ eminentia: quæ
 ab angulo maiori oritur: & ad irim oculi,
 siue coronā dictam progreditur: Latinis,
 vnguis dicitur: veluti variæ aliæ affectio-
 nes oculis venire solitæ: quas silētio, præ-
 terimus: quæ in Ægypto hodie frequen-
 tissimè veniunt, & ipsis homines inibi ho-
 die miserrimè vexantur, vt Glaucedine:
 quæ nihil aliud est, quàm christallini hu-
 moris in cœsum colorem mutatio: quæ
 fortè curationem nō admittit, vt inferius
 patebit latius. Caterū, in ramices quo-
 que incurrūt Ægyptij homines: quia mul-
 tam aquam ad extinguendam continuam
 sitim, & arcendum ingentem feruorem,
 bibunt: ob quam inferiora laxantur, &
 dissoluuntur, veluti ex assiduo balneo,
 & frequenti coitu. Pendent enim illis
 genitalia membra, neque enim brac-
 chati incedunt: vnde facile laxantur, &

& omentum rumpitur, & ad inferiora intestina descendunt. Hunc igitur curaturus, nosco eum temperatura biliosum exustum, ætate quinquagenarium: qui sinistro in oculo, suffusionis initium habet; quam Auicenna guttam oculi appellat, vulgò verò cataractam: in dextro verò oculo, nubecula se offerebat, coloris subnigri: alteram ex quatuor membranulis, corneam scilicet, occupans: quæ nubecula phlyctena appellari meretur. Quum ex pustula exigua in ipso oculo: aliis etiam variis exanthematis faciem foedantibus, ortum traxerit: subtus quam, & suffusionem esse, augurabar: ob quam ipse parùm videbat: immo in circuitu tanquam muscas percipiebat: & candelam accensam tanquàm duas cōspiciebat. Cæterum, pro ea deponenda nubecula, ipse collyrium quoddam suo modo apparatus, habebat, quod habet. Recip. aquæ super cannas in nocte cadentis, libram mediam: viridis aris, drachmam: sacchari candi, vnciam vnam: aloës, drachmas duas, camphoræ scrupulum medium, sief albi, vnciam mediam: moschi scrupulum medium: misce, fiat collyrium: ex quo penna intincta sæpè oculo admoueat. Ego verò post vniuersum huius corpus sæpè purgatum: &
cuius

eius quoque caput mūdātum: immo post propinatum decoctum radicis synarum, ad viginti dies, in quibus varia collyria ipsis oculis admouimus: nubeculā ipsam, subtilem adeò reddidimus: vt sub ea suffusionem latitasse deprehēderemus. Altera verò alterius oculi, tantum abest, vt medicamentis obedierit: vt potiùs incrementū nō exiguū acceperit. Qua de causa, vtrāq; permittere ad perfectionem venire, optimum consiliū fore duximus: vnde ab omni curatione abstineret, consulimus: immo oryza, caseo, bubula carne, farro, & aliis eduliis, crassum & lentum humorem gignētibus, vteretur, monuimus: iis enim suffusiones, crassitiē exactā, perfectionē, & complementum: vt opera manuali extrahantur, adquirunt. Quibus depositis, ægrum rectē valeturū haud ambigimus, vt etenim apparebat suffusio hæc, ex iis erat, quæ curationem admittere solent.

S C H O L I A.

Ἰποχύμα, *Ipochyma*, Romanis suffusio dicitur, & est (vt res ipsa indicat, & omnes medici describunt) humoris aquei inter chrystalloiden & corneam concretio, differt à glaucomate, siue glaucedine: quòd glaucedo chrystalini hu-

moris in cæsum colorem mutatio est: quæ fortè nullam admittit curationem: suffusio verò ut inferius dicetur, maxime *Auicenna* fen tertia libri tertij, sui canonis, morbum hunc, aquam appellat. Alij verò practicarum authores *Kata-ractam*, alij guttam, nonnulli verò imaginationem, hunc eundem morbum appellant, diuersimodè tamen, quoniam in principio, cum imaginationem appellant: quando præcipuè agrotus imagines non veras recipit. Sed hîc aduertendum ducci, quòd imaginationes siue imagines hæ, ut indicium sunt suffusionis, ita si sexto elapso mense, post earum apparitionem, suffusio non apparuerit: tunc imagines siue imaginationes hæ reducenda sunt ad caput de vertigine, siue scotomia: non verò ad caput de suffusione. Sic enim hodiè cum hac literis commendarem: mulier quædam imaginationes patiebatur: in quas, ab hinc biennium, lapsa erat: ad quam vocati nos ignorantibus nonnullis medicis, conclusimus: morbum non esse initium suffusionis, sed magis eum esse reducendum ad caput de scotomia: quum imaginationes hæ quando suffusionem arguunt, ad summum sextum mensem non superexcedunt: sed intra hoc tempus, suffusio apparet, & deoccultatur. Quòd si tempus hoc transgreditur, & suffusio ipsa non deoccultatur: tunc iam non suffusionis argumentum esse dicemus: sed magis (ut dixi) scotomia, nomine morbus meretur, ut *Auicenna* citato

citato loco memoria commendavit: & ante eum, Græci authores. Caterum, suffusionum varias species, curabiles, & non curabiles, colliges ex practiciis. Hoc te vnum scire vellem, quod si is, qui suffusionem patitur, nihil lucis, aut claritatis percipit: etiam si radios solares intuetur: talis sanus non euadet: secus autem, qui aliquid claritatis percipit, vt monacha diui Bartholomæi: & Habraus, à quibus me presente, nursinus, suffusiones extraxit: & postea rectè viderunt. Item, percipitur suffusio apta opere manuali, quoties clauso altero oculo, alter digito compressus, & repente apertus, in eo suffusio dilatatur: sed non diuiditur. quòd si oculo compresso, & confestim aperto, suffusio in partes diuidatur, & separetur: tunc imperfecta, curationem per acum non recipit: & tunc agrotans cibarijs crassum gignentibus succum vescatur, decet. Quòd si oculo compresso, & illico aperto, suffusio non mouetur: sed sic (vt est) immobilis manet, talis crassa admodum est, & acu extrahi non poterit. Plura verò de ijs consultò pratermittimus, de quibus cum dabitur occasio sermonem faciemus.

Curatio septuagesima octaua, in qua agitur, de tuberculo capiti exorto.

QVi mecum olim ab hinc vigesimum quintum annum, oceanum nauiga-

uit, nunc Pisaurum venit: vbi, cū testu-
dineam cameram habitaret, ob varias (for-
tē quas habet merces) in capitis sincipite,
dextram partem respiciente, tuberculum
passus est: tactu durum, sed doloris non
expertem. Ex quo, & humor ad oculum
dextrum descendit, ipsum quasi ex contu-
su, denigratum reddens, cum quibus & ca-
put vniuersum dolebat: & aliquantulum
febri pertentabatur. Vir etenim hic robu-
stus est: temperatura sanguineus, annos
natus quadraginta: quem curaturus, pri-
mò deonerata per clysterem aluo: ex eius
cephalica vena, locum affectum respicien-
te, sanguinis vncias octo demere iussi: &
tuberculum hoc linimento inungi. R. o-
lei rosacei vnciam vnā: pulueris rosa-
rum, camæmelæ, ana drachmas duas, ce-
ræ parū: misce fiat linimentum: oculus
tamen rosacea aqua lineo panno excepta
fouebatur: ac sēpē innouabatur. Cēterū,
quū hæc machinabamur, corpus vniuer-
sum syrupis ex endiuiā & rosaceo simpli-
ci, præparatum, purgauimus: ac postea ab
oculo, inflatione & nigritie leuata: capi-
tis tuberculum diu perdurans, ex ammo-
niaco, ad emplastri formam redactō, sæ-
pē applicito, euauit, & ægrotus ipse sa-
nus euasit.

Curatio

*Curatio septuagesima, de ulceribus in
vijs urinae, maximo cum ardore
derelictis, ex curatione caruncu-
larum.*

A Brahamus, qui Pisauri habitat, & iam
diu ob carunculas in collo vesicæ ha-
bitas, difficulter meiebat: cum à gallo
empyrico curaretur, in grauissima sym-
ptomata, & vitæ suæ periculum incidit.
Nam vlcera grauia, in vijs vrinariis, facta
sunt: ob quæ cum meiebat, ita acritudine
intensa, & maxima cruciabatur: vt alta vo-
ce exclamaret. Immo ob ea collum ve-
sicæ ita contrahebatur: vt rarò meieret.
Cæterum, vt hunc à tanto malo liberare-
mus, primò symptomata, hoc est, vrinæ
ardorem, supprimendum, siue leuandum
putauimus. Proinde syphone, siue inie-
ctorio, per virgam lac muliebre recens
mulctum immitti iussimus: utq; hoc sæpè
actitarent commendauimus. Dein verò,
lactis vice, ad collyrium sequens deueni-
mus, quod habet. **R.** rosarum siccarum
pugillum medium: seminis lini, seminis
maluarum, ana vnciam mediam: seminis
citruli, melonis, cucurbitæ, portulacæ, pa-
paucri, ana drach. duas: seminis halika-
kabi,

kabi, numero 10. in libra vna & alterius media aquæ fiat decoctio, secundum artem, & coletur. Cui colaturæ adde, trochiscorum alkakengi, halikakabi dicti, vnciam mediam: sacchari candi vncias duas: camphoræ drachmam vnam, misce, fiat collyrium. Quo collyrio per siphonem iniecto, & vrinæ acredo infringe-
batur: & vlcera eluebantur, extergebanturq;: & vrina liberè ei aculabatur. Quandoque verò trochiscus siue pastillus halichachabi, vno vel altero grano opij, adiecto, iniiciebatur. Non me latet, pastillos hos halichachabi, opio etiam parari, sed apud me absque opio parati magis laudantur: cum medici iudicio, opium addi, & minui poterit: sed tunc lacte dilui possunt, aut aqua rosacea, vel plantaginis, vel portulacæ, veluti pastilli diaphisalidæ: sed tunc vnguentum rosaceum, & populeon renum regioni, & virgæ radici, ac inter testiculos & anum applicabatur. Quibus remediis, statuto optimo victus ordine: hoc est: ex pullo contuso, & portiuncula ptisanæ, vel per se sola ptisana, vel panatela simplici: aut ex pulli iure parata: & ordeacea aqua in potu admissa, intra octo dies liber euasit. Syrupos tamen violaceum, & capillorum veneris, decocto supra signato, dilutos,

tos, iis diebus bibebat: sed & clysteres, vt aluum respondentem haberet, iniiciendos tunc curauimus. Cæterùm, hic, cùm rectè valeret, sed adhuc nonnihil faniei per virgam emitteret, elapso mense, cùm vxore coiuit: vnde testiculus sinister crassus maximo cum rubore, & dolore est reditus. Cæterùm, ex fabacea, & ordeacea farina, adiecto oleo rosaceo, parato emplastro: optimo præstante victus ordine: sanitatem exactam adeptus est. Nobiscum hac in curatione erat Laudadeus Blanes, Hæbræus, Reuerendissimi Cardinalis Crispi, medicus doctus & probus.

*Curatio octuagesima, in qua agitur,
de crustis, pueri caput occupanti-
bus, & ad oculos descendentibus.*

Samuelis Catalani puer recens natus, Scrustas in capite patiebatur: quæ ad oculos descendebant: & ita eos occupabant, vt timor esset, ne in ipsis vitium aliquod impingeret. Nos igitur huic occurrentes vitio, iubemus, vt nutrix optimo victus ordine vtatur: simulq; parte, & optimis eduliis vescatur: atque vt ex vbere suo, vlcera ipsa multo lacte, irroret, ac postea, coronali capitis parti, versus sinciput, folium

lium caulis tepidum admoueat: ac sæpè innouet. Iis enim facillimis remediis puer liber intra paucos dies fuit. Possent quoque huiusmodi crustæ è capite leuari decocto maluarum, & fūrfurum, veluti aqua lauati panis, adiecto butyro, vel oleo rosaceo, aut vtroque simul: nonnullæ verò mulierculæ, foliis hederæ adplicitis, opus hoc complent. Cæterum, cum olim alter huius viri filiulus similem pateretur affectionem, & sinistrè eum medici tractarent: miserè puerum, in vtriუსq; oculi suffusionè traxerunt: qui & nunc elapso triennio, eodem laborat morbo: nōdum autem exactum incrementum suffusiones adeptæ sunt: vt opera manuali extrahi possint.

Curatio octuagesima prima, in qua agitur de febre diaria, ob frigus eueniente simul, quòd omne genus febris, cor pro subiecto habet.

Q Vi frigus passus est ingens, domum cum se reciperet, febre correptus est, ad hæc, caput dolebat, & non leuiter afflictabatur. Cæterum, ad eum accersitus, arteriarum pulsus non admodum extra naturam suam, nec longè à propriis distans.

dentes comperio: sed & lotium non admodum à naturali diffidebat: immò corporis functiones, siue actiones omnes non multum læsæ erant. Qua de re, febrem ipsam diariam esse prædixi: id quod ita esse, successus probavit: per leuem autem quendam madorem exoluta febris sequenti die fuit.

S C O L I A.

Frigus diariam febrem ex accidenti gignit: quia expiramenta, & cutim claudit, & densat: unde effluuium quoddam solitum cohibetur: quod si calidum, & acre esse contingat, febrem gignit, sin benignum, plenitudinem. Caterùm in omnium medicorum ore est, febris diaria subiectum spiritus esse, veluti putridæ, humores, hecetica verò cordis corpus: & pro exemplo adducunt famigeratissimam apud Galenum, & cæteros medicos similitudinem. Diaria sic febris dicta, quod vnum tantummodo diem durat, similis est vêtô calido: qui vtri includitur: ut enim aer calidus vitem, cui includitur, calefacit: ita spiritus plus iusto calefactus, corpus calfacit. Diaria febris igitur subiectum, ij spiritus constitunt, veluti putridæ, humores: quoniam quoties in humoribus succenditur calor cum putredine, febris oriur, quam putridam medici appellamus.

pellamus: estq; similis aqua calida: vt enim aqua calida vas frigidum, cui infunditur, calfacere potest: ita & humores plus iusto calefacti corpus calfaciunt. Non mirus, si calor praternaturalis contingat in membris accendi solidis, hectica resultat: quae a simili vasi est calido: quemadmodum enim vas calidum, aquam frigidam, quae infunditur, calefacit: ita hectica, quae membris fixa est, humores omnes corporis excalfacere potest. Ceterum, similitudo hac, vt à tantis viris celebrata, ita pro vera & optima, reputanda est: non eo tamen inde arguere quis poterit, diaria spiritus subiectum esse, nec putrida humores, cum re vera, omnis febris subiectum, cordis corpus sit. Non enim febris res inanimata subiectum esse potest: vt humores, & spiritus, qui dubio procul inanimati sunt: necesse est igitur cordis substantia, omnis febris subiectum dicatur. Erit igitur spiritus, calore febrili succensus, causa diaria febris: quia carnem siue cordis substantiam inficit: affectus igitur ille, actiones cordis primario ledens, morbus siue diaria febris dicetur. Veluti putrida, quoties humores putridi, & febrili calore infecti cor petierint: & inde cetera membra, veluti hectica, quoties cordis ipsius substantia apprimè à calore febrili infesta, euaserit: vt huius rei Auicenna quoque author est sen prima, libri quarti.

Curatio

*Curatio octuagesima secunda, in qua
agitur de Aphthis.*

PVer Abrahami Catalani, qui aphtas in lingua, palato & labiis patiebatur: & ex eisdem multum torquebatur, à colluto ore, hoc lauacro optimè habuit. R. Rosarum rubearum, summachiorum, summitatum rubi, balaustiorum, ana pugillum medium, in aqua fiat decoctio sufficiens. Facta colatura & expressione, adde saccharicandi vncias duas, aluminis rochi crudi vnciam vnam: misce, fiat lauacrum, ex quo lineus pannus imbuatur, atque eo os colluatur. Quandoque verò puluisculus hic intra os indebatur, quibus intra octo dies sanitatem obtinuit: habet autem puluisculus sic, Recip. pulueris rosarum rubearum, summachiorum, balaustiorum, ana drachmam vnam, & alterius mediam, sacchari albi, & fini, drachmas duas, aluminis rochæ crudi drachmam vnam: misce, fiat pulvis, cuius portiunculam in os mitte.

Curatio octuagesima tertia, in qua agitur de symptomatis quibusdam mulieri cuida sterili, nonnulla ebibēti, ut pragnās euaderet, obortis.

P

MVlier infœcūda, & sobolis procreanda auidissima, tum vt viro placeret, tum quia à parentibus audierat, hominem sine liberis decedentem malè apud inferos cruciari, ab obstetrice auertendæ sterilitatis remedium petit. Obstetrix verò (vt omnium aliarum mos est) remedium non deesse: imò experimentum apud se tale haberi, vt eo plures ad conceptionem præparasse mulieres, effusis multis & variis verbis affirmaret. Cæterum, hæc auidissimè remedium exposcens, quod non aliunde quàm ex puro pipere, & gingibere, paratum habebatur, summa cum voluptate ebibit. Post cuius potum, altero interposito die, ita angustiis, & cordis pressuris tenebatur, ad hæc faucium strictura, ardoréve, veluti pulsuum minutionibus, & vigilio, vt eam breui morituram assistentes crederent. Ego verò, bona ægrotantis fortuna, vt qui alteram ab eadem obstetrice, ita tractatam iam curaueram mulierem bono esse animo iussi, & contra prædictas affectiones, ita inuado, & primò facibus per clysterem ex aluo depositis, iecur hoc linimento illini feci, quod habet. Recip. vnguenti santalini, vnciam vnam, & alterius mediam, rosacei vnciam mediam, aceti rosacei

rosacei parum: misce, fiat linimentum, quo leniter iecur inungatur. Cæterum, cordis regio quoque inungebatur, sic. R. vnguenti de nenuphare vncias duas: pulueris coraliij rubri drachmam mediã, aceti rosacei parum: misce, fiat linimentum. Timor nanque erat, vt ne hæc in hecticam laberetur febrim: ad collum tamen, vt quæ tanquam strangulata, ob nimium ardorem in eo perceptum iacebat, deforis hoc admouebatur linimentum. R. Vnguenti rosacei, populeonis vtriusq; vnciam vnã, camphoræ drachmam mediam, aceti parum: misce, fiat vnguentum: porrò, vt gargarizet, hoc decocto frequenter vtatur suafimus. R. ordei, rosarum, violarum, nimphææ, foliorum plantaginis ana manipulum vnum: in libris tribus aquæ, fiat decoctio secundum artem: facta colatura, & expressione: adde rob mororum, syrupi acetosi simplicis ana vnciam vnã, camphoræ drachmam mediam: misce, fiat gargarismus: vt quoque in aurora biberet, sic præscriptum fuit. R. foliorum endiuia, lactuæ, cichoreæ, violarum, rosarum ana manipulum vnum: calicum papaueris albi, pugillum medium, seminis melonis mundi, vnciam vnã, & alterius mediam,

prunorum pinguium decem, sebestem,
 iuiubarum, ana num. x i i. tamarindorum
 vnciam vnam, fantalorum rubeorum vn-
 ciam mediam, in libris septem aquæ, fiat
 decoctio, quousque mancant libræ quin-
 que. Facta colatura, adde fyrupi de cicho-
 rea simplici, vncias tres: misce, fiat Iulep.
 longum: de quo ieiuno stomacho vncias
 octo bibat: nocte verò, cum it dormitum,
 diacodij simplicis, orbiculo vno vel alte-
 ro, drachmæ pondere vtatur. Victus huic
 præscriptus, contusum pulli, cum parte
 altera ptisanæ erat: potus verò hordeacea
 aqua: iis enim post elapsos quadraginta
 dies sanitatem adepta est. Admissus est
 autem in hac curatione Marcus, ducis
 Vrbinae Illustrissimi, Medicus doctus,
 quum eo tempore, ingenti colico dolore
 ipse cruciaretur.

S C O L I A.

*Quum varia sint sterilitatis causa, varia
 sint indicationes curatrices, & varia ipsa reme-
 dia decet. Ex remediis tamen, quæ empiricè ac-
 ciuntur, nulla seruata indicati ne, aut à mala
 qualitate vterum inficiente, aut à mulieris, vel
 viri intemperie, aut variis aliis, quæ non vacat,
 nec puto esse opera pretium referre. Aloë est, quæ
 tum ieiuno stomacho, tum quando vadit dormi-
 tum, mulier deuorare debet: ita enim experimen-*

tum

eam hoc, pro certo habetur, ut non dubitem mulieres eo utentes mihi pro eo gratiam habituras. dosis autem pulueris scrupulus sit decet, aut semidrachma. nebula abscondita, ac pauculo iulepo, vel in bolo cassia, qui deuoratur, fieri solet: amarissima etenim (ut nostis) est aloë, quæ ad aliquod dies, sic deuorari debet.

Curatio octuagesimaquarta, in qua agitur de quodam monacho, qui amore cuiusdam puellæ captus, se ipsum (veneno hausto) interemit.

PAulus monachus, ex ordine cruciferorum, iuuenis viginti annorum, & ex Aquila oriundus, Pisauri apud Cœnobium sancti spiritus, cum ageret, puellam nomine Catharinam Ariminensem, & filiam fortè Ortulani, orti monachorum curam habentis, amare cœpit. Quam successu temporis, ita impatienter amabat, & deperibat, ut sæpe puellam in uxorem ducere, cum eaque, repudiata cuculla, & monachali voto, ad Germanos confugere, promitteret: vnde flexis genibus, eam non rarò ita orabat, ut illius misereretur, ut nisi eius votis, & precibus annueret, aut mœrore se moriturum, aut sese interfecturum asseueraret. porrò, mo-

nachus hic, puellæ huius amore ita deflagruit, vt eam, cum iam in amorem suum trahi non posse persentiret, animum desponderit: clàm enim ex officina pharmacopolia emptum vitriolum deglutiuit, à quo exhausto, malè habere monachus cœpit: ita vt in ventriculi erosiones, & vomitum, & secessum deueniret: ad hæc, linguæ nigredinem, & ipsius crassitiem. Demùm symptomatis auctis, & prostratis viribus, rem aliis patefecit monachis: sed accersiti ad eum Medici, breui ipsum deploratum reliquerunt: & meritò, quum eo die, vitam cum morte commutauerit, & amoris bonus monachus pœnas luerit. Pisauri hæc euenire, quinto die mensis Februarij, 1556.

Curatio octuagesima quinta, in qua agitur de puero commorso à cane, plaustrum continuò comitante.

PVer natus annos duodecim, à cane plaustrum continuò comitante, in crure demorsus fuit: sequenti verò die, eadem hora, puer rigore, succedente ingenti postea feбри correptus est. Ad quem vocatus ipse, & accersito chirurgo, locum demorsum scarificare iubeo: nonnisi profundioribus quibusdam vulnusculis, & calido

calido vino lauare : postea verò, crure
optimè absterfo, loco affecto hoc empla-
strum admoueri iubeo : quo breui me-
lius habuit : & intra paucos dies, ex toto
sanitatem adeptus est : sic autem empla-
strum habet. Cepam vnā acrem accipe,
alliorum caput, siue radicem mediam,
theriaces optimæ vnciam mediam: folio-
rum balotes, id est marrubij foetidi, me-
lissæ, ana pugillum medium, rubiæ mi-
noris vnciam mediam, fermenti vncias
duas : omnia pistentur, & loco affecto su-
perponantur : quibus, vt dixi, sanitatem
breui obtinuit.

S C O L I A.

*Omnes canes aliquid venenosi in se habere,
præter quod omnes docti firmanr Medici, histo-
ria illa, quæ de Baldo iuris peritissimo circum fer-
tur, attestatur. Nam cum sapiens vir ille, à ca-
niculo in delitiis habito, demorsus in labro esset,
& Medici præsentēs parum venenosi morsus re-
cordati, vulnus ad cicatricem breui traxissent,
inde mortem contraxit, vt latius aliàs diximus.*

*Curatio octuagesima sexta, in qua a-
gitur de sanguinis reiectione.*

D iua Luna, vxor Magnifici Leonis A-
barbenclij, vtero cum gereret, vt ipsa

credebat, sed falso, & quantum ageret
menſem ſuppreſſionis menſium, ob mœ-
rorem & mœſtitiam repente euenien-
tem, menſtrui ſanguinis nonnihil emiſit,
adeò vt ne in abortum laberetur time-
ret. Cæterum, ſexto menſe à retentione
menſtruorum, dulcedinem in ore per-
ſenſiſſe, me certiore fecit, quam ex ſan-
guinis redundantia eueniſſe conieci. Por-
rò, elapſis tribus diebus, hæc in ſanguinis
ſputum incidit, quem nonniſi tuſſi reie-
ctabat: adhæc, in pectore dolorem per-
ſentiebat, & ſanguis eiectus non admo-
dum multus erat, nec rubicundus, ſed
potius ſubnigrans, & grumofus, vt in pe-
ctore affectionem eſſe, nemini dubium ef-
ſet, à thorace etenim concretus ſanguis
ad pulmones, ingenti tuſſi transmittitur,
& inde diſſoluitur: & poſteà iterum cogi-
tur, & concretus expuitur. Cæterum, cum
huic nonnulla, me abſente præſcripta ef-
ſent, ſequenti die ad eam accedens, &
omnia conſiderans, ex interna dextri bra-
chij vena, ſanguinis vncias ſex demere
iuſſi, qui omnino bilioſus & floridus
erat, à quo extracto, melius habere cœpit,
vt ſequenti die, ex toto ſanguis cohibitus
eſſet. Huic aër frigidus erat, & ſomnus
longus permittebatur: nam & ſi ſomnus
internis

internis affectionibus noceat : quia in eo spiritus , & sanguis intro abeunt : nihilo minus in hac affectione , eum multum afferre iuamenti , scimus : quia tussis cohibetur , & vena consolidatur , & consequenter sanguis constringitur : quod potissimum in hac curatione esse , & à medico in primis considerandum , docuit Galenus , libro de Compositione medi. S.L. Proinde ceruicalia , & culcitras , penna confitas , fugiebat , non minus ac vestes pellibus fulcitas. Cibus porro , quia nunquam febris apparuit , primò ex amylo parabatur : dein verò , pullus oriza , & paucò summachiorum semine , aromatatum vice , aqua calibeata incoctus fuit. Quancquam postea , caput cinaræ (chichophilum dicimus) adiectum in pulli coctura fuit : nonnunquam verò vice chichophili , radices simphiti , in taleolas redactas , iniiciebamus : quas interdum nostris monitis , aqua refrigeratas , sic crudas gustabat : & earum vice , eclegma ex ipsis , & paucò bolo armeno , ac paucò gūmi dragacantho , syrupo myrtino exceptis , lambibat. Hæc porro , nostris monitis , acuta omnia fugiebat , vt acetum , sal , sinapim , vinum , cuius vice , aquam bibebat , & aromatatum omne genus , veluti acria omnia ,

in aurora verò, ieiuno stomacho, syrupum hunc deglutiebat. R. Syrupi rosacei de rosis siccis, myrtini, ana drachmas sex: aquarum portulacæ, plantaginis, farfaræ ana vnciam vnam: misce, fiat syrupus. Cæterùm, & si tribus diebus ex toto bene haberet, nec sanguinẽ amplius eiecitaret: in eodem tamen regimine ad aliquot dies, meis monitis, perseverauit, & regiẽ viuit.

S C O L I A.

Sanguis per os reijcitur vario modo: aliquando ab ore, & tunc sola expulsiõne eijcitur: aliquando effluit à faucibus, & tunc screatu spuitur: aliquando à gula, siue stomacho, vel eius ima parte ventriculo dicta, & tunc vomitu foras transmittitur: aliquando à membris spiritualibus, & tussi pellitur. Cæterùm, cùm agrotans hac tussi sanguinem spueret, cõsequens erat asserere, ex ipsis spiritualibus membris sanguinem spueret: nec enim à capite in pectus, ut sape fieri solet, sanguis cadebat, quod Galenus summo perẽ notandum suadet, 4. libro de locis affectis, capite sexto, nonnullos imperitos Medicos vellicando. Cùm igitur ex spiritualibus membris sanguis reijciebatur, dignum quæsitum est, an ex pulmone, vel potius ex ipso thorace: sed quod non ex pulmone, vel ex ijs probatum habeo: quia
sanguis

sanguis non spumofus erat, nec subalbidus ex interuallo prodiens. Quanquam in hoc signo, de sanguine spumoso, Auicenna fen decima, libri tertij, capite de Sanguinis reiectione priscos tacite suggillat: cum saepe ex trachea arteria, sanguis spumofus, veluti à thorace quoque effluat, & non à pulmone. Proinde fallax signum spumofum sanguinem esse. Auicenna credit, cum hoc tamen verum hoc esse scimus: quod nunquam à pulmonibus sanguis effluit, qui non spumofus, & subalbidus sit. Ad hac, tamen si sanguis à pulmonibus effluat, absque dolore, tamen exit, cum pulmones nervis careant: vel saltem perexiguos, & paucos habent, quibus dolorem non percipiunt: quum igitur in pectore dolor percipiebatur, probabilius erat asserere, ex thorace sanguinem effluxisse. Refert autem Galenus libro citato, de Locis affectis, capite sexto, Quacunque thoracis parte dolente, si quis sanguinem non multum, nec rubrum, sed magis nigricantem, & grumofum spuerit: huic pectus primaria affectione affici, certum esse: quæ sanè doctrina, ut certa, ita aphoristica sit meretur. Cum igitur huic agrotanti omnia hac enenerint, consequens est affirmare, sanguinem ex thorace effluere. Caterum, an ex vena disrupta, vel exesa, an ex eius osculo, plus iusto laxo, & aperto hoc opus hic labor est: habet autem unaquæque harum malarum affectionum, suam peculiarem affectionem. Nam si

vena

vena disrupta fuerit, cōsolidantibus medicamētis curari debet: si exesa, siue corrosa, optimis cibariis, corrosione resarcientibus: & nonnullis pharmacis, ad carnis generationem facientibus. si verò, ob osculum vena plus iusto laxum, obstructuentibus. Sunt autem obstructuentia, contingentia omnia: quorum magna sylua extat: quam nec vacat, nec puto esse operapretium recensere. Receptui igitur canentes, venam thoracis hanc, ex qua sanguis effluebat, non fuisse disruptam, vel ex hoc probatum esse dicemus: quia nulla causa procathartica anteceffit: ex qua, vena plerunque disrumpi solet: non casus, non vociferatio, non ponderis alicuius grauis subleuatio, & eò magis pectus comprimentis, non huiusmodi alia. Ad hac, quòd in vena ruptura, sanguis copiosus exit nec admodum difficilis curatu est: modò medicus dexter, & diligens illicò in principio curationis sit, retractiones, euacuationes, & derivationes exercendo: & per necessaria remedia adaptando: sed quòd non sit exesa vena, patet: quia non destillatio vlla praecefferit, vel tanta, qua excedere, & venam corrodere valeret. Difficiliter autem vena exesa curatur: & eò magis, si à destillatione euenerit: vt Galenus refert, libris methodi medendi. Consonum igitur asserere erit, sanguinem hunc, ob vena osculum plus iusto adaperitum, exire: Nam quum hac mulier iuuenis sit, & in delitiis agat, optimis assueta cibariis:

& cui

Et cui sanguis menstruus retentus est: non mirandum, si sanguis copiosus subtilis, & bilem præferens, oscula venarum dissoluat, laxet, & aperiat. Diximus igitur, si ob vena osculū laxatum, sanguis effluere contingat, cōstringentibus, siue obstruentibus, curationem perfici debere: quibus (vt docet Galenus) aliquod aperiens, & viam sternens medicamentum, misceri debet: non eo tamen magna in quantitate, vt cōstringentium vires hebetet, attenuet, & minuat: sed magis, vt eas citò validas, & potentes, ac manuducen-tes, ab stomacho ad iecur: & ex iecore per venam cavam ad cor: & inde ad locum affectum penetrare faciat. Novistis autem ex prima harum medicearum curationum centuria, quæ pectus per tracheam arteriam intrare debent, eam lambendo assumi debere: homine non nisi supino stāte, hoc est, capite ad dorsum reflexo. Quod verò ad præsagium attinet, audi, tradit Hippocrates libro quarto Aphor. sanguis qualiscunque sursum, malum: quem intellige, per os, & si magna copia fuerit, & cum febre. Quod verò ita Hippocrates intelligendus sit, ipse se ipsum exponit, libro septimo, eiusdem voluminis: cūm dicat, Quicumque sanguinem euomit, si sine febre, sine periculo est: cum febre verò periculo non vacat. Memini me apud Castellum album, iuuenem quendam cognomento syluam, sanguinis reiectione, intra diem obiisse. Nam hic cūm rectè valeret, &
uxorem

uxorem iuuenem crassam, & magnā, incubam,
hoc est: supra eum cubantem, sapē faceret, in vena
cava rupturam deuenit: & breui effluxo toto, ex
corpore, sanguine, vitam cum morte commutauit.

*Curatio octuagesima septima, in qua
agitur, de muliere, quæ cūm vterū
gereret, melancholica euadebat.*

MVlier Pisaurēsis, & vxor fortē illius,
qui viperas nobis Anconā pro con-
ficiendis theriacis, pastillis, deferēbat, fa-
cie nigricans, cūm, in vtero gereret, me-
lancholia morbo detinebatur: & ita varia,
& multa effutiebatur: vt omnibus admira-
tioni esset: ob retentos fortē menses, me-
lancholiam præ se ferentes, morbus hic
originem trahebat. Memini autem me,
aliam Anconæ vidisse, quæ cūm pariebat,
melancholica quoque euadebat (vt in pri-
mis dixi centuriis) ita enim varia, & multa
pro varia melancholiæ miscella euenire
contingunt, oporteret igitur, ante conce-
ptionem mulierem hanc, de qua curatio
nostra agit, optimē purgare.

*Curatio octuagesima octaua, in qua
agitur, de mira quadam carneæ
excreſcentia, à mulieris inguini-
bus*

*bus pendente, pōdere viginti quin-
que librarum.*

IN hospitali Pisaurenſi, mulier nata an-
nos quadragintaquinque, carnoſam
quandam excreſcentiam, ab inguinibus
naſcentem, pondere ferè viginti quinque
librarum, patiebatur: quæ non minus illi
inter crura pēdebat, ac ramex inteſtinalis:
qui viris ſæpè euenire contingit, & ſacci
inſtar inter crura pendet. Hæc cum à me
viſa eſſet, paucis interiectis diebus, diem
ſuum obiit, Quam illicò conuocatis vn-
dique medicis, & chirurgicis, diſſecui-
mus: & prominentem carnoſitatē dictam,
per mediū ſcidimus: in qua nec inteſtina
aſſeruabantur, vt nonnulli putabant: nec
intus vterus cōtinebatur, vt alij credebāt:
ſed nec in ea aquoſitas aliqua erat: ſed to-
ta ipſa pendula caro erat, alba, pituitoſa,
vberis carnem præ ſe ferens. Nam vuluæ
os, in parte huius pendulæ alta, contine-
batur. Cæterum, hac deformi carnoſitate
incifa, & rectè viſa, ad membrorum natu-
ralium cōtemplationem, nos diuertimus.
Nam huius iecur, ita magnum, & craſ-
ſum videbatur, vt ſex æquaret libras nul-
la in eo diuiſione conſpecta: proinde
deſinat Syluius in Veſalium maledicta
profun

profundere, doctus nanque est Syluius
Parisiensis, & cuius doctrinę, ego multum
tribuo. At, cum veritas ipsa, ante omnia sit
præferenda, iubente sic Platone, vel me-
liori autore, ea de causa, Vesalio, quam
Syluio adhærendum putarim. Sed & lien,
in hoc corpore, crassitie, lētore, & magni-
tudine, non rectè valere indicabat, vnde
membra hæc naturalia cum infecta essent,
& malè haberent, vice sanguinis, pituito-
sum excrementum gignebant: quod ad
locum decliuem illum transmissum, de-
formem hanc carnositatem genuit. Intra
annum autem, pendula hæc admirandam
magnitudinem accepit. Cæterum, huius
mulieris vterus, ita intra intestinum re-
ctum, & vesicam contractus locabatur: vt
altera vesica ab imperitis, & parum in
Anatomia exercitatis crederetur: solet au-
tem huiusmodi vterus in nonnullis mu-
lieribus non rarò conspici, præcipuè ste-
rilibus, & quæ nunquam pepererunt: sed
iis quoque mamillæ parvæ, & contractę
sunt: vt ex illis, vteri paruitas & exiguitas
etiam arguatur.

*Curatio octuagesimanona, in qua agi-
tur, de topico quodam remedio,
optimo & tuto scabiei cōueniente.*
Vt

VT Scabies facilè decidat, præsertim à corporibus delicatis, accipe, herbarū fumi terræ, senæ, lapathi, ana pugillum vnum: hellebori nigri vnciam vnam: in aqua iustæ quantitatis omnia infundatur, & bulliant parum: ex quo decocto, scabies lauetur sed postea, absterfo corpore, hoc linimento scabiem inunge: & breui decidet. Accipe olei communis, vncias duas: aceti mediam: sulphuris in puluerem reducti & lino panno excepti, vnciâ vnam: omnia in ollulam iniicito: & ad ignem bullire finito, quousque acetum absumptum sit: hoc enim linteo continente sulphur, sic oleo illo inuncto, scabiē inunge, & facilè decider, etiam non præcedente herbarū lauacro, opus breui consequēris, si ter, quaterve, in die illines scabiem.

S C O L I A.

Est sulphur medicamentum ad scabiem satis idoneum, & securum: vt de quo dicat Galenus, quod intus nō remittat, sed magis foras extrahat, vt apud eum legitur libris de facult. simpl. med.

Curatio nonagesima, in qua agitur, de punctura ex piscis spina, in digito oborta.

ANna Pinta, mulier honesta, quę apud
anglos diu egit, & vxor illius, qui a-
pud Indos, multos egit annos, & multas
callet linguas: Pisauri, cum pisces desqua-
maret, fortę in pisciculum paruum subal-
bidum, quem Araneum vulgus appellat,
incidit, qui in dorso, vt habet alā parua,
ita spina, & aculeo vno vel altero, insigni-
tam, armatā vne: quibus pollicis digitum
imprudens transfixit, tanto dolore, & sa-
uitia, vt mortem precaretur. Nerus au-
tem punctus fuit, ob id seca punctura hac
appellabitur: ad quam accedentes nos, il-
lico per chirurgum scalpello puncturę fo-
ramen dilatari iussimus, vt si quę inesset
spinę alicuius portiuncula auelleretur: ac
postea scarificare mandauimus. Aderat
autem mulieris huius alia amica, quę ore
suo sanguinem a digito sic scarificato su-
gebat: quoad nobis satis visum fuit, pro
curationis ratione. Ceterum, puncturę,
topicum remedium hoc ad mouere man-
dauimus. R. Sagapeni, kalbanes, tere-
benthinę, ana drachm. mediam: olei rosa-
ti completi, vnciam mediam: theriacis
drachm. vnam: pulueris radice canna-
rum, drachm. mediam: misce, fiat vnguen-
tum solidum, & ad moueatur: quo intra
quatuor dies, sana euasit, nec sanguinem
mittere

mittere, per venæ sectionem, opus fuit.

S C O L I A.

Pro salute huius mulieris, in dubium versum fuit: an tunc, hoc est, punctura initio, affligente dolore, & tumescēte manu, & brachio, defendēs, siue reperiens aliquod medicamentum, quod frigidum natura esse solet, applicare deberemus: ut humorum fluxus cohiberetur, coercereturve. Et demū, post multa hinc inde adducta, & dicta cōclusum fuit: quod non: iubente sic Galeno, libro sexto de Morbis curandis, non procul à principio: ubi historiam enarrat iuuenis philosophia dediti, in medio articulo manus, puncturam habentis, & ita inquit, Nam id quoque, vel in primis semper habendum cura est: ne quid ex iis, qua vulnus contingent, frigidum sit. Quandoquidem ipsa laborans pars, & sensibilis maxime est. & principium partium primati continua, & temperamento suo frigida: quorum omnium occasione, & ex facili à frigido offenditur: & suam offensam impertit cerebro: quod si ex iis fuerit, qua in musculos perueniant, etiam convulsionem facile accersit. Siquidem mōstratum est: musculos voluntarij motus, instrumenta esse, idem fore, & in tendonibus expectabis, iisdem de causis. Ceterū, cum memoratum remediū tum vulnere ipsi, iuuenis imposuissē, tum verò partium, qua su-

pra erant non parùm eodem complexus fuiffem, qua circa axillas, collum, caputque eius erant: omnia calente oleo aſſiduè mafecei. Hac Galenus, per qua nos docet, frigida in nerui punctura fugiamus omnia: quia facile, exangues nerui cùm ſint, & frigidi, aſcititia frigiditate, eorum originem, cerebrum, & nucham, refrigerabunt, & conuulſionem creabunt. Proinde, vel punctura in digito ſtante, oleo ſabino calēte, vel aliquo ſimili, ab axillis ad digitum malè affectum, ſapē manus foueri debet: id quod clariuſ paulò inferius tradit: cùm dicat, ac qua ad vlceris curationem attinent, hīc quoque ſunt eadem. Caterū, detrudere largius ſanguinem, ac tenui magis quàm in illis vti victu, tum in quiete omnino, ac lectulo molli, hominem continere oportet: tum oleo calēti, vberim in axillis, collo, tendonibus, ligamentis, & capite, vti: quòd ſi vulneratus neruus ex iis ſit, qui in crure habentur: ſicuti cùm in manu erat, ala, ita in iis bubones largo oleo imbuendi, tum per totam ſpinam, ad collum, & caput aſcendendum. Haſtenus Galenus, qui paucis citatis iis, ita rem haberi indicat: vt non opus ſit, illius varios nunc adducere locos: vt ex libris de comp. med. S. L. Caterū, euphorbium conſultò pratermiſi, quo in hac curatione Galeno ſuadente, tutò vti poteramus: cùm neruus denudatus non apparebat, abnegat autem Galenus, in neruo denudato euphorbium, veluti acria, & irritantia medicamenta.

menta. adeò vt Terebinthinam non nisi elotam
admittat : sed tunc, vnguentum ex calce elota,
summoperè extollit, veluti ex pompholige, non
minus & medicamentum diacalchiteos dictum.
Quæ omnia remedia, ex libris de compos. medic.
S. Genus petenda sunt. Caterùm, in horum reme-
diorum vsu, & applicatione, hominis temperatu-
ra, ac compositio, considerata est, robustus enim
vir, fortia & acria, magis fert medicamenta,
quàm imbecillis : item vir potius, quàm fœmina:
iuuenis, quàm mollis puer: vt Galenus nos docet.
Nos verò in presenti Galeni methodum legenti
præposuisse, prout nostra exposcit Curatio, satis
duximus.

*Curatio nonagesima prima, in
qua agitur de quodam pue-
ro, qui obesum calcis viua,
diem suum obiit.*

Filius Hioseppi Chirurgici, annos na-
tus octo capillos, & parietum cretam
assuetus cum esset comedere, semel in cal-
cem viuam incidit : ex qua cum abundè
comederet, in grauiam lapsus est sympto-
mata, intensissimè febricitabat, sitiebat, &
multum bibebat: sed eius sitis nunquam
extinguebatur: ad fauces dolebat, & de
ventris dolore conquerebatur, non ege-
rebat: nihil apparebat: sed ea, quæ illi of-

ferebantur, respuebat, & nihil gustabat. Ad hūc tertio die ingressus ipse, prælagio habito, quod hic breui moriturus esset, lac illi copiosum bibendum darent suasi: vel saltem ius aliquod præpinguis carnis: sed & clysteres ex malua, ibisco, semine lini, paratos adiecto butyro, & oleo seminis lini, illi iniicerent, mādauī. Cæterum, cum is nihil per os admitteret, sexto sequenti die, obiit: agebatur autem nonus dies tunc à morbi initio. Cæterum, de iis Dioscorides libro sexto, nonnulla memoriæ commendauit: quem per ocium legere ne grauemini.

Curatio nonagesima secunda, in qua agitur de symptomatis obortis, ob multarum herbarum esum in oxyporo.

DAuid Bonus, iuuenis annos natus viginti, habitu gracilis, & tēperatura biliosus: cui sæpè sanguis per nares effluebat multus, herbis valdè in victu oblectabatur. Cæterū, hic cū semel plus iusto herbarū in oxyporo victitaret, malè habuit, de dolore capitis conquerebatur: circa os vetriculi, erosiones patiebatur: calorē præter naturalē, per vniuersum corpus, persentiebat:

tiebat: nūquam ea nocte quieuit: sed eam
 infomnis exegit: nausea affectus, nunquā
 vomuit, sed bis vel ter aluus illi commota
 est. Ad eum igitur diluculo accedens, om-
 nia citata contemplor: quæ ex bile prassi-
 na, ab herbis illis plus iusto ingestis, exor-
 ta, originē trahere, certo comperi. Proin-
 de, deinceps iuuenis hic, ab esu herbarum
 abstineret, suasi: quando ventriculi calor
 non ita est potens: vt herbarum ita ingen-
 tem molem ingestam cōcoquat: ita enim
 huic, ex vſu herbarum multarum euenit:
 quemadmodum monacho Recinensi: qui
 Anconæ agebat, & capparorum ingenti
 copia utebatur: vt secunda Centuria dixi.
 Caterū, aliis simile euenisse ob fabarū,
 & eruiliarum, veluti capitem cinaræ, & po-
 morum esum, non rarò notauimus: proin-
 de qui sanitatem seruare studuerit, hæc &
 similia fugiat oportet. At æger hic, de
 quo sermo agitur, euocato vomitu, & mul-
 ta ciecta bile prassina, conualuit. Porro
 deinceps, herbis cū abstinuit, rectè va-
 lere dixit.

*Curatio nonagesimatertia, in qua
 agitur de optimo quodam reme-
 dio, contra dolores & termina in
 dysenteria.*

QVum puer ille nobilis torminibus, hoc est, doloribus dysenteriam consequentibus vexaretur, iussimus hircos mactare, ac eorum omentum (zirbum Arabes, retem vulgus appellant) ita recens calidum supra pueri ventrem extensum ad-mouere: & fascia fasciari: idq; bis, & ter, iterari mandauimus. Quo remedio à doloribus puer liber breui euasit: & consequens, adplicitis aliis machinatis remediis, sanus omnino est factus. Ceterum, topicum remedium hoc securum, & optimum: vt ab hircis parari diximus: ita à veruecibus, & aliis animantibus accipi poterit: vt in curationibus racusinis videre licet.

Curatio nonagesimaquarta, in qua agitur de opera natura, artis operibus respondente.

Vir natus annos quinquagintaquinque, facie pallida, & emortua: vt qui singulis diebus per hemorrhoides sanguinis magnam copiam mittebat: febris continua inchoate mense Maio, corripit. Ad quæ cum inuisum accederemus, eum grauissima febris teneri, inuenimus. Nam huic pulsus vehemens, magnus, frequens, & celer erat: lotium rubrum, & crassum: vt hunc

hunc sanguinis missione indigere, nemi-
ni dubium esset. Diluculo igitur cum cum
semel inuiscerem, intra duas horas reditu-
rus: ut me presente illi venā aperiat chi-
rurgus: ita contigit: ut, vix me ab eo disce-
dente, in tantam sanguinis per nares eru-
ptionem perueniret ut cum post horas il-
las duas ad eum redirem, opus arte confi-
ciundum, à natura cōpletum inuenerim:
ac ea de causa, relictis viribus per biduū,
& propinato pharmaco ex rhabarbaro, &
syrupo rosaceo solutio cū drachma vna
vel altera electuarij de dactylis breui sa-
nitati restitutus fuerit. Hinc enim videre
licet, quā vera, & prāstās ars medica sit:
quāq; saluberrimis, & veridicis reme-
diis ornata, ut quæ ipsa aggredi deberet,
natura per se primò compleat: & quæ na-
tura ipsa exequi debuerat, ars suppleat.
Erat autem opus, huic sanguinem mitte-
re: quem intra duas horas extrahendum
decreueramus: at natura ex se, sapiens, &
prouida, opus agēdum antecessit: & tanto
operi inuida, operatrix, & victrix euasit.

*Curatio nonagesima quinta, in qua a-
gitur de Gigante Senogallia nato,
crura tumefacta ad summum cum
ulceribus habente.*

HOmo ingentis magnitudinis, ita vt gigas ab omnibus dicatur, & meritò: quia communis hominis staturam, cubito excederet. Nam eius manus, hoc est, ab initio metacarpij: ad apicem vnguium, dimidium cubitum (dempto digito altero latitudinis) continet: quin, & eius pes, calapodio viginti continente punctos, clauditur, dentes trigintaduos habet, sexdecim pro ordine, & eos quidem ingentes, sed raros, separatòsve: reliquàve iis citatis, proportionata putato. Nam, vt de viribus dicam, hic salmam tritici Senogalliæ, sexcentas paruas libras continentem ex terra eleuat: & eam suis imponit humeris: eamq; ferens, sine labore incedit. Cæterum, hic cùm Senogalliæ, vbi fortè natus est, ætatis suæ vigesimo anno, malè haberet, contigit, vt Guidus Vbaldus secundus, Illustrissimus Urbini Dux quartus: qui, vt est princeps omnium virtutum genere ornatus: ita regnum suum, magna cum iustitia, sustinet: eoq; non rarò per eum trascurrit: vt cuique petenti, de iure audiat: & quod vnicuique debetur, tribuat: in Senogalliã veniret: & hominem tam vastæ magnitudinis cerneret: & fortè eo tempore malè habentem, Pietate, ac misericordia, peripaterica virtute summa
com

commotus, eum, Pisaurum deferri curavit, ut ibi omnia pernecessaria illi in promptu essent: ab optimisq; medicis curaretur: ulcera nanque, cum pedum ingenti tumefactione, patiebatur, qui vtrum ad sanitatem restitutus fuerit, ignoro: breui nanque tunc discessimus à Pisauero. Eius nanque curam habebant, Marcus medicus doctus, & Abrahamus Aloya Lusitanus Iudæus, Pisauri ex conducto chirurgus, nobis autem satis est hominis gigantis nostræ tempestatis memoriam fecisse.

Curatio nonagesima sexta, in qua agitur de destillatione oculorum.

LVdouicus Corradus Mantuanus, vir hac ætate doctus: & qui nobis Philotheum Græcum in Hippocratis aphorismos, Latinum fecit, destillationem ad oculum sinistrum patiebatur. Contra quam hoc vsus est remedio, & breui sanus euasit. Tutiam præparatam linteo raro excipe, & filo liga: & in vino Cretenfi austero immerge: & ea sic pāno excepta, oculum laua: breui enim, vel intra triduum sanus euasit: bis autem, vel ter, in die iterari debet.

Curatio

*Curatio nonagesima septima, in qua
agitur de affectionibus quibusdā,
& symptomatis euenientibus ab in-
gēti caliditate iocinoris, et cerebri.*

IOannes Victorius, vir nobilis, & confa-
lonerius Pisarenfis, annos natus sexa-
gintaquinque, temperatura biliosus, &
boni habitus: variis symptomatis labora-
bat, à iocinoris, & capitis intemperie eue-
nientibus. Nam ingentem caliditatem,
per vniuersum corpus, persentiebat: velu-
ti sitim inextinguibilem, cum lingue qua-
dam ariditate, & scissura: ad hæc, destilla-
tionem à capite persentiebat: falso quo-
dam cum sapore: sed non tussiebat: sed per
interualla quasi syncopi detinebatur: quia
eius loquela interceptiebatur, & nisi staret
fortè caderet. Agebatur sextus mensis, ex
quo morbo isto vexabatur: quibus, per v-
niuersum corpus, scabies ipsum detine-
bat: sed nunc phlegmones varij, eius vni-
uersa membra, corripuerunt: sunt sanè
phlegmones ij, dicti herisipelatoides:
quorum materia, si magis exassaretur, in
carbunculos, siue carbones, conuerteren-
tur Sunt igitur considerata in hoc cor-
pore, tubercula, vocis interceptio, calidi-
tas

tas accidentalis, vniuersum corpus pre-
hendens: veluti principalium membro-
rum caliditas: de qua paulò inferiùs. Ad
hæc, destillatio falsa, & virtus, morbos, &
symptomata hæc ferens: quæ sanè virtus,
etiam si in sene, constans tamen, & potēs
habetur: cùm autem de virtute loquimur,
de vitali intelligatis oportet: sed hic opti-
mè concoquit, & optimè digerit, ac distri-
buit, quęcunque in victu habet: diu autem
est, ex quo à destillatione cōqueritur ista:
pro qua abigēda, variis vsus est remediis,
veluti aquis thermarum, à valle sancti
Martini. Ceterùm, nos curaturi hominem
hunc, sic orsi sumus: & primò statuentes
in sene isto, iecur, cor, & cerebrum, mem-
bra tria præcipua calida cùm sint, eius v-
niuersum corpus calidum esse: vt Galenus
docuit, libro artis medicinalis. Eius tamē
iecur, cùm supra modum calidum sit, san-
guinem biliosum reddit: & malè morige-
ratum: vnde ipse sanguis ad vniuersum
corpus delatus, caliditatem illam extra-
neam inducit. Cæterùm, cùm virtus excre-
trix, siue expultrix, valida, & potens est:
quadam veluti crisi, ad exteriora, hoc est,
ad cutim materiam hanc transmittit: vn-
de phlegmones ij oriuntur, quandoque
duo, quandoque tres, & plures: quia mala
qua

qualitas iocinori impressa, in dies nouam materiam gignit: ex qua alij, & alij ortum habent. Ad caput igitur obrepens humor hic siccus, immistus capitis humiditati, salsus euadit: non minus, ac lixiuium salsum, ex cinere aquæ misto factū. Cæterum, quia, per tracheæ arteriæ parietes, humor hic cadit, tussim non facit, sed ea mala qualitate spiritus lancinat, & afficit, adeò vt vox ipsa intercipiatur, & æger ipse lipothymia quadā detineatur. Quamquam vocis huius interceptionem, euenire ab humore isto, nervos recurrentes, propè asperam arteriam opprimente, non absurdum crediderim: vel, si magis placeat, ob portiunculam ad ventriculi os delatam: vnde consortij ratione, cor patitur, & consequens lipothymia illa, cum vocis interceptione, ortum habet. Vt igitur vir hic nobilis, à tam variis symptomatis liber euadat, sic curationem incepimus: & primò, quia nuper bis sanguinem, per venæ iecorariæ incisionem, abundè extra-xerat: & cassiæ Ægyptiacæ atramentum, non semel, deuorauerat, & decoctum ex endiuia, lupulis, sena, fumaria, buglosso, & similibus herbis, paratum, biberat, commendauimus: vt ad venas hæmorrhoidales tres iuberet applicare hirudines, quæ sanguinem

guinem sugerent, quousque sponte sua caderent, ac singulis octo diebus, per eadem, hæc iteraretur vacuatio: interea dum hæc perdurat curatio. Dein verò, aquam lactis oximellite, à lacte sequestratam, ebiberet: non quidem (vt vulgus assuescit) cyathum singulis auroris: sed priscorum more, ad heminas, siue libras tres: &, vt ego propinare soleo: ad quatuor & quinque, modò ventriculus ferat. Eo modo, quo hodie aquæ thermarum bibuntur: per cubiculum deambulantes, euntes, & redeuntes agrotantes, per intervalla, pocula illa lactis aquæ, exhaurientes: sic autem tanta corporis siccitas, & membrorum ariditas humectatur: & refrigeratur. Cum verò tubercula sana euaserint, iubeo: vt hic, alternis diebus, ex aqua potabili, balneetur tepida, in qua incocta sit malua, malua uiscus, endiuiæ, & nymphææ flores, & ad iecur epithema ex succo endiuiæ, cichoræ, lichenis, cum pauco aceto rosaceo admoueat: ac sæpè innouetur, suadeo. Aut eius vice, vnguento santalino, misto rosaceo, adiecto pauxillo aceto, illinatur. Sed capiti quoque irrigationes fiât moneo, ex papaueris calcibus, senæ foliis, rosæ, salicis foliis, endiuiæ, floribus nymphææ, & similibus: in iisq; diu

agen

agendis perseveraret, optimo præstante victus ordine ad frigidum, & humidum inclinante, non nisi optimum generante succum vino huic interdicerere satius erat: quia aqua cōtentus euadebat: si eo tamen utebatur, eo quidem oligophoro, paucifero, & optimo: iis autem, & paucis aliis: quæ referre non vacat, bonus hic vir sanus intra mensem euasit.

Curatio nonagesima octava, in qua agitur de puero, qui, ob esum cicuta, diem suum obiit.

Filius Mercatoris Pisaurensis, annos natus undecim, cū extra urbem, cicuta summitates, ieiuno stomacho, comederet: & ad torridum solem illic dormiret, breui mortuus fuit. Nam cū à somno expergisceretur, non videbat: nec mente constabat. Ad domum igitur portatus, breui diem suum obiit. Pisauri hæc euenire, in calce mensis Maij 1556.

SCOLIA.

Hæc scribenti, mihi in mentem venit Socrates diuinus ille: qui à maleficiis hostibus improbe accusatus: succi cicuta potu interemptus est: acceler

*celerante carnifice, motum: vt apertis meatibus,
& corporis viis, frigiditas celerius cor peteret,
& interficeret. Caterum in Italia cicutam ve-
nenosam reperiri, quemadmodum apud Græcos,
ex pueri huius successu, satis constat. At, vt
puer hic mortem euaderet, meracioris vini copiosi
potu opus habebat, vt Galenus suadet, & Pli-
nius non siluit.*

*Curatio nonagesimanona, in qua agi-
tur de scirrho ingenti in ore na-
to, & à multis pro cancro habito.*

CRedo, qui ad diui Dominici Cœno-
bium habitat, scirrhum prædurum,
sed non omnino doloris expertem, in
ore habet, qui ex maxilla sinistra supe-
riori ad palatum, ab hinc duos annos or-
tum traxerat: & ita ingentem magnitudi-
nem occupauerat, vt ex dente inferiori, il-
li respōdente ex directo, ita fortiter com-
primeretur, vt Medici consilio, dentem
illum, album, solidum, & apprimè fixum
extrahere curaret. Cæterum, hic ad ma-
nus duodecim Medicorum, pro salute
sua (vt aiebat) iam conuenerat: quorum
nonnulli affirmabant morbum huius ge-
neris esse, vt eo scisso, aut perforato, illic o-
vitam cum morte commutaturus esset
ager: fortè putantes cerebri medullam

ad eam partem descendisse, & similem, hunc esse casum illi, de quo prima nostra Centuria harum medicinalium curationum, diximus: præcipuè de puero corniculum in capite habente. Alij autem morbum hunc cancrum esse prædicabant. Reliqui verò, morbum nūquam antea ab eis visum, ac ea de causa, nolle illius aggredi curationem, nec de eo periculum facere affirmabant. Ad hunc igitur aduocatus ipse, tumorem prædurum, solidum, decliniori tamen in parte, aliquantulum mollem, animaduerto: qua de re, purgato ex leui pharmaco, corpore, in mentem venit, quòd tumor hic prædurus, cū sit, & locus minimè idoneus, vt emolliētibus medicamentis, & aliis ad curationem facientibus, vti liberè possimus, candente vti ferramento, summum in hoc casu esse remedium duximus. Eo enim humorem illum frigidum, saxi duritiem præ se ferentem, caliditate ignea emolliri: & ea ipsum ad optimam viam excerni, credibile erat. Proinde, ore adaperto, instrumento vulgari, ad id adaptato, tumorem hunc ignito ferramento perforo: ex quo aquositas nulla tunc, sed postea, sanguis ac aqua dilutus exiuit: tunc tumor minor factus est, colore rubicundus, tactu mollis, & mitis: qui

qui eo tempore, vnguento à pinguedini-
bus variis parato, colluebatur. Cæterùm,
elapsis duobus diebus, hic feбри pertenta-
ri cœpit, & de capitis dolore conqueri: sed
sequenti die meliùs habuit, vlcus tamen
ex se, putorem quendam emittere cœpit,
vt æger ipse de eo conquereretur. Cæterũ,
vlcere sæpe colluto, ex decocto parato,
rosis, & orobo meliùs habuit: vt omnibus
iam spes esset, hunc ad sanitatem peruen-
tuum: semituberculi autem quantitas
absumpta erat. Demùm, vt multa paucis
contrahã, hic postea ter exustus fuit, & ad
radices tuberculum extirpatum videba-
tur: pro cuius seminariis eradican-
dis, oleo vitrioleo vti opus erat: sed interea Ragu-
sium tunc, dimisso Pisauo, me contuli.

*Curatio centesima, in qua agitur de
vulceribus renibus præfixis, maxi-
mo cum vrina ardore.*

Illustris Comes Iulius, à Monte veteri,
vir insignis, & alto loco natus, vlceribus
renibus præfixis, & confirmatis laborabat,
vt ex eius lotio sabuloso, & terreo depre-
hendebatur, simul dũ meiebat, magnũ ar-
dorẽ incendiũque in virga perſentiebat.

Sed hic præterire non est, dubium singulare, cur est, quòd ij qui renum, & vesicæ vitia patiuntur, cùm meïunt, ardorẽ tantum in virgæ seu glandis apice, supremæve parte, sentiunt: percipiuntve. An fortè, quia nervus à renibus per vesicam delatus, in virgæ apice, pauca contactus carne, apparet, & ferè discoopertus, ab iis qui corporis fabricam contemplantur, cernitur: vnde eo in loco sensus, quàm cæteris in locis urinæ, clariùs percipitur. Cæterũ, ad illustrem virum hunc vocatus, præfatio habito, quòd breui moriturus sit, cùm annos sit natus quinque supra sexaginta: ex quo morbo, sene diuino præsentē, maiores natu non euadunt, illius curam habere nolui. Etiam si multa & magna nobis pollicebantur: quando certò sciebam eius renibus vlcera complantata, & confirmata ita esse, vt æstuante tempore, hunc è vita decessurum dicerem. Quòd ita euenisse nunc cùm hæc Ragusij commentamur, audimus. Cæterum, habebat illustris hic vir, etiam rectè valens, pulsum dicrotum, id est, bis ferientem: qui & facultatis vitalis robur, & arteriæ tensionem præ se ferebat, vt Galenus non rarò libris illis septemdecim de pulsibus memoriæ commendauit, quem pulsum quoque olim Anton

Antonius Nebriffensis, si rectè recolo, habebat, is est Antonius Nebriffensis in politioribus literis (vt paucis plurima comprehendam) Hispanus Varro. Sed cum hæc scribo, subit mihi doctissimi, & innocentissimi senis fortunas miserari: is enim in Gymnasio Salmaticensi, à Castillio adulescente, & eius discipulo, publicis suffragiis victus est, & quod magis mirum sit, cum vterque grammatices rudimēta, quæ quidem ipse Antonius composuerat, de superiori loco interpretaretur, præmium erat, annum trecentorum aureorum stipendium, præter honorem, qui à magnis viris multò pluris æstimatur. Cessit ergo vir doctissimus, à parum docto victus: illud Africani superioris subinde repetens, Ingrata patria, ne ossa quidem mea habebis. Hæc scripsi, vt intelligāt lectores fortem fortunam in omnibus, & per omnia dominari, parumq; literas, & eruditionē valere, nisi propitia adsit Rhamnusia. Et hic finis esto, quintæ huic, Curationum nostrarum Centuriæ, quam Pisauri absoluius: sub id tempus, quo Ferdinandus Albæ regulus, Teatino Pōtifici Romano infensus, Philippi Regis auspiciis, bellum Romanis inferre parabat.

F I N I S.

r 3



AMATI LVSI-
TANI, MEDICI PRÆ-
stantissimi, curationum
medicinalium
suarum,

CENTVRIA SEXTA.

*Amati introitus ad curationes Ra-
gusinas, in quo introducuntur, Ioan-
nes Gradus, Simon Benesius, Pas-
chalis Ceruinius, nobiles Ragusai.*

GRADIVS.



VT parum prospiciūt oculi
mei, aut Amatum Lusitanū
Medicū video. BENESIUS.
Imò nihil te fallunt oculi
tui, vt qui Amatum vtriusq;
nostri amicum cōmunem, vides. GRAD.
Salue, ô Amate, te saluum aduenire gau-
demus: imò gratulamur & tibi, & nobis:
sed isthec missa faciamus, & ad quendam
ex nostratibus patritium inuisendum ac-
cedamus

cedamus. BEN. Orsatū Gondulanū fortè?
 GRAD. Ipsissimum, & quem Medici de-
 ploratum reliquerunt. BEN. Et ego vicis-
 sim te rogo, cum videre digneris Amate.
 AMATVS. Accedamus bonis auibus,
 quoniam nihil est mihi gratius, aut cordi
 fixius, quā vobis inferuire. CERVINIVS.
 Hæc domus est, ingrediamur. AMATVS.
 Quem igitur morbum patitur hic agro-
 tus? CER. Febrem continuam maximo
 cum delirio. AMATVS. Ex relatis, & sym-
 ptomatis, ac morbo ipso, & eius tempore,
 ac anni tempore, & constitutione (viget
 namque æstas) iudico iuuenem hunc tem-
 peratura sanguineum: feбри sinocha labo-
 rare, qui, breui etiam si malè habere vide-
 tur, ab hoc liberabitur morbo. Nam præ-
 ter cætera, eius pulsus id mihi satis testan-
 tur: & delirium hoc effugiet illicò, si mo-
 dò frontis hanc venam secueritis, & inde
 sanguinis vncias quatuor emisieritis: aut
 si hanc sanguinis emissionem timueri-
 tis, cucurbitulas scapulis, secta cute, af-
 fixeritis: in reliquis verò, prout vobis
 imperauit primus Medicus, stare: & si
 quid euenerit, me certiolem facite: valete.
 CER. Salue Amate. AMATVS. Et tu quo-
 que saluus sis. CER. Ægrotus noster iu-
 bet te saluere: cui, iuxta quod imperasti,

sanguis missus est: & nunc resipiscere, & mente constare incipit, vt prælagium tuū verū esse omnes iam testari audeant: nam & meliusculè gustat, & omnia prospera & felicia ægrotanti nostro euenire videtur. **A M A.** Eum rectè valiturum breui, exactè noui. Sed nunc cū exactè ciuitatem hāc vestram Ragulæam, contemplatā & consideratam habeam, ad eam describendam me diuertam. Quod, vt primum, ita optimum officium Medici prudentis, & rationalis esse, testatur senex diuinus.

RAGVSII CIVITATIS BRE-

*ui descriptio, per Amatum
Lusitanum.*

Ragusium, vrbs parua, sed antiqua, & Venetiarum simia, ad mare Illyricū inter rupes sedet, & meridiem spectat: & propterea à australibus ventis est obnoxia, in qua hyemem homines grauius & frequētius morbis vexantur. Vina potentia, sed insalubria fert: fructus paucos, triticum, vt quæ campis careat, nullum: republica gubernatur, admissis tantū nobilibus: qui & politici sunt homines, & diuites satis, ac sobrij. Præter nobiles, populus numerosus est: cuius pars altera, mercatores sunt,

sunt, homines ciuiles satis, merces vt nobiles, per plures orbis partes, ingentibus, ac miris suis nauibus exercentes : reliqua pars populi misera est, & pauperie afficitur.

Curatio prima, in qua agitur, de herpete, à thoracis alta parte, ad testes vsque fœdante.

Hieronymus Bucignolius Patrilius Ra-
gusæus, tēperatura biliosus exustus,
annos natus sexaginta duos : casu crus
cū luxaret, victu exiccante, calfaciēteq;
longo vsus est tēpore. Vnde cacochymia
orta, & humores subtiliari, ac supra mo-
dum calfacti, corpus infestant: quos na-
tura, tanquam crisi quadam, extra ad par-
tes cutaneas transmittit. Quo factum est,
vt Herpetem à thoracis alta parte, ad te-
sticulos vsque fœdantem creauerint, vt
sæpe fieri solet, & Galenus libro tertio de
Temperamentis memoriæ commēdauit,
cū dicat magna ex parte, Cutis, quoniā
in hanc, excrementa quę in habitu corpo-
ris colliguntur, natura expellit, multis, &
assiduis vlceribus afficitur: quippe, cancri,
phagedenæ, herpes erodentes, carbun-
culi, & quæ chyronia & telephia vocan-
tur, millęque aliæ vlcerum generationes,

ab huiusmodi cacochymia nascuntur. Cæterum, hæc affectio cutem, rubore ingenti relicto, corrodebat: vnde sæpe cutis ipsa decidebat: denuò alia, & alia ad casum parata: sed quod grauius erat, ita ingentem per intervalla lancinationem secum ferebat: vt nobilis vir hic, vix eam ferre posset. Ad eum igitur accersitus, hominis remperaturam, ac eius habitum coniecto: dein exedentem ruborem hunc ingentem considero, qui vniuersum thoracem, ventremque ad pudenda vsque, magna cum brachiorum, & crurium parte comprehendit. Corroditur autem hac in affectione cutis suprema pars, quæ exsiccata decidit, & denuò alia magis squamosa, quam furfurosa oritur, & quæ & ipsa exsiccata cadit: sub ea tamen (vt ager ipse mihi referebat) aliquando ichores asseruabantur. Est autem morbus hic, Herpes à bile flaua syncera, nullo alio humore admista excreta, ortum habens (vt Centuria secunda harum medicarum curationum, fusè diximus) aliquando tamen ichores subtus continebantur, ob alicuius aquosæ humiditatis cum bile miscellaneam, vt sæpè fit, & herpeti miliari quoque euenit. Nos tamè interea, dum in hac fuimus curatione, nunquam ichores hos vidimus

vidimus: proinde omnibus prænecessariis
 in ordinem digestis: curationem sic ag-
 gressi sumus. Et primo pharmacū hoc le-
 ne illi tribuentes, quod habet. R. Tama-
 rindorum vnciam mediam: hordei excor-
 ticati, vnciam vnam: florum cordialium
 drachm. mediam: seminis melonis mundi
 drac. duas: in libra vna aquæ fiat decoctio
 secundum artem: & coletur. R. Prædicti
 decocti, vncias quinque, floris cassiæ fistu-
 laris drac. decem: misce fiat potus, adiecta
 vnciola vna syrupi rosacei solutiui: quem
 ieiuno stomacho, ante prandium duas ho-
 ras, ebibit: & eo alius optimè respondit.
 Cæterum, altero interiecto die, locus ru-
 bore affectus, sic inungi coepit. R. Succī
 plātaginis, semperuiui, solani, ana libram
 mediam: aceti rosati: vncias duas: olei ro-
 sati vnciam vnam, & alterius mediam: li-
 thargyrij, cerusæ, ana vnciam vnam: in
 mortario plumbeo omnia tractētur qui-
 bus adde, oua integra, demptis putamini-
 bus, numero duo: misce, & fiat linimentū,
 quo vniuersus ille locus rubore affectus
 inungatur: & desuper pānus lineus imbu-
 tus iis succis admoueat: sic habēt succi.
 R. Succī solani, semperuiui, plantaginis,
 ana libram vnā, aceti rosati, vncias duas:
 misce. Porro cū hac parari cœperunt,
 illico

illico decoctū hoc paratum fuit. R. Endiuia, borraginis, lupulorum, ana pug. vnum: hordei mundi, vncias duas: florum cordialium drach. vnam: prunorum pinguium num. 10. polypodij quercini recentis, & contusi, vnciam vnam: senæ vnciam mediam: tamarindorum vnciam vnam: passerum de Corinthio, vnciam vnam: libris sex aquæ, fiat decoctio: quousque maneant libræ quatuor: & coletur.

R. Prædicti decocti vncias quinque: syrupi de succo cichoreæ vnciam vnam: violati vnciam mediam, misce, fiat syrupus: quem in aurora bibebat: & eo aluum lubricam habebat. Cæterum, prædicto vnguento, quod loco affecto admouebatur: post elapsos priores dies addidimus, antimonij, vnciam vnā & alterius mediam: mercurij extincti succo limonis vnciam vnam: & in mortario plumbeo, vt prius rectè tractabatur: & eo inunctio fiebat: bis scilicet, in die, manè, & serò, & aliquandò ter, superaddito lineo panno succis prædictis imbuto. Cæterum, elapsis nonnullis diebus, ab applicatione huius vnguenti: æger aurora quadam rigore affici cœpit: febrim tamen nō habuit: imò tūc expuere cœpit: adeò vt ex ore multa mucosa, & viscosa ad quatuordecim dies emiseric,

mercu

mercurio nanque opus hoc tribuendum
 nostis. Porro, ab sputo, duos dies, in ho-
 minis ore vlcuscula floruerunt : ob quæ
 valde angustiari cœpit : continuus autem
 sputator, & screator erat, & nihil comede-
 bat: nec noctu dormiebat. Quæ omnia la-
 boriosa noscens, homini præsertim seni,
 temperatura sicco : & in marasimum, ac
 extremam siccitatem, labi prono: illico ex
 pullo contusum, vt biberet parandum cu-
 ravi : veluti ex aqua dulci, balneum, quo
 vniuersum eius corpus, dempto capite, ir-
 rigabatur : & eo multum oblectabatur:
 septies verò vel octies, balneum per toti-
 dem dies iteratum fuit. Quin, & gargaris-
 mus vnus vel alter, cōficiebatur: quando-
 que ex aqua hordei, adiecto pauco syrupo
 rosaceo de rosis siccis : quandoque melle
 rosaceo colato: quādoque apparabatur ex
 summachio, balaustio, plantagine, rosis,
 hordeo: omnibus aqua incoctis: adiunctis
 alumine, & rosaceo melle colato: & simi-
 libus ad rem facientibus : quibus scopum
 intra dies quatuordecim cōsecuti sumus.
 Scire tamen decet, quòd cum sputū appa-
 rere cœpit: illico ab applicatione vnguēti
 destitimus : veluti à propinatione syrupi,
 verum vnguēti prædicti loco, albū cam-
 phoratum receptū fuit : quo locus illine-
 batur:

batur:& lineus pannus imbutus succis citatis superponebatur:sed syrapi vice,saccharum rosaceum vtcunque diglutiebat: hordeacea suprabibita. Iis enim citatis, quibus (vt audistis) multa tam supra, quàm infra excreta sunt:truculentus morbus hic extinctus fuit: & æger intra mensem,ex toto sanus euasit,vir proculdubio, bonus & liberalis.

*Curatio secunda,in qua agitur,de
dysenterico puero, topico quodam remedio curato.*

PVellus sex,vel octo tantū natus menses, & filius Benedicti Gōdulæ iunioris, patritij Ragusæi: quum dysenteria laboraret:& multa viridia,lutea,& aliorum colorum egereret:& anxie ferret,ac doloribus cruciaretur: ita vt lac sugere nō valeret:in dubia spe erat.Ad eum itaque vocatus, adductum veruecem, intra cubiculum, vbi puer erat, mactari iussi, ac diligenter exenterari: à quo calens omentum (zirbum Arabes vocant) sic extractum, supra ventrem pueri extendendum curavi: & fascia fasciari: hoc enim topico remedio, intra tres horas, puer melius habuit, egestionem enim, minui cœperunt: & dolores ex toto leuati sunt. Iussimus tamen,

VL

vt nutrix pullo gallinaceo, calybeata aqua incocto, adiecta oriza vefceretur: & vini vice, calybeatam pluuialem aquam biberet: ac à coitu abstineret: & cornu rubro fructu, tunc maximè abundante, pro cibo vteretur, iussi. Cæterùm, post elapsas quatuor horas: & è pueri ventre leuato omento veruecino: eum vnguento (è comitiffa dicto) inungi iussimus: & aquam, ex pullo, per campanam destillatitiam: adiectis corallo, margaritis preparatis: ac cotoneorum frustulis, simul mistis: per os illi iniiciendam curavi. Iis enim, sequenti nocte puer benè habuit, & quieuit, ac dormiuit, & lac suxit: nec amplius torminibus tentatus fuit.

S C O L I A.

Omentum supra ventrem extendi, & sepe iterari, optimum, esse scire vos velim: plures igitur verueces, aut arietes, aut hircos mactare, & confestim exenterare iubete: est enim remedium hoc singulare.

Curatio tertia, in qua agitur, de morbo sauo, & crudeli, in quo agrotans trecentos egressit iusta magnitudinis vermes.

Marcus

MArcus annos vndecim natus, filius Hieronymi Basilij, patritij Ragusæ, præfecti, insulæ mediæ: in qua cum forte puer licetiosè vagaretur: & fructuum atque esu piscium copiosiori, vteretur: in febrem lapsus est ingentem: vnde illico Ragusum delatus est. Ad eum inuisendum sum vocatus, sex à morbi initio, elapsis diebus: quibus, vt ab assistentibus acceperamus, nihil quicquam gustauerat: atque inde eum ita imbecilem, & viribus prostratum inueni: vt ea ipsum nocte mori: ni obuiam tanto malo iremus, certum esset. Pulsus non apparabant: sed foris frigidus, & algidus totus puer ipse erat: ad hæc circa guttur laqueum habere, & veluti eo strâgulari inculcauerat, cubili prostratus cum iaceret, non quiescebat: sed furibundè huc, illuc mouebatur. Quæ omnia non aliunde venire quàm à vermium multitudine puerum infestatum, mihi fides erat: proinde breui, clysterium sequens paratum, iniiciendum curavi: quo duodecim illico egressi vermes tam crassos, & ingentis magnitudinis, vt puer illico melius habere dixerit. habet autem clyster sic.

R. Coralina, portulacæ, graminis, ana pugillum vnum: betæ, maluæ, mercurialis, ana pug. medium: coriandrorum præparatorum

ratorum, vnciam mediam: seminis sancti,
drachm. duas, in libris duabus aquæ fiat
decoctio sufficiens: & coletur. R. Prædi-
cti decocti, vncias quindecim: olei rosati,
vncias duas: cassiæ extractæ drachm. sex:
hieræ picræ drach. duas: mellis violacei,
vnciam vnam: salis drachm. vnam: misce,
fiat clyster: quo (vt dixi) duodecim egressi
vermes: crassos, & longos satis: & tunc
meliusculè habere visus est. At, vt vires
robore afficerentur, ex pullo aquam de-
stillatitiam parare in hunc modum iussi.

R. Carnis pulli Gallinacei vncias duo-
decim: coraliij præparati, margaritarum
præparatarum, an. scrupulos duos: seminis
sanctonici drach. vnam: seminis limonis
drach. mediam: misce, & in balneo mariæ
fiat destillatio: ex qua destillatitia aqua
nonnihil deglutire, ac ebibere cœpit. Id
quod assistentibus mirū visum fuit: quādo
per se illos priores dies nihil quicquam
deglutiuerat: sequenti verò die, chylterem
similem iterari iussi: quo tātā vermium
proluuiē egressi: vt omnibus admirationi
esset: sed tunc meliusculè gustabat, & ad
oblata melius habebat. Pulli autem con-
tusum bibebat, imò ex ipso pullo, & fice-
dulis nonnihil pitissabat: semper puluis cu-
lo coraliij præparati superaddito: pro potu.

verò, aquã coriãdro incoctã vino grana-
torũ mistam habebat. Cæterũ, in aurora,
ieiuno stomacho, syrupum hunc bibebat.
R. Seminis acetosæ, portulacæ, sanctoni-
ci, ana drac. duas: coralinæ drachm. tres:
seminis citri, limonis, coriãdri præparati,
an. drac. vnã: herbę acetosę, scordij, portu-
lacæ, graminis, pimpinelæ, ana pugillum
medium: in libra vna, & alterius medio a-
quæ, fiat decoctio, quousque maneat libra
vna: & coletur. R. Prædicti decocti, vnc.
quatuor: oxisaccharæ simpl. vnciã vnam:
misce, fiat syrupus, quẽ, vt dixi, ieiuno sto-
macho bibebat: sed interdiu ex electuario
sequenti miris prædito viribus, pro detru-
dendis vermibus, lungebat. R. Seminis san-
ctonici (sancti, vel alexãdrini dicti) vnciã
vnã: contundatur: & per duas horas in
aceto acerrimo maceretur: ac postea co-
letur: & semen melle discocto excipiatur:
& fiat cõditum, electuarium primas con-
tra vermes habẽs, dignum, vt appelletur,
paratu enim, vt est facile, ita viribus, & fa-
cultatibus mirũ. Hoc enim per interualla
adhibitum gustabat, & si placebat: ex
prædicta aqua vino granatorũ mista su-
perbibebat: iis enim puer hic, intra decem
dies, quod mirum: sed verum dixerim, tre-
centos egressit vermes, & eorum plures,
crassos,

crassos, & ingentes, ac viuos omneis, ster-
 cori liquido, & putido mistos. Cæterum,
 cum intra decem dies, à vermibus corpu-
 sculum hoc liberum esset, & iam omnino
 rectè valere videretur, adeò vt sequenti
 aurora parum rhabarbari, & agarici dare
 deliberarè, vt postea incolumis insulam
 mediam se reciperet, in qua pater, vt dixi,
 Gubernatoris officio fungebatur: Ecce,
 noctis initio, puer rigore affici cœpit, què
 postea subsequuta fuit febris, ad octo ho-
 ras postea sudorè terminata, sequenti no-
 cte, eadem hora, similiter correptus fuit,
 minori tamen paroxismo, tunc verò, phar-
 macū ex rhabarbaro & agarico, prædicto
 à nobis decocto, exceptis, propinauimus,
 quo multa, lutū referètia subnigra, pauca
 liquida, citrina, nullo cōspecto verme, e-
 gessit, & optimo appetitu, atq; auidè tūc
 comedit, sequenti nocte, paroxismus exi-
 guo frigore puerū corripuit, sed febris vt
 antea erat, in qua madores à pectore ad
 caput vsq;, apparebāt, demū febris hæc pi-
 tuitosa, quotidiana, deocultata est, noctur-
 na tamen, quæ vt Hippocrati in Epidi-
 miis placet, lethalis, & mortifera est, huic
 calor humentior erat quadam cum acri-
 monia, quā non protinus admota manu,
 sed, ermanente, sentiebamus, copioso

nanque vapore obruta acrimonia, quam putris fumus parit, non ita primo occurſu percipitur, huic pulſus parui admodum erant, & tardi, vrina tenuis, ſubruba, ſitis nulla, ſicuti nec ſymptoma aliquod puerum affligens, præter frigus nocturnum paruum admodum, acceſſionem indicās, à qua, decem & octo horas puer febrì correptus, ferè ſemper dormiens, quietus manebat, nec niſi appellatus quicquam loquebatur, ſex verò aliis horis non ex toto à febre mundus, meliusculè haberi videbatur, tunc nanque loquebatur, & aliquid guſtabat, ſed vires in dies magis & magis languebant, & corpus exolui videbatur, & morbus creſcebat, omnibus conatibus, nobis reſiſtentibus. At, quum morbus natura ſua lethalis eſſet, puerum ad interitum traxit, obiit autem nono die Auguſti, non ſine parentum ingenti dolore, nam vnigenitus illis erat, credere enim eſt, tantam vermium colluuiem, puerum exuccum reliquiſſe, cœpit agrotare puer ſic duodecimo die Iulij, & decimo octauo ſequēti, ad eum inuiſendum peruenimus. Porro, vigesimo octauo, cum à vermibus liber & ſanus videretur, febrì corripì cœpit, & in dies deterius habuit, rādem obiit nono die Auguſti, hoc eſt yndecimo die à febre

febre corripiente, ab initio verò morbi,
vigesimoseptimo.

*Curatio quarta, in qua agitur, de
sanguine ex pectore reiecto, &
succo vrticæ cohibito.*

QVi sanguinē ex pectore reiectarunt,
& à medicis tanquā deplorati sunt
habiti, solo vrticæ succo ebibito, conua-
luerunt, post multa autem machinata re-
media, nullum remedium ita contulit, vt
sanguis hic cohiberetur ac succus vrticæ,
quem ad quinque, vel sex dies ebiberunt,
singulis nanque diebus, singulas quatuor
vncias ieiuno stomacho bibebant, imò &
ipsam vrticam incoctam iure pulli, aut
veruecis sæpe comedebant, ex iis alter,
prædicti Bucignolæ nepos erat, alter verò
Ragusæus patritius quoque.

SCOLIA.

*Vrticam hoc munus conficere posse, difficile cre-
ditu est, Dioscorides tamen, de ea ita inquit, Vrti-
ca folia profluua narium cum succo sistunt, tri-
ta imposita, & ultimo, vrtica succus, vnam gar-
garizatus reprimat, inquit.*

§ §

Curatio quinta, in qua agitur de puerlo loquente, qui postea ob morbum suum superuenientem, mutus factus est.

Nicolaus, filius Blasij Darfæ, viri spectabilis Ragusæi, puer annos natus quinque, temperatura humidus, hic ætate cum esset annorum duorum, rectè prout illa ferebat ætas loquebatur. Cæterum, cum illi febris ingens superueniret, & à medicis deploratus relinqueretur, mulierculæ dissectos, & exenteratos catulos, inter cætera parabilia remedia, capiti admouerunt, vnde fortè fortuna, à tam rabida, & mordaci febre, intra octo dies, liber puer, in sæuiorem morbum labitur, eius nanque crura ac brachia paralyti sunt affecta, sed præcipuè lateris sinistri, ad hæc, quum puer antea loqueretur & rectè audiret, loqui & audire desiit, vt muti nomen mereatur, cœpit autem febris, quintodecimo die, mensis Iulij, quæ vt dixi, octo tantum dies viguit, sed paralyti per totam hyemem, ad Aprilem vsque durauit, adeò vt Maij mense sequenti, iam liber ex toto à paralyti puer, nihil tamen audiat, nec loquatur, credere autem est, puer temperatura humidus cum sit, caput quoque humi

humidum & excrementitia materia refer-
 tum cum habeat, febris, & catulorum calo-
 re, capiti ad motorum, ipsam in ipso capi-
 te eliquari & fundi materiam, unde ad
 nervorum origines fusa, & delata pituita
 hac crassa, obstructionem procliui & pro-
 no in corpore, genuit, facta autem obstru-
 ctione, ac impedito spirituum transitu,
 per nervorum origines, per quos patet
 transitus motrici facultati ad musculos,
 paralysis siue membrorum resolutio orta
 est. Caterum, quia non modò nervi, qui
 motui præsumt, obstructi fuere, ab ea cras-
 sa & frigida materia, sed ij qui auditui &
 loquelæ inseruiunt, & fortè reuerfui, fa-
 ctum est, vt puer non surdaster, sed sur-
 dus & absque loquela euaserit, grauis
 autem morbus hic est, curabilis tamen,
 vt qui nervorum obstructio sit. Nam vt
 ea quæ impediēbat crurum & brachiorum
 motum obstructio, ex toto ab hinc bien-
 nium leuata est, ita sperandum quoque,
 vt hæc ex qua surditas, & loquendi impe-
 dimētum ortum habent, ad aliquod tem-
 pus extirpetur, hac enim fulciti spe, pue-
 rum hunc curare aggressi sumus, & eo
 magis, quia in hac ætate vis caloris natiui
 magna est, & facultates naturales quarū
 ope præsertim id genus morbi curatur,

maximè validæ sint, quo fit, vt pueri si benè, & rectè gubernentur, longè maiores difficultates superare soleant. primo igitur in vniuersum, eam constituimus virtus rationem, quæ attenuandi vim habeat, à natura enim morbi, vt nostis petenda est remediorum ratio, morbus autem is (vt diximus) cum à crassis lentisq; humoribus fit excitatus exiccantia iuuant. Oportet tamen non admodum siccitate excellant, cum à puerili ætate indicatione sumpta, valde exiccantia pueris non parum aduersentur. Cæterum, cum Ragusium in meridiem vergat, & ideo australibus ventis, qui insigniter caput replent, sit exposita, consonum fuit, vigente ætate, vt quæ non ita huiuscemodi ventis sit obnoxia, curationē aggredi, permittentes, vt puer modestè exerceatur, etiam pulchro, ac sereno die, extra domum, non tamen illico post sumptum cibum, ne & cibi coctio impediretur eo motu, & ita caput repleretur, in somno quoque, vt qui pueris admodum familiaris est, plus illi indulgendum, quam in cæteris, putauimus, modestè tamen, utilior enim ad has discutiendas materias, & eas absumendas vigilia est, quam somnus, præsertim tamen cauere est, ne statim ab accepto cibo dormiat, maximè vero

rò meridie, evitetur timor, & mœstitia,
 quod si aliquando subirascatur, non erit à
 nostro instituto alienum, curauimus ta-
 men consuetas excretiones de more ha-
 beret, in cibisq; fugeret ea quæ humectât,
 & refrigerant, veluti, quæ caput humore
 replent, vt fructus, & olera, quantum per
 hanc ætatem fieri potuit, item & lactici-
 nia, & pisces, præcipuè recentes, salitos
 nanque lubētius in hoc casu admitterem,
 parua tamen quantitate, legumina quo-
 que omnia improba sunt, cicerū iure ex-
 cepto, pro oxiporo, ac acetario, cappares
 oximellite paratos, concedimus, abnega-
 to tamen omni genere humidarum car-
 nium, vt sunt, agni, suis, veruecis, castrati,
 imò & caponum saginatorum. quæ verò
 rationem victus attenuantis conficiunt,
 sunt, pullorum gallinaceorum, palumbo-
 rum, hædorum, leporis iunioris, auium
 syluestrium, vt perdicum, turdorum, pha-
 sianorum, auicularum nemoralium, vt fi-
 cedularum, & similium, quæ assæ magis,
 quàm aqua coctæ permittebantur, vt sal-
 uia, menta, maiorana, rore marino, petro-
 selino, cerepholio, serpillio, & similibus,
 adiecto cinnamomo, pipere, & aromatis
 similibus, oia recentia, vt boni succi ad-
 mittuntur. Vinum in totum abnegatum

est, quia vinum, multum pueris obest, & caput fumis replet, eius ergo vice utebatur aqua incocta salvia, aut cinnamomo, aut betonica, aut piper. Iis igitur in ordinem habitis, quoniā morbum difficilem curatu, & cum non nisi assiduo & longo medicamentorum usu, curari & absolui prädixeramus, iuxta carmen prouerbiale, *Assiduo illisu, durum cauat undula saxum.* Iis medicamentis uti cœpimus, quæ ad morbum faciunt, puerilis ætatis ratione habita, & ita initium habent. R. betonica manipulum vnum, florum roris marini pugillum medium, seminis anisorū drach. duas, libra vna aquæ fiat decoctio ad tertias, & coletur. Recip. prædicti decocti, uncias tres, oximellitis, syrupi de betonica, ana unciam mediam, misce, fiat syrupus, quem auidè in aurora, ieiuno stomacho, puer bibebat, sed ebibitis nonnullis syrupis, catapotia hæc rectè deglutiuit. Recip. Agarici nquiter præparati scriptulos duos, diagridij, granum vnum, misce. f. p. tres, quas in auratas, quando ibat dormitum deuorauit, & eis aluus optimè respondit, tunc verò, sequentibus diebus, conditum hoc in aurora comedebat.

Rec. conditi de betonica, de floribus roris marini, de salvia, ana drachmam vnam
& me

& mediam, cum syrupo de corticibus citri, fiat mistura, quandoque verò ex omnibus, vnciam integram deuorabat, porrò tribus postea horis, irrigatione, siue embroca, pueri caput irrigabatur, quæ ita habet. Rec. betonicæ, maioranæ, saluiæ, stæcados, ana pugillum vnum, origani, pulegij, foliorum lauri, ana pugillum mediũ, in libris quindecim lixiuij communis barbitonsorum, fiat coctio sufficiens, quousque maneant libræ decem, & coletur, ex qua calida, irrigatio super caput, ad finciput præcipuè fiat. At, ab irrigatione exicatum caput, hoc illinebatur vnguento.

Rec. olei camomillini, anethini, laurini, ana vnciam vnam, ceræ parum ad ignem misce, fiat linimentum, siue vnguentum molle, quo caput, antea à capillis denu datum illinatur, sed per aures hoc infundebatur oleum.

Recip. olei amygdalarum amararum, vncias duas, vini optimi albi, vncias duas & alterius mediam, maioranæ pugillum medium, ellebori nigri, scriptulum medium, misce, & ad ignem fiat decoctio vsque ad vini consumptionem: & fiat expressio, & colatura, cui adde, moschi grana duo, misce, & vtere, ac per aures ex eo parum infunde, quod moscato gossapio, occlu

occludebatur, item, succum hunc per nares attrahebat.

Rec. succi maioranæ, betæ, ana vncias tres, radicis pyretri, drachmas duas, ellebori nigri, scriptulum medium, misce, & ad ignem fiat decoctio, & succi purificatio, siue defecatio, & coletur, cui adde, Ambari grisei, grana duo, moschi, grana totidem, misce, & vtere, iis enim, etiam repetitis, ad quinquaginta dies vsus est, nullo tamen consecuto iuuamento, oporteret autem curationem hanc in longius protrahi tempus. Cæterum, cum hæc operaremur, occurrit quoque puer annos natus duodecim, filius Hieronymi Gradij patritij ragusæ, qui ad ætatem hanc vsque cum pro muto haberetur, nunc demum loqui cœpit, scatebat enim puer hic quibuldam excrementitiis humiditatibus quibus tēporis & ætatis successu consumptis, expeditè, & concinnè, eū loqui speramus, ad nucham nāque laqueum inditum fuit, quo capitis humiditates superfluæ, apprimæ extinctæ sunt, vnde ipse loqui cœpit.

Curatio sexta, in qua agitur de fluxu sanguinis narium, cum mala ventriculi intemperie frigida.

Marinus

Marinus Gradius, Patritius Ragusæus,
 vir annos natus sexagintaquatuor,
 temperatura biliosus, vt qui caput, iecur,
 & cor, membra præcipua calida habeat,
 vetriculum verò admodum frigidum, sic
 olim à mala curatione pro restituendo se
 à morbo antiquo, contractū, ab hinc quin
 quennium in tantum sanguinis per nares
 fluxum incidit, vt intra octo horas, (vt ille
 ait) duas adimpleret pelues, vigintis sex li
 bras continentes, nunc verò narium san
 guinis profluuium laborat, pro quo com
 pescendo, bis illi secta est vena, nam ex
 brachio dextro & sinistro, sanguis missus
 est, tum hypochondriis & scapulis inci
 cute, cucurbitulæ adnotæ, ad hæc, fronti,
 fincipiti, medicamenta refrigerantia, &
 contingentia, immo intra ipsas nares im
 posita sunt, nihil tamen contulere. at, quia
 vir hic solitus erat per hæmorrhoides mul
 tum sanguinis mittere, & ab hinc annum
 vnum in totum cohibita euacuatio hæc
 est, iussimus hirudines plures ano admo
 ueri, easq; per medium postea difsecari,
 quia retractione euacuatione, sanguis
 è naribus quoque fluebat, nec à cursu suo
 desisteat, tunc ligaturæ, frictiones, & re
 tractiones sunt factæ, & testiculis gelida
 aceto mista sæpe admouebatur, immo fin
 cipiti

capiti, depositis capillis, & fronti, remediū nobis familiare ex gypso ouorum albo excepto, applicitum fuit, quo peius habuit, dixerat autem æger, eo caput magis calefieri, sed eo deposito, & sanguine ex sinistra nare tantum fluente, iussimus ex sinistro brachio sanguinē demere, & guttatim, ac per interualla fluere, tunc verò sanguis fluere desiit, sed non multò post, in lipothymiam, siue animi defectum incidit, cui reuocato, ius pulli cum oui vitellis oblatum fuit, cæterum, tunc embrocha siue pro capite irrigatio, parata fuit sequens. R. Foliorum lactucæ, semperuiui, portulacæ, plantaginis, solani, polygonij, corrigiolæ dictæ, florum violarum, rosarū, nenupharis vtriusq;, sumachiorum, corticum granatorum, hioscyami, lysimachij, ana pugillum vnum, radicis mandragoræ, vnciam vnam, capitum papaueris, sex numero, in libris viginti aquæ, fiat decoctio secundum artem, & coletur, ac supra caput irrigatio fiat, facta irrigatione, capiti exiccato, hoc applicetur ceratum.

R. Olei nenupharini, vnciam vnam & alterius mediam, rosacei vnciam mediam, seminis rosarum, pulueris rosarum rubearum, ana vnciam mediam, pulueris corticum granatorum, balaustiorū, ana drachmas

mas duas, succi lysimachiae herbe, vnciam
vnam, cere quantum ad spissitudinem suf-
ficit, misce, fac vnguentum, & capiti sed
præcipuè sincipiti applica, cæterum, cum
sanguis constrictus esset, non permisimus
irrigationem hanc, nec vnguentum admi-
nistrari, cōsiliū tamen dedi nobili huic,
& patritio viro, vt rhabarbarum ex tama-
rindorum decocto ebiberet, vt sanguinis
feruorem, bilisq; acrimoniam infringe-
ret, domaretq;, qui vbi cōsilio paruit, opti-
mè valuit, & basilicè viuit.

*Curatio septima, in qua agitur de ly-
enteria.*

PVer qui lactabat, natus menses vigin-
ti, & filius Sarcinatoris Ragusini, ob
nutricis malum regimen, ea quæ come-
debat, incocta & cruda per inferiora re-
mittebat, asseruabatur autem in eius ven-
triculo, mucago quædam, quæ cibum lu-
bricum faciebat, impedimento enim erat,
retētrici, ac cōcoctrici facultatibus, hunc
igitur cum viderem puerū, nutrice exacte
purgata, ac vt oportebat gubernata, oxi-
mel per intervalla, ipsi puello cocleari
trado, postea verò oximellitris paululum
ex diluto rhabarbari, & agarici, puluiscu-
lo hieræ picræ adiecto, propinauimus, à
quo

quo potu, mucagines in ventriculo contentæ, euacuatae sunt, & sequenti die, robore per ceratum ventriculo, rectè habere coepit, & ea quæ comedebat, rectè concoquebat, nec amplius ea incocta, aut cruda remittebat, malè dubio procul consultum esset, si contentis in ventriculo mucaginibus ipsis, extra admouerentur constringentia, cresceret nanque lyenteria, & puer in vitæ periculum incideret.

Curatio octaua in qua agitur de quodam qui cum duplici tertiana laboraret, in diaphragmatis abscessum incidit, & breui Medici negligentia obiit.

A Vrifex Racufinus, iuuenis natus annos triginta, temperatura biliosus, cum, vigente canicula duplici tertiana laboraret, vt qui eius curam habebat, medicus referebat septimo die malè habuit, & ex brachij curuatura vncias tres sanguinis, prædictus medicus demere iussit, & peius habuit: dolere autem ad costas dextras notas coepit, simul & mente priuari, octauo, cum ad eum essem vocatus, in septo transuerso, diaphragmate dicto, inflammationem subortâ esse, tum ex ipso dolore

dolore intensissimo ad prædictas costas, tum ex febre acutissima, & ex mentis alienatione conieci: phrena enim eo dici puto septum transversum, quia cum mente, & cerebro communionem ingentem habet: phrenas verò & Homerus, & alij gravissimi viri, pro mente sæpenumero usurpant, ut Galenus quoq; aliquando scriptis mādavit, ut libro quinto de Locis affectis, capite tertio, & alibi sæpe. Cæterum, huic vires ita deiectæ & imbecilles erāt, ut intra paucas horas hominē moriturū prædixerim: quod ita postea evenit: oportebat autem huius morbi initio sanguinem copiosè demere, id quod Medici negligentia, ne dicā ignorantia, prætermisum est.

Curatio nona, in qua agitur de puero ex fenestra cadente.

Filius Nicolai Bonij, patritij Ragusæi, è fenestra (bona sua fortuna) stomacho vacuo cecidit, & corpusculum contudit, nulla fracta, aut disrupta eius aliqua particula, quum nec scarificationem crurum, nec cucurbitularum admotionem, cute scarificata, admitteret: erat autem annos natus quatuor, iussimus pelle arietina recens calida, aut sindone imbuto, vino, rosæ, & myrti summitatibus incocto,

t

inuolui, vt Centuriis iis iam meminimus. Cæterum, post conuolutum puerum, sindone ex vino prædicto imbuto, in potumumiam ex Mesues descriptione ebibit, & sudauit, & rectè habuit.

Curatio decima, in qua agitur de phthisi, hoc est, vlcere pulmonis.

SEcundus, Dominici Cladorouichi mercatoris, Ragusæi filius, annos natus viginti, ab hinc tres menses, multum sanguinis tussiendo ex pulmone reiecit, sed ex qua causa, aut vnde euenerit, assistentes, vt incertum referunt, post reiectionem sanguinis febris continua correptus fuit, & malè habuit, cum qua quandoque in publicum exhibat, quandoque domi se continebat, tandem post elapsum tertium mensem, à morbi initio, ad eum vocatus, ipsum phthisi affectum, & consumptum, ac marasmoide detentum comperio, contradicente tamen Medico illo, qui primo eius curam habuerat: mordicus nanque contendebat, vlcus in pulmone ægrotum non habere: cum tamen sputa assidua tussi, putida & omni putrilagine affecta, ægrotus ipse excrearet, elleboro igitur indiget talis Medicus, & vt ad Anticyras releget

relegetur dignus est, quando hecticam
 tertia specie constitutam, nondum noue-
 rit, quam vel barbitonforibus notam tra-
 dit Galenus, & omnes ita esse norunt. Cæ-
 terum, paucis tentatis remediis, breui hic
 diem suum obiit: solent autem ij etiam lo-
 quendo expirare, vt huic euenit iuueni,
 qui ob Medici huius ignoratiam, in sum-
 mam perniciem, & obitum deuenit. inter
 parata tamen remedia, ex aqua dulci bal-
 neum habebatur, veluti ex cancris fluuia-
 libus restaurans medicamentum, quod
 habet. Accipe canculos fluuiale tres, quos
 primò iugulabis, & aqua fontana inco-
 ques, quoad exossari videantur: dein exan-
 teratis, & exossatis, interanea pulpamenta
 ab ossibus exime, quæ ter calido lixiuio
 lauabis, & totidem aqua calida dulci, &
 totidem quoque frigidiora, ac postea in
 aqua rosacea, & violacea, per dimidiam
 horam macerari fines: tunc verò accipe
 horum trium cancrorum fluuialium, vel
 nemoralium: sic præparata pulpamenta,
 caponis carnis, vncias duas, amygdala-
 rum dulcium mundatarum, vncias duas,
 pistaciorum vnciam vnā, lactis vncias
 tres, sacchari albi, penidiarum, ana vn-
 ciam vnā & mediam, seminis papaueris
 albi drachmam vnā, ad ignem lentum:

misce, fiat electuarium, ad formam loch, ex quo ad lubitum deglutiebat. Item ex cancrorum eo modo apparatus pulpamentis, & pulli carne, confusum confice, admisto saccharo, & aliis, vt nosti, reliqua referre non vacat.

Curatio undecima, in qua agitur de puero dysenteria affecto.

Filius Nicolai Palmotæ Patritij Ragusæi, annos natus tres, dysenteria laborabat: intestinorum autem inferiorum raturas mistas sanguini egerebat, cui cum primùm occurrerem, iubeo pullum aqua calibeata adiecta oryza, ac nonnullis immaturis sorbis incoqui: ex quo pullo comedebat, & ex aqua pluuiali calybeata syrupo myrtino mista bibebat. Cæterùm, ad ventrem vnguentum comitissæ, vel illud aliud, ex corticibus castanearum dictum, admovebatur, & iis ac paucis aliis, sanitatem obtinuit, nec constringendi vim habentibus clysteribus vti opus fuit.

Curatio duodecima, in qua agitur de puero meiere non potente.

PVellus natus menses sex, & filius Petri Catarini, mercatoris Ragusæi, quum nutricem mutaret, & meiere non posset,
 sic de

fic descripsimus. R. Olei scorpionum, li-
 liorum alborum, anethini, ana vnciā me-
 diam, dialthææ drach. duas, ceræ parum:
 misce, fiat linimentum, quo ab umbilico
 ad inferiora omnia, etiam inter anum &
 testes, inungantur. Item, Recip. Radicum
 petrosellini pugillum medium, cyperi,
 scinanthi, asari, ana drachmas duas, in li-
 bra vna aquæ fiat decoctio, quousque re-
 maneat tertia pars, & coletur. R. prædicti
 decocti vncias tres, syrupi de quinque ra-
 dicibus vnciam vnam, syrupi rosati solu-
 tiui, vnciam mediam: misce, & cochleari
 per intervalla propinetur: iis enim &
 egressit, & optimè minxit, & puer rectè ha-
 buit: postea verò puer deiectus aliquan-
 tulum cum mansisset, ita fuit recuperatus.
 R. carnis pulli, vncias sex, asari, florū vio-
 larum keiti, borraginis, ana pugillū me-
 dium, seminis melonis mundi vnciā me-
 diam, in vitrea campana omnia simul de-
 stillentur: ex qua destillaticia aqua, co-
 chleari per intervalla detur puero, quam
 optimè deglutiebat, & rectè habuit: ex
 crassiori autem lacte gustato, lenta quædā
 humiditas ingenita est, transitum vrinæ
 impediens, quæ prædictis remediis leua-
 ta est. Cæterum, de nutricis lacte, nobis
 non parua postea cura fuit.

*Curatio decimatertia, in qua casus
citatur mirus, de puero ob timo-
rem breui emortuo.*

Iacobus, filius alterius Nicolai Bonij, Patritij Ragusæi, annos natus quatuordecim, quum Augusti die secundo, pila aliis cum adolefcētulis luderet, fortè fortuna euenit, vt ex illis vnus repētè ob rem malam ab eo visam occlamaret: hic verò Iacobus quum hæc audiret, tanto timore perculsus fuit, vt omnibus animi potentiis expectoratus, parum abfuerit, quin illicò mortuus conciderit, ad domum tandem reuersus, rem ex toto matri, & assistentibus enarrat, affirmans cū alium puerum ita terrore affectum audiret, sibi cor distrahi, ac veluti ad inferiora descēdere sensisse, atq; ideo animo se consternatum esse, ita vt sese moriturum credat: post hæc dicens, cubile conscendit, & malè habere incipit, febricitat: quarto die rem nigram ore euomuit: quinto obiit: qua hora obitus, per os & nares, illud idē virus nigrum eiecit. Cæterū, sanguinis missione per venę sectionē illicò hic opus habuerat, quæ à Medico prætermissa est.

SCOLIA.

*Animi affectiones grauiores esse corporeis,
omnes*

omnes qui animam corpore præstantiorem existimant, norunt: quo sit, ut earum diligentior habenda ratio sit: miras enim in corpore humano animi affectiones inducunt alterationes, & præcipuè timor, & pavor: ad interiora enim præsertim ad cor, tanquam ad arcem & scatebrâ suam in timore spiritus & sanguis sese conferunt, ubi spiritû suffocatione extincta animula, algescens, & externis partibus, breui mors subsequitur.

Curatio decimaquarta, in qua agitur de dysenterico vario cera usu curato.

PORTONARIUS, qui ad montem habitat, & alterius portæ ciuitatis curâ habet, dysenteria quâ laboraret, febriq; careret, iubeo præter alia pullo colûbino asso, sed cera infarcto vescatur, ad hæc, pomû cotoneum excauatum, cera quoque repletû, & ad ignem exassatum, ieiuno stomacho, comedat, nihilque supra bibat, suadeo: iis enim non sæpe iteratis conualuit.

SCOLIA.

Ceram dysentericis conuenire tradit Dioscorides libro secundo sui Medici operis, capite de cera, ad hunc modum dicens: Cera datur in sorbitionibus, dysentericis, cui suffragatur Galenus, & cateri post eum Medici. Caterùm, nonnulli, cera, mastichem adiungunt.

*Curatio decimaquinta, in qua agitur
de errore quodā, à multis Medi-
cis commisso, in prabenda cicorea
discocta feбри laborantibus.*

QVum iuuenis Ragufinus feбри labo-
raret, & Medicus de more illi cico-
ream discoctam oxaleo paratam cōcede-
ret, illi obuiam iuimus, ac eum de errore
notauimus: quia febris illa cū ab obstru-
ctionibus pendeat, discocta cicorea ma-
gis hominem constringeret, obstrueret,
& febrem augeret: nam ita cicoreę euenit,
ac brassicę, & lenti: cicorea nanque frigi-
da sicca temperatura quum sit, partium
subtilium ratione aperit, & meatus refe-
rat, vt notat Galenus lib. de Comp. med.
lib. capite de iecinoris affectionibus, vnde
cruda opus complet, aut eius decoctum
primum, in quod partes illę subtiles
abeunt, aut eius distillaticia debito ordi-
ne extracta aqua, crasso, & terreo, ac con-
stringente manente eius corpore: proin-
de aduertant Medici Italię, quibus nihil
est in vsu medico frequentius, quā fe-
bri laborantibus cicoreum coctum in vi-
ctu porrigere, parum alioquin aduerten-
tes coctam cicoream constringere, &
meatus ac vias obstruere, dysentericis
igitur,

igitur, aut alui fluxum patiētibus, ex herbis discoctam cicoream securè concedemus, non ignorantibus nobis, eius decoctum quia aperit, & lotium prouocat, diuersionis ratione, apprimè quoq; eisdem conuenire: qui igitur erraticis febribus, autumnō præcipuè tempore laborat, ab esu discoctæ cicoreæ abstinere: eius namque esu faciliè in quartanam labetur, & in grauiore morbos incidet.

Curatio decimasexta, in qua agitur de fluore muliebri.

VXor Mudai, nata annos trigintaseptem, magnam sanguinis viui copiā per os vteri, abhinc sex menses emittit, & intra corpus, ac extra, veluti ad pedum plantas, ingentem caliditatem persensit, abundè sitit, noctu non dormit, & ad ilia cum vniuersa ea parte, in qua præcingi solet, intensè dolet. Ad quam vocatus, comperio hanc multos ieiunasse dies (Hebræa namque est) vnde supra calfacto ac subtiliato sanguine, fluor hic ortum traxit. Perscripto igitur huic victu, vim refrigerandi, & condensandi habente, & quiete habita, ex interna brachij vena dextra, sanguinis vncias quinque demere

feci, & syrupos densandi, & adstringendi facultatem habentes, manè & ferò, bibe-
bat, quibus peius habebat, nam sanguis copiosior fluebat, qua de re, iis posthabi-
tis, & demissa aqua chalybeata, cuius vice vinum rubrum, crassum, & adstringens in poru intro missum est, ad mammas cucurbitulas duas magnas multa flamma igni-
tas affigi curavi, ex quibus sinistra fixa illico fuit, dextra verò, nunquam affigi po-
tuit, ex quo mulier hæc sibi magnum fu-
turum iuuamentum augurata est, quia omne malum ad læuam eius partem stare contendebat, ac ea de causa, cucurbitulam in ea parte fixam per totū ferè diem man-
sisse, illi fides erat, & re vera, cucurbitulæ huius beneficio, & pulueris albo oui ex-
cepti, & ebibiti, in aurora ieiuno stoma-
cho, & noctu quando ibat dormitum, ita rectè valere dixit, vt intra tres dies sequē-
tes sanguis ex toto ferè cohibitus esset, habent verò pulueres sic. R. Gummi tra-
gacanti, erabici, vtriusque vnciam vnam, sanguinis draconis veri, boli armenię pal-
lidi, succini, terræ lemnia: vulgò dictæ boli armenia:, lapidis hæmatidis, ana-
drach. vnam, & alterius mediam, se. lactu-
cæ, portulacæ, cicutæ, papaueris, hioscya-
mi, radicis mandragoræ, ana drachmas
duas:

duas: omnia terantur, & fiat pulvis: cuius drachmā ieiuno stomacho albo oui exceptam deglutiat, & noctu quinta hora à cœna, alterā eo modo ebibat: cæterū, iliis & ad renum regionē hoc vnguento illinebatur, quod propriis manibus domi parabat. R. Cera albæ racusinæ, vncias duas, aqua & aceto quinquies lauētur: cui postea adde olei rosacei omphacini, vnc. duas, cerusæ vnciam mediā, aceti rosacei vnciā vnā: misce, & ad ignē fac vnguentū molle, quo inungebatur, & supra pannū imbutū oxicato, siue posca, ponebat, & assiduò mutabat: hæc cū aliquot dies rectè valeret, & postea profecta esset castellū nouū, olim numerosi militis Hispanici cruciatum macellū recrudescente morbo obiit.

Curatio decima septima, in qua agitur de crustosis, & concretis quibusdam turundis muschosis, per nares emissis, à mala quadam capitis affectione, ortū trahentibus.

FRANCISCUS nummularius Ragusinus, per nares crustaceas quasdam turundas, ac concretos quosdam mucos, mittere solebat, non sine capitis tamen dolore, cui occurrentes nos, à purgato corpore,

pore, & capite particulariter tum errhinis
tum mastichatoriis medicamentis, deco-
ctum radicis synarum ad viginti dies ex-
hibuimus, & sanus factus est.

S C O L I A.

*Qui ex Alexandria, & Memphi ciuitate
populosissima, hodie ad nos veniunt, ibi radicem
synarum ita apparari à Mauritanis, apud quos
in pretio habetur, affirmant, radicem hanc in
scobem redigunt, & melle exceptam, ac coctam,
seminciam pro vice egrotanti comedendam por-
rigunt, supra quam cyathum decocti eiusdem ra-
dicis ebibendum offerunt, & hoc mane & vespere
sic curationem duodecim dierum tempore,
absoluunt: porro, nos huic, de quo agimus, egro-
tanti, radicis decoctum solito nostro modo con-
cinnatum dedimus, & sanatus est.*

*Curatio decima octaua in qua agitur,
de ophthalmia, siue lippitudine.*

Turcarum Imperatoris redditus extra
urbem Ragusium colligit, lippitudine, siue
oculorum ophthalmia grauissime labo-
rabat, ut penitus nihil videret, nec oculos
aperiret, intus inde rubicundi, & sanguini-
volenti videbantur, ad hunc vocatus, tenui
victu constituto, ad frigidum declinante,
primo

primo, quia clysteres hic non admittebat, bolum hunc deglutiendum tradidi.

R. Floris cassiæ nouiter extractæ, drachmas sex, diaphiniconis, electuarij lenitiui, ana vnciam mediam, specierum hieræpicæ, drachmas duas, saccharo omnia excipiatur, & fiat bolus, quo optimè egescit, tunc verò, sequenti die, ex externa vena brachij, sanguinis vnciæ quindecim extractæ sunt, à qua sanguinis missione, melius habere cœpit, tunc verò oculi, hoc collyrio fouebantur, lauabantur ve. R. Sief albi, sine opio, drach. vnam, cāphoræ scrupulum medium, aquarum plantaginis, rosarū, an. vncias duas: misce, fiat collyriū, & pēna sæpè applicetur, item, vt alius lubrica huic esset, & singulis diebus responderet, & caliditas extranea infringeretur, decoctum hoc parauimus. R. Cicoreæ, endiuia, lupulorū, euphragiæ, an. pugillū medium, foliorum senæ, foliculorū senæ, vtriusque vnciam mediam, florum boraginis, buglosi, nenupharis, rosarum, ana pugillū medium, prunorū damascenorū, duodecim, libris quatuor aquæ, omnia excipiatur, & fiat coctio ad medias, & coletur. R. Prædicti decocti, vncias quatuor, syrupi de cicorea, vnciam vnam, rosacei simpl. vnciam mediam: misce, fiat syrupus,

syrupus, iis enim tertio die, sanus euasit,
nec aliis opus habuit remediis.

*Curatio decimanona, in qua agitur,
de cassia Aegyptiaca, viridi, &
recenti saccharo condita, quæ ven-
trem soluit.*

PAulus Gradius patritius Ragusaus
grauissimus, natus annos octoginta,
cū difficulter egereret, & oris amarorem
sentiret, & multum sitiret, ob bilem fortè
altam stomachi partem fluitantem, se-
miunciam cassiæ Aegyptiacæ saccharo pa-
ratae meīs monitis comedit, qua bilis exa-
ctè purgata est, tandem ipse breui rectè se
habere dixit, vt postea plures alij, qui Æ-
gyptiaca hac cassia sic saccharo condita,
vsi sunt.

S C O L I A.

*Ægyptiaca hac cassia, interim dum viridis
est, & parua apud Memphim vbi nascitur, quā-
doque integra, quandoque verò in parua frusta
scissa, saccharo conditur, cuius vncia ad summum
comesta, aluum lenit, mouet, & purgat, secure,
benigne, & absque labore, qua de causa à prin-
cipibus & regibus in pretio maximo habetur.
Caterum, Aegyptia hac cassia, interea dum viri-
dis est, gustu acerba est, non minus ac ceratium
cilocaracter & carubium dictum.*

Curatio

*Curatio vigesima, in qua agitur, de
sanguinis reiectione.*

Virgo abscondita & secreta, quæ raro
patuerat virorum aspectibus, vt illam
religiosam appellaremus, sanguinis reie-
ctione laborat, cui absenti, (apud Ca-
nalem oppidum nanque agebat) cum san-
guinem ex saphena demere mādaremus,
ecce illi cōsueti menses responderunt, vn-
de illico sanguinis sputus constrictus est,
quibus postea paucis interiectis diebus,
suppressis, ingēti tussi, in eandem sangui-
nis reiectionem rediit, magno dolore,
& ingenti caliditate in ore ventriculi per-
cepta, qui retractionibus, & ligaturis mē-
brorum extremitatibus factis, & ebibitis
pulueribus descriptis curatione prima
quintæ Centuriæ, albo oui exceptis, ex to-
to restrictus est, porrò, ad sedandum do-
lorē oris ventriculi ingenti illa caliditate
perceptum, portulacam aceto coactam ac
tabefactam, & calidam, sic illi impone-
bant, & melius se habuit. Cæterùm, tunc
curaui saccharum rosaceum mistum bolo
armeniæ pallido, pauculo robo myrtillo-
rum exceptum, ad multos dies, nucis ma-
gnitudine, ieiuno stomacho comederet,
simulque quando iret dormitum rotulum

ex

ex diacodio simplici ingereret, vel granum vnum, vel alterum thuris deuoraret, & vino omnino abstineret, vesceretur tamen pullæ carnibus portulaca incoctis, aut sorbis, aut mali cotonei frustis, aut symphiti radicibus, aut semine sumachiorum, aut similagine suasi, quibus optimè valere dixit. Gracilis puella hæc est, collū altum, & pectus strictum habēs, cuius altera soror, & frater vnus, phthisi cōsumpti, diem suum obiere. Ceterū, hæc elapso mense, Ragusium delata est, quæ noctis certa & deputata hora, septima scilicet, tussiebat, & spuebat, pauca, alba, viscida, durabat autem tussis parum. At, interdū spuebat quidē sed non tussiebat. Ceterū, à prandio febriebat, aliquādo intense, aliquando verò remisse, & lotium optimum, quātitate, qualitate, & cōtentis in vniuerso huius morbi incessu, habuit. porrò, vniuersus noster conatus eo dirigebatur, vt capitis destillatio in subiectas thoracis partes, sisteretur. Proinde à purgato per catapotia ex agarico, corpore, nā de hiera catapotia, in hoc casu nonnullis medicis suspecta sunt, & propinatis variis aliis medicinis respiciētibus malam intemperiem frigidam capitis cū materia, ad sin-
ciput, sacculum ex rebus exiccantibus, &
robo

roborantibus calidis, compositum, admo-
uimus, & tunc saccharum rosaceum bolo
armeniaco pallido mistum, quando ibat
dormitum, nucis magnitudine, comede-
bat. Cæterum, hæc cum viscidam multam
pituitam, non saniosam ad multos dies
tussiendo screaret, quæ à capite ortum tra-
hebat, in capitis cōmissura, eam cauterio
indigere, exposuimus, quæ cum non pa-
ruit, sic incuratam reliquimus, agebatur
autem sextus mēsis curationis. Cæterum,
hæc elapsis aliis duobus mensibus, hoc
eodem morbo ad summum consumpta,
diem suum obiit.

*Curatio vigesima prima, in qua agi-
tur, de remediis partum accele-
rantibus.*

Huius soror, filia Dominici Cladoro-
uichi, mercatoris Ragusini, primipa-
ra, tēpore partus difficulter cum pareret,
& in angustiis esset, ad eam accersitus, vt
eius partus acceleraretur, sic descripsi.

R. Radicum maluaufci, petroselini, ru-
bæ tinctorum, ana vnc. mediam, dictami
cretensis, dictami albi, origani, pulegij,
hyssopi, calamenti, mentastri, nepitæ, ana
pugillū vnū, seminis seseli, rusci: cumini,
foeniculi, ana drachmam vnā, libris tribus

aquæ, & vna vini generosi, fiat decoctio
sufficiens, & coletur, cui adde, cinnamomi
optimi, drach. duas, croci drachm. vnam,
trochiscorum myrrhæ drachmam vnam,
& alterius mediam, antidoti emagogi,
drachmas tres: misce, fac potum, de quo
vncias octo, vel decem, tepidas parturiēs
bibat. Cæterum, vt expeditè pareret, cu-
raui, chordam ex alto pendentem, mani-
bus apprehenderet, ita vt erecta staret, &
si fieri posset, à viro robusto cōcuteretur,
item, vt huius aluus oleo amygdalarum
dulcium foueretur, aut oleo seminis lini,
aut oleo lilino, aut linimento sequenti.

R. Olei amygdalarum dulcium, butyri
recentis, ana vnciam vnam, pinguedinis
gallinæ, vnciam mediam, ceræ, parum:
misce, fiat linimentum ad ignem, quo illi-
natur aluus, item, vt sternueret, sic præ-
scriptum fuit. R. Condifi, assæ foetidæ,
ana drach. vnam, ellebori, scrupulum me-
dium, euphorbij, grana decem: misce, te-
rantur, & fiat puluis, & gossapio exceptus,
formentur errhina medicamenta, aut sic
per se naribus præsentetur, iis enim ita
mulier hæc iuuata est, vt intra diem pue-
rum peperit, cum enim sternuit, puerum
misit, nec enim obstetrices permisimus
vnuquam, manibus violentum aliquod tra-
ctarent,

starent, prout illis moris est, quando ex illa violenta attractione, multa vitia, & foedæ affectiones oriuntur. Ceterum, post partum, hæc ad vtranque sciam doluit, quem dolorē, olim eo tempore quo menses illi consueti, fluere incipiebant, sentiebat, & tunc eum sic sedauimus. R. Olei hypericonis, vnciam mediam, can. meli-
ni, rosacei, ana vnciam vnā, pulueris ro-
sarum camæmelæ, an. drachm. duas, ceræ
parum: misce, fiat linimentum, & vtrūque
locum dolore affectum illine, quo breui
rectè habuit, & sanata euasit.

*Curatio vigesima secunda, in qua
agitur, de gallica scabie, ma-
nuum palmas, papulis, & scis-
suris inficiente.*

Marinus Gondulanus, nobilis iuue-
nis Ragusæus, ex Memphi apud Æ-
gyptum, Ragusium morbo gallico infe-
ctus, reuersus est, circa genitalia vlcera
passus est & mento, & facie, papulas non
paucas habuit, à quibus remediis propi-
riis adhibitis, breui sanatus est. Cæterum,
in ipsis manuum palmis papulæ, quæ eas
infecerāt, & in scissuras euaserāt, relinqui-
runt, pro quibus abigendis, & in rotū ip-

sius scabiei seminariis extirpandis, iuueni huic annos nato vigintitres, decoctum radice synarum ad quindecim dies, habita optima, & subtili victus ratione, ebibendum dedimus, in quorum singulo, ter & quater, eodē decocto manus lauabat, demum, iis citatis intra prædictum tempus, sanatus est, victus huic, panis nautici vnciæ quatuor in prandio circumscribebantur, totidem in cœna, potus ea ipsa aqua, siue decoctum radice synarum erat. Cæterum, ultra panem, in prandio semipulum gallinaceum inassatum, vel decocto ipsius radice synarum elixum absque sale, huic concedebamus, in cœna verò, pugillum passæ vuæ, & paucas dealbatas amygdalas.

Curatio vigesimatertia, in qua agitur, de febre tertiana, continua, maligna, pulicari cū symptomate.

Petrus Ioannes Bonius, ex Patritia Ragusæorum gēte, adolescens annos vnde viginti natus, temperatura biliosus, habitu gracilis, colore subnigro, cū extra urbem refractario equo, curreret, mulierem obuiā impetuose ad terrā prostrauit,

VL

ut eam tunc emortuam, ipse putaret, unde moerore affectus, multa vomuit, & in febrim incidit, primò lentam, dein vero acutam, & malignam. ad hunc igitur accessit undecimo die aegritudinis, eum ingenti feбри oppressum cōperio, ad hæc, siti ingenti, lingua arida, & nigra, retro collum ad scapulas variis exantemathis efflorescentibus, nōnullis rubricantibus, paucis ad nigredinem vergentibus, vrina huic citrina, cruda, nihil concoctionis indicans, erat pulsus varius, nunquam sudavit, nec sua sponte egerebat, sed aluo clysmis, aut balano irritata. Cæterum, ad hoc usque tempus plures ebiberat syruos, sed nullam habuerat notatu dignam vacationem, duodecimo sequenti die, ad eum de more accedens, exantematha aucta esse, & vniuersam posteriorem partem corporis occupasse, cōspicio, unde ea non diu antea initium habuisse, satis euident mihi argumentum erat, proinde aluo per chysmum irritata, ex basylica vncias decē sanguinis diminuo, qui non admodū magnā præ se ferebat corruptionē, hic summo opere vinum apperebat, cuius vice, potū hunc descripsi mus. R. Tamarindorum, vnciam vnā, radicis buglosi, ordeï mundi, seminis melonis mundi, cucurbitæ, batechæ, ana

unciam mediam, florum cordialium, ana
pugillum medium, prunorum pinguium,
decem numero, libris quinque aquæ fiat
decoctio secundum artis ministerium, &
coletur, cui adde, syrupi de acetositate ci-
tri, unciam vnam, misce, aquarum aceto-
sæ, portulacæ, ana uncias tres, misce, fac
syrupum, & stomacho ieiuno propina. vt
vero huius lingua abstergeretur, canna
curua, & psilij semine humectaretur, assi-
duo curabamus. cibus huic, contusum ex
pullo herba acetosa incocto, erat, portiun-
cula prisanæ admista, cui puluisculus dia-
margaritonis frigidi respersus fuit, vespere
huius diei, ita habuit, & peius, quia ac-
cessio eum grauius afflixerat, est nanque
febris hæc tertiana continua maligna, no-
ctu melius habere cœpit, & recte dormi-
uit, decimotertio, ita recte habere dixit, vt
nunquam antea, melius & reuera, tunc vri-
na quantitate, substantia, & contentis,
optima apparuit, & pulsus meliores, qui
vrina certius indicare solent, tunc frictio-
nes exercebantur, & cucurbitulas varias
corporis variis locis affigi curauimus, &
syrupum hunc descripsimus. Rec. syrupi
acetosi simplicis, de cicorea, ana drach-
mas sex, decocti florum nenupharis, ac-
tosæ, cicoreæ, ordeï, uncias sex, boli arme-
niaci

niaci pallidi, tantopere à Galeno decantati, scriptulum vnū, misce, fac syrupum, & propina, ieiuno stomacho, quo, sequenti quartodecimo die, hunc sudaturum assistentibus tunc prædixi, quod ita futurum, pulsus fluctuosi recurrentes, mihi satis indicabant, & ita euenisse ipsi assistentes obseruarunt, sudauit quidem, sed parum, à quo sudore melius se habuit, sexto-decimo, pharmaco composito manna, & rhabarbaro, purgatus est, quo optimè egressit, & qualia purgari debuerant, purgata sunt, sed tunc vinum illi paucum sed optime dilutum concessimus. decimosextimo, ab iniecto clysteri lauante dicto, saccharū rosaceum paucō bolo armeno mistum, comedit, nec amplius sudauit, fortè quia materia sudoris purgatorio pharmaco vacuata fuit, rectius tamē ager ipse habebat, pulsus tunc optimi erant, & lotium tum substantia, & contentis optimū, à prandio tamen aliquantulum febriebar, qua de re, syrupum aperiendi facultatem habentem, singulis auroris bibebat, & aquam hordeaceam iulebo mistā, pro potu habebat, vigesimoprimo die, ex se natura mota est, bis nanque ægrotus ipse egressit, multa & citrina, sed à prandio, solito modo caluit, 23. & 24. & 25. eadem erant, clyf.

mis tamen aluus irritabatur, 26. iterū purgatus, sanatus est, eius tamen venter ad multos dies restrictus, non nisi clysmis, & infusis irritatus respondebat, ad solitum tamen suum cursum redit, epoto iure pulli, aut veruecis, incocto malua, & mercuriali, aut beta, aut omnibus simul.

S C O L I A.

In ijs pestilentibus & malignis febribus curandis, duæ habentur viæ, altera Galeni, & Græcorum, altera vero Mauritanorum: nam Galenus, ut ceteri Græci, iubet pro ijs curandis febribus, aperire, vias reserare, & totius corporis expiramenta patefacta habere, ut apud ipsum quis legere poterit, libro secundo, de differentiis febrium, Auicenna verò, & Mauritanica factionis Classici medici, res frigidas & stypticas, ac cōstringendi facultatem habentes, potius concedunt. Nos vero vtrunque viam optimam esse nunc doceamus, donec nanque pestilentis febris caliditas viget, & feruet, rebus frigidis, stypticis, ac acidis vtimur, ut putredo infringatur, coerceatur, nec amplius serpat, item ne hoc veneno lancinati spiritus breui deficiant, ad quorum difflationem, & resolutionem, vita amittitur, & mors introducitur. Ceterum, remisso huius pestilentis febris incendio, furor est, tunc ad ea quæ aperiendi, & sudorem euocandi facultates habent, confugimus, ea agrotis
similibus

similibus propinando, ut in hoc de quo agimus agrotante, a nobis factitatum est. At, hac ita breviter per transennam dixisse volui, quando de ijs quoque me dixisse nonnulla puto, Centuria tertia harum curationum nostrarum.

Curatio vigesimaquarta, in qua agitur, de febre continua epidemica.

Stephanus Mænssius, Patritius Ragusinus, annos natus vnum supra triginta, cum apud stagnum ciuitatē, prætoris officio fungeretur, feбри grauiſſima correptus est, & ea quidem tertiana continua epidemica, est enim vir hic temperatura sanguineus, ut ex notis elicitur, nā, hic magnus, longus, carnosus, musculosus, & hirsutus admodum est, genas rubricantes habens, in eo tamen humiditas superat caliditatē, ut excrementa varia attestantur, & paulo inferius interpretabimur, huius caput humidum & calidum est, caliditatem indicant, capitis magnitudo, oculi ingentes, foras prominentes, ut Alciatus iuris peritissimus doctor, hac nostra ætate phoenix, habebat, qui Ferrariæ leges publicè profitebatur, eo tempore, quo & nos Galenū, & Hippocratem eisdem in scholis interpretabamur. Cæterum, huius ægrotātis capitis humiditas deprehenditur, ex variis, &

multis quæ ab ipso capite continuo defluebāt humiditatibus excrementitiis, sed & cor huic calidum & humidum quoque est, vt eius attestātur arteriæ magnæ, molles, & crassæ, veluti pectus perlatum, magnum, & bene hirsutum, sed iecur huic, calidum quoque est & humidum, id quod venæ admodum crassæ, latæ, & sanguine refertæ, satis approbant. cum igitur præcipua tria hæc membra calida sint, vniuersum corpus calidum sit decet, quin & cum ipsa humida sint, & vniuersum corpus humidum dicatur oportet, vt ex Galeno sæpe repetiuimus. Cæterum, cum hic humida calidaq; tēperatura præditus sit, omnium temperaturarum pessima, & corruptioni magis obnoxia, si modo Galeno fidem damus, & multis & variis cibariis affluctus, contigit, quod cum apud stagnū, vt dixi, ciuitatem Ragusæorum imperio subiacentem, prætoris officio fungeretur, in febrem grauissimam, sæuissimamq; laboretur, & eam quidem epidemicam, biliosam: solent autem huius ciuitatis incolæ certis, & statutis anni temporibus, fere omnes febribus similibus corripī, ob causam communem, aërem scilicet, morbificum & infectum, à quibus plures eorum euadunt, vnde pestis dici non debet, esset nanque

nanque pestis, si omnes vel maior ægro-
 rantium pars, morerentur. is igitur, cum
 corpus multis refertum excrementis ha-
 beret, non difficile fuit, ab aëre illo altera-
 ri, & affici, vnde in tertianam continuam
 lapsus est, à bile vitellina pendentem, qua
 eius caput multæ pituitæ mista refertum
 erat, vt eius indicabat grauedo, pituitæq;
 descensus ad maxillarum, & faucium mus-
 culos, vnde dentes dolebat, & lingua cras-
 sa, & fere contracta reddita, non recte lo-
 quebatur. ad hæc, non sitiebat, id quod &
 in stomacho humiditatum redundantiæ
 arguit, sed magis, nausea, si se ad vomitum
 procliuitas, imo rerum pituitosarum, &
 variarum copiosus aliquando cum verme
 vno vel altero, vomitus: hic cæterum, mul-
 ta cum abundet pituita, tamen non dor-
 mit, ob fumos forte, ad caput delatos, bi-
 liosos siccos, ob quos inappetentiam quo-
 que incurrit, vel quia humiditas pituitæ
 stomachum laxat, multum quoque ad ap-
 petentiam refert, pituitam altam stoma-
 chi partem occupare, vel eius infimam,
 nec enim omnis frigiditas causa appeti-
 tus est, sed verius ea quæ acerbitalis non
 nihil habet, vt melancholiæ. Ceterum, hic
 ventrem constrictum habet, nec nisi cly-
 steri adiutus egerit, solet autem sæpe na-
 tura

tura infusis, & clysteribus assueta, pigra fieri, nec excrementa, nisi eisdem, aut balano irritata, mittere. Ad hunc igitur, accersitus ego, trigesimo quarto egritudinis die, eum cubili prostratum comperio, tertiana continua, à vitellina bile pendente, laborantem, qui, ob prædictā à nobis causam, non recte loquebatur, porro, huius pulsus digitis nostris admodum resiste-
bant, latitudinem, longitudinem, & profunditatem satis amplam præferentes, febrilis porro calor non admodum acris erat, sed lotium rubrum, & crassum videbatur, in quo concoctio, ut assistens medicus aiebat, apparuerat, tunc nanque delituerat, item nocte antea multum sanguinis per nares illi effluxerat, quibus omnibus perpensis, & examinatis, iudico, & si huic sanguis semel abunde ex brachij curuatura missus fuerit, & per hirudines, venis hæmorrhoidalibus admotas, tunc quoque summum remedium esse, scissa brachij vena, sanguinem emittere. erant autē notæ sanguinis missionem exposcentes, pulsus plenitudo, quam præseferbat arteria, veluti ipsius magnitudo, digitis maxime renitēs, & lotium crassum & rubrum, ad hæc, morbi magnitudo, hoc est, febris continuo affligens, & sanguinis è naribus
fluxus

fluxus, nec morbi longitudo eam impedi-
 bat, vt monet Galenus, libro de sanguinis
 missione per venæ sectionem, & sexcentis
 aliis locis, aut si hanc nolent exercere va-
 cuationem, per cucurbitulas secta cute, &
 scapulis applicitas, saltē extraherent, con-
 sului, de qua re, ignorantissimus quidam
 ex conducto hic medicus, admiratus, re-
 spondet, stante humorum abundantia, cu-
 curbitulas non esse affigēdas: sed hic, cum
 artem medicam omnino ignoret, satius
 est, illum innominatum relinquere, quā
 eius opinionem refellere, vt noscant ta-
 men qui hæc legerint, si quis modo lege-
 rit, sciat is velim, Galenū, & post eum om-
 nes medicos, etiam initio morborum, iu-
 bere, vel saltem non negare, per cucurbi-
 tas secta cute, euacuationem moliri, cum,
 vt Auicenna ait, cucurbitulæ vicariæ sunt
 phlebotomiæ, abnegat autem Galenus, ve-
 luti cæteri medici, plethora stante, cucur-
 bitularum, vt aiunt siccarum admotionē,
 id quod Cumanus hic asinus, capite cli-
 tellatus, distinguere nesciens, ita vt audi-
 stis effutiuit, edoctus tamen inde, sequen-
 ti die mulieri sanguine à febris laboranti,
 hic illico morbi initio, per cucurbitas co-
 stis affixas, cute secta, euacuationem ten-
 tauit, ad quam eo die accersitus ipse, opus
 vt au

vt audistis confectum inueni, cum tamen
secta in brachio vena rectius, & securius
esset euacuationem exercere, menses nan
que muliercula hæc diu erat perdiderat,
de qua postea sermo fiet. Applicitis igitur
scapulis cucurbitulis egrotâti, de quo agi
mus, & extracto sanguine ad vncias sex,
melius habere cœpit qui postea, paucis e
bibitis medicamentis de obstruendi facul
tatem habentibus, veluti purgatoriis, pau
latim pristinam salutem consequutus est.

*Curatio vigesimaquinta, in qua agi
tur, de surditate contracta ob ma
lum vitæ regimen.*

Sebastianus Bubalius ex Ragusæis pa
stritiis, annos natus trigintaquatuor,
iam diu est, morbo gallico afflictus fuit,
qui postea immoderatis rei venereæ vsi
bus deditus, & aëri nocturno assiduo ex
positus, in capitis grauedines, & ipsius ver
tiginis, multo cum flatuoso spiritu, vtran
que aurem infestante, incidit, vnde dimi
nute audire cœpit, qui etiâ ab eo vitæ inor
dinato regimine, tot mala illa ascita sibi
esse non ignorans, nihilominus in eodem
perseuerabat, in dies minus audiens, quo
usque ex toto surdus factus est, est autem
vir

vir hic robustus, fortis, temperatura optima præditus, multam tamen præseferente humiditatem, præcipue in ipso capite. Caterum, surdus hic est, id est, sensu auditus omnino spoliatus, quod accidere solet ex læsione nerui auditorij, vel eius partis cerebri, ex qua oritur, nonnunquam etiam ex intemperie, aut tumore contra naturam vel ex obstructione, vel solutione continui, vel vt Galenus commentario primo, in librum primū prorrhetici, enarratione trigesima secunda tradit, fit surditas & ob humorem quendā, in auditoriis meatibus impactum infarctūque nihil quod malignum sit, habens: fit quoque & interdum extincta audiendi facultate, quam in acutis turbulentis morbis contingere cernimus. Hæc Galenus. Porro ægrotus noster surditatem à crassis, glutinosiſq; humoribus, præcedentibus procattarticis dictis causis, cōtraxit: id quod Paulus Ægineta dignoscendum docuit, cum dicat, libro tertio suæ medicinæ, cap. 23. Sonitus qui fiūt à crassis, glutinosiſq; humoribus cognoscitur, quod non vniuersim, sed paulatim increſcunt, ac nascuntur. Caterum, cum ægrotus hic sonitum vtraq; in auriculis à morbi initio persensit, & in dies maiore & crebriore, quemadmodum

& nunc

& nunc surdus factus, consequens est dicamus, ab iisdem humoribus capiti infixis surditatē ortū traxisse: non verò aliunde ad eum dilatis, qui mea sententia, auditum, & aurium meatus obturant: vnde surditas prognata est: quæ, vt ingenuè fateamur, immedicabilis est, quum hucusq; viderimus tam multa & egregia remedia pro hoc leuando morbo nihil contulisse: celebrata nanque fuit sanguinis missio, vt agendum suadet Paulus libro tertio suæ rei medicæ, dicens, Ex crudis crassisque humoribus prognatas surditates, vel grauem auditum, curato venæ incisione, aut omnino purgatione ex hiera, non minus materia hæc ante eius purgationem oximellite vulgari, veluti Iuliano tributo, præparata fuit: quæ postea etiam vniuerso purgato corpore, particulariter vacuabatur, apophlegmatismis, errhinis, & sternutamentis, veluti variis aliis, quæ incidunt, & attenuant crassos & viscosos hos humores, etiã per calamos perforatos eorum sublatus ad auditoriū meatū vapor. Nos tamen post multa & aliis adhibita, & exercita, hæc pauca illi cōcessimus. R. Ligni Guayaci, contriti, & in scobē redacti, libram mediā: infundatur in libris decem aquæ fontanæ per totam noctē: cui adde,
maiora

maioranæ, stœchados, ana pugillū vnum,
 menthæ, pulegij, hyssopi, origani, ana pu-
 gillum medium, senæ vnciam vnam, poli-
 podij quercini vnciā mediam, thymi, epi-
 thymi, ana drachmas tres, passarum de co-
 rinthio vncias duas: omnia secundum ar-
 tis ministerium bulliant, ad medias, & co-
 letur: cuius decocti ieiuno stomacho in
 aurora, vncias nouem, vel decem, optimè
 calidi, ebibebat, quo alius illi optimè re-
 spondebat, & rectè quoque sudabat. Item,
 caputpurgium, siue errhinum dictum me-
 dicamentum, ita adaptabatur. R. Succī
 maioranæ, succi foliorum capparum, be-
 tæ, ana vncias tres, pulueris corticum, ra-
 dicis capparorum, piretri, ellebori nigri,
 ana drach. mediam: clarificentur succi ad
 ignem, & naribus trahendo vtatur. Item,
 fomentum hoc pro irrigādo capite appa-
 ratum sic fuit. R. maioranæ, stœchados,
 betonicæ, saluix, origani, pulegij, hyssopi,
 chamæmelæ, meliloti, anethi, rutæ, ana pu-
 gillum vnum, feminis anisorum, fœnicu-
 li, ameos, ana drachmas tres, garyophil-
 lorum, macis, ana vnciam mediam, folio-
 rum lauri, pugillum medium, libris quin-
 que aquæ, & decem vini, & quatuor aquæ
 vitis, omnia excipiantur, & fiat decoctio
 ad consumptionem tertiæ partis, secun-

dum artis ministerium, & coletur, optima
facta expressione: quo fomento depositis
capillis caput irrigabatur, saltem per me-
diam horam, tandem exiccato ab humi-
ditate capite, hoc illinebatur vnguento.
R. vnguenti aragonij, agrippini, althææ,
ana vnciam mediam, olei rutacei, laurini,
ana vnciam vnam, pulueris stœchados,
pulegij, maioranæ, ana drach. vnam ma-
stichis, garyophyllorû, macis, ana drach.
mediam, aquæ vitis optimæ, vncias duas:
omnia simul bulliant, ad aquæ vitis ab-
sumptionem: cui postea adde ceræ citrinæ
parum: misce, fac vnguentum, quo, vt dixi,
caput inungat. Sed vt in aures distilletur:
sic quoque paratum fuit, R. Olei de casto-
reo, liliorum alborum, ana vnciam vnam,
anethini vnciam mediam, ellebori drach-
mam mediam, aquæ vitis vnciam vnam:
misce, & in balneo mariæ bulliant omnia,
quousque aqua vitis absumatur: postea
per colum traicito, & calidum in aures
infundito, gossapio moschato superim-
misso: iis enim optimo victus ordine ser-
uato, intra viginti dies, saniem ex vtraque
aure emittere cœpit, aliquando albâ: non-
nunquam verò nigram, quam curiosè ad-
modum abstergendam curabamus: vnde
sonitum illum vniuersum caput apprehen-

hendentem, circa aurium meatum persentiebat: aliquando tamen percepto dolore, non admodum tamen offendente. Cæterum, iis non contentus, chirurgum accersuit, qui eum ceratis ab argento viuo confectis, illeuit: vnde peius habuit: nouistis autem ex Auicenna, argētum viuum, natura sua auditui obesse, tum etiam quòd materias ad partes superiores id ipsum trahat, quæ dubio procul infrà trahendæ erant, vt docet Hippocrates variis sententiis suorum aphorismorum, & Galenus firmat sexcentis suæ doctrinæ locis, veluti Auicēna fen 4. libri primi: nūc verò ita hic habet, vt immedicabilis maneat.

*Curatio vigesima sexta, in qua agitur
de tribus pueris fratribus eodem
morbo correptis.*

Filij Manuelis Fragosij, vixi qui apud Indos diu egit, quum veherentur naui, & multam aquam per mensem integrum, nec adeò bonam biberent: ad hæc, pane nautico, & variis aliis crassis, & obstruendi facultatem habentibus cibariis vescerentur, in febrim inciderunt continuam, quibusdam apparentibus excrecentiis, ab obstructionibus pendentem. Nam eorum

ventres tumeabant, & pedes œdematosi videbantur: quin & eorum facies tumore pallebant, sed præcipuè oculorum palpebræ: est autē minimus annos natus duos: secundus, annos quatuor: maior verò, sex: ad quod accitus ipse, videns omnes similimorbo laborare, eadem curatione omnes indigere iudicavi, habita tamen ratione ætatis, & variarum eorum temperaturarum: primū nanque, optimam victus rationem illis propono, refrigerandi, & destruendi facultatem habentem: proinde victus illis, pulli caro vulgati petroselini radicibus elixa erat, aut perdidix, aut turtur, aut indumentis vigentes auiculæ, aut panatella semine melonis parata, aut ptisanæ cremor, aut amygdalarum, ex amygdalis & melonis semine concinnatum, pauco adiecto saccharo, aut ex internis pulpamentis pulli paratū contusum: pro potu verò aquam parare iussi ex hordeo integro, apij communis radice adiecta: deinde, ut quisque horum puerorum vnam vel alteram vnciam syrupi rosati solutiui, adiecta portiuncula electuarij lenitiui, quod vulgò Medici, Diasenelinitium appellare solent, ebiberet, curauimus: tandem ut obstructiones amolirentur, eorum ventres sequenti vnguen

vnguento intungebantur, quod habet,
 R. Succī de cicorea, vncias duas, apij, pe-
 troselinī, vulgati, absinthij, menthæ, ana
 vnciam vnam, olei capparorum vncias
 duas, pulueris ceterachi vnciam mediam,
 corticum radice capparorum drachmas
 duas, ceræ parum, ad ignem misce, fiat vn-
 guentum molle etiam cum ipsis succis,
 quo bis eorum ventres in dies inunge-
 bantur, manè & vesperi: & ita responde-
 bant, vt bis & ter eorum quisque in die
 egeret: quum tamen antea eorum ven-
 tres satis constricti habebantur. Ita enim
 iis, pueri ij rectè habere cœperunt, vt cor-
 poris inflationes & edemata imminui cœ-
 perint: qua de re syrupum hunc illis de-
 scripsimus. R. Radicis petroselinī, cico-
 reæ, hordei, ana pugillum vnum, seminis
 melonis mundi, vnciam vnam, passarū de
 corinthio, vncias duas, in libris tribus a-
 quæ fontanæ fiat decoctio ad tertiæ par-
 tis absorptionem. Recipe, Prædicti de-
 cocti vncias sex, syrupi acetosi simplicis,
 vnciā vnā, mellis rosati colati, vnciā me-
 diam, syrupi capillorum veneris, vnciam
 vnā, & alterius mediā: misce, fiat syrupus:
 cuius partes ita distribuātur puero paruo,
 duas propinato vncias, & tertiæ mediam,
 sequenti, tres vncias: maiori verò residuū:

iis enim ad aliquot dies tractati habita
 consideratione accessionum, in quibus à
 cibo fugiebant, cum concoctio in lotio
 apparere cœpit, vnum vel alterum phar-
 macum illis dare decreueramus. Cæterū,
 quum pueri sint, & nollent obedire, nec
 pharmacum bibere: sic optimo constituto
 regimine vitæ, eos seruauimus, contenti
 ea vnguenti inunctione, & paucò conces-
 so vino, prædicta diluto aqua. Cæterum,
 meminisse decet, horum maiori, quia gra-
 uius & intensius feбри affligebatur, ex ba-
 silica brachij vena sanguinis vnciæ tres
 extractæ sunt: à qua sanguinis missione,
 rectè habuit: porrò, ille alter, quatuor na-
 tus annos: ob patris auaritiā me absente
 ita timuit, vt inde suum diem obierit: tere-
 benthinæ autem vsu opus habebat.

*Curatio vigesima septima, in qua agi-
 tur de plenitudine.*

HOrum puerorum pater, vir annos na-
 tus quinquaginta, temperatura bilio-
 sus exustus: vt qui diu apud Indos egerit,
 in ano fistulam patiebatur: ex qua puris
 multum continuò emittebat, morbo late-
 rali correptus fuit, continuò febriebat, ad
 costas dextras multum dolebat, tussiebat,
 & difficulter ingenti cum capitis dolore
 respira

respirabat. Ad quem accedens, post quatuor vel sex horas huius morbi apprehensionis, illicò accersito chirurgo, ex interna eiusdem brachij vena, vnde erat dolor sanguinem mittere ad vncias sex feci: qui sanè in totum corruptus, & putore affectus erat, à qua sanguinis missione, aluus sua sponte commota est: sæpe nanque egerebat, pauca pro vice, biliosa, putida, & corruptione affecta, tunc syrupum ebibit violaceum, & de endiuia, prædictis dilutum. aquis, & in cibo illi ptisanæ cremor erat: pro potu verò aqua hordei. Cæterum, doloris locus fovebatur sequenti fomento. Recip. Hordei, rosarum, marrum violarum, parietariæ, chamæmelæ, fœnugræci, seminis lini, maluarum, summitatum maluaufici, ana pugillum vnum, libris quindecim aquæ fiat decoctio secundum artis ministerium: facta colatura, & expressione: adde olei rosacei, violacei, ana vncias duas: misce, & vesica semiplena, vel filtro, vel spongia, loco dolenti applicetur, & sæpe innouetur: locum verò abstersum, & rectè exiccatum hoc linimento illine. Rec. Axungia gallinæ, vnciam vnā, olei rosacei drachmas sex, violacei, vnciam mediam, chamæmelini, drachmas duas, butyri recentis, vnciam

mediam, pauca cera alba, ad ignē misce, fac linimentum: sequenti die etiam circa locum dolebat, & intensè febricbat, & caput dolebat: quibus de causis, iterū ex eodem facto vulnere, totidē vncias sanguinis demere curavi: qui ita corruptione affectus erat, ac primus. Vltimus tandē rubicundus apparuit, vnde melius habere cœpit: dolor nanque minui cœpit, & febris remitti: sed & capitis dolor ferè eodē die leuatus fuit: ad os tamen amarorem persentiebat. Cæterū, primò die morbi, hic per interualla syrupum violaceum simplicem, cochleari lingebat: quibus paucis, multum excrebat, & ad septimam vsque diem melius semper habuit. Aduertendū tamen duximus, quòd tertio die, ptisanæ loco, amygdalarum cremorem saccharo concinnatum habebat: quinto ius pulli ebibit: sexto ad alas ipsius pulli deuenit: imbecillis nanq; factus erat, & eò magis, quia per fistulam illam antiquam multū puris emittebat. Porro, quia bilē per cassiæ ægyptiacæ pulpamentum purgandam decreueramus: & ille non obediuit, pessimè habuit: & morbus ita contractus fuit, vt mirum fuerit: quòd ex eo diem suum non obierit: post duos tamen menses valetudini integræ restitutus fuit.

Curatio

Curatio vigesima octava, in qua agitur de cordis angustiiis, & animi anxietudinibus, ob suppressos menses euenientibus.

HVius vxor, quum mensium respondentiam exactam non haberet, ita vt vtero gerere firmiter crederet, mentis obtenebrationibus, & cordis angustiiis, ita saepe detinebatur: vt omnes, etiam sibi charissimos filios odio haberet: quo tempore paroxysmi, vestiũ omne genus, ex pectore, veluti quæcunque in capite gestabat, deponebat, & reiciebat. Quæ omnia secta ex brachio interna vena, abundeque extracto sanguine, in totũ atro, & crasso, libera euasit. Nam pedis saphena, vt quæ meritò secanda erāt, vt quæuis alia pedis, nunquam apparuit. Cæterum, elapsis postea paucis diebus, menses cursum solitum suum habuere, & basilicè habuit.

Curatio vigesima nona de febre interficiente.

Stephanus Aranius ex patritia Ragusaorum gente, iuuenis quinque & viginti annos natus, robustus, & musculosus, & otio deditus, crapulæ, & veneri, vt

nobiles adoleſcētes facititare ſolent, multum indulgebat. Quare in ſtomachi imbecillitatem, & meleraicarum venarum obſtructiones, atque duritiē incidit: quoties verò largiore potu utebatur, in ſaniffimum inteſtinorum, & ventriculi dolorē incurrebat: quo adeò miſerè vexabatur, vt crebrò illud ex ſacris, repereret, In manus tuas domine, &c Habebat præterea & capitis vertigines, & animi deliquium. Cæterum, hic, circa idus Octobris febris corripitur bilioſa, & nunquam intermittente, quibuſdam tamen excreſcentiis ſatis apparentibus, quas à vitellina bile originē trahere, pro certo habebamus, vt paulò inferiùs dicetur. At hic, ſub initium mente parum valebat, ſitim non habebat, forte ob multam in ventriculo congeſtam pituitam. Febris tactu non adeò intenſa erat, immò omni morbi tempore, mitis ſemper apparuit: vrina craſſa, turbata, & veluti ſubiugalis, pituitoſa in ea reſidentia, apparebat: quam ex gonorrhæa provenire, familiares aiebant. Pulsus tactui valdè reſiſtebant. Cæterum, vomitiones præſſinam bilem referebant: quæ res, vt de iuvene malè ſuſpicaremur, effecit: ob nimiam autem iecinoris, & venarum caliditatem, eam provenire non verò ob ciborum

borum cruditatem, multa fidem faciebāt. Primò enim, pituitosa in ventriculo contenta euomuerat: ex assata autem bile flaua, vt Galeno placet enarratione. 38. commentarij secundi prædictionum Hippocratis, vitellina euadit: & inde ex vitellina prassina, ex prassina eruginosa. Tandem ex eruginosa atra bili, sicca & feruēs confurgit. Ad hunc igitur accersitus ipse, cum iam agrotus leniens. medicamentum eberat, per assistentem medicum perscriptum, consultum fuit, de sanguinis missione: vnde tunc sanguinis vnciæ octo extractæ sunt. Cæterum, septimo die morbi, ad eum reuersus, inuenio insomnem noctem cum delirio transegisse: & tunc pulsus illi imbecilliores erant, lotium turbatum, immò per intervalla agrotus ipse non rectè mente constabat. Varia nanque effutiebatur, immò (vt tunc ab assistentibus mihi relatum fuit) tres antea noctes non dormierat: quibus ad oblata, vtcunque se habebat: vnde ea consultatione, hunc moriturum prædixi: scapulis tamen cucurbitulæ, secta cutæ infixæ sunt: & sanguis per eas abundè extractus: quin & ano hirudines admotæ, & cordi, refrigerans epithe-
ma cordiale dictum, veluti capiti irrigatio quoque pro somno conciliando, refrigerandi

gerandi vim habens. Cæterùm, cum iis pulsus imbecilliores erāt, & ægrotus ipse omnia cibaria iam abhorrebat, tunc ad capi destillatitiā aquam deuentum est. Hic demùm nihil mali persentiebat: sed gemitus ingentes per interualla, ingētem spiritus difficultatem præ se ferentes: imò certum obitum, emittebat: tādē, viribus omnibus prostratis, initio decimi diei, obiit, non sine matris mœrore, vnicus illi erat, & diues satis, obiit autem die plenilunij, quando ex directo luna soli opponitur, & plena dicitur.

*Curatio trigesima, in qua agitur
de dolore in iocinore.*

DIdacus Pyrrhus, vir Græcè & Latinè peritissimus, & magni nominis poëta. Cū in suburbio Ragusij ageret, (recens enim ex Byzantio venerat) vbi pestis grassabatur, ob esum fortè pomorum crudorum & cibariorum malorum, bilis vitellina in eius stomacho genita est: quæ ad iecur descendens, magnum dolorem inferebat, vnde febris orta est: & sinistræ manus stupor insignis. Cæterùm, hic cū Byzantiij simili morbo correptus esset, & medicorum cōsilio illi secta esset brachij vena, & extractus bis sanguis, ad vncias viginti

viginti, vt propè obitum eſſet: de morbo timuit: quare cùm malè ſic haberet, de ſanguine extrahēdo ſolicitatus erat. At ego materiam extra venas dignoſcens à ſanguinis miſſione fugiēdum iudicaui. Secta nanque vena, humor iocinoris ſimas partes infeſtans, intra iecur & venas magnas retraheretur, vnde morbus ingraueſceret, & ex facili difficilis euaderet (vt Byzantij euenit) proinde iudicio habito, vomitum prouocauimus, & multam vitellinam euomit bilem. Tandem clyſteri vno vel altero, aluum deonerāte iniecto: & ptiſana, pro victu, habita: ac ſupra dolorem veſica ſemiplena ex decocto rerū anodinarum, & dolorem ſedantiū adplicita, melius habere cœpit. Tandem pharmaco leniente ebibito, intra quatrīdium ſanatus eſt: magna artis medicæ laude: vt qui tam facillimis, à tam graui morbo, & à quo vix Byzantij eualeſerat, liberatus eſt.

Curatio trigeſima prima, in qua agitur de punctura ſcorpionis.

VIr, qui ab ſcorpione in manus digito punctus fuit, multum dolebat, & refrigeratus, totus contremebat: & per corpus dolores, cute tota, quaſi acu puncta, formicantes patiebatur. Cæterum, hic ab ſcorpio

scorpione punctus, illico cum interfecit,
& contusit: & contusum puncto digito su-
perposuit: & breui à dolore liber fuit. Ad
aliquot tamen dies, digitus totus excoria-
tus fuit, & quasi ab igne exultus redditus,
& ex toto sanatus.

S C O L I A.

Scorpio qui laesit contritus, & super locum im-
positus, iuuat, ut testatur Dioscorides, sic dicens,
libro sexto suae Medicinae. In remedio erit scor-
pionis punctura scorpio ipse, qui laesit, contritus,
& super locum impositus, tanquam iniuria vin-
dex, & perniciem, quã intulit, corpore suo luens,
dominante illa rerum dissidentia, ut constat, &
subdit, Prodest, & scorpius quicumque tritus cum
sale, ac lini semine, & althaea herba impositus.

Curatio trigesima secunda, de febre
continuo affligente: cui postea san-
guinis reiectio subsecuta est, &
postea sanguis per secessum exiit.

Miles temperatura sanguineus, plu-
uioso tempore iter cum ageret, do-
mum reuersus in febrem continuam inci-
dit: caput dolebat, sitiebat, & valde con-
querebatur. Accersitus itaque ad eum, il-
lico ex communi vena, in brachij curua-
tura, sanguinis uncias quindecim demere
curaui:

curavi: qui quidē sanguis, taurinam crassitudinem præ se ferebat. Ab incisa vena, ut primò febriebat: & sanguinem, ingenti tussi, reiectabat: & pectus nō dolebat: multa egerebat, liquida, & varia ingentē attestantia corruptionem. Quinto die, per secessum, sanguinem purū, & bene flauum bona quantitate, absque ventriculi, & intestinorum dolore vllō, eiecit. Septimo, febris, & symptomatis aliis, liber euasit: imbecillis tamen, & ex altera aurium surdaster, à qua surditate, paucis postea diebus, immunis quoque & liber fuit.

S C O L I A.

Sanguis per os, ingenti illa tussi, ex thorace reiectabatur: qui postea per secessum eiectus est. Nec enim mirari est, sanguinem thorace contentum, per secessum emitti. Quando ille cor petens, per venam putealem, cauam dictam, transmitti ad iecoris sinas poterit, & inde ad intestina: unde postea per secessum emittitur. Caterum, tradit Gale. lib. 6. de Locis affectis, cap. 4. nos pulmonis vomitam per urinam: thoracis autem per intestina, & aluum expurgari vidimus. Quanquam in primis ex pulmone, per renes, transitus nullam, re vera, dubitationem excitare debet. Etenim, ut à caua vena, ita ex magna quoque arteria rami descendunt ad renes.

Curatio

Curatio trigesima tertia, in qua agitur, de dolore stomachi, cordis quoque regionem, infestante, ab humore melancholico, & viscida pituita eueniente: simulque de podagra.

PAulus Gradius iunior, Patritius Ragusæus, annos natus quadraginta septem: temperatura melâcholicus, vigente autumno, quo atra bilis, (vt nostis) viget, de dolore stomachi, & cordis: ac posterioris partis, illi respondentis, conquerebatur. Sed noctu magis, redûdabat autem in huius venis melâcholia, veluti in eius ore vëtriculi viscida pituita, à quibus dolor hic originem habebat. Audistis autem alias à me, ex Galeni præclara doctrina, sanguinem vena caua contentum, & cordis corpus ingrediẽtem, non nutrire cor, cùm cor à sanguine coronali vena contento nutriatur, sanguis tamen hic crassus cum sit, à natura in cordis ipsius priore ventriculo contentus, vt ipsum cor in medio thoracis rectè stare, facit, contingit, quod crassior quàm deceret, euaderet, id quod attestabantur, tempus fouens sanguinis crassitiem, & rerû melâcholicarum
longus

longus esus, cordis dolores & ipsius nocturnæ diuturnæque angustia, ac pressiones, quibus fauebat viscida pituita ore ventriculi cōtenta, quam, linteolo fricata lingua, nobilis vir hic euomebat. Cæterum, ut nobilis vir hic ab hac affectione euaderet, sic curationē orsi sumus. R. Floris cassiæ nouiter extracti, drachmas sex, pulueris senæ præparatæ, drach. vnā, electuarij lenitiui, vnciam mediā, pulueris seminum anisorum, scrupulum vnū, saccharo omnia excipiātur, & fiat bolus, detur ante cibum duas horas, quo multa egressit, nigra, & aquosa, pauca verò viscida, sequēti verò die hunc descripsimus syrupum.

R. Radicum buglosi, borraginis, petroselini, ana vnciam mediā, senæ, epithymi, an. drach. tres, polipodij quercini recentis vnciam vnā, glycyrrhizæ rasæ, & recētis, vnciam mediā, hyssopi herbæ, absinthij, ana pugillum medium, pomorum appianorum, num. sex: seminis anisorum, drac. duas passarum, de corinthio vncias duas, corticum myrobalanorum indorum, chebulorum, an. drac. duas, in libris quinque aquæ fontis, fiat decoctio ad consumptionem tertiæ partis, & coletur. R. Prædicti decocti, vnc. quinque syrupi de pomis compositi, vnc. vnā, oximellitidis vnciam

Y

mediam: misce, fac syrupum, & ieiuno sto macho, propina, & repetatur sæpè. Porro secundo die, hirudines tres, venis hæmorrhoidalibus apponi iussi, quas per medium cum primū tumescere incipiebant, calēte supposita aqua, præscindi fecimus. Ita enim per medium sectæ hirudines, auidius & magis attrahūt, dein verò iterato pharmaco ex rhabarbaro, & Egyptiæque filiquæ atramento, cum hieræ picæ speciebus melius habuit, non ab re tamen fuerat, sanguinem ex interna brachij vena ob sanguinem crassum corde contentum, demere. Cæterum, quia per mariscas extractus sanguis multum attulit iuuamēti, ab ea destitimus euacuazione, tunc verò foris ventriculus ipse quodam inungebatur linimento, & singulis auroris, rotulum vnum vel alterum diarrhodonis abbatis, ægrotus comedebat, habet autem linimentum sic.

R. Pulueris comæ centaurij minoris, absinthij, farinæ loliaceæ, an. vnciam mediam: seminis cumini, anethi, apij, fæniculi, ana drach. vnam, & mediam, scinanthi, spicæ indicæ, mastichis, an. drac. vnā, oleorum laurini, rutacei, anethini absinthini, ana vnciam mediam, vini optimi vnciam vnam, & alterius mediam: misce, & ad

& ad ignem secundum artis ministerium cum cera fiat linimentum, quo succida lanna excepto, os ventriculi fouebatur, præmisso antea fotu ex fomēto prædictis rebus, & similibus apparato. Cæterum, eo tēpore quo fotus, & inunctio fiebat, durities, & tensio, perceptæ, aliquantulū circa ipsum os vētriculi dolebant, demum cum sic incederemus, elapsis octo diebus, iam nihil dolebat, imō durities & tētio illa, ex toto extirpata erat. Sed audi, à deuorato rorulo illo diarhodonis, vinum pitissabat generosum, tunc verō post extirpatā tensionem & duritiem, vt ventriculus robustior euaderet, sacculū hunc parādum curauimus, qui habet ita. R. Absinthij, mēthæ siccæ, rosarū siccarum, anisorū, an. vnciam mediam, specierum aromatici rosati, drachmas duas, mastichis, macis, thuris, ana drachmas duas, & alterius mediā, spicæ, nardi, scināthi, cariophilorum, cinnamomi, ana drach. vnam & alterius mediam, galangæ minoris, drachm. tres: galliæ moscatae mesuæ, drachmam vnam, omnia terantur. Et fiat puluis, ex quo paratur culcitra zēdalo rubro confita, & intercipitur, quam generoso vino irroratam ventriculo admovebat, & rectè valebat: victus huic, carnes perdicis sunt, aut

pulli, circa potum verò scire licet, quod hic postquam ab hinc sexennium Constantinopoli podagra correptus fuit, vino abstinere sibi proposuit, vnde abstemius euasit. Cæterum, ob ventriculi imbecillitatem, & humoris atribiliarij redundantiæ, me authore, victus rationem mutauit, & pauciferum vinum ebibere cœpit, à cuius potu, vt ille aiebat, melius habebat, & ventriculus rectius cōcoquebat. Porro, exacto mense vno vel altero, animi excandescencia correptus, in podagram recidit, mirum dictu, vt nunquam vir hic in podagrā incidat: ni primo ira, aut merore corripiatur. Contra podagrā itaque morbum remedia adhibere instituimus: erant nanque illi ad digitum crassum inflati pedes, & in suris cōtractio quædam nervorum percipiebatur, leuiter nanque dolebat, & ab ore multam saliuam reiectabat, dormiebat verò suauiter: & ciborum paulò iusto erat appetētior, aluum non iuxta respondentem alternis diebus infuso lauabamus. At, quia topica remedia adhibere sibi nunquam permisit, ad hoc sequens decoctum recurrimus, quod habet.

R. Radicum buglosi, endiuia, cichoreæ, ana vnciam vnam, rosarum siccarum, pugillum medium, passerum, vnciam vnam, polipo

polipodij quercini recentis , & contusi,
 vncias duas , hordei integri vnciã vnam,
 florum cordialium omnium pug. vnum,
 in libris quinque aquæ fiat decoctio quo-
 usque remaneant libræ tres, & coletur, cui
 adde, syrupi rosati de rosis siccis vncias
 duas, syrupi rosati solutiui, vncias duas, &
 alterius mediam: misce, fiat potus longus,
 de quo singulis diebus ieiuno stomacho,
 singulas octo vncias calidas bibat. Hoc
 etenim decocto, destillatio à capite illico
 coërcita fuit, & alius rectè respondebat,
 tandem intra viginti dies, à podagra sa-
 natus est. Cæterum, in huius morbi in-
 clinatione pedes lauati sunt, & ab eis vn-
 gues , & crustosæ superfluitates plantis
 hærentes, cultro præcisæ, habet autem la-
 uacrum hoc modo.

A. Summitatum myrtillorum, rosarum
 rubearum, balaustiorum, ana pug. vnum,
 camæmelæ pug. medium, nucum cupressi,
 numero sex, in libris octo aquæ, & dua-
 bus vini rubri optimi stipticitatem præ se
 ferentis: misce, & fiat ebullitio sufficiens,
 & fiat lauacrū, quo vniuersa curatio clau-
 sa fuit. Cæterum, vt hic ab ouis abstineret
 suasi, veluti à rebus aperiendi vim haben-
 tibus, familiarem tamen sibi orizam ha-
 beret, veluti similaginem, & farrum,

maluam, mercurialem, betam, pruna, caules, & ex carnibus, optimas permisi, vinum porrò, vt dixi. fugere sibi proposuerat, cuius loco aquam mellis introduxit, sic à nobis apparatam.

R. Coriandri præparati, vnciam vnam in libris decem aquæ fiat decoctio sufficiens, & coletur, cui decocto adde, mellis despumati optimi libram vnam, ad ignem lentum coque sufficienter, semper spumam demendo, vel loco mellis communis, mel saluiatum mittebat, quod ita meis mandatis parabatur. Mellis optimi rutili, & rectè despumati libras vigintiquinque, accipito, in quod, florum saluiæ recentium libras quindecim, per horas vigintiquatuor, macerari finito, ac postea floribus ipsis torculari optimè expressis, & abiectis, iterum totidem florum saluiæ libras prædicto melli adiicito, & per vigintiquatuor quoque horas maceratos finito, & vt primo torculari exprimito, & postea abiicito, quod & tertio repetito, quod mel tandem per colum laneum traicito, & ad ignem admo- ueto, & coqui finito, quousque syrupi rationem obtineat, aliter autem ob humiditatem à floribus contractam, breuè mucidum euaderet, & non perduraret, sed

sed corrumpere, ex hoc igitur saluato melle, aqua mellitam parat, quam sibi familiarem habet, & ea per totum annum vitur, & basilicè valet, quod verò ab animi affectionibus fugiat, illi cura est, quoties autè excandescit, illico podagra afficitur.

Curatio trigesima quarta, in qua agitur, de puero sapè in febrem cum vermibus propter obstructions, & malum vitæ regimen incidente.

IVnius Gradus, Patritij prædicti nepos, optimæ habitudinis puer, annos natus octo, variis quum cibariis, & fructibus autumnalibus multis indiscretè, ut à voracibus pueris fieri solet, vesceretur, in mesenterij & venarum meseraicarum obstructions lapsus est, unde febrem per intervalla patiebatur, cum qua & vermes multos sed paruos egerebat, ad umbilicum dolebat, & tactu eo in loco obstructions esse percipiebamus, subduriusculus namque locus quadam cum tensione erat, pro quibus omnibus deponendis affectionibus, optimo victus ordine constituto, & à fructibus & rebus obstructionem parientibus alienato, sic orsi sumus.

R. Floris cassiæ nouiter extracti, vnciâ mediâ, specierum hieræ picræ drachmas duas, pulueris, glicyrrhizę drachmam mediam, misce fiat bolus, quo rectè egeffit, postea verò syrupum hunc descripsimus.

R. Radicis petroselini, apij, graminis, rusci, foeniculi, ana drach. duas, sem. rusci vnciam mediam, capillorum veneris, coralinæ, ana pugill. medium, senæ, drach. vnam, polipodij vnciam mediâ, passarum de corinthio vnciam vnam, libris duabus aquæ fontis excipiantur, & fiat decoctio secundum artis præcepta, ad consumptionem tertiæ partis, & coletur.

R. Prædicti decocti vncias tres syrupi de duabus radicibus vnciam vnam, misce, fac syrupum, quem cōtinuè interim dum decoctum durauerit: itē, foris locus prædurus sequenti vnguento inungebatur.

R. Succu absinthij, apij, cichoreæ, petroselini vulgaris, foliorum raphani, ana vnciam mediam, olei capparorum, amygdalarum amararum, ana drach. sex, pulueris cæterach. capillorum veneris, corticum radicum capparorum, camæmelæ, ana drachmam vnam, ceræ, quantum sufficit: misce fiat vnguentū molle, quo bis in die venter illinatur, porrò, ebibitis quinque syrupis, & nonnulla apparente, cōcoctio-
ne ma

ne materiarum, hoc ebibit pharmacum.

R. Rhabarbari optimi, & pisti per noctem infusi in vnciis duabus destillatitiæ fœniculi, drachmam vnam, in aurora fiat expressio fortis, & prædicto diluto, adde, mannæ electæ vnciam vnam, & alterius mediam, electuarij lenitiui, drach. duas, cinnamomi scrupulum mediū, iuris pulli parum: misce, fiat haustus vnus, detur in aurora, & suprâ dormiat, quo alius rectè respondit, & optimè valuit, ad aliquot tamen dies, singulis auroris, singulos rotulos drachmales gustabat. Cæterum, puer hic, cū manus verrucis variis, & ingentibus satis fœdatis haberet, ignitis sarmētis dextrè adhibitis, absque dolore vllō, intra octo dies sanus, & ab hoc fœdo vitio liber, & immunis euasit.

Curatio trigesima quinta, in qua agitur, de febre cum dolore, ad costas nothas, simul quòd cucurbitula, secta cute, morborum initio rectè exerceri possunt.

HVius ancilla muliercula Illyrica, annos nata sex & quadraginta, quæ Byzantij apud Hebræum Hispanum seruitutem seruiuit, feбри laborabat cōtinua, qua

& caput continuò dolebat, & per vniuersum corpus lassitudinem persentiebat, & ad costas mendosas dextri lateris dolorem patiebatur, ad quam vocatus medicus, cucurbitulas secta cute scapulis affigi iussit, & sanguinis vncias quinque demere, cum tamen antea duos dies, medicus hic cum apud Stephanum Mensæum Patritium, qui malè habebat, essemus, & propositum à me esset, de affigendis cucurbitulis scapulis cum scarificatione, firmiter contendebat, Galenum nunquam vsum fuisse cucurbitis, stante repletionem, ignorabat autem ille Galeni doctrinam, ut qui cucurbitulas eo in casu, siccas quod aiunt, absque sanguinis extractione, abneget, secus autem cute secta, & extracto sanguine, id quod Auicenna interpretatus est, candidè cum dixerit, cucurbitæ cum scarificatione, vicariæ sunt phlebotomiæ, proinde hic doctus factus mulieri huic cucurbitulas secta cute affigendas curavit, & sanguinis vncias quatuor demere, ad quam sequenti die accersitus ego, eam prædicta febre continua laborantem inueni, cum qua & lotium crassum rubrum apparebat, & dolor ad nothas costas dextras eam vexabat, qui dolor, non à phlegmone, vel pleuritide, ortum trahebat, sed potius

tius à flatuoso quodam spiritu, eo in loco
occluso, malam qualitatem, & solutionem
continui inducente, quanquam, ut verum
fateamur, & ad Galeni mentem loqua-
mur, alterum horum sæpè sit satis pro in-
ducendo dolore interno dicamus, secus
autem in externis doloribus, in quibus &
mala qualitas & solutio continui semper
necesse est reperiantur & concurrant, vn-
de Galenus in sua doctrina, alterum ho-
rum per se natum esse introducere dolo-
rem, quandoque meminit præcipuè quan-
do de internis doloribus corporis interio-
res partes occupantibus loquitur, cum à
minori causa, & facilius alterari possunt
interiora, quàm exteriora. Sed hæc, quasi
per transennam sint dicta, & ad institu-
tum nostrum reuertentes, dicamus, quòd
dolor mulierem hanc infestans, à frigore
tanquàm à causa procatactica sanguinem
mouente ortum traxit, vigebar autem
hyems. Iis igitur perpensis, iussimus, ut
hæc vini loco, aquam decoctionis cinna-
momi pro potu haberet, in victu verò of-
fam iure pulli intinctam, & parum martij
panis comederet, instituimus. Caterum,
locus dolore affectus ex vnguento ano-
dino dolorem sedante, & resolvente illi-
nebatur, demum humoribus per syrupos
ebibi

ebibitos præparatis, ad expulsionẽ, concoctione apparente, pharmaco purgata est, & melius habere dixit, postea tamen ad cutem exanematha, qualia ex sanguinis redundantia oriri solent, floruerunt: error nanque fuit, quando cucurbitulæ admotæ fuerunt, vena secta non fuit, & sanguis abundè extractus, præcipuè ex interna brachij eundem locum affectum respiciente, vt cunque tamen septimo die, rectè valuit, & nunc firmata valetudine vititur.

Curatio trigesima sexta, in qua agitur, de muliere continuo febriente, cum tussi, & purulento sreatu.

VXor Georgij à Martinis, ciuis Ragufini, aliquando sanguinem ex pectore reiectauerat. Cæterum, nunc continua febre laborat, tussiebat, & sreatum purulentum mittebat, & ad pectus dolebat, huic occurrentes nos, cum sanguinis missionẽ renueret, ab ebibito pharmaco mæna composito, melius habere visa est: Cæterum, duobus elapsis mensibus, phthisi consumpta, diem suum obiit, contraxerat autem, vt intelligo, à matre morbũ, ex quo quoque decesserat.

Curatio

Curatio trigesima septima, in qua agitur, de muliere pariente geminos, marem & fœminam, quæ nō rectè purgata est, unde diem suum obiit.

VXor Michaëlis Scipionis Bonij, ex patritia Ragusæorum familia, annos nata sex & triginta, Geminos peperit facili, ut ab obstetrice percepi, partu, marem & fœminā, ex quibus mas illico obiit, fœmina superest. Cæterum, hæc nono à partu die, quum suo, & assistentium muliercularum iudicio, abundè purgata videretur, feбри continua corripitur, qua & per intervalla non mente constabat, sed multa effutiebatur, & delirabat, non sitiebat, nec eius lingua admodū arida aut denigrata erat, non egerebat sua sponte, sed irritata balano, aut clysteri aluo: est sanè febris hæc synochus, ortum à sanguine menstruo cotyledonibus retento, & putrefacto, habens, qui per putidos fumos continuò corpetens, & lancinans, febrem hanc gignit, & inde caput obrepens, & animales spiritus malè afficiens, delirium parit, non sitiebat, nec linguam aridam, aut denigratam habebat, ob nimiam humiditatem capite, & stomacho contentam, cum quibus

con

continuò vigilabat ob calidos, fortè & siccos continuò ascendentes fumos, qui cum malam qualitatem in ipso capite imprimerent, & membranularum distensionem facerent, dolorem continuum inducebant, quem ipsa perſentiebat. ad eam igitur accerſitus medicus de ſanguine detrahendo, ex ſaphena contendebat, quod cum ab illa impetrare non poſſet, erat enim valde timida, venæ ſectionis vice ad varia conuertitur remedia, nam frictionibus, retractionibus, cucurbitulis, non minus ſyrupis aperiendi, & menſes educendi facultatem habentibus, non admodum tamen natura calidis utebatur, quin, & membrorum extremitates fomento infri-
gidandi, & ſomnum conciliandi, vim habente irrigandas iuſſit, ad hæc, temporibus vnguentum populeum naribus, auri-
bus, & brachialibus, poſtea illini curabat, doctè admodum morbi cauſam, & feb-
brim, ac ſymptomata conſiderans, Nam morbi cauſa, ſanguis obſtructus & reten-
tus, ac refrigeratus ipſis in cotyledoni-
bus eſt, qui prouocatione, incifione, aper-
tione & ſubtiliatione indiget: pro quibus complendis operationibus, medicamen-
tis calidis indigemus: quæ dubio procul febrem acriorem reddunt, intendunt, &
ſym

symptomata omnia augent: & consequēs
 mulierem hanc in delirium maius trahe-
 rent: vnde de phrenetide timor erat, quòd
 si contra febrem tentare proposuerit, fri-
 gidis vtatur decet, quæ sanguinem den-
 sant, meatus obstruunt, & morbi causam
 fouent magis & augent. Ad hanc igitur
 vocatus ego, quinto die morbi, eam eo
 dicto modo afflictam inueni, cui vires
 vtcunque constabant, & ad ea quæ illi
 offerebantur rectè se habebat: eius ta-
 men lotium crassum, turbulentum, & sub-
 nigrum, quantitate multum erat, quod
 menstrui sanguinis substantiam præ se
 ferebat: vnde quum mulierem hanc ita
 afflictam considero. quæ ob timorem san-
 guinis detractionem (secta vena) renue-
 bat, hæmorrhoidibus, quas pati solebat,
 & mulieres assiduò parere solitæ, sæpe
 incurrunt, quatuor hirudines adinouere,
 & eas semiplenas per medium secare cu-
 ravi, ac perforata sella sedens ad calentis
 aquæ vapores ferè libram sanguinis flue-
 re permisimus: tunc victus huic, ptisanæ
 cremor mistus pulli cōtuso multo semine
 melonis apparato erat: potus verò hor-
 deacea ex pullo nō admodū discocta, sed
 ea nocte parum dormiuit, & multū deli-
 rauit

rauit, & floccos ab stragulis euellebat, & festucas colligebat, & manus sæpe porrigebat, & eas ita contrahebat, & euertebat, vt exteriores articulorum partes intus conuerti viderentur: spasmosum nanque motum patiebatur, nam lecto nunquam quiescebat: porrò media nocte huic ius pulli, aut simile offerebatur, & in aurora syrupum hunc bibebat. R. Capillorū veneris manipulū medium, seminis melonis, citruli, cucurbitæ, omnium mundatorum ana drach. duas, radicis endiuizæ, buglosi, petroselini, ana drach. vnā & mediam, hordei pugillum vnū, cicoreæ manipulum medium, prunorū pinguium numero decem, florum cordialium, ana pugillum medium, in libris tribus aquæ fiat decoctio ad consumptionē tertiæ partis, & coletur. Rec. Prædicti decocti vncias quinque, syrupi de duabus radicibus, de cicoreæ, oximelitis ana vnciā mediā: misce, fac syrupū: nā tunc melius habere visa est, & ante prandiū suris & femoribus frictiones exercebantur, & cucurbitæ scapulis veluti brachiis retractiones, & ligaturæ adhibebantur, & tunc lotium clarius apparuit, & febris minui cœpit, & non delirabat, & quæ illi offerebantur, comedebat: imò tunc cōquesta est, quod à tam multis remedi

remediis illi adhibitis fuerit vexata: septimo non dormiuit, sed delirabat: qua de re, oxirhodinum capiti applicitum fuit, & pessus ex succo mercurialis & mytridaceo antidoto confitus, ad os vteri intromissus est, tunc in lecto meiebat, & conspurcatur. Ceterum, à prandio febris intensa est, sed vesperi remissa. At ante cœnam clysterium paratum fuit: quo immisso, ægre tulit, imò in animi deliquium deuenit, adeò vt eam emortuam assistentes putarēt: sed postea optimè egressit, & ita rectè habere visa est, ac si nihil mali haberet, optimè loquebatur, & febris lenis & remissa erat, & de conuulsuo motu nihil tunc in arteriis, aut manibus percipiebatur: postea tãdem ita pessimè habuit, vt frictiones, & retractiones ante cœnam solitas, assistentes mulieres prætermitterent: imò tunc parum cœnata est, & à cœna duas horas, requiei Nicolai descriptione drach. vnã, & alterius mediã ex lactucæ decocto ebit, & vnguento somnum euocante, tempora, aures, nares, frons, & brachia lia illinita sunt, quibus etiam totam noctem nō dormiuit: vnde à pharmaco, quod illi ebibendū decreueramus, abstinuimus: octauo omnia in delirium versabantur, & vrinæ excretionem absque recordatione pa-

Z

tiebatur, parū loquebatur, sed contractis
manibus flocculos colligebat: tūc abrafis
capillis, irrigatione somnum conciliante
caput irrigabatur: quæ habet. R. Hordei
mundi, florum nenupharis, foliorum la-
ctucæ, endiuia, portulacæ, ana pug. vnum,
hyosciami, pug. mediū, rosarū, violarum,
anethi viridis, ana manip. vnū, corticum
radicis mandragoræ, vnc. mediā, calicum
papaueris albi & nigri cum suis semini-
bus, ana numero tres, sem. lactucæ, portu-
lacæ, endiuia, an. vnc. mediam, camame-
læ pug. medium, in libris duodecim aquæ
fiat decoctio secundum artem, & sponsia
nova ex alto caput irroretur ad minus
per mediam horam: tandem absterfo ca-
pite, illinatur hoc vnguento. R. Vnguenti
populeonis, vnciā vnam olei violacei, ana
vnciā mediam, opij grana quinque, aceti
drach. mediam, succi hioscyami, pulueris
radicis mandragoræ, ana drach. vnā, sem.
lactucæ, portulacæ, pulueris camamelæ
ana drach. vnam, & mediam, ceræ parum,
ad ignem secundū artis ministeriū fiat li-
nimentū, quo & tēpora, & nares, & aures,
& brachialia illinebantur: imò sponsia
linimento imbuta ad nares apposita est:
quod si tunc mandragoræ, aut eius gene-
ris variij pomū aliquod luteum haberetur
prope

prope nares admitteretur. Cæterum, cum hæc agerentur, destillatitia ex capo aqua illi bibenda offerebatur, quemadmodum iam antea institueramus, veluti & pulli contusum hordeaceæ ptisanæ admistū: sed hæc somnū nunquā conciliare potuerunt: proinde ad clysteres sic confugimus. R. Corticū mandragoræ vnc. mediam, hordei mundi pug. vnum, calicum papaueris cum suis seminibus, numero tres, seminis endiviæ, lactucæ portulacæ, ana drachmas duas, foliorum violarū, maluarū, ana pug. vnum: in libris tribus aquæ fiat decoctio ad consumptionē tertiæ partis. R. Prædicti decocti vncias quindecim, olei rosacei, violacei, nenupharini ana vnc. vnam, sacchari vnc. vnam, cassiæ extractæ vncia vnam, salis drach. vnam, ouum integrum optimè conuassatū, vnum: misce, fac clysterem, nono die: omnia eadem erant, in quo lunæ coniunctio soli vigeat: quo factum est, vt syrupum de papauere cōpositum cū decocto lactucæ, & foliorū & florum nenupharis, post cœnā ebiberet, aut eius vice, requiei Nicolai descriptione drach. duas, decocto lactucæ, & florum nenupharis, cum calicibus papaueris, parato exceptas, assumere: & interim quum hæc exercebantur, sequentem syrupum

bibebat. Recipe, Syrupi de acetositate citri, vnciam vnam, de succo acetosæ vnciam mediam, decocti florum nenupharis, lactucæ, acetosæ, vnc. quatuor, misce. Cæterum, febris hæc variè habebat, cum quandoque eodem die insurgebat, & valida ac intensa apparebat: quandoque verò deprimebatur, & remissa percipiebatur: adeò vt eodē die, ternas & quaternas mutationes febris hæc faceret: vnde mihi in mentem venit Hippocrates libro primo Prorrhethici, textu 27. dicens, Frequentes in phreneticis permutaciones conuulsionem indicant: erat autem mulier hæc conuulsione (vt dixi) maximè affecta. Cæterū, Galenum aliter Hippocratē interpretari in iis citatis verbis me non latet: nec enim credere est, febris varietatem hanc, ex varia febrium complicatione gigni. Demū, cum hæc vigil semper maneret, morbus increbuit, & præualuit, eius viribus succumbentibus, adeò vt illi phrenitis confirmaretur: duodecimo die huic crura frigida ac emortua sunt facta: quia à caloris fonte longinqua: vnde pedum arteriæ motus, quæ ad digitum magnum percipiuntur, deficiebāt, & non apparebant: demum tertiodécimo die, suum diem obiit: apud me tamen opinio semper fuit, quòd mulier

mulieris huius morbus, ab ipso die partus
cœperit: nam & amaricatum oris, & fe-
brim, & corporis totius lassitudinem illi-
cò persensit: quæ omnia mulieres assisten-
tes in lactis generationem reiiciebant.

*Curatio trigesima octaua, in qua agi-
tur de papillarum dolore, & ea-
rundem scissuris, ac contra eas
remedio.*

ENixæ mulieres, post partû sæpe con-
queri solent de papillarum dolore, &
earundem scissuris: pro quo leuando ma-
lo, nullum præstantius, nec votis magis
respondens remedium, hoc vno infra
scribendo comperi, quod habet. Rec. Vn-
guenti populeonis, de plumbo, ana vnciâ
vnam, opij thebaici grana quinq; : misce,
fac vnguetum, & eo inunge mamillarum
papillas, quas quum mulier puero lac da-
re voluerit, vino diluto lauet: & postea
iteret: est sanè remedium hoc certum &
indubitarum. Cæterum, vxor Salomonis
Erguij, dolore & scissuris ingenti cum fe-
bre torquebatur, cui bis vena secta fuit, &
sanguis abundè extractus, & inde admo-
to topico remedio citato, breui sanitatem
adepta est.

Curatio trigesimanona, in qua agitur de splenis duritie, ex quartana contracta.

Qui ex Thessalonica ad me venit, mercator cognomento Crispinus, natus annos triginta, temperatura biliosus, coloris nigelli, lienis magnitudinem ingenti cum duritie patiebatur, quam ex quartana olim habita contraxerat: solet autem splen, ut nostis, obstructionibus, & scirrhis facile tēta-ri: præsertim iis in corporibus, quæ quartana longa laborarunt, & gelidam multam biberunt: nihil enim spleni malè affecto magis aduersatur, quàm aqua: qua de causa suadeo, quoties Medicus quartana laborantem sibi curandum proposuerit: cuius quartanæ, lien fons & origo sæpe est, aut induratos lienes minuere decreuerit, quòd agrotantes non solum ab aqua abstineant pura, sed etiam ab stillatitiis herbarum curet: quarum vice, decocta ex ipsis herbis ad rem facientibus parare facillimè poterit: quæ per se propinari possunt, vel syrupis misceri: sed hæc tanquam dicendorum præfatio sic, cum multa & pulchra pro liene curando in scolio habebis. Hunc igitur curaturus, sanguinis missione omissa, ut quæ

vt quæ huic casui tunc non conueniebat,
 sic orsi sumus, Constituta primo optima
 victus ratione, quæ extenuans esse debet.
 Nam Galeni præceptum est, ex libro vn-
 decimo Methodi med. decerptū, & à Me-
 dicis in vsum praxis adductum, & hodie
 obseruatum, obstructa non sunt aperienda
 priusquam plenitudo vacuetur: & quo-
 niam purgatio non rectè celebratur ante
 corporis præparationem, iuxta illud Hip-
 pocratis satis triuiale, cū quis vult pur-
 gare, oportet prius fluida facere: proinde
 hunc ad euacuationem primo præparatū
 purgauimus: sic autem euacuationi præ-
 paratio anteiuuit. Recipe, Herbarū fumiter-
 ræ, lupulorum, scolopendriæ, capillorum
 veneris, ana pugillum vnum, cuscutæ,
 betonicæ, ana pugillum medium, epi-
 thymi, drachmas duas, seminis aniso-
 rum, fœniculi, ana drachmam vnā, &
 mediam: in libris aquæ tribus fiat deco-
 ctio secundum artis ministerium, ad con-
 sumptionem tertiæ partis, & coletur.

Recipe, Prædicti decocti, vncias qua-
 tuor, syrupi lupulorum, de fumoterræ,
 syrupi acetosi diarhodonis dicti, ana vn-
 ciam mediam: misce, & fac syrupum: &
 donec decoctum perdurat, iteretur: post-
 eà verò bolum hunc illi obtulimus, qui

habet. Recipe, Electuarij lenitiui vnciam mediam, agarici recens præparati scrupulos duos, confectionis amech. drachmas tres, saccharo omnia excipiantur, & fiat bolus, quem in aurora vt decet, capiat, quo alius rectè respondit. Cæterum, post hæc peracta, ad lienem ipsum induratum emolliendum, & minuendum, vniuersus noster conatus versabatur, non solùm intrus exhibitis, sed foris admotis: proinde sic descripsimus. Recipe, Corticis thamarisci, radicum capparorum, ana pugillum vnum, radicum fœniculi, apij, rusci, asparagi, ana vnciam mediam, seminis anethi, fœniculi, apij, anisorum, carui, foliorum matris syluæ, periclymeni dictæ, ana drachmas duas, senę vnciam mediam, polipodij vnciam vnam, cuscutæ, epithymi, myrobalanorum Indorum, citrinorum, chebulorum, ana drachmas duas, herbæ ceterach manipulum vnum, libris sex aqua: omnia excipiantur, & ad ignem fiat decoctio ad medias, secundum ordinem pharmacopolium, & coletur: cui postea adde aceti acerrimi vncias tres, & iterum ad ignem parum ferueat: ex quo in aurora vncias septem, vel octo, ieiuno stomacho, bibat, & totidem ante cœnam, duas horas, quia eius ventriculus optimè ferebat,

bat, & ad oblata rectè se habebat, successu
verò temporis, huic apozemati, aceti scil-
litici portiunculam addebamus, Galeni
præceptis innixi, libro de Facultatibus
simpl. medic. quinto, capite vndecimo, sed
extrinsecus, fomentum ex multis citatis
herbis, & flore genistæ, semine lini, fœnu-
græci, malua, radice althææ, ireos, cucu-
meris asinini, absinthio, cuscuta, asaro, flo-
re camæmelæ, meliloto, semine anisorû,
fœniculi, carui, aqua & aceto incoctis
quoque parabatur. Sæpè autem dixi, ace-
tum tam intus quàm extra spleni maximè
conuenire, & opitulari, vt Galenus sæpè
docet, præsertim citato à nobis loco, post
fotum verò lienem, & rectè abstersum, at-
que optimè frictum, ammoniacum aceto
dissolutum ad vnguenti formam reda-
ctum, & lana succida exceptum, superpo-
nebatur, quod medicamentum in emol-
liendis huius visceris duris tumoribus,
Galenus summopere laudat, & nos ipsi
præstans esse, sæpè experti sumus. Sic enim
Galenus, libro quartodecimo Methodi
medendi, capite quinto, inquit. At in lie-
ne & carnosus musculi partibus scirrhus
affectis, tutus aceti est vsus, quippe raræ
sunt naturaliter hæ partes, nec est quod
metuas, ne quis nervus eius vi lædatur, ac

ammoniaco quidem thimiamate cum aceto, etiam alij non pauci lieni impotentes vtuntur, ad luti, scilicet crassitudinem, quod ex vtriusque mistum est redacto, idq; solum ei curando satis fuit, & cætera, quæ Galenus inibi tradit. Porro, splenem quoque fouere aceto acerrimo, in quo marchasita dicta lapis pyritis candens, & ignita extincta fuit, spongia vel filtro exceptum ad Galeni mentem optimum est remedium, non minus vinum decoctionis radicum filicis ad medias, & ebibitum per viginti dies splenis duritiem minuit, Galenus quoque libr. 2. artis curatiuæ ad Glauconem, cap. 6. tradit, lienem aut flatu, aut scirrho, facile affici: quocirca, quum flatu lien, at potius ædemate tumuerit, absinthio perfundi postulat, ac postea emplastro foueri ex sulphure & plurime alumine constante. Quod si scirrho lien occupetur, digerendi facultas præpollere debet, astringendi verò exigua portio admisceri, vt in flore salis exterius supra ipsum lienem lineo panno excepto, & applicito, reperitur. Cæterum, horum remedium maiori parte, nos pro liberando hoc Hebræo, vsi sumus, & sanus euasit. victus huic, extenuans erat, ex rebus

bus quæ facilimè concoquuntur, & succum bonum, & tenuem adgenerant, potus verò, vinum erat, ex decoctione asplenij herbae, dictæ citrach.

S C O L I A.

Lien viscus est, ex iis quæ sanguinem expurgant, ut Hippocrati & Platoni placet, referente id Galeno lib. 2. de Facult. naturalibus, cui insita vis est melancholiam ad se trahendi, non propterea humore crasso nutritur, sed verius nigro subtili, subtiliori autem succo lien nutritur quam iecur, ut alias ex Galeno dixi, qui lien per intestina expurgari debet, non verò per vias urinae, ut Galenus candidè docet, libro methodi medendi tertiodecimo, ad hunc modum dicens, In liene verò altera dūtaxat esse superflui vacationem, cum qua per renes agatur nulla huic visceri vacuando via pateat, proinde ubi phlegmone premitur, desecutoriis id medicamentis, tum detergemus, tum laceßimus, quo remittat deponatque superflua, & cetera. Per quæ verba Galenus satis clarè docet, quòd à liene ad renes nulla pateat via, per quam purgari possit, sed magis ab ipso liene ad intestina, ac ea de causa per clysteres & medicamenta aluum purgantia, Lien curatur, vnde Martinum Achachiam, & Andream Lacunam Secobiensem, ac plures alios viros doctissimos

Etissimos in hac re hallucinatos iudicamus, ij enim
 libr. 2. de arte Curandi ad Glauconem capite 2.
 lienem cū renibus per meatus vrinarios purgan-
 dum esse, literis mandarunt, quod quantū errent,
 & à Galeni mente deuient, paucis indicemus,
 Achachia nanque qui Galenum citato libro
 vertit, & commentariis illustriorem reddit, ita
 citato loco habet, quod verò in gibbis iecoris per
 vrinās, simis verò partibus per alui excrementa
 ducere oporteat, visceris ipsius situs indicat, quid-
 que thoracem ac pulmonem tussi repurgare con-
 ueniat, ventrem ac stomachum vomitu, intera-
 nea alui deiectione, quēadmodum lienem quoque
 & renes per vrinās, hactenus Galeni per Acha-
 chiam versio, qui lienem vnā cum renibus per
 vrinās purgari debere, ait. Andreas Lacuna, vir
 doctus, in suo breuiloquo Galeno, ita quoque ha-
 bet, ventriculum, & stomachum expurgabis per
 vomitum, intestina per deiectiones, quēadmodum
 per vrinās & splenem, & renes. Hac Lacuna
 ex Galeno, quæ perinde sunt ac ab Achachia
 tradita, sed quanta inaduertētia, vel ex citato
 à nobis Galeni loco, lib. 13. methodi medendi, satis
 clarum euadit, & eo magis si cum Lacuna locum
 legerimus, vt in suo breuiloquo Galeno legitur,
 sic, lieni sanè, per renes nulla administrari potest
 vacuatio, sed tantummodo per intestina, & ca-
 tera, iis enim verbis luce meridiana clarius cla-
 ret, lienem per intestina repurgari debere, non
 verò

verò per vrinas. Caterùm, vnde docti viri ij. errorem traxerint, paucis aperiàm. Leonicens, Vir cui mortales multum debent, vt qui ex densissimis tenebris artem medicam in lucem reuocauerit, ita elegantissimè primò locum hunc Galeni interpretatus est, & quidem laborantibus gibbis epatis partibus, quod per vrinam trahere oporteat, concauis autem per excretionem inferiorem situs ipse visceris indicat, atque etiam thoracem & pulmonem per tusses expurgare, ventriculum autem & stomachum per vomitus, intestina autem per inferiores excretiones, quemadmodum & splenem, & renes per vrinas. Hactenus Galenus, interpretare Leonicens, quibus in verbis, prima facie videtur asserere, splenem veluti renes per vrinas repurgandos esse, sed mea sententia, longe aliter Galenus sentit, & Leonicens interpretatur, quoniam sic hoc loco Galenus legendus venit, intestina autem per inferiores excretiones, quemadmodum & splenem, vt finis sententia & punctus hic sit, & postea sequatur, & renes per vrinas. At, cum viri ij. hac minus aduerterent, in errorem lapsi sunt, parùm alioquin Græcanicum exemplar curantes. Receptui igitur canentes, dicamus, Lien per intestina purgari debet, non verò per vias vrinae.

Curatio quadragesima, in qua agitur
de muliebri fluore, à multa pituita
ta ve

*ta veniente, cui febris pituitosa
continuò complicata erat, à ven-
triculi, veluti & ipsius uteri fri-
gida intemperie, ortum trahente.*

VXor Natalis proculei, patritij, Ragu-
sini, uteri fluore pituitoso, febris pitui-
tosæ continuæ complicato, iam diu est la-
borat, est autem mulier hæc frigida &
humida temperaturæ, uterum frigidum,
veluti ventriculum & cor habens, obesa
autem mulier hæc est, coloris albi, annos
nata, viginti quinque, quæ arterias & ve-
nas paruas, nec adeò pulsantes habet, vn-
de cor frigidum esse arguitur, uterum quoque
frigidum eam habere, vel ex hoc indicatur,
quia in coitu, parum (vt maritus ait) dele-
ctatur, & pudenda paucissimis, pilis illi de-
corentur, sed stomachus, siue ventriculus
quoque frigidus est, multa redundans hu-
miditate, quam & ipsa persentire aiebat,
qua de re, nec cibaria retinet, nec ea rectè
concoquit, vnde ventriculum intemperie
frigida materiali, malè affectum, fontem
& originem huius morbi esse dicendum
reor, viget nanque pituita in hac muliere,
natura pituitosa, hyeme vigete, vnde mi-
randum non est, si ab hac pituita fluor hic
ortum traxerit, id quod ex excubitibus mu-
tatis

tatis clarius & euidentius percipitur. Nam sanguis exiens ut ex intinctis sudariolis, saltem exiccat, percipiebamus, coloris albi est, imò sanguis ipse pituitam viscidam & lētam, præsefert, veluti urina subalbida & aquosa, quando clara & à sanguine inamunis apparebat. Cæterum, cum ventriculus frigida intemperie laboraret, & refertus multa esset pituita, ingesta non rectè concoquebat, nec iecur exactè ea alterabat, nec in sanguinem vertebat bonum, vnde natura eum tanquam inutilem ad cotyledones remittebat, qui eorum oscula suo pōdere & mala fortè qualitate aperiebat, & consequens in uteri cavitatem cadebat, & inde foras veniebat, quo assiduo fluxu, venæ ipsæ ad uterum terminatæ cotyledones dictæ, veluti & ipse uterus, in dies imbecilliores & frigidiores euadebant, vnde non tantū ventriculi intemperie, sed membrorum iniuria fluor hic perseverabat, quem cum multa pituita (ut dixi) crassa & viscida comitaretur, non mirum est obstructions inde oriri, & tandem ex ea putrefactiones, ex quibus febris pituitosa, lenta, & mitis confurgit, quæ fluorem comitatur. Solent namque morbum hunc sæuū comitari ciborum inappetētia, & eorum incōcoctio,

& ic

& iecinoris imbecillitas, vnde chachexia, totius corporis malus habitus, dictus morbus pullulat, palpebrarum tumescētia, ac pedum lenis quædam inflatio, & consequens hydrops, ad obitum certa via, ex quibus symptomatis, & malis affectionibus, nullam hucusque euidenter nobilis hæc mulier incurrit, quanquam morbi huius agatur tempus sexaginta dierum. Pro hac igitur curanda nobili muliere, sic agendum decreuimus more Galenico è libro de præcognitione, in Curatione vxoris Boëtij consularis Romani, quam ipse Galenus ex simili morbo rebus incidentibus & aperientibus, curauit. Proinde tentatis iam per medicum alium variis remediis, nos primò per vomitum euacuationem moliri cœpimus, à qua non adeo frustrati sumus, ac postea decoctum hoc sic parauimus. R. Capillorum veneris, hyssopi, menthæ, melissæ, an. pugillum vnum, asari, pugillum medium, radicis petroselinii, vnciam mediam, seminis anisorum, drachmam vnā, in libris duabus aquæ fiat decoctio ad consumptionem tertiæ partis, & coletur. R. Prædicti decocti, vncias quatuor, mellis rosati colatitij vnciam vnā, oximellitidis vnciam mediam: misce, fiat syrupus, quem in aurora ieiuno
stomac

stomacho, bibat, in cuius potu diu perseveravit, quia eo rectè se habebat. Cæterum, singulis diebus, singulos clysteres ei iniiciendos curabamus, & ad ventriculum ceratum hoc admouimus.

R. Ladani optimi & puri vnciam mediam, menthæ siccæ, cinnamomi, gariophyllorum, galangæ parvæ ana drachmas duas, rosarum pugill. medium, malobatri dicti folij, quod ex India verum & germanum habemus, drachm. mediam, spicæ indicæ, scrupulos duos, resinæ, terebinthinæ, ceræ ana parum: ad ignem misce, & fac ceratum, quod in panno cocco infecto ad scuti figuram redactò extende, & ventriculo admoue: non minus aliud similè sub umbilico impositum est, veluti alterum ad renum regionem, non tamen ex ita calidis medicamentis compositum. Iis enim ita cœpit valere mulier hæc, ut intra viginti dies ex toto fluor cohibitus fuerit, & ipsa à febre immunis evaserit, & pancreaticè habuerit, cibo huic contusum ex pullo erat, superingestis duobus, vel tribus bolis carnis pulli, & desuper bibebat, bibebat autem aquam decoctionis gariophyllorum, pauca miua cidoneorum adiecta. At, postquam rectè valere cœpit, rotulum vnum vel alterū diarhodonis ieiuno sto-

A

macho, quandoque interdum gustabat, sed tunc vinum illi rubrum pauciferum & optimum concessimus. animaduertant igitur medici, qui omnes huiusmodi fluxus, medicamentis frigidis & stypticis, tam ebibitis quam extra applicitis, curare contendunt, nobiscum autem erat in hac curatione Iacobus Bononiensis medicus doctus, qui difficulter nobis in propinatione illius citati decocti assentitus est. Ceterum, cum rem ad votum succedere videret, acquieuit, sunt enim, ut videtis omnia decoctum componenda calida & aperientia, quo artificio olim me quoque curasse adolescentulam quandam Anconitanam, memini, ut duodecima Curatione, quartæ Centuriæ legitur.

Curatio quadragesima prima, in qua agitur, de remedio singulari, contra podagræ ingentes dolores.

Qui podagræ ingentes dolores patitur, capram intra cubiculum suum apportare, ac ex ea lac supra membrum dolens, & malè affectum emungere curabat, quo, dolores diminui & meliusculè se habere euidenter sentiebat, nec quidem
iniuria

iniuria, nam lac sic recens emulctum dolores demulcet, & mitigat, ac remittit: est autem remediū hoc Turcarum Principibus commune & familiare satis, à te qui lucrum & honores quæris in pretio habendum.

Curatio quadragesima secunda, in qua citatur casus mirus de quodā nobili Gallo, imaginatricem corruptam habente, & eiusdem curatione faceta.

Iacobus homo Gallus, & Henrici Francorum Regis in orientali plaga procurator, Argentoni præterea illius qui Gallicam historiam sui tēporis præclarè scripsit, vt ille ait gentili, morbo patrio, hoc est, Gallico laborabat, pro quo abigendo, multa & varia remedia frustra expertus erat, in quem quum extremo hyemis Ragusij recideret, lecto se cōtinebat, nec tantum morbo sed curis etiam grauatus, in melancholiam morbum facilè incidit, delirabat autem, & insaniebat continuo, vnde in capite morbum & eius causam esse, ac, vt aiunt, per primogeniā affectionem, siue proprio affectu caput affici evidens desumitur argumentum, imaginatricem,

A 2

nanque facultatem corruptam habebat, salua tamē ratiocinatrice, nam abscessum siue apostema ad latus dextrum habere se continuò querebatur, medicumque qui illum curaret, & aperiret, magna promissa mercede, accersebat: ego cum ad eum venirem, hominē basilica valetudine inuenio, facie erat satis viuida, constabant pulsus, tauricè comedebat, bibebat gallicè, & profundè dormiebat, ab insania tamē nullo modo deduci poterat, clarāque voce ab ipso abscessu, putidos & mortiferos vapores ad nares sibi leuari inculcabat, quòdque magis ridiculū erat, sputum albissimum illud quidem, & satis spissum digitis ostentabat, eoque res deuenerat, vt testamentum conderet, quæque illi domi erant, vestem, aurum, equos, & preciosam supellectilem, vel inter ignotos, de manu diuideret, nec quicquam sibi præter lagenam reliquit, quàm non secus ac elegantem puellam cōtinuò amplexabatur, vino sanè generoso plenā. ad hunc itaque hominem sanādum accitus, primum hæc paro. R. Rubi viticosi, zarzæ parrilliæ dictæ, quam hederā spinosam esse olim patrefecimus, vncias duas, conteratur, & infundatur per noctem in libris quatuor aquæ, & duabus vini albi, & boni, cui adde, hellebo

hellebore nigri præparati, præparatū dico, interea dū est viridis, ex eo est cor exemptum, drach. tres, senæ, vnciam mediam, polipodij quercini recentis & cōtusi, pascarum de corinthio, ana vnciam vnam, epithymi, pugillum medium, terantur, & scindantur, & in panno lineo ligentur, & suspendatur in olla, coctionis tempore, ad consumptionem tertiæ partis, & coletur, ex quo decocto, in aurora ieiuno stomacho bibat vncias decem calidas, & antè coenam totidem, quo bis & ter in die egerat. Cæterum, ex eadem cocta radice, linteo ex contentis abiecto, secunda apparabatur aqua, ad medias cocta, quæ pro diluendo vino, & interdiu bibendo, deferuiebat, vel melius, ex alia noua radice, aqua pro vino diluendo parabatur, cū vbiq̃ radix hæc, crescat, & vigeat: restabat, abigenda corrupta illa imaginatrix de infixo ad latus dextrum abscessu, siue apostemate, pro qua profliganda, in mentem veniunt doctorum & sapientum medicorum historia, qui etiam insanientes imaginatricem corruptam habentes, vario modo curarūt, liberarūtque: nam, Alexander Trallianus, vir medicus insignis, & post eum alij varij iuniores, multa dicunt: historiam tamen texunt hanc:

A ;

Curabat medicus ægrotum, cui ob infaniã serpentem se in corpore habere, persuasissimum erat, nec ab ea opinione deduci poterat, prouidus itaq; medicus serpentem in lasanum poni curat, vbi verò ægrotus alui onus deposuisset, ille quasi excrementa inspecturus alta voce clamat, serpentem ab ægrotante per inferiores partes eiectum, magnoq; iudicio virum prædicat, qui opinione sua falsus non erat, habebat etiam medicus nonnullos assistentes, qui partem fabulæ peragerent, & quasi in admirationem ducti, tum demum conualuisse ægrotantē dicerent, illiq; magno applausu, vultu verbisq;, restitutam valetudinem gratularentur. Quid multis? credit ægrotus, & ita ab ea infania liberatus est. feruntur & alię istiusmodi fabellę, nec insuaues, nec inutiles, quas enumerare supersedeo, ne lectori fastidium paria. nunc ad Gallum nostrum, versabatur vniuersa huius infania, (vt dixi,) circa abscessum lateri dextro infixum, cū tamen nullum haberet, pro qua leuanda ita illi assentiēs non rarò dirum abscessum habere, putidum, & fæculentum inculcabam, in quam sententiam ibant assistētes huius rei conscij, quos ego præmonueram, pro quo leuando emplastra, cataplasmata, vnguen-
ta,

ta, linimenta, illi loco affecto apponi hac non nisi habita præfatiūcula, curabamus, rudis, & crudus abscessus hic est, quem cum primum ad suppurationem traxerimus, cum postea candente ferramento aperiemus, assentiebatur ægrotus ipse, sed quasi in desperationem veniebat, quod non illico apostema aperiebamus, sed ad triduum opus differebamus, tandem conuocatis medicis, & chirurgis, & variis aliis domesticis huius rei consciis, octauo die mensis Martij 1557. lateris dextri falsum apostema aperire, magno ipsius ægrotantis applausu, proposuimus, pro quo conficiundo opere chirurgus candente ferramento locum dextrum superficie tenus exussit, ac vice puris fluentis, ex scutula liquorem ex lacte & gallinæ sanguine compositum, super resperfit, quem ægroto postea quasi ex abscessu fluxum indicarunt, vnde ille saniei admiratus, se sanum clamauit, simulabat autem chirurgus in dies bis & ter eum curare abscessu magnam puris & saniei quantitatem demere, ex cuius fluxu ægrotus ipse mirum in modum lætabatur, vt qui tantæ saniei extractione, se sanum breui euasurum credebat, id quod ita euenisse, postea vniuersa Ragusia seruauit, fuisse au-

tem nobiscum, ac in nostrum hoc curandi artificium descenderunt Iacobus Bononien-
sis medicus doctus, & duo dexterrimi chi-
rurgici, Baptista Vanuccius Florentinus,
& Paulus Celetanus Neapolitanus.

*Curatio quadragesimatertia, in qua
agitur, de morbo Gallico.*

THamar Turca mercator ex Pergamo
olim opulentissima ciuitate, & Gale-
ni magni illius patria, nunc verò paruo
vico, oriundus, Venetiis morbo gallico in-
fectus est, vbi à doctis medicis curatus re-
ctè habuit. Cæterum, cum nauim vigente
hyeme conscenderet, vt in patriam se re-
ciperet, Ragusium venit, vbi deterius ab
eodem morbo habuit, quàm vnquam ha-
buerat, membrorum articulos & iuncturas
dolebat, sub mento ad collum duritiem pa-
tiebatur, & intra os vlcuscula sordida quæ
ad labra peruenerant habebat, cum qui-
bus, caput dolebat, & vigil noctes transi-
gebat, adhæc, scabiosus erat, sicca scabie
quadam & prurigine vniuersum corpus
præhendente, & ad pernarum creas dolo-
res ingentes sentiebat, pro quo curando,
quidam accersitus medicus ad triginta dies
eum peiori quo prius statu reliquit, qui
quum

quum satis purgatus per illum esset, vt qui singulis diebus singula pharmaca purgatoria illi daret, decoctum guayaci ebibendum illi tradidimus, pauculo hordeo illi adiuncto, præfixa optima ratione victus, semigallinam nanque in prandio accipiebat, aliquando assam, quandoque verò, secundo decocto clixam in cœna, prætereà, passam corinthiacā, & amygdalas albas, ac nauticum panem secūdo ligni decocto imbutum comedebat. Cæterum, durities sub mento habita, assiduo lotu primi decocti euauit, vlcuscula verò intra os ad labra apparentia tanquam aphtas putidas curauimus, decocto scilicet rerum exiccantium, adiecto alumine rochæ vsto, & melle rosaceo colatitio, vt verò pernarum dolores leuaremus, vnguentū parauimus concinnatum, ex vnguento althææ & Agrippini, adiecto lithargirio, & pauculo argento viuo, ac exiguo oleo seminis lini, cum pauca cera, mistis, porrò, siccam scabiem cum ingenti pruritu, ita faciliè extirpauimus. R. Herbæ fumi terræ, rumicis, maluarum, radices althææ, camæmelæ, rosarum, ana pugillum vnum, senæ, vnciam mediā, furfurum ligatorum in linteo, pugillum medium, excipiantur libris quinque aquæ, & fiat decoctio ad medias, quo de-

A 5

cocto scabiem optimè laua, ac postea lin-
teo absterge, & linimento sequenti illine.

R. Quorum vitellos duos, olei rosacei,
vnciam vnam, olei abiegni, vnciam me-
diam, succi extracti ex duobus limonibus,
vel eius vice succi acetosæ, vnciam vnam,
cerusæ, vnciam vnam, radicis enulæ cam-
panæ, vnciam vnam, & alterius mediani,
in mortario lapideo, tere, misce, & fac li-
nimentum, quibus remediis, intra viginti
dies sanus Turca hic euasit.

*Curatio quadragesima quarta, in qua
agitur, de melancholia morbo, pen-
dente ab hypochondrijs.*

Nicouaus Gozius, ex nobili Ragusæo-
rum prosapia, annos natus viginti,
temperatura biliosus, faciem semper ad-
modum rubricantem habens, ventrem ve-
rò ita durū & malè respondentem, vt non
nisi singulis octo vel decem diebus, semel
pauca, pilularum caprarum modo, egerat,
ad hæc, semper ferè hominum conuersa-
tiones fugiat, nunc mente non constat, &
quâdoque febricitat, & ad hypochondria,
flatuositates & rugitus persentit. Nam plu-
res ructus, & per inferiora ventum multū
remittit, pendet autem morbus hic à me-
lancho

melancholia naturali multa, hypochondria,
 siue præcordia dicta occupante, id quod
 circa ea loca, affectionem esse, spiritus ad
 caput ascendens, quem ægrotus ipse pri-
 mò sentiebat indicat, non minus eructa-
 tio, & à cibo vomitus, hoc attestantur pro
 qua leuāda mala affectione, sic orsus sum,
 primò in mentem reuocando, quod per-
 pauci sunt medici, qui sanguinis missio-
 nem pro hoc curando, admittant. Auicen-
 na tamen eam vtcunque permittit. Cate-
 rùm, si ea in hoc morbo, & quouis melan-
 cholico alio, committenda est, Hippocra-
 tis iudicio ex inferioribus potius corpo-
 ris partibus celebranda est, magis quàm
 ex superioribus, cui & ratio suffragatur,
 inferiùs dicenda. Nam Hippocrates, libro
 aphor. sexto, aphor. 21. inquit, in insani-
 entibus si varices, vel hæmorrhoides super-
 uenerint, insanix solutio, sunt nanq; cor-
 poris infimæ hæ partes aptæ, vt per eas
 melancholicus humor grauis & ponde-
 rosus vacuetur, subsidet nanque inter hu-
 mores, vt fax in vino, aut amurca in oleo,
 id quod libro quarto eiusdem voluminis
 seipsum exponit, aphorism. nono, dicens,
 melancholicos plenius inferiores, scilicet
 purgare, quam sententiam, iterum eodem
 sexto libro citato, aphorif. vndecimo re-
 petit,

petit, cūm dicat, atra bile vexatis, & re-
num passionibus, hæmorrhoides superue-
nientes, bonum, grauitat nanque, melan-
cholicus succus, ac ea de causa, ima petit,
veluti bilis superiora, vnde flaua per supe-
riores partes, vacuanda venit, atra verò,
per inferiores, qua sententia, nos præmu-
niti, venis hæmorrhoidalibus huius hiru-
dines tres affigi curauimus, fugientes ea-
rum apertionem cūm phlebotomo, quas,
cūm primum tumesceri cœperunt, chirur-
gus forcipibus per medium præscindit, æ-
grotum sub perforata lasani sella trahēs,
vt ab eo sic sedēte, supposita calente aqua,
exactē hirudines sugerent, sanguinisque
tantum extraherent, super scutulam ad id
concinnam, quantum à nobis chirurgo
commendatū erat. Cæterū, ita hæc con-
tulit vacuatio, vt illico omnes assistentes
eū resipiscere dicerent, sequenti die, hunc
illi obtulimus syrupum. R. Herbæ fumi-
terre, borraginis, buglosi vulgaris, ana pu-
gillum vnum summitatū thamarisci, sco-
lopendrij, cuscutæ, ana pugillum vnum,
pomorum appianorum, vel camusiorum,
numero sex, thimi, epithimi, seminis ani-
forum, fœniculi, ana drachmas duas, flo-
rum borraginis, buglosi, arantiorum, ana
pugillum medium, polipodij quercini re-
centis

mentis, lenæ ana vnciam mediā, passarum
le corinthio, vncias duas. comē absinthij,
parum, dulcorat enim absinthium atram
bilem, vt meminit Galenus, & nos iis in
Centuriis, chartis mandauimus, omnia
igitur hæc libris quinque aquæ fontis ex-
cipiantur, & ad ignem bulliant, ad cōsum-
ptionem tertiæ partis, & colentur.

R. Prædicti decocti, vncias quinque,
syrupi de pomis, fumiterræ, borraginis,
ana vnciam mediam, misce, fac syrupum,
& da ieiuno stomacho, & in dies bibat.
prætereà, intereà dum syropos bibebat,
soliciti admodum eramus de ani respon-
dentia, quia, vt dixi, perstrictā admodum
habebat, & inobedientem, nec huius rei
tantum solliciti eramus, sed frictionum,
retractionū, & similium rerum, quæ mul-
tum huic morbo conferre nouistis, exple-
to verò decocto, pharmacum hoc ebibit.

R. Electuarij lenitiui, floris cassiæ no-
uiter extracti, ana drachmas tres, electua-
rij Indi, amec, diaphiniconis ana drach-
mam vnam, prædicti decocti quantum sa-
tis sit, misce fiat potus, & vncia vna syripi
de epithymo dulcoretur, detur in aurora
ieiuno stomacho, & deinde dormiat, hoc
verò pharmaco, ea quæ purganda erant
exquisitè purgata sunt, tunc verò prædi-
ctum

ctum decoctum iteratum, sic syrnpus descripsimus. R. Prædicti decocti adiecto anetho, & floribus violarum, vncias quinque, syrupi de pomis compositi, de fumo terræ maioris, de violis, ana vnciam mediam: misce, fiat syrupus, quem ieiuno stomacho, hora qua syrupi ebibi solēt, bibat, & desuper dormiat, iis verò diebus præcordia hoc fomento fouebantur, quod habet. R. Absinthij, anethi, camæmelæ, meliloti, violarum, ana pugillum vnum, fumiterræ, senæ, ana pugillum vnum, & medium, seminis anisorum, fœniculi, carui, cumini, ana drach. tres, libris decem aquæ, & duabus vini, fiat decoctio ad consumptionem tertię partis, & fiat fomentum: ex quo imbutæ spongiæ nouæ, aut filtrum, præcordiis admovebantur, quibus remediis melius habebat: tunc verò iterum catapotiiis indis, & fumiterræ purgatus, rectius sensit: tãdem gustatis electuariis lætificantibus, quorum patet sylua, non nisi mistis condito saccharo ex floribus arantiorum, superbibita aqua melissæ, & ex dictis arantiorum floribus rectè habuit: nec opus fuit condescendere ad catapotia ex lapide cyaneo stellato dicto, vel armenia-co, composita, veluti ad hierã, in qua hel-leborus primatū obtinet, victus huic optimus

mus fuit, qualis melancholia laborantibus concedi solet: potus verò, decoctum cinnamomi erat: iis enim vt dixi, hic sanatus est: nec mirum, quum, vt nouistis, melancholia morbus, siue ab vniuerso corpore, siue ab hypochondriis, siue ab ipso capite originem trahat, illicò in eius initio facilem recipit curationem: secus autem quum inueterascit.

Curatio quadragesima quinta, in qua agitur, de quodam correpto febris continua, maligna, & malè morigerata, in qua per plures dies lotium nigerrimum apparuit, & postea conualuit.

Filius Draconis Ceruini, patritij Racusini, natus annos duodecim, temperatura biliosus, febrem oblongam, & ferè vigintiquinque dierum passus fuit, qui à Medico docto adiutus conualuit. Cæterum, post elapsos dies aliquot, in febrem cōtinuam, malignam, & malè morigeratam recidit: ad quam accitus ego, quarto die, cum continuò febriētem cum linguae ingenti ariditate, capitis magno dolore, & hypochondriorum non leui
tensio

tensione, à multo flatuoso spiritu pendente, inueni: sed tunc lotium nigrum turbatum satis meiebat, quod breui album, clarum, sedimine quodam rubricante, euadebat: nouistis autem ex hoc optimū desumendum præfagium, vt in Scolio ex Galeno legetis. At huius vires nō admodum constabant, & malè ad oblata se habebat, nō egerebat nisi alius esset irritata, & per interualla dormiebat: sed nonnunquam expergefactus, voce alta repentè conque- rebatur: sed causam interrogatus, se ignorare aiebat, exteriora huic non adeò calebant, interiora maximè, sæua, & crudelis febris hæc est, & ex earum genere, quas lipyrias appellat Galenus: frigent quippe exteriora, nimio æstu interioribus flagrantibus, pro qua leuāda extinguendāve, primò consultum fuit, vt decoctum sequens pararemus, ex buglossa, cicorea, endiuiā, floribus cordialibus, prunis, tamarindis, capillo veneris, & hordeo: cui postea colato, adiciebatur syrupus de acetositate limonum, ex quo ad lubitum bibebat, nō solum syrupi vice, in aurora, sed interdiu, & noctu: item, epithema refrigerās, cordi admouebatur, & sæpe iterabatur Sed pro præcordiorū tensione, ac flatuoso spiritu, exterminandis, dissoluendisque linimentum

tum vires dissoluendi cum quadam refrigeratione habens, parauimus: id autem est, ex succis vnguentum, sæpe iis Centuriis repetitum: item thorax in quo incendium, & ignis fornax vigere solet, fomento quoque fouebatur, eoque imbuta sponsa irrigabatur, refrigerabatúrve: sic autē incedentes ad aliquot dies perseuerauimus: in quorum prioribus, vt dixi, vrina atra & turbida, mingebatur: sed breui clara euadebat, indicium breui morbum à natura victum iri. Cæterum, sequentibus diebus, quum nigra meiebatur, sic nigra & turbida, multo atro, & rubicante sedimine apparente, perseuerabat: pessimum sanè indicium à nonnullis dicendum, quia febris cum symptomatis cæteris instabat: properabat autem morbi status: demum quum in dubio & agone eramus, & viriū robur non admodum constare videretur, contigit: quòd septimo die huius morbi, sol cum luna coiret: quo die mirum in modum de adolescente timuimus: tamen Dei optimi maximi gratia, puer praua-
luit: vnde de pueri vita spes nobis peram-
pla fuit: octauo die sequenti, pulsus pa-
rum meliores percipiebantur, & vrina
non ita atra erat, sed sedimen subnigrum
quodam cum rubore apparebat: tunc cly-

B

steribus, ut antea quoque, alius concitabatur, & recte respondebat, ex se excrementa biliosa mittendo: sed cum iis puer quasi mortuus prostratus iacebat, & si vocabatur, irritabatur: utcumque tamen illi inuito ouum sorbile, aut ex destillatitia aqua capi, per os, mater, & assistentes mulieres iniiciebant: imò meis monitis parum vini maluarici illi dederunt, quibus vires tanquam ex Plutonis famulatio reuocatae fuere: unde paulatim in dies melius habens, decimoquarto die recte comedebat, & bibebat: prorogatus tamen fuit morbus ad mensem integrum, in cuius fine basilicè habuit, & nunc viget, & valet, & firmata valetudine utitur.

S C O L I A.

Dignum consideratione in hoc morbo, lotium nigrum & turbidum venit: quod quarto, & quinto die nigrum & turbidum quum exibat, breui postea clarum & album, pendente nubecula reddebatur: sexto verò, & septimo, & octauo, nigrum & turbidum quum exibat, ita quoque perseuerabat, nec album, aut clarum, ut antea, fiebat: id quod tu natura victoria tribuas velim: nam primò nigrum & turbidum breui cum clarum euadebat, victoriam natura supra morbum,
citant

etiam attestatur, ut ex Galeno paulò inferius indicabimus: agebatur nanque tunc morbi initiū status: nam postea nigrum emictum lotium, in eadem nigrificatio perseverans, etiam multò maiore victoriam supra modum natura arguit: est autem crisis hac optima, ut ex Hippocrate libris Epidemiorum docti euadimus, & experientia ipsa ita esse quotidie indicat, & attestatur, ut Centuria prima harum curationum, & alibi adnotasse recordamur: sic autem Galenus, libro primo de Crisibus, ait: nam quum triplex sit urinarum turbidarum differentia: quia vel cum tales micula fuerint, paulò post resident, ut in nostro agroto videbantur, vel semper similes permanent, vel pura quidem minguntur: postea verò conturbantur, prava quidem ex dictis tertia: bona verò prima, media autem inter utranque: secunda, quoniam quæ statim quidem residet, parum aliquid inæquali turbulentia superesse, demonstrat: quæ verò semper manet similis, vigere adhuc eam quæ est in sanguine agitationem ostendit: quæ verò extra conturbatur, debet incipere concoqui: quare hac non sine ratione pessima est: etenim longiori tempore, & virtute forti indiget ad coctionem: sed quæ turbulenta mingitur, statimque subsidentiam optimam habet, morbum haud ita multò post concoquendum significat: atque idcirco melior: medio autem modo se habet reliqua, & tertia: ut enim quæ vigente fit conturbatione, quæ

tum malitia differt ab ea qua adhuc futurā perturbationem significat: tantum superat eam, qua iam quiescente obtinet. & cetera: qua omnia idē Galenus lib. quarto de Sanitate tuēda repetit: & nos breuitati consulentes, consultō praterimus.

Curatio quadragesimasexta, in qua agitur de tertiana & hœdina carne.

Simon Benefius, vir doctus, ex nobilibus Ragusæis, quum ē Byzantio, vbi Legatum ad Solimanum regem pro patria egerat, vrgente canicula, in patriam se reciperet, longitudine itineris defatigatus, in morbum incidit: à quo vtcunque leuatus, meliusculè habere cœpit: capitis tamen destillationes assiduò patiebatur, nec difficilis eius ægritudinis causa inuentu erat: habet enim egregius is vir ventericulum ob frigiditatem, imbecillum: caput verò perquam calidum & humidum: porrò autem iecur non valde calidum. Cæterum, huic quum inter deambulandū remedium peteret, optimam victus rationem proposuimus: nam cum ē capite destillatio pectus ingenti tussi offenderet, & cibaria in stomacho corrumperentur, & acida euaderent: salsedinem prætereà in ore semper se habere quereretur, orizam, simila g

similaginem, amyllum, lactucam, veruecinos pedes, & huiusmodi cibos materiam condensantes, & destillationes reprimentes, concedebamus: vnde eisdē ad aliquot dies vsus rectē habuit. Cæterum, paucis post diebus, in tertianam febrē lapsus est, ab exquisita non valde dissimilem. Cæterum, quinta periodo hic, vt decebat, tractatus, è tertiana liber auasit: sequenti verò die, pharmaco purgatus, multa excreuit, & hœdinam elixā in victu habuit, prout initio habere solitus erat, vinum illi in potu erat, cinnamomi decocto dilutū: ructus tamen acidus, ingratissimósque, & toleratu difficiles incurrebat: pestiferi enim fumi à quibus ructus ij oriuntur, circuniacentem cordis regionem infestabāt, adeoque miserè lancinabant, vt sibi thoracem fractum, aut venam diruptum iri, valde timeret, meamq; opem, consiliūque & diligentiam identidem exposceret. Ego primū in suspicionem veni, de hypochondriacha melāchia: præsertim enim acidus ructus, flatus, nausēamque sentiebat: vnde quoque membranis ipsius ventriculi infixam pituitā esse, verisimile erat: ergo primū ad motis hirudinibus, hæmorrhoidalibus venis, sanguinis vncias sex extraximus, stomachumq; atque hy-

pochondria diligēter fouimus, & epithema cordi admouimus, & syrupos atrā bilem respicientes, & pituitā, ebibendos dabamus, nec tamen quicquam proficiebamus: tamē ab hœdinæ esu ea symptomata prouenire posse, suspicari cœpi, nec mea me fefellit opinio: mirum enim & incredibile permultis videri poterit: mutata enim victus ratione, & vice hœdinæ, alitibus concessis, breuissimē amissam valetudinem recuperavit, acidósque illos ructus in totū amisit: nam & vini loco, cinnamomo decoctum bibebat: decet igitur Medicum prouidentem esse, & rerum omnium naturas dignoscere, ac manu tenere.

S C O L I A.

Non rarò mortalibus affectiones pessimas, ob hœdina & agnina carnis intempestiuū esum euenire certum est: agnina enim, vtpote temperatiora, & etate humida, non nisi calente iam aëre, comedi debet: qua plerunque herbarum nondum à sole illustratarum, quibus agni ipsi vescuntur maturam sapit: vnde viridis quidam succus, lentus, mucilaginosus corruptioni obnoxius, ex eadē in ventriculo & venis gigni solet: ex quo putredines, & corruptiones oriuntur, & per cōsequens febres, malignitatē præ se ferentes, pullulant, ut
Ancona

Ancona, & Pisauri, ubi eius frequens est usus, & alibi euenisse, non raro notavi: caueant igitur, qui sanitati sua consulere cupiunt, ne ante Aprilis Idus, similibus vescantur carnibus: id quod nō ignorantes Thurca Constantinopolitani, populū salutē consulentes, pro decreto habent, ne ante dimidiatum Apridem, similes agnorum carnes publicē in macellis venales habeant: quā omnia etiam ad hœdinas carnes referri possent, nō ignorātibz nobis, quōd hœdina caro passiua in qualitatibus temperiem quandam sortiatur: natura etenim hœdus siccitatem prae se fert: quā siccitas, humiditate atatiua, retunditur, & hebetatur: vnde temperies quadam in eo resultat, quā mediante hœdina caro mollicula, friabilis, & facilis concoctionis euadit: deprauatur tamen esu herbarum, quibus hœdi, veluti & agni aluntur: vnde facillimē corrumpitur, & pessimum adgenerat succum, & eō magis, si in ventriculo hœdina aliquid vitiosi succi offenderit, cui corruptioni magis resistit, si tostā comedatur, quā aqua cocta, & eō magis, si Auicenna fidē praestantes, frigidiuscula quā calida accipiatur: hœdinā enim frigidam, agninā verō calidam comedendā esse, ex Auicenna praecepto habemus: hic enim, ne quis me mendacij arguat, Fen tertia libri primi, doctrina secunda, capite illo aureo, septimo, in quo de regimine eius quod comeditur & bibitur, agit, tradit: hœdus praeterea quum fuerit frigidus, eris

melior: propterea quod eius quiescit vapor, & agnus quum est calidus, est melior: propterea quod ipsius malus odor resolvitur. Hac *Avicenna*, qui fortassis ab *Hippocrate* ea desumpsit libro quarto de *Ratione victus*, in morbis acutis, quum de caprinis loquitur carnibus: aduertant igitur *Medici*, qui hœdinam carnem, agrotantibus pro selecto & optimo victu tribuere solent, & eo magis si fidem præstiterimus magno illi *Erasmo*, qui nec fallit nec fallitur & colloquiorum libro, ait, hœdinas carnes epilepsiam mouere, id quod decaprinis, aut hircinis, *medici* ingenuè fatentur: nam moxter agrotus, ob hœdinae carnis elixa esum, in eos dictos incidit acidus ructus, ex quibus flatuosus spiritus, circa regionem cordis delatus, exasperationes & lancinationes ita graues & saeuas inducebat, vt pectus illi dilaniatum, aut in eo venam aliquam disruptum iri, pro certissimo haberet, si modo iuuamen propitium breui non daremus, quod nos aduertentes, eius vice, gallinaeorum carnes edendas concessimus, nec amplius, quod mirum dixerim, ructus illos persensit, immò, ventriculus recte concoctiones obibat, & eo magis postquam vinum absinthite, in potu familiarare, meo monitu habuit, adeò vt nunc egregius & doctus vir hic, fausta & integra fruatur valetudine: ne tamen apparatus vini absinthites desideres, facile ita concinnatum fuit: ampullam vino albo & generoso plenam accipito, in quam, absinthij

absinthij ex biduo collecti comam manip. medium per horas duas immerges. ac postea super cineres calidos, ampullam calefieri finito, dein verò, vinũ colato, & agrotus eo vtatur, est sanè mirum.

Curatio quadragesima septima, in qua agitur de subluxato ad talum pede.

PAulus Gozius, Patritius Ragusæus, quum deambulando pedem supra lapillum poneret inaduertenter, cum ad talum contusit, & in maximũ dolorẽ incurrit, adeò vt vix domum pedibus suis rediret. Cæterum, locus ad talum inflatus est, & dolebat: chirurgici tamen opera & diligentia, meliùs habuit. porrò, elapsis multis diebus, cum liberè non ambularet, Medicos & chirurgos conuocat, vt causam inuestigent: vnde pedi tantũ malum euenit, illique remedium propitium inquirant: demum post multa huc & illuc adducta, cõclusum fuit, pedẽ in eo loco subluxatum esse, à qua subluxatione chirurgici diligẽtia, pes meliùs habuit. Cæterũ, cum ad locũ debilem illũ, & corporis infimam partẽ currant superfluitates: & eò magis, quia nulla vacuatio pro hac com-

B 5

plenda operatione exercita fuerat, factum est, vt particula hæc tumuerit: adhæc, chordæ, ligamēta, & nerui, & humiditate contractiones sint redditi, & omnia circa eam particulā duriuscula percipiuntur, & magis curta, vnde pedi impedimento sunt, pro qua abigenda mala affectione, & vt vir hic dextre pedibus ambulet, sic cōsultum fuit. primò, vt quiescat, ac per catapotia, eius vniuersum purgaretur corpus, quo factò, pes fomento irrigetur sequenti, & desuper emplastrū admoveatur, nouistis autē ex naturali scientia, tribus contigi modis, vel ob nimiam caliditatem resoluentem, & exiccātem, vel propter congelationem, vel ob nimiam repletionem, prima curatur humidis, secunda, caliditate, tertia, vacuatione, de qua nobis sermo est, euacuabitur igitur hæc resolutione, per fomentum hoc sic apparatus. R. Camæmelæ, meliloti, stœchados, anethi, rosarum, absinthij, seminis lini, fœnugræci, cumini, ana pugillū vnum, in libris sex aquæ, & duabus vini fiat decoctio sufficiens, & coletur, ex quo decocto imbuta sponsia noua, pes irrigabatur, cui postea exiccato, linteolo, emplastrū admovebatur sequens. R. Rerum prædictarum sic coctarum partem mediam, in mortario optimè

optimè triturentur, quibus adde, olei camæmelini, anethini, ana vnciâ vnam, pinguedinis anseris, vnciam vnâ, & mediam, salis vnciâ mediam: misce fiat emplastrum & bis calidum admoueto, quibus paucis, intra quatuor dies rectè habuit, nec amplius claudicauit.

*Curatio quadragesima octaua, in qua
agitur de marito, & uxore, morbo
Gallico infectis.*

FACIES vt totius corporis inscriptio est, ita latentes hominum morbos indicare solet, eorum præsertim qui morbo gallico vexantur, vt hisce diebus Ioanni Lucæ viro probo & patritio Ragusæo, contigisseprehendimus, is enim & si latentem morbum iam diu dissimulauerat, tamen iudice facie, eum correptum esse palàm fuit, medico præsertim docto, & rerum experienti, inest enim illi rubor cum quadam nigredine, quæ faciem, & nares deformat, ex quibus notis, cum hominem ita infectum videremus, uxorem quoque eius pari labe correptam, facile fuit iudicare, iuuenem me herclè egregiè moratam, & ea peste indignam. Porro, autem notæ quibus morbus in hac muliere deprehen

deprehenditur hæ sunt, scirrhusus tumor, in facie cum rubore, dolor etiam ad sinistram mamillā, eiusdem lateris, brachium & scapulam apprehendens, totius præterea corporis pallor & lassitudo, eos itaque curare aggressus, hoc vnū propono, supra modum enitantur vt vterque maximè immunis ab eo morbo euadat, si enim vno curato, alter nō ita probè valetudini restitutus esset, perinde esset ac si medicus fecisset nihil, cōtagioni enim locus relinquebatur, sed diuersa curandi ratio fuit, ille enim temperatura sanguineus cū esset, & in eo sanguis redundaret, sanguinis missione indigebat, quam primo exercere iussimus, ex communi in brachij curuatura vena, postquā, syruos humorem ad vacuationem parantes, septē, vel octo, ebibit, & inde catapotiis optimè purgatus guayaci decoctum paucō hordeo, alteratum ebibere cœpit, quo optimè sudabat, & venter illi respondebat, sed ecce vigesimo die, hic in febrim continuam ingenti cum capitis dolore labitur, quam per sex dies passus est, & paucis refrigerantibus, caliditatēque contemperantibus, rectè habuit, & in vniuersum sanus, adeo vt non amplius guayaci decoctipotū indiguerit. Cæterū, huius vxor, synarum radicis decoct

decoctū ebibit, quo viginti dierum tempore, sanata est, scirrhusus tamen faciei tumor, sequenti ordine extirpatus fuit: singulis nanque diebus, synarum decocto bis & ter eum lauabat, & desuper ceratum ponebat, quod ex diachilone gummato adiecto puluisculo marchasitæ, cōstabat, porrò victus vtrique communis erat. præter enim nauticum panem, in prandio parum carnis hædinæ tostæ, comedebant, in cœna verò, vuam passam corinthiacam, & dealbatas amygdalas tantum paucis nautico pane, accipiebant. hoc tamen te scire velim, quòd singulis octo diebus, iis debitis purgatoriis pharmacis, purgabatur, & clysteriis quoque eorum ventres, quoties opus erat, irritabantur, vit tamen guayatici, & non radicis synarum decoctum ebibit, quia radix sinarum, ad manus non erat, nec venalis reperiebatur.

Curatio quadragesimanona, in qua agitur, de puella mira quadā sanguinis reiectione laborāte, quæ & omnia quæ comedebat, vomebat.

EX Patritia Ragusaorū familia, puella filia Nicolai Sorgij, non multū postea quam

quàm mēses primò vidit, (est enim quindecim nata annos, tēperatura biliosa, habitu verò egregio) in sanguinis mirum scretum incidit, hæc enim, mirum dictu, diu duodecies serebat, qualibet autem hora semel, noctu nanque dormiebat, & si non dormiebat, etiam non serebat, vt mirum hoc videri debeat, serebat autem vt ex scutulis duodecim percipiebamus: pro vice parum, aliquādo sanguinem rubicūdu, sæpè verò aquosum, quem non tussi, aut difficili aliqua anxietudine, reiectabat, vnde mihi argumētum erat, quòd à faucibus sanguis exiret, vel à capite, in fauces descendens ita facilè reiectabatur, pro quo compescendo, reuulsionibus, retractionibus, deriuationibus omnigenis, vti sumus, imò medicamentis variis constringendi vires habentibus, quæ omnia parum vel nihil iuuerunt, nam præter sanguinis reiectionem, stomachus paucis post diebus, ita indignatus fuit, infixus ad eius fundum dolore, vt cum primum aliquid puella hæc in victu acciperet, illico, vel minimum illud esset, euomeret, ita enim expultrix ventriculi valida erat, re-
tentrice imbecilli reddita, vt vel cochleari contentum contusum ex pullo, per me illi concessum, vt rem experirer, illico stomachas

machus antea quàm illud minimum ad os ventriculi perueniret, reuomeret, sic autem ad tres mēses puella hæc peruenit, ad quam cū accederemus, & vt valeret quæreremus, continuo nobis sua Illirica lingua respondebat, onaco, id est, eodem tenore, duodecies autem tantū intra duodecim horas sanguinem screabat, semel autem in hora, & vt dixi, parum, nec enim pro hac iuuanda puella, clysteres etiam acres diuertendi potentiam habentes defuerunt, veluti cerata, emplastra, & cataplasmata. Cæterū, cum tam multa & varia essent applicita, à quibus nihil iuamenti consecuta esset, vniuersus noster conatus eo dirigebatur, circa stomachi malam affectionem pellendā, parum alioquin curantes de sanguinis reiectione, qua de re, in mentem venerunt Matthæi Gradij, & aliorū miræ, de vomitu difficili & pertinaci, historiæ, ex quo intestina deuoluta, altas partes ascendebant, vnde ceratum ex rebus calidis & stypticis, ad spinam indidimus, quod præcipuè, nonam, decimam, & vndecimam vertebra, contegebat, sub quibus stomachum iacere, à me iis in centuriis audistis, non minus alterum, eius ori ventriculi, applicabatur, & clysteribus acribus, diuersionem facientib

faciētibus, vtebamur, veluti medicamētis paulatim laxantibus. Hæc autem in victu cōtusum ex pullo incoctō calibeata aqua, quandoque verò panatela oriza tosta paratam, habebat, quibus semper pulvisculum constringendi, & roborandi vim habens miscebatur, vino verò abstinebat, & eius vice cinnamomi decoctum, quandoque calibeatam aquam, nonnunquam verò decoctum caryophyllorum, bibebat. Cæterum, post elapsos non paucos huius sæui morbi dies contigit, quod puella hæc melius habere cœperit, nam & deambulabat, & quæ comedebat, retinebat, & non vomebat. Nec sanguinem reiectabat, & si quid reiectabat illud parū vel nihil erat. Cæterum, cum nihil eueniat, vt dici solet, ab omni parte beatum, ecce, puella hæc in deglutiendi difficultatem omnimodā incidit, adeò vt inter cætera liquida, præter vinum nihil deglutiatur, problema non facile solutum, cur inter cætera liquida nam crassa etiam bene mansa, & triturrata, non deglutiebatur, vinum solum deglutiatur, nos post multa huc & illuc adducta, deglutiendi impedimenti, duas reperimus causas, in quarum enarratione, difficile hoc propositum problema diluimus, cur vinum tantum in transglutione puella hæc admit

admittat, aquam verò, & cætera liquida,
renomat. An quia pars alta stomachi,
quam æsophagum dicimus, meri Arabes
appellant, ob longum vomitum debilis
est reddita, & ipsius fibræ seu villi præci-
puè longi, ita nimia humiditate super eos
currente sunt redditi, vt deglutiendi mu-
nus debitum obire nequeant, quo fit, vi-
num quia natura sua calidum, & naturæ
amicum, eos villos quoque modo robo-
ret, vnde cum admittunt, & inde stomachi
fundum petit, aquam verò tãquam villos
malè afficientem, & eos relaxãtem, veluti
cætera liquida abhorret, & refutat, & hæc
est altera causarum impedimenti deglu-
tionis, altera verò sequens, ea est, quæ lo-
cum vnde sanguis fluebat, indicat, duri-
ties scilicet, ad æsophagum ipsum perce-
pta, quæ durities, aut carnis excretio erat,
aut verius, cicatrix osculum venæ vnde
sanguis profluebat, obducens, quæ & ipsa
villis impedimento est, vnde deglutionis
difficultas oritur, nec enim morbus hic,
ad caput verrucæ reducendus est, quæ
quandoque stomacho innascitur, vt Ara-
bum doctissimi quidam memoriæ com-
mendarunt. Fuit autem primo morbus hic,
vt exactè teneatis, osculi venæ ad æsopha-
gum apertura, vnde sanguis profluebat, in

C

cuius postea osculo, caro creuit, aut verius, cicatrix obducta fuit, vnde sanguis fluere desit, & durities in eo loco percipiebatur, etiam nobis digitos intromittentibus, ex qua duritie, etiam transglutino impediabatur, nonnihil tamen ingestorum cibariorum, etiam si ea euomebat, ad fundum ventriculi peruenire, credendum est, nam aliter, tanto tempore puella hæc non perduraret, quæ & hodie, agitur nuncque iam ferè annus, quo eodè modo puella laborat, si verò à nobis curationem spectas, qualem superadditæ carni, aut cicatrici, medici describunt, in promptu est, cum chirurgia morbus hic extirpetur, quæ de re, nos, machinatis forcipibus, pro abscindenda superaddita illa carne, cum aliter superuiuere puella hæc non poterat, non consentientibus parentibus, bona venia, discessimus, & reuera nihil nobis gratius euenire poterat, cum timor erat, si præcinderetur caro illa, ingens sanguinis aliquod profuuium superueniret, ac sic maluimus puellam hæc satis diuitem incuratâ, naturæ beneficio relinquere, quàm infamix onus subire, credimus tamè nos, puellâ hanc paulatim conualeturam, quia venæ obducta cicatrix, assiduo esu & potu, in dies subtilior euadet, vnde ipse melius

lius deglutiet, vt iam hodie experiri incipit.

S C O L I A.

Qui artis medica ardua cacumina conscendunt, facile iudicare possunt, casum hunc rarum suentem esse. Quis enim vnquam vidit, aut literis mandauit, sanguinem tam longo tempore, tanto ordine, & tam seruata periodo, per os reiectari, intra nãque duodecim diei horas, duodecies puella hac, screabat, semel in hora, cruentum, & parum, vt ex duodecim scutulis, in quibus monitis nostris screabat, percipiebamus, noctu verò nihil screabat, etiam si vigilem totam noctem ageret, an verò sanguis menstruus, qui eo tẽpore deficiebat, partem altam obrepebat, & per venam paruam & exilem illam stomachi alta parti complantatam, exiret, in dubium verti posset, vos verò, qui rerum naturalium causas percurritis, cõsideratẽ, hoc vnum ego hic testatum relinquo, non minus difficilem huius morbi cognitionem esse, quàm illam Euboici Euripi ab Aristotele, sicut nonnulli prodidere, frustra inuestigatam, nec tamen inuentam, cognitãrẽ.

Curatio quinquagesima, in qua agitur, de muliere abortiente certo gestationis tempore, de quẽ eius curatione.

Mulier quæ vtero gerebat , tertio gestationis mense, semper abortiebat, vnde tristis & mœsta euadebat , abortiebat autem nulla comparente causa, vnde in mentem mihi subita aurea illa nūquam satis laudandi senis, quinti libri apho. sententia, quæcunque mediocriter corpora habentes abortiunt , secundo aut tertio mense, sine occasione manifesta his cotyledones, siue acetabula vteri, plena mucoris sunt, & non possunt ex pondere foetum cōtinere, sed disrumpuntur, proinde purgata muliere hac, eius primo præparato corpore, & illi non paucō postea concessō scillino oximellite, cuius officium est, calefacere, attenuare, scindere, aperire, & mucores ac pūtrilagines extirpare, & iterum ac iterum ex hieris agaricum continentibus, repurgata, ad hoc aliud deuenimus, singulis nanque diebus ieiuno stomacho, cōditum ex floribus roris marini, & stœchadis melle cōcinnatum, pondere vnius vnciæ comedebat, & noctu cū ibat dormitum, rotulum vnum vel alterū aromatici rosati, gustabat, & interea hæc apparabantur, suffumigium vestibis circumsepta ad vterum ascendens ex cinnamomo, agallocho, benzuino, compositum sellæ perforatæ insidens, recipiebat, à quo
pessus

Pessus ex opobalsamo concinnatus, quod ex Peru regione nouiter inuenta aduehitur, indebatur, cuius etiam portiunculam quandoque ieiuno stomacho, meis monitis bibebat, de quo opobalsamo, si rectè teneo in meo dixi Dioscoride, miras autem opobalsamum hoc habere facultates, eius potens sapor, ac gratiofus odor, satis attestantur, est autem opobalsamum hoc, ut noscas, liquor ex piceis quibusdam arboribus destillans, oleum præ se ferens crassum, coloris subnigri aliquali cū rufedine, quem si manibus tractes viscidum esse deprehendes, odore verò styracem liquidum moscho confusum dices. At sapore, primum butyrosam linguam relinquit, sed cum in fauces descendit, eas vellicat, immersus aqua, ima petit, supra natante oleaginosa quadam portiuncula, ex iis enim iam doctus euades liquorē hunc, quem è Peru balsamum dicimus, ita enim qui eum ex insulis nouis adferunt appellant, longè à hiericontis balsamo, vel eo quod nunc, non procul à Memphi nascitur, & Solimani Turcarum Imperatoris dominio subiacet, differre suaderem tamen hoc ex Peru aduecto balsamo, pharmacopolæ ad omnia utatur, ad quæ menphiticum, aut hiericontium desiderant,

C ;

unde in theriaces compositione hoc sa-
 tius vtemur, quàm artificiali quocunque
 alio, plura verò de eo, ex nostro pete Dio-
 scoride. Nos verò ad mulierē de qua agi-
 mus reuertamur, cui vt votum assequere-
 tur, ad imum ventrem veluti ad lumbos,
 λαιώνας Græci appellant, ceratum cocco
 panno prætextum apponi curauimus,
 quod ita habet, & in hoc primatum obti-
 net, gummi arabici, dragacanti, torrefa-
 ctorum, ana vnciā mediam, corali rubei,
 albi, ossium dattilorum eōbustorum, hip-
 pochistidos, singulorum drach.vnam, &
 alterius mediā, balaustiorum, scorix ferri
 præparatæ, mumix, sanguinis draconis,
 boli armenix, terræ sigillatæ, mastichis,
 sandarachæ arabum, antheræ, spodij ara-
 bum, singulorum drach.duas, acariæ, gal-
 larum contusarum, pomorū cupressi, myr-
 rillorum, corticū thuris, licij, singulorum
 vnciam mediam, bdelij torrefacti, styra-
 cis calamitæ, trochiscorum de succino si-
 ne opio, de terra sigillata, de spodio, singu-
 lorum drachmam vnam, fuliginis cami-
 ni, plumbi vsti, singulorum scrupulum
 vñ, picis colophonix, glutinis piscium,
 singulorum vnciam vnam, resinæ, quan-
 tum sufficit: misce, & gluten piscis opti-
 mē primò teratur, & aceto exactè mace-
 retur

retur, & fiat ceratum, quod prætextensum
coccineo panno, imò ventri hypogastrio
dicto, veluti inferiori lumborum parti,
admouebatur, & ita cæteris cum remediis
contulit, vt mulier hæc optatum finē con-
secuta fuerit: nam vtero postea gessit, &
maturum foetum in lucem ædixit.

S E H O L I A.

*Cerata illa, locis prædictis admoenda sunt,
quoniã, vt nostis, vterus siue matrix, inter collum
vesicæ urinariæ, & intestinam rectum, sedet, &
illis, vinctis tenuibus quibusdam fibrosis, adalli-
gatur, veluti & sacro osi, ansulis quibusdam ner-
uosis, & musculosis, ad nexum currentibus: nam
ex lumbi vertebra quoque matrix ipsa pendet
eam quasi manutinentibus similibus ansulis.*

*Curatio quinquagesima prima, in qua
agitur, de inuando difficili partu.*

A Loisia, Dalmatæ Nauarchi vxor, opti-
mi habitus adolescens, nono mense
foetationis, difficulter pariebat, & post bi-
dium ita cruciabatur, vexabatur, & anxia-
batur, vt propè obitū esse, assistētes omnes
mulieres crederēt, ad quā acciti nos, post
omnes defatigatas obstetrices, solliciti

admodum vt illi opem ferremus, fuimus,
& primo hoc illi cibendum tradidimus.

R. Croci, drach. vnā, cinnamomi drac.
vnā & alterius mediam, succini candidi
scrupulos duos, trochiscorum de myrrha,
drach. mediam, terantur singula, & ex eis
fiat subtilissimus puluis, cuius pro vice
drach. vino cretensi exceptam, bibebat, &
per interualla iusculum capi, vel ex eius
carnibus contusum paratum, vel ouum
sorbile, illi ad sustinendas vires, offereba-
tur, & postea per interualla, prædictus pul-
uis iterabatur, tertio verò die: quum iam
spes frustrata esset, prædicti pulueris drac.
mediæ, alteram chrisocolæ naturalis in
polinem redactæ adiunximus, & in potu
dedimus, & ad inferiora, fomenta varia
parauimus, ex sauina, pulegio, origano,
calamintha, seu nepitha, iride, dictamo,
artemisia, & similibus, ex quibus & suffu-
migia instruebantur: sed naribus stertu-
tamenta citantia ex helleboro, castoreo,
piretro, pipere, condiso arabum, parata
admouimus, demum elapso tertio die: fœ-
tus mortuus in brachium foras exire cœ-
pit, apparuit autem brachium denigratū,
quod intus reducere impossibile fuit: pro-
inde abscisso brachio, & intromissis per
pudenda manibus, non vnguento, aut oleo,
vel

vel pingui aliquo, delibutis, sed siccis, & per collum arrepto foetu, in pugnum compressis manibus ipsis, dexter chirurgus foras eum extraxit, qui si non cederet, ad instrumentum chirurgicum quod praesens erat, vulgò speculum matricis dictum, deveniendum erat, ut vel integrum, vel dilaceratum corpusculum eximeretur. Ceterum, cum corpusculum extra emissum difficulter fuerit, ita quoque secundarumeductio difficilis venit, uteri autem fundo hærebant, pro quibus extrahendis, intromissa sinistra manu, amygdalino oleo illita, ac apprehensa secunda ipsa, chirurgus eam placidè ad obliquum deducebat, rectam & ex directo attractionem fugiens, ne uterus ea attractione procederet, labereturve: tandem Dei, Opt. Max. auxilio, eam in totum deduxit, & mulier euasit, non sine ingenti sui corporis iactura. Hæc sciens Pyrrha, Deucalionis vxor, puellas exordio mundi, nudas maribus ostendit, ne postea cum hæc agerentur, ægrè ferrent: sic autem Iuuenalis:

Et maribus nudas ostendit Pyrrha puellas.

S C O L I A.

Ut naturalis & optimus partus fiat, decet foetus in caput directo exeat, brachijs super extensis

C 5

ac ad femora porrectis: proinde si in brachiū, vel pedem, vel quamvis aliam figuram fœtus, prodierit, curabis tu sapiens medice, vt obstetrices omni ingenio, ac arte, in hanc naturalem figuram, hoc est, in caput, fœtum deducant, cauētes ne brachio, vel pede, fœtum trahant, sic enim magis eum in praternaturali figura firmabunt, vnde eorum membra luxabuntur, aut abrumpentur, & consequens partus difficilior euadet, sed hic sciatis velim, quod cū gemini in vtero habentur, quorum alter mortuus est, alter verò viuus, mortuus primo exitui occurrit, dein viuus in lucem prodit. Ceterū, quo modo gemini in vtero ex aduersa figura sedeant, & quo modo singulus singulis inuolucris, & membranis circumuoluatur, ad anatomicos libros, hodiernos, miris depictos figuris, recurrite, si modo vobis præsertim Hispanis, quibus piaculum est cadaver concidere, non contingat aliter experiri.

Curatio quinquagesima secūda, in qua agitur de febre pestilente.

LVca Bucchius, nobilis Ragusæus, temperatura sanguineus, inchoante Aprilis mense, in totum autumnali respondente tempore, vt docet Hippoc. libris epidemiorum cū dicat, cū folia ficus cornicis pedem imitantur, & cætera, febri lenta laborare cœpit, cum qua, etiam extra domum

mum ad aliquot dies prodiuit. Cæterum,
 cum domi se contineret, & ad eum medi-
 cus adiret, sanguinem illi extraxit, & phar-
 macum quo multum egeffit, propinauit,
 nunquam sitiuit, sed occipitis partis poste-
 rioris capitis primo dolere cœpit, qui do-
 lor cum semper comitatus est, lingua ari-
 da non apparebat, sed parum dormiebat,
 nunquam delirauit, sed rectè mente con-
 stabat, vndecimo die, ad eum vocatus, v-
 rinam eius nigram conspicio, sedimine
 quodam nigro crasso & lato, cui similem
 ad id vsque tempus nunquam minxerat,
 qua & pulsus debiles erant, quibus omni-
 bus deprehensis, febrem hanc ex genere
 pestilentum, & malè morigeratarum esse
 iudicaui, occupabat autem febris hæc cor-
 dis substantiam, vnde omnia rectè haberi
 videbantur, adeò vt ægrotus ipse nihil
 mali pati sæpè assistētibus inculcaret, tem-
 poris tamē successu, virtus naturalis quo-
 que malè affici cœpit, id quod vrina atte-
 stata est: proinde hunc breui moriturum
 non falso prædixi, & eo magis quia va-
 cuationes tam potentes præcesserant, ni-
 hil enim exitius est, aut hominē ad intē-
 ritū certiùs trahit, quàm ingēs & superflua
 in febribus malè morigeratis, purgatio, vt
 longa experiētia cōprobatum habemus,
 proin

proinde caueant medici huiuscemodi febribus malignis, & pestilētibus correptis, ne fortia propinent catartica medicamenta, cum eorū agitatione, calfactione, acredine, ac purgatione excessiua, certus consequatur obitus, vt docti omnes & experti norunt medici. Et nos iam sapē iis in centuriis inculcauimus: satiūs igitur esset opus hoc clysteribus, refrigerandi vim habentibus, complere, vel saltem cassiam ægyptiacam, aut mānam, aut huiuscemodi alia, non transcendere, benedicta dicta medicamēta, Referam bona fide, id quod olim Romæ euenit, vigente Paulo tertio, Pont. Max. Paulus & Ludouicus fratres Germani, eodem partu editi, cū fortē simul ægrotarent feбри maligna, & pestilente: Ludouicus, Francisci Nursini nobilis in vrbe medici opera vsus, pharmacū potens ex electuariis scamoneatis compositum hausit, à quo multa egestio, & breui mors subsequuta est, contra verò Paulo euenit, quem alij medici leuitra ex manna & rhabarbaro purgatum, inter dies paucos, pristinae valetudini restituerunt, non sine infamia senis illius capularis, quem vulgò, Ludouici interfectorem vocabant, veluti Gaurici Astrologi, qui, ex Astrologia Paulum moriturum prædixerat.

Curatio

Curatio quinquagesimatertia, de muliere sterili, quæ medicamentis præparata, post decem octo annos concepit, et puellam elegantem peperit, tandem mulier ipsa tabe confecta, intra biennium diem suum obiit.

EX nobili Ragusæorum profapia, puella satis diues, viro nobili Ragusæo nupsit, qui intra quadriennium orbis obiit. At mulier iuuenis paucis elapsis annis, Mario Machullio iuueni nobili, & egregio, iterum nupsit, ex quo, agebatur iam decimus octauus annus, post eius coniugium, prægnans nunquam enasit, cæterum, mulier hæc, cum prolem summo perè desideraret, quam nec à primo marito contraxerat, omni data diligetia obstetrices, verulas, Medicos, & omne genus hominum consuluit, vt præsentato remedio, ad conceptionem disponeretur: tandem post tam longum tempus, vt auditis, exhibitis multis medicamentis, ac applicitis variis aliis ceratis, & emplastris, ac admotis & introductis diuersis pessis, prægnans curavit, & nono mense puellam elegantem rectè peperit, quæ & hodie feliciter viuit. Cæterum, mulier hæc post partum malè
illicò

illico habere coepit, adeo vt ab eo die par-
tus, nunquam postea lecto discederet, sed
magis intra biennium tabe confecta, &
consumpta, ac marasmoide affecta, suum
diem obierit.

SCOLIA.

*Sua natura mulier hac sterilis erat, qua reme-
diorum beneficio concepit, & fructum in lucem
edidit maturum: sed non sine sui corporis iactura:
a parto enim tanquam marcescens stirps coicari
coepit, & in dies magis, vt intra biennium diem
suum obierit. Caterum, non est mirari, si remedio-
rum beneficio mulier hac conceperit: quando cered
scimus chimico artificio puerum conflatum esse,
& omnia sua membra perfecta contraxisse, ac
motu habuisse: qui cum a vase, ubi continebatur,
esset extractus moveri desit. Nouit hac accura-
tius Iulius Camillus, vir singulari doctrina, &
rerum occultarum & variarum hac nostra ata-
te magnus scrutator, & Heirusca sua lingua
scriptor diligentissimus & accuratissimus.*

*Curatio quinquagesimaquarta, de ve-
tula, cui intra triduum sanguinis
libra octo per nares effluxere.*

Mater Francisci Sorgij, nobilis Ragu-
sæi, annos nata vnum supra septua-
ginta

ginta, absque procatarctica causa aliqua, in sanguinis fluxum per nares insignem incidit, & ita insignem & copiosum, ac renitentem, vt intra tres dies cōtinuos eius octo libræ effluerint: vnde cū fluxus remediis non cederet, præfixis iam cucurbitulis, etiam circa iecoris regionem, & frictionibus, & retractationibus celebratis, ex brachij curuatura secta vena fuit, & sanguis per interualla extractus: vnde fluxus desit, & ipsa rectius habere cœpit, & nunc pulchrè valet.

S C O L I A.

Senium aut etas aliqua non ex ijs sunt, quæ primitus ad se remediorum consilium trahant, cū id morbi aut intemperiei in corpore vigentis officium sit: verū quoniam affectionum naturas per coniecturam accipimus, referēte Galeno, lib. 5. de Sanitate tuenda: idcirco etatem quoque consideramus, vnde sit, quod seni valido, & recte ferenti, vt Galenus quoque admittit, & nos quoque diximus, puero robusto, & bene musculofo, cogente necessitate, sanguis per vena sectionem mitti poterit, vt in hac exercuimus vetula, & varijs alijs pueris: ceterū, quia virium imbecillitas plerunque senium comitatur: idcirco sanguinis missio in senioribus abnegatur: recte igitur Cornelius

nelius Celsus, libro sua medicina dixit: non quæ
 atas, sed quæ virtus, aut virium robur, advertere
 decet, ut cum de pueris loquuti sumus, etiam ijs in
 Centurijs patefecimus.

*Curatio quinquagesima quinta, in qua
 agitur, de præseruatione à coxē-
 dicum dolore.*

FVllo, siue pannorum infector, qui ex-
 tra urbem ad pilas agit, & coxēdicum
 dolore vexari solet, ut sanus perseueret,
 nec in eum labatur morbum, consilium à
 nobis petit: pro cuius præseruatione, cau-
 telave, primò ut optimis cibariis exiccan-
 di, & attenuandi vim habentibus, veluti
 victus ordine optimo vteretur consului-
 mus, non minus à rebus venereis, & aliis
 variis naturæ ordinem excedentibus ab-
 stineret, monuimus: à vino verò abstine-
 bat, cuius loco aquam mellis, in qua folia
 saluæ incocta erant, bibebat: quibus per-
 scriptis, quum vir hic natura sua calidus
 & humidus sit, ætate quadraginta trium
 annorum in mētem venit, morbum hunc
 plerunq; ab humore crasso pituitoso, pau-
 co calido misto, coxarū articulum offen-
 dente, euenire, prout in hoc euenit homi-
 ne: proinde, ut tantum malum fugiat, con-
 sulo,

fulo, cū is pronus & facilis ad vomitum
 fit, vt singulis octo diebus vomitum pro-
 uocet, digitis ad fauces intromissis, vel
 pinna intincta oleo, vel saltem singulis
 quindecim diebus epoto vomitorio se-
 quenti, vomitum irriter. R. Asari, florum
 camamelæ, ana pugillū medium, seminis
 raphani, cumini, anethi, an. drach. duas: in
 libris duabus aquæ fiat decoctio sufficiens,
 & coletur: cui decocto adde, oximellitis
 vnciam vnam, & alterius mediam, agarici
 albi in puluerem redacti, drachmam me-
 diam: misce, & tepidum bibat. est enim vo-
 mitorium medicamentum hoc præstans:
 quo si quis ischiadico, vel quouis articu-
 lario morbo laborans, modo optimo vi-
 ctus ordini assuetus sit, vtatur, sanus in
 longum tempus præseruabitur. Solebat
 nanque Galenus homines à morbis simi-
 libus in totum annum sanos & liberos re-
 linquere, sola vernæ curationis exercita-
 tione, aut sanguinis missione, aut purga-
 torio pharmaco, aut vomitus euocatione:
 quibus omnibus nos vt hominē hunc li-
 berū relinqueremus vti sumus: nam exor-
 dio huius præseruatricis curationis vom-
 itum copiosè admodū prædicto vomitorio
 euocauit: dein verò syrupum hunc ebi-
 bit. R. Betonicæ, stœchados, maioranæ,

D

primulæ veris inter cōsolidas habitæ herbæ, hisſopi, camæmelæ, ana pugil. vñſi, ſeminis fœniculi, aniforum, ana drachmas duas, roſarum rubearum pugillū mediū, paſſarū cum ſuis ſeminibus, vñcias duas, in libris tribus aquæ fiat decoctio ſufficiens, & coletur. R. Prædicti decocti vñcias quinque, ſyrupi de betonica vñciam vnam, mellis roſati colatitij vñciam mediam: miſce, & fiat ſyrupus, quem ieiuno ſtomacho, in aurora bibebat, & quatuor horas poſt cœnam, alterum iterabat: & intereà dum ſyrupis utebatur, per clyſteres aluus lubrica ſemper eſſet illi curabamus: quarto verò ebibito ſyrupo, baſilicam in flexu brachij reſpicientis locum doloroſum ſecare, ex eaque ſanguinis vñcias ſex fluere permiſimus: aliis tandem quatuor ebibitis ſyrupis, cataportia hæc deglutiuit, quibus aluus optimè reſpondit. R. Pilularum aſayaret drachmam vnam, aurearū ſcrupulum vnum, diagridij grana quinque, melle roſaceo colatitio excipiantur, & ſiant pilulæ quinque, & puluere glizirhiæ obuoluantur, & capiat tertia hora, ante aurorā, & dormiat: iis enim aluus optimè reſpondit. Cæterum, ſequentibus octo diebus, ſingulis auroris ieiuno ſtomacho, ex condito floribus ſalviæ exceptis melle parato,

parato, vnciam vnam comedebat, & nunc rectè valere inquit. Cæterùm, membra vrina virili assiduò lauare, ab articulario morbo defendi creditur, exemplum adducit Plinius lib. 28. naturalis hist. capite sexto, fullones, & qui lanam elutriunt. Qui ob id quòd vrinam versantur, nunquam in podagram, aut chiragram incurrun. Porro, Patauinus iuuenis, qui grauiter ischiatico dolore torquebatur, & ad eum cum peruenimus, ipsum multum contristari, & sæuo illo dolore cruciari inuenimus, ita à nobis tractatus fuit, & primo absternio facto, circa particulam dolentem, ischiam dictam, fomentum hoc, pro sedando dolore, applicandum curauimus: quod habet, R. Camamelæ, meliloti, absinthij, ana pugillum vnum & medium, hypericonis, camepithis, camedris, primulæ veris, ana pugillum vnum, seminis lini, scænugræci, rosarum, ana pugil. mediū, in libris decem aquæ, fiat decoctio sufficiens, & coletur: cui adde, olei camamelini, anethini, vulpini, ana vncias duas: misce, fiat fomētum, & filtro imbuto, parum expresso, sed bene calente, dolenti loco applica, & sæpe in noua: postea loco optimè absterlo, hoc inungatur linimento. R. Olei camemelini, vulpini, hypericonis,

D 2

ana vnciam vnam, butyri recētis, pinguedinis anatis, gallinaceæ, vulpinæ, taxi, ana vnciam mediam, ceræ citrinæ parum: misce, & ad ignem, vt decet, fiat vnguentum molle, & succida lana cooperiatur, vel canabacea stupa. Cæterum, cū dolor perseueraret, ex interna brachij vena eiusdē lateris, sanguinis vncias quinque demere iussi, à qua sanguinis missione, aliquantulum melius habuit: sed tunc emplastrū hoc aliud applicitum fuit: quod habet, R. Sapæ libram vnam, vitellos ouorū tres, salis drachmas duas, farinæ cicerum, vnciam vnam, furfurum quantum ad spissitudinem sufficit: misce, fiat emplastrum, & calidum applicetur: porrò, cū hæc parabantur clysteriorū immemores non eramus, quæ singulis diebus iniicienda curabamus: præcipuè composita, ex herba heliochryso, anetho, centaureo minori, iua, saluia, betonica, adiectis seminibus, fœnugræco, fœniculo, cumino, ameo, & caro veluti oleis, camæmelino, lilino, rutaceo, & hypericonis, & hiera picra, benedicta laxante, diaphinicone, & electuariis aliis pituitam cum aliquali bile respicientibus, non minus ac discocto melle, vel colatio, vel saccharo rubeo, sale & ouorum vitellis, & similibus clysteres adornantibus: Syrupos

fyrupos quoque materiã respicientes, decoctis herbarum dilutos bibebat: quibus omnibus exercitis, sexto die bolum hunc deglutiuit. R Diaphiniconis vnciam mediam, electuarij amech drach. duas, electroph indi, an. drach. vnã, rhabbarbari scrupulum vnum, spicæ celticæ, grana quinque: saccharo omnia excipiantur, & fiat bolus, quem rectè deglutiuit, & eo alius optimè respondit: desiderantur autè hoc in morbo, veluti quouis alio articulario, medicamenta forma pilulari, aut solida, vt cōtracta mora valentius à remotis partibus attrahant. Cæterum, iis & si hic melius habere, dolore tamen vexabatur: quade re, duobus à purgatione elapsis diebus, ex vena ischiatica dolentis pedis, quæ sub exteriori talo, vtriusque pedis secari solet, aut circa ipsum talũ, sanguinis vncias quatuor extraximus, à qua, iteratis prædictis omnibus remediis, & ebibito vino decoctionis guayaci, optimè habuit, & hodie rectè ambulat, & fausta valetudine fruitur. Vnum mihi mēte exciderat, quod mulierculæ vicinæ, cū hunc sic afflictũ, & vociferantem audirent, ad eum iuandum cucurrerunt, ex quibus altera, metaxas Græci, Hispani, Græca voce corrupta, Madexas appellant, sic suo cinere calen-

D ;

tes admouit:has autem Romani, pensa fila in orbes circumacta, appellabunt, remedium Arnaldo Villanouano, vt audio, familiare satis: quo & colico dolore affecti, non parum iuuari solent, veluti & hic, qui eisdem aliquid profectus & iuuamenti contraxerat. Sed cum hæc scribimus, in mentem venit Ariminensis quidam vir, qui cum assiduum fluxum sanguinis per hæmorrhoides pateretur, nec solito tempore responderet, illicò in ischiaticū dolorem labebatur, pro quo leuando, cum fluxum solitum euocaret, illicò ab eo liber euadebat.

S C O L I A.

Fit morbus hic, vt nosti, in coxis: ea præcipue de articulatione, qua Enarthrosis dicitur, cum scilicet excipiens ossis cavum, altum & profundius admodum est: caput verò quod in id inseritur femoris, oblongum: qua duo ossa nexu validissimo copulantur, connectunturque tendine quodam amplo, & valido, à musculo exorto, ab intima pelvis parte procedente: vnde cum per meatum quandam, canaliculum siue riuulum dictum, in acetabulum, siue ossis cavitatem humores defluere contingant, tendo facile imbuitur, & impletur: quo fit, vel crus contrahitur, vel integra parti liber

motus

motus adimitur, non sine dolore, quem ischiacum, vel ischiadicum, & coxendicum dolorem, appellamus: aduertendum tamen duxi, quod quando dolor hic diuturnus & longus contingit, tendo ita laxari solet, vt caput femoris oblongum excidat, & tunc in acetabulo mucrores creantur, & crus tabescit, & agrotus claudicat: pro quo curando, ad ignem currere necessarium est, vt *Diuus senex* docuit, vltimis duobus aphorismis, libri sexti *Aphorismorum*: & alibi, veluti post eum *Paulus* & *Aetius*, & non contemnendus *Albucasis*, tractatu suo, de Curandis per cauteria agnitudinibus difficillimis, & rebellibus: sed cum iam vs finem imponerem, ecce *Brandamus meus*, qui nunc magna cum gloria *Bristolij* arte medicam exercet, per literas petit, coxendicum in dolore, quoties pedis vena secanda est, an internam, quam *Saphenam* appellamus, incidere debeamus, vel potius externam ischiaticam dictam: cui respondentem, dicimus quæsitum vulgare esse: nondum tamen ab aliquo (quod sciam) plenè solutū: proinde vt illi, & vobis ad præsens satisfaciam, audite. *Galenus* ita saepe *saphenæ* sanguinis missionem ischiatico dolori conuenire, scriptum memorie commendauit, vt res incantamento videretur, cum agrotantes ea sola, ocysimè, ac breuissimè sani euadant. *Auicenna* verò, & *Arabes*, ac eorum affecta, ischiaticam venam potius scindendam esse, vt ex ea quàm ex *saphena*, præstan-

ius & celerius iuuamentum subsequi, notarunt, contestantur, firmanq; id longa experientia ab eis observatum esse. Nos verò, vt rem hanc discussam relinquamus, nec deinceps quis amplius de ea dubitet, sententiam nostram in praxi observandam, in medium afferemus: pro qua intelligenda, scire decet, quòd vena cava supra ceruicem coxa, ad partem internam in duos ramos diuiditur: quorum alter, crassior per internam tibia regionem descendit, ex se venulas musculis adipi, & cuti, interim impartiendo, quousque ad internum talum, siue malleolum perveniat, in quo loco saphena appellatur, & inde ad pedem in multos ramulos devaricatur, ex quibus vnus sepe ad digitum magnum apparet, qui non comparente saphena, non raro scinditur, & ex eo sanguis demitur, alter verò diuisionis ramus, subtilior, in syluestrem tibia partem decurrit, porcionculas quoque in adipem & cutim obiter mittens, donec ad claviculam externam, quæ est imi capitis minoris ossis caput, deducatur, quo loco, vulgo, ischiatica vena dicitur. Et de ijs satis, ea quibus percipitis, & saphenam & ischiaticam venam ex eodem loco oriri, vnde consonum esset asserere, perinde esse hanc vel illam scindere, cum æquales inde oriri debeant effectus, & iuuamenta aqualia, sed non ita res habet, quum ischiatica vena exteriores magis respicit partes quàm internas, & saphena contrario modo, habet namq; ischiatica
vena

vena suas ita confitas ac dispositas percurrentes
 fibras, & villos ac complantata stamina, ut ex
 directo schiam respiciat, & ex ea particula breui
 attrahat, & hauriat, contingit tamen, quod hæc
 ischiatica, syluestrem malleolum perreptans ve-
 na, sæpè eo in loco occultetur, & non appareat, &
 si apparet, adeò exilis & gracilis ut satius fuerit
 saphenam aperire, ea tamen rectè apparente, con-
 silio in horum coxendicum dolore, eam aperi-
 mus, cum celerius, & potentius, iuvamentum in-
 de sequi sciamus, quàm ex saphena ipsius incisio-
 ne, utraque tamen cautè aperienda est, ne ex par-
 te alta humores ruant, & graviori presenti mor-
 bo, afferant malum.

*Curatio quinquagesima sexta, de la-
 ste ingesto, & in grumos concreto
 in ventriculo, de que eius curatione
 prospera.*

QUum Andræas Myroparonis Præfe-
 ctus, vir annos natus quinque supra
 quadraginta, sicca scabie laboraret, erat
 autè temperatura biliosa, hic, & illi, aquã
 lactis, serum appellamus, ebibendũ pris-
 corum more, proposuissẽ, ille domi suæ,
 lac coagulandum iubet, ut ex eo concre-
 to, serum habeat, sed ecce, cum aliquando

D 5

lac coagulo permistum, sed nondum coagulatum aut concretum esset: eius filius, Marinus decemseptem annos natus, temperatura pituitosus, totum ebibit, pondere fortassis quatuor librarum, à cuius potu, iuuenis hic conqueri cœpit, & stomachi pondus graui cum dolore incurrebat, sed cùm vomere volebat, in strangulationem veniebat: proinde ad eum accitus, rem ex toto deprehendo, & causam in totum coniecto, videlicet, lac in vase coagulari paratum, in stomacho coactum ac concretum esse. Est sinè casus rarus, & inter venena, à Dioscoride, Galeno, & Nicandro, ac alijs præstantissimis viris connumeratus, pro quo abigendo, cùm periculū sit in mora, omni data diligentia, institimus, ac contra eum inuasimus, acetum acerrimum, nepitæ siccæ mistum ebibendum, illico tribuentes, vt concretum lac dissipetur, & fluidū fiat, quod si ægrotus hoc remedio non rectè valuerit, aceto acerrimo coagulum leporinum, vel quodecunq; aliud ad manus habitū, misceatur, & ebibendum detur, mandamus: vtroque tamē remedio vsus est, & tūc ad vomitum eum traximus: qui multa admodū vomuit, sed tunc quoq; clysteribus aluus irritabatur, vnde optimè sequenti die se habere dixit.

S C O L

Non solum predicto modo lac in stomacho coagulatur, & densatur, sed etiam quoties stomachus frigidus & imbecillus est, sua nanque intemperie purum etiam lac concrescit, coagulat, & densat, unde cum quis vno vel altero modo, lac in ventriculo coagulatum persenserit, medicorum praeceptis illico ad remedia à nobis agroto propinata confugiet, quibus lac eliquatur, & discutitur, & tandem vomitus irritatur. Sed silentio non est, praetereundum dubium, an vomitus pro curatione huius in ventriculo concreti lactis, vel sanguinis concreti, eadem enim curatio est, provocandus sit, vel ne, huius dubij authorum gravissimorum dissensio, causa est: nam Dioscorides libro sexto sua rei medica, vomitum in hoc casu omnino abnegat dicens, cum coagulato lacti occurrit, nec illos vomere conuenit, siquidem concretum lac sese in stomachi angustias insinuans, strangulat, id quod & antea cum de sanguine concreto egerat, dixerat: què imitatus Rasis lib. xx. sui continentis inquit, non est irritandus vomitus huic, cui sanguis concretus, vel lac coagulatum in stomacho est, quoniam meri, id est, a sophago, obstructio ab ijs concretis rebus superueniet, & inde suffocatio & mors. Galenus verò ijs contrarius est, ut qui lib. de Antidotis dicat, quibus lac ebibitum in grumos concreuit, ijs confert bibere acetum, dandum est &

coagio

coagulum cum aqua fontana, aut aqua portione
filphium & sulphur cum oxycrato, quæ omnia
incidunt, attenuant, & vomitum proritant: nos,
quibus datum est similitum grauissimorum docto-
rum discordias conciliare, breui dicimus, nullam
inter eos discordiam esse, nam Dioscorides non
esse in lacte concreto irritandum vomitum rectè
quidem tradit, siquidem concretum lac, & coa-
gulatum, per vomitum euocatum, hominem suffo-
caret. oportet igitur ante eius euocationem, primò
id medicamenti scindamus, subtiliemus, & ad
vomitum pròptum reddamus: proinde Galenus
hac noscens, primò utitur medicamenti, quæ
opus complent, & vomitum prouocant, sic autem
nos ad Galeni imitationem, primò densatum in
ventriculo lac, dissoluimus, dein verò per vomitum
vacuamus. Et de hoc satis, non me latet,
Nicandrum in suis Alexipharmacis, quinque
propulsatrices medelas contra coagulatum lac
prescripsisse, quas vos per otium legite, sed aliud
non minus dubium se offert, an sal in hac coagu-
lati lactis curatione, admittendum sit vel non:
quoniam Dioscorides omne salis genus detesta-
tur, dicens, sed nulla sal silago obiciatur, quoniam
magis lac coiret, & in caseum densaretur, Gale-
nus verò libr. 3. de Alimentorum facultatibus,
cap. 15. quo de lacte agit, bis lacti salem & mel
misceri, ne in ventriculo concreseat, & in caseum
abeat, mandat, inquiens, quod si sal & mel adii-
ciantur.

tiantur, fieri non potest, ut ipsum in ventriculo
 concreseat, ac coaguletur, nos verò dicamus, nec
 in hoc loco aliquam stare discordiam, quia sal la-
 cti mixtus, nunquam sinit id densari. porro si lac
 densatum & concretum iam in stomacho fuerit,
 sal & res salita id magis densant, & concre-
 scere faciunt. Dioscorides igitur ad lac in ventriculo
 compactum & coagulatum, respiciens, salem ab-
 negat, quia id magis concrescit, densat, & lapi-
 descit. Galenus verò antea quàm bibatur, ne in
 ventriculo concreseat aut densetur, optimo consi-
 lio obviam venit, dicens iniciendum illi esse salis,
 vel mellis parum, cum hæc eius coagulationi ad-
 versentur, nec hæc vobis duriuscula esse videri
 debent, quum eo modo sali evenit, quo coagulo
 evenire cernimus: nam sal si lacti liquido & re-
 centi misceatur, non amplius, (ut dixi) coagulatur
 & densatur, ita lacti si coagulum infundimus,
 lac brevi concrescit, & coagulatur, quod si lacti
 iam concreto coagulum miscuerimus, tantum
 abest, ut lac ipsum magis coagulabitur, ut potius
 id eliquabitur, & discutietur.

Curatio quinquagesima septima, in
 qua agitur, de errore cuiusdã me-
 dici, qui acetiũ in colica affectione
 dedit, & egrotum interfecit.

Q Vum quidam vir natus annos qua-
 draginta, Colico dolore cruciare-
 tur,

tur, ad eum iuuandum accessit medicus, qui cum clysteribus, fomentis, vñctionibus, cucurbitulis, & potionibus variis, pro eo iuuando vteretur, & non iuuarent, ad acetum confugit, quod ægrotanti potandum dedit, infœlici tamen successu, cùm inde ægrotus breui mortem contraxerit, at medicus fortè acetum ægrotanti, tribuit, vt humorem crassum, viscidum, colicam affectionem inducētem, attenuaret, scinderet, & subtiliaret, id quod Auicenna detestatur, Fen 16. libri tertij, cū de colica ventosa agit, & ex aliorum mente, clysteres ex syrupo acetofo iniiciendos proponat, quibus accedit, quòd acetum natura sua colicum dolorem gignit, vt quod intestinis membris exanguibus & frigidis aduersum sit, quod non ignorantes mortui viri propinqui, contra medicum iure agere cœperunt, qui quidem archiatri auxilio vsus, euasit, quas tamen rationes præter adductas, pro se adduxerit, diuinare nequeo.

Curatio quinquagesima octaua, in qua agitur, de ardore vrine, cum caruncularum mictione, & præstantia conditi ex malue floribus saccharo apparati.

Vxor

VXor Blasij Valerini Sorguij, iuuenis annos nata sexdecim, cum quintum ageret conceptionis mensem, in ardorem vrinæ ingentem incidit, à bile acri, originem trahentem, est nanque ipsa, temperatura biliosa, renes, iecur, cor, & cerebrū calida, habens, quæ sæpè meiebat, ardore non exiguo percepto. Ad hanc igitur vocatus ego, lotium sæpè emictum contem-
plor, quod crassum iumentorum modo, ex matula in aliud transcolabamus vas, vnde in fundo residentes carunculas notabamus, alias subalbidas, pingues, alias verò carneas sanguinolentas, vtrasque exiguas, & paucas, vnde excoriationem in viis vrinæ, & renibus esse, certa mihi fides erat, docēte Hippocrate lib. 4. Aphor. 75. quibus in vrina crassa existente, carunculæ parvæ, ac veluti capilli, vnà exeunt iis, à renibus excernuntur, pro qua leuāda mala affectione, quæ & febrē, & vigiliū sæpè secum affert, sic orsi sumus, & primò abnegatis, sale, & rebus salitis, acribus, acidis, vino, exercitio, & coitu. bolum hunc deglutiendū illi dedimus. R. Floris cassiæ, drach. octo, tamarindorum optimorum, drach. tres, pulueris coriandorum præparatorum, scrupulum vnū: misce, fiat cū saccharo bolus, quem ante cibum duas
horas

horas deglutiat, erat autem huic cibus, pullus gallinaceus, aut caro hoedina, incocta lactuca, aut cucurbita, aut malua, aut hordeo mūdo. Cæterum, à bolo rectè egressit, sed acrius doluit. Proinde decoctū hoc parare diligēter curauimus, quod habet. R. Calicum papaueris cum suo albo semine, numero sex, foliorum lactuce, endiuia, malua, portulacæ, radicum maluauiſci, ana pugillum vnum, iuiubarum, sebesten, singulorū, quindecim, prunorum pinguium, decem, florum malua, nenupharis, violarum, rosarum, ana pugill. medium, ordeï mūdi, vnciam vnā, seminis lactucæ, scariolæ, malua, cucurbitæ melonis, citruli, an. drach. vnā, in libris quinque aquæ cucurbitæ, fiat decoctio, ad consumptionem tertiæ partis coletur.

R. Prædicti decocti, vncias quinque, syrupi portulacæ, papaueris, ana vnciā mediam: misce, & fac syrupum, quem interea cum decoctum perdurauerit, ieiuno stomacho, bibat, aliquando verò ita describebamus. R. Syrupi, violacei, nenuphari, ana drach. sex, aquarum portulacæ, lactucæ, violarum nenupharis, ana vnciam vnā: misce, & vtatur. Cæterum, cū hæc agebantur, exterius, renes, iecur, & inferiores partes fouebamus, vnguento rosaceo,

ceo, admisto santalino, vel altero per se solo, aut refrigerante Galeni, aut populeone, aut epithemate vno vel altero, ex succis composito, vt semperuiuæ, solatri, lactucæ, portulacæ, cum lacte muliebri, vel tātum oleo ex quatuor seminibus frigidis concinnato, & pauca cera alba excepto, quod Mesues in hoc casu summopere commēdat, cū hac describat oleum. Non minus vt alius responderet solliciti eramus, & ea de re, clysterium hoc per interualla iniiciendum curabamus, quod habet. R. Maluæ, hordei excorticati, foliorum lactucæ, ana pug. vnum, in libris duabus aquæ fiat decoctio sufficiens, & coletur R. Prædicti decocti vncias quindecim, olei violacei, vncias duas, sacchari albi, & fini, vnciam vnā & mediam, ouum integrum, hoc est, album & lutheum: misce, para clysterem, & iniice, item per siphonem iaculabatur ad vias ipsas vesicæ, aqua decoctionis hordei mundi, saccharo fino mista, vel lac purum humanum, aut aqua lactis saccharo fino mista, aut aqua plantaginis, aut lac vaccinum per se solum, quod præter id quod abstergit, mirificè butyri ratione consolidat, aut candidum ouorum optimè concussorum, spuma dempta, à rebus autem, quæ ni-

E

mium abstergunt, abstinebamus, quia sua absterfione magis aperiunt, & excoriant. Cæterum, cum nobilis hæc mulier iis parum iuuaretur, imò multum & sæpè angustiaretur, & doleret, vt de abortu timor esset, ad sanguinis missionem in brachij curuatura venire decreueramus. At, cum assistentes mulieres renuerent, ab opera destitimus, & tunc ad conditum ex floribus maluæ saccharo concinnatum, nos diuertimus, cuius assiduo vsu, intra viginti dies sana & immunis euasit, comedebat autem ex condito isto, stomacho ieiuno integram vnciam, & vesperi alteram, superbibita maluarum destillatitia aqua ad vncias tres, singulis vicibus, nunc autem prosperè valet, & regiè viuit.

Curatio quinquagesimanona, in qua agitur, de lapide reiecto à renibus simulque de methodo seruanda in ardore urine.

PAulus Gradius Senior, annos natus octoginta, constans, doctus, sapiens, & patritiorum horum, aut verius huius Reipublicæ ornamentum, lapillum per virgâ, oliuæ magnitudine eiecit, sed quod mirari

mirari est, absque lumborum grauedine, absque iliorum dolore, & fractione, ita vt antea nullum persenserat ad lumbos pondus, nullum ad ilia dolorem, nullum in ipsa virga ardorem, enimvero, eo die quo ipsum eiecit, in virgæ suprema parte, pauculum persensit dolorem, vel verius ardorem, vnde in prandio hædinam carnem malua incoctam, vt ea laxiores vias redderet, habuit, quo factū est, vt ipsum breuē eiecerit, non absque tamen scoriatione viarum, vnde lotium sanguinolentum, acredine percepta, meiebat, pro qua placanda acredine, & obseruanda scoriatione, iussimus vt magnificus & generosus senex hic, ieiuno stomacho vnciam vnā conditi saccharei ex floribus maluæ comederet, superbibita aqua stillatitia ipsius maluæ, aut eius decoctionis, aut ea in qua incoctum fuit gummi tragacantum paucum, comederetque panatellam, aut hædinam, aut pulli carnem incoctam portulaca, vel lactuca, vel hordeo mundo vel istiusmodi re aliqua cōmendabamus. porro cum inhonestum esset hominem octogenarium abstemium facere, iussimus vinum biberet optimum dilutum tamen aqua decoctionis maluæ, vel gummi tragacati, vtereturq; iulebo, violacco, rosaceo,

E 2

& similibus, permittebamus. Cæterum, à rebus diureticis, salis, acribus, & acutis abstineret, suafimus, tandem tertio die post emissum lapillum, rectè habuit, & extra domum exiuit.

S C O L I A.

Hic medicorum quorundam à me detegenda venit ignorantia, ut qui nesciant differentiam ponere inter ardorem vrinae euenientem ab humore salso, & acro, ab eo qui propter arenas, & renum & vesica calculos euenire cōtingit, solent nanque medici, lacte ardorem vrinae obtundere, & curare, sed vtinam non eum qui à lapillis, & arenis euenit, cum tantum abest, ut lac ardorem hunc mitiget, ut eum potius augeat, & in augmentum trahat, gignit nanque lac, & caseus, & lacticia omnia, lapillos, calculos, & arenas, ut omnes inculcant practici, proinde caueant medici, in presenti suadeo, ne cum ardor vrinae ab arenis, vel lapillis, aut calculo euenerit, lacte utantur, cum tantum abest, ut lac iuuat, ut potius malum maximè augeat, & crescere faciat. Contrario tamen agent, quoties ardor & vrina acro, ob humorem acutum & acrem, aut salsum euenerit, præcipuè non apparente febre, tunc nanque lacte secure utentur, & agrotanti tuto ebibendum dabunt. veluti utroque in casu, ptisana, insculis pinguibus, cassia egyptiaca, balneo & similibus.
Cæterum

Caterum, elapsis paucis diebus, hic idem cū alium lapillum per virgam emittere vellet, eius vrina suppressa est, vnde pectinis parte, veluti ea quae inter anum & virgam iacet, oleo scorpionum inunctis, breui eum eiecit, & sanatus est. Adnotandum tamen duximus, quod quoties abfuerit vrina ardor, acredo, & incendium, quod tunc satius erit balano, siue glāde, ex saccharo cando, inuncto oleo violaceo, quam re salita, vel acri aliqua, vii, vel eius loco, clysteri parato decocto malua, viola, maluanisci, nymphæ, semine lini, folio salicis, adiectis oleo violaceo, rosaceo, & ouo integro, vel eius tantum albo, & cāphora, & similibus, solet quoque in hoc vitio exterius inungi pubes, renum regio, veluti & iecur, rebus frigidis, vt vnguento rosaceo, santalino, albo, siue Galeni refrigerante, populeone, succis frigidis, vel oleo, ex quatuor seminibus frigidis maioribus concinnato: caute tamen, ne pro pharmaco purgatorio, in hoc casu, cassia egyptiaca florem transcendatis. referā ego id quod olim Ancona euenerit, agrotabat Ioānes Caribaldus Mediolanensis, mercator diues, ex huiusmodi vitio, cui cū syrapi rosacei solutiui recens parati, uncias quatuor ebibendas propinaueramus, morbus in tantum irritus fuit, & acerbatus, vt inde peius semper habens, obitum traxerit: erat me herclē syrupus rosaceus solutiui a pharmacopola ingenuo & bono, optimè concinnatus, proinde a purgatoriis medicamentis

in hac affectione caute, ex iis autem quæ pal-
mam in hoc casu obtinent, cassia ægyptiaca est,
veluti, malua & eius flores saccharo conditi, &
thermarum aqua, præcipuè in iuuenibus, seniores
manque vt tradit diuus Seneca, ab hoc vitio, raro
evadunt, porro, res quæ per virgam eiaculari so-
lent, consulto prætereo, quando eis nostro in agro-
sante vñ non sumus.

*Curatio sexagesima, in qua agitur,
de quodam, qui natura sua multa
& varia abhorrebat.*

Bernardus Bonius, ex Ragusæorum pa-
tritia familia, iuuenis annos natus vi-
ginti, temperatura biliosus, quum ad me
venerit, vt eius urinam contemplerer, & si
quid mali protenderet, eum medicamētis
saltem iuuarem, ecce cū eum renum vi-
tium, & morbi gallici seminaria habere
deprehēderim, syrupum vnū vel alterum
describere apud pharmacopolā accingor,
at ille, ne temerè sic syropos describā in-
culcare cœpit, quia omnia dulcia odio ha-
bebat, & re vera vt postea cōprehēdi, mel
saccharū, & ex eis cōposita, huic præstan-
tissima sunt venena, imò quod mirari su-
beat, hic nō vescitur vva, nō ficu, nō pyro,
non

non pomo, non malo cotoneo, non grato, non perfico, non prunis, etiam acidis, quia in eis etiam nescio quid dulcedinis reperiri aiebat, demum ex omnibus fructibus, comedebat, nuces, amygdalas, & nucleos pineos, multum oblectabatur aceto, multum agresta, multum aqua tamarindorū, multum rebus salsis, nam vinum album in totum abhorrebat, etiam maluatium, veluti ex rubricantibus dulce, aquam sibi familiarem in potu habere, quibus omnibus exactè perpensis, & consideratis, medicamenta prout morbus postulabat ad amarorem declinātia, descripsi, quibus ipse postea rectè habuit.

S C O L I A.

Non abs re Galenus dixit sæpè, ultra temperaturas vniuersales, particulares hominum esse deprehendendas, vt libro Artis curat. ad Glanconem, & alibi sæpè vt ijs in Centurijs quoque nos adnotauimus.

Curatio sexagesima prima, in qua agitur, de muliere pregnante, quæ ob mora alijs cum cibarijs comesta, et in ventriculo corrupta, in anxietudinibus, & animi angustias deuenit.

VXor Abner Alpharini Hæbræorū, con-
sulis apud Ragusæos, cum morā aliis
cum cibariis indiscretè comederet, & in
stomacho corrumperebantur, in tantam ani-
mi angustiam, & anxietudinem, ac oculo-
rum obtenebrationes deuenit, vt tunc eā
in abortum venire, & ipsa & assistentes
omnes timerent. ad eā igitur accitus ipse,
considerans eam sexto mense gestationis
esse, in mentem reuoco, mora, vt Galenus,
& medici cæteri testantur, si contingant
corrumpi succū adgenerare venenosum,
vnde de eo vacuando solliciti admodum
eramus: sed quoniam artificio, intra animi
anfractus vertebam, tādē in memoriam
reuocata stillatitia florum arantiorum a-
qua, eius huic vncias decem tepidas ebī-
bendas tradidi, à cuius potu, cum parum
requieuit, ecce succum illum atrum vene-
nosum ex moris contractum, & cætera
corruptione affecta cibaria, vomuit, abs-
que labore, dolore, vel anxietudine ali-
qua, vnde se sanam, intra paucas horas, di-
xit, & rectè valuit.

*Curatio sexagesima secūda, in qua agi-
tur, de repētina morte, ex syncope
eueniēte, non verò ex Apoplexia.*

Reue

Reverendus Abbas, ex Croma insula, lapide vno vel altero à Ragusio distante, cum rectè valeret, & alios alloqueretur homines repentè cor illi dolere, dixit, ac subito supra cordis regionē admotā manu, in terram, leuiter tamen concidit, omnibus repentè animæ facultatibus amissis, ad quem vocati, eum mortuū esse diximus, de crāt autem non solū in metacarpio & temporibus pulsus, sed supra cor etiam nullus percipiebatur motus. At, vt assistentibus satisfaceremus, ad nares accensam candelam admouimus, cuius flāma, nihil mouebatur, quin & speculum nitidum ori admotum fuit, & in eo nihil expirationis contracti visum est, sed & vitreum vasculum aquæ plenum supra thoracem applicauimus, & tamen aqua non mouebatur, tunc iussimus ad sequentem diem, eum inhumatum relinquerēt, quòd si non potuisset, etiam ad tertium diem dimitterent, consului, quoniam, vt nostis, intra septuaginta & duas horas omnes motum suum complent humores, quæ hora, tres designant dies.

S C O L I A.

Contendebant nonnulli abbatem hunc ex apoplexia obitum contraxisse. sed re vera non sine errore, quoniā hic ex syncope, lancinato corde, &

E 5

dissolutis spiritibus, à venenoso aliquo humore, diem suum obierit, vel potius, in corde, obstructione aliqua parta, id quod nota ha attestantur, prima, quia ad cor doluit, & vt nosti ex Hippocrate, vbi dolor, ibi morbum dic, secundo, quia spuma nulla ad os referebatur, nulla ori distortio, nulla membrorum retractio, immo illi os apertum ferè mansit, adeò vt dentes non clauiculatos haberet, vt iure dicendum sit, nervi illaesis, non ex apoplexia, sed magis ex corde primario affecto, hunc subitò & repentinè obijisse, quòd si quis nervosè contenderit, in forti apoplexia omnimodam fieri membrorum dissolutionem, & non retractio- nem id quod nos diffitemur, tamen cum hoc sciãt velim, apoplexiam non fieri nisi offenso cerebro, & nervi, qui in hoc violento & repentino obitu, non apparuerunt, proinde cum hic cor doluit, & nervi offensi non apparuerint, consentaneum magis videtur asseuerare, ex corde male affecto hunc obijisse, quàm ex apoplexia.

Curatio sexagesima tertia, in qua agitur, de quodam varia ricini, siue cheruae maioris semina, pro pistatijs comedente, unde illi mors subsequuta est.

Quidam tam multa ricini, siue cheruae maioris semina comedit, putans pista

pistatia esse, vt postea paucis interpositis
horis, in vomitum & secessum ita interne-
cantem deueniret, vt inde mors illi subse-
quuta fuerit. Sed cum hæc scribo, in men-
tem venit, puer pharmacopolæ, qui cum
pro auellanis, corylis dictis, myrobalanũ
siue nucem vnguentariam dixerimus, of-
ficinarum mangones, ben Arabum appel-
lant, abũdẽ comederet, parum abfuit tunc
quod ex toto moreretur, ita enim illi vo-
mitus, & fluxus, immoderati superuenere,
sed breui adiutus euasit.

*Curatio sexagesima quarta, in qua agi-
tur, de scabritie & scissuris pal-
marum manuum, deq̃ earum cu-
ratione.*

A Bner Alpharinus Hæbraeus, apud Ra-
gusæos consul, cum manus dextræ
palmam scabritie & scissuris plenam & be-
nè fœdatam haberet, fortè fortuna, in ea,
fica vulneratus fuit, adeò vt inde multus
effluerit sanguis, à qua sanguinis fluxio-
ne, manus illa à scissuris, & scabritie libe-
ra, & sana inde mansit, nec ad eam quic-
quam mali amplius fluxit. paucis tamen
interiectis diebus, humor ad dextrã flue-
re solitus, ad sinistrã corruit manum, & id
genus mali, quod dextra pati solebat, ea
incur

incurrit, quod & nunc patitur: pro ea tamen abigenda fœditate, hoc utebatur remedio à multis experto, sed acri, potente, & caustico, nominando, sic autem remedium habet. R. Aquæ ardentis, vitæ dictæ libras duas, viridis æris drach. duas, aquæ fortis argētariorum, vnciam vnam, sublimati scrupulum vnū: misce, fiat aqua, qua manus lauabantur, super quas absterfas, emplastrum diachilon ponebatur, & inde sanies multa fluebat, sed curatio hæc vt violenta, ita despiciēda. eam tamen qui ferre possunt, summopere laudant.

Curatio sexagesima quinta, in qua agitur, de pilis in lingua genitis, satis longis.

Iacobus ex flumine malè habebat, quem cum curandum susceperem, & varia interrogarem: ecce mihi respondet in eius lingua pilos magnos etiam breui tempore gigni, quos quandoque propriis eradicat manibus, id quod tunc rem mihi experiundam indicat, pilum nanque intra noctem genitum, vt ille putabat, oblongum satis mihi indicat, sed rem non ita stare, hoc est, pilum intra noctem vnā genitum non esse cōscij satis sumus, cū pilus paulatim tanquam lorum creseit, & produci-
tur:

tur: crediderim tamen ipse, ut pili huic in lingua crescunt: ita in eius corde quoque abundant, ut olim Ferrariæ experti sumus in quodam à nobis confecto: cuius cor pilis circumseptum erat: audacissimus tamē hic erat grassator & latro insignis: Iacobus verò, de quo agimus, bonus videtur: cum scoquiis tamē, piratis, prædonibus ac latronibus insignibus, iuxta patriā suā, maximū habet cōmercium, imò & affinitatē.

Curatio sexagesima sexta, in qua agitur, de continuò febriente.

Marinus Guetaldus, ex Ragusæorum patritia gente, iuuenis annos natus vigintiquatuor, apud Stagnum ciuitatem grauitè cū ægrotaret, ad eum curādum velis, remisque contēdimus: distat autem Stagnum ciuitas à Ragusio, triginta miliaribus. Hic igitur temperatura biliosus, habitu optimo præditus, rarò ægrotare solitus, causone laborabat: continuò namque feбри intensissima affligebatur, quam comitabantur vigilia, linguæ nigredo, sitis intensa, corporis inquietudo, caliditas ad tactum acris, & intensa, caput prioribus duobus diebus doluerat, & vermes tres per os emiserat. Agebatur iam quintus

tus dies, cum ad eum peruenerim, in quibus sanguinem ex brachij curuatura assistentes extraxerant, quos omnes infomnes trāsegerat, & alius non responderat, ni clysterio adiutus, imò ad oblata malè se habebat. Cæterum, huic pulsus debiles erant, & ita imbecilles, vt vix perciperentur: aliquando tamen per interualla, quasi ponderi præuallentes, paululum apparebant: sed postea iterum opprimebantur, occultabantur, & non apparebant Vnde omne genus imbecillitatis huic inesse cōiecto, alteram per oppressionem factam, alteram verò essentialem ob spirituum resolutionem præsertim tanto cum vigilio, de quibus Galenus, sæpe aliàs, sed præcipuè libro de Pulsibus agit, vbi duos homines pro exemplo adducit, alterum validū & potentem: onus tamen graue ferentem, alterum exanguem & imbecillem, æquè tamen ambos deambulantes: de qua re, & nos secunda Centuria abundè diximus: nunc verò omnibus iis æquè consideratis, ac refrigerato in primis cubiculi aëre, & patentibus fenestris, sexto sequenti die mannam paucula cum rhabarbari substantia dare ausus sum, ne fortè aggressus seprimum ægrotus succumberet, & morbus præualeret. Bona igitur fortuna, cbito

bito pharmaco, alius optimè respondit:
 & ea quæ vacuanda erant, vacuata sunt,
 meraca, biliosa, omnia acria anum pun-
 gentia: sed tunc per os vermem magnum
 præurium emisit: sperabam autem mihi
 ad vorum responsura, quia post ægrotan-
 tis decubitum, Aquilonares venti spirarūt
 semper: agebamus autem prioribus Iulij
 mensis diebus, quo tempore petulentus
 Meridionalis ventus solitus spirare, vni-
 uersam hanc Stagni ciuitatē inficere ple-
 runq; solet, vnde morbi grauissimi oriun-
 tur, quibus plures vita decedunt: cœpi igi-
 tur, iuuenem contuso pulli, & destillatitia
 pullæ aqua, per interualla alere, veluti vi-
 tellis ouorum recentium: sic apparatus,
 fracto oui putamine, album deponc, & vi-
 tello intus manenti: adde aquæ rosaceæ,
 & sacchari fini, ana parum, & ad ignem
 calefiat, & sorbendum da. mirum in mo-
 dum, credas mihi, vires reficit: posset nan-
 que misceri puluisculus cordialis, vt dia-
 margaritonis frigidi, coralij præparati,
 margaritarū preparatarum, veluti & frag-
 mentorum, adiecto succo limonis, arantij
 vel agrestæ sequenti nocte, vniuersus no-
 ster conatus eò dirigebatur, vt hic dor-
 miret: qua de causa, fomēto somnifero, &
 crura, & brachia sunt lauata, & caput irri-
 gatum.

gatum: ac postea vnguento somnum conciliare promittente illitum, veluti aures, nares, & brachialia, quibus parum vel nihil affecuti sumus: octauo, ab ebibito syrupo, epithema aliud parauit cordi, aliud iocinori, & irrigationem capiti, sed hac conditione, vt assistentes in permutandis, & continuò admouendis, sedulo attenderent: vespere verò, vt qui nonum ingressurus erat diem, in quo ego multum timebam clysterem istum parare iussi.

R. Iuris pulli, vncias sex, aquæ decoctionis hordei, libram vnā, sacchari fini vnciam vnā, & alterius mediam, olei violacei, rosacei, succi portulacæ ana vnciam vnā, ouum integrum, id est, album & luteum: misce, para clysterem, & iniice: à quo iniecto, infusum paucis cum excrementis illico egressit: post ingressum verò nonum, ter sua sponte egressit, liquida citrina, omnia foetidissima, tunc dormire coepit, & aliquantulum gustare, & pulsus rectè percipiebantur: decimo, ab ebibito syrupo, & per clysterem bis comota aluo, frictiones exercebātur: & post ebibitum contusum, pullæ carnes minutim conscissas, & iuri eiusdem mistas, paucis cum panis assulis subtilissimis, cochleari comedeat, & vini per interualla optimè

mè diluti: parum pitissabat: quo regimine habitò, tertio decimo, in pollutionem venit nocturnam: salutis verum sigillum, quarto decimo rectè habuit, & nunc pancreaticè viuit. Cæterum, vrina in vniuerso hoc morbo, nunquam de se optimū præbuit indicium.

Curatio sexagesima septima, in qua agitur de καχεξία, id est, malo corporis habitu.

STagno reuersum, Neocastrensis Emilius, Ragusij me expectabat: cuius vxor iam aliquot menses grauitè decumbebat: laborabat autem, vt ea visa deprehendi, καχεξία, malo corporis habitu: est autem mulier hæc, nata annos quinquaginta quinque, pinguis, grauis, & ad incesum pigra: cuius oculorum palpebræ tumeant, & pedes, & manus inflatæ euadebant, quin & fastidium eam detinebat, & syncopi aliquando corripiebatur, vt nisi doctus Medicus obuiam ireret, certum esset hanc in hydropem breui venturam: agebatur autem mensis Iulij, in quo, vt nostis, æstus & caniculares dies vigent: proinde omni vitæ ordine suo abnegato, qui in vniuersum humidus & luxuriosus satis erat, breui meliùs habuit: conti-

F

nuò autem mulier Thurca hæc vtitur bal-
neis, prout omnes Thurcæ vti solent, & in
frequenti vsu habent, quæ non mediocris
causa ad introducendum morbum hunc
sunt, vt omnes fatentur Medici: vt enim
aquæ dulcis balneum, huic fauet morbo,
quia ipsum gignit, parturit, & causat: ita
thymarum aquæ eum curant, leuant, &
abigunt: item, pro potu gelidam cōtinuò
habet, hoc est, frigidam aquam, adiecto
gelu, glacie dicta, quæ omnino interiora
corrumpit, refrigerat, & imbecillitat, &
eò magis æstatis tēpore, in quo interiora
calido innato priua sunt, & facilius obla-
duntur, nec æstivalis caliditas sufficiens
est tantum resistere, & eò magis aqua ge-
lu refrigerata, hos imprimit effectus, si
pluuiales esse contingat, & cisterna colle-
cta, & asseruata: frigidior nanque quàm
humanæ naturæ conueniat, euadit, multum
terreni in se habens: vnde stiptica cense-
tur, quo fit, ad coërcendos fluxus eam Me-
dici continuo in vsu habemus, ob excessi-
nam nanque suam frigiditatē pectori, &
spiritualibus membris præcipue aduersa-
tur, & concoctionem impedit, & corrup-
pit, tam in ipso ventriculo, quàm etiam in
iecinore: vnde *λαγχξια*, potissimum oriri so-
let, & consequens hydrops introduci: fon-
tana

rana igitur sit decet pro potu continuo aqua, & ea quidem à sole irradiata, vt Galenus in sua doctrina sæpe docuit, & nos iis in Centuriis aliàs meminimus: quòd si pluuialem aquam nonnulli doctorum hominum laudarunt, eam tanquam philosophi contemplantur, non tanquam Medici in continuo potu hominibus euenientem considerantes accedit, nanque pluuiatilis aqua ad elementalem magis: ex nostris quoque Medicis nonnulli aquam pluuiatilem cum laudarunt, eam tanquàm futurum medicamentum, non tanquam pro potu conuenientem laudarunt. Sed de iis satis, si modò dixerò, gelu & niuis antiquum vsum, sed deprauatissimū, pro potu stare, vt Seneca libro quarto suarum naturalium quæstionum deplorat, dicens prope finem: Quid istas, inquis ineptias, quibus nec literatior sit quisquam, nec melior, tam operosè prosequeris: quomodo fiant niues, dicis, cum multò magis ad nos dici à te pertineat, quomodo emendæ non sint niues, & cætera. Abnegata igitur aqua, & eius vice, concessa huic Thurcæ aqua decoctionis cinnamomi: quoniam vinum ei per religionem veritum est: ac in totū victus ratione ad ficcum declinante constituta, solis clysteribus tunc

usi sumus, curantes per interualla vomitum prouocare: porro à medicamentis purgatoriis tunc fugiebamur, quo curadi ordine intra octo dies, assiduo melle rosaceo colatitio ebibito: ita & rectè habuit, vt se sanam diceret: tunc verò oculorum palpebræ, & pedes, ac manuum extremæ partes detumuerunt, & frictionibus siccis utebatur, & ad potum decocti radicis cinarum deuenimus, præmissa leui per hieram pictam Galeni purgatione: cuius potu, intra octo dies ita rectè habuit, vt ab omni curatione destiterit. Cæterum, aloë per se sola, iecori obest, vt tradit Auicenna, cum de Ascite loquitur, Fen 14. libri tertij: præcipuè calido iecori, non frigido, vt Mesues, proprio capite, de aloë contendit. Porro, mulier hæc, quum rectè valeret, & assiduo potui glaciei se dederit, & multis & variis fructibus vesceretur, de nuò in morbum recidit, & vt audio, obiit.

Curatio sexagesima octaua, in qua agitur de variis symptomatis ob laxatũ uterũ abortis: simulq; de epidemio morbo magnã Europæ partem inficiente, breuiq; durante.

Cum

CVm apud Encocastrum, hoc est, castellum nouum, urbem Illyricam, ob numerosum Hispanum militem, à Thureis in ea occisum, illustrem agerē, à Martheo Paschali nobili Catharensi, pro recuperanda suæ nobilis vxoris valetudine, sum vocatus: distat autem Encocastrum à Catharo Venetorum imperio subiacente, decimo octauo lapide, ad quam accersitus, inuenio eam circa inum ventrem multa cū grauedine intensè dolere, cum quo parum meiebat, sed cōtinuò egerere desiderabat, quum tamen parum egerebat: quæ omnia ab vtero malè affecto & elapso, ac vesicæ vrinariæ collū, & rectum intestinum comprimente, euenire certis coniecturis deprehendi: hæc nāque, puellam nono mense pergrandem, sed laboriosè peperit: adeò vt inde eam mori omnes timerent, vnde malum hoc contraxit. Cæterum, septimo gestationis mense, mulier hæc multum sanguinis per os vteri emisit: fortè quia puella calcitrauerat, vt foras exiret, aut suo pondere ligamētum aliquod disruperat, sed vtcunque restricto sanguine, ad nonum mensem peruenit, in quo rectè licet difficulter puellam peperit: vnde, vt dixi, malè habere cœpit: sed præcipuè elapso octauo, vel nono à

partu mense, quo tempore ad imum ventrem intensè, per intervalla tamen dolebat, parum meiebat, semper egerere desiderabat, quum tamen parum egerebat, non febricitabat, sed aliquando quadam præternaturali caliditate corripiebatur, & tunc non dormiebat, parum bibebat, nec lingua arida apparebat: porrò, dolor hic crus sinistrum sæpe apprehēdebat: de quo etiam maximè querebatur, adeò vt de lapide in vesica timor apud me esset. Curationem igitur pro ea iuvanda sic adorior: & primò, quia tunc dolebat, clysterem iniiciendum curauimus, ex camæmela, anetho, & similibus adiunctis cum componentibus, quo nonnulla egressit: tandem ad fomentum anodinum filtro exceptum recurrimus, quibus dolor aliquantulum acquieuit: vnde ex pedis vena, Saphena dicta, sanguinis vnc. sex demere iussi, & in aurora syrupum hunc ebibere. R. Mellis rosati colatitij, vnciam vnā, aquæ stillatitiæ, florum camæmelæ vncias quinque: misce, parum calidus propinetur, & ante cœnam tres horas iteretur, iis enim paucis, & optimo constituto victus ordine exiccandi vires habente, intra tres dies à dolore libera euasit, vt se sanam clamaret. & re vera stillatitia hæc camæmelina
pro

pro iis similibus doloribus sedandis, tantum valet, vt sæpè incantamēto tribuatur, quod si ad manus non habetur, decoctum ex eisdem floribus parare iubeo, quod fortè magis efficax pro hac complenda operatione habetur, tunc verò infusa vt vterum roborarent, ciaculabantur sypnone, & cerata exterius admouebantur. Sed hac nobili matrona persanata, Magnus Dominicus Priolus, qui Catharo præsidebat, ad vxorem curandam me accersit, quam capitis dolore grauedinēque ad fauces vsque descendente, non sine febre laborantem inuenio, quia verò morbus non adeò contumax, & à robusta natura propulsari posse videbatur, eam tantum optimo victus regimine proposito, integræ valetudini restituimus, veluti nonnullos alios eodem ferè morbo laborantes, vt Petrum Lardichiū, & fullonis vxorem. Caterum, Ragusium reuersus, inuenio permultos tum ciues, tum peregrinos eodem similiter infestatos: qui verò Ancona, Pisauo, Venetiis, Ferraria, venerāt, omnes de hac grauedine, ac catarrhali affectione, querebantur: quam vniuersaliter grassatam affirmabant, vnde credibile est: eam aëris intemperie vniuersalē fuisse, atq; vno in loco acerbius, quàm in alio

sauiſſe, quemadmodum Meſſanæ conti-
giſſe accepimus, vbi eodem tempore, ab
eodem morbo permulti mortales extin-
cti ſunt. Et fuit ſanè lues hæc perſimilis
illi, quam introitu quintę Centurię deſcri-
pſimus, vt conferenti notum euadet: por-
rò hæc nunc ita leuiter Dalmatas omnes,
& Italos inuaſit, vt multis, medicorum
opera neceſſaria non fuerit, quanquàm
perpauci fuerint, qui ab hoc contagio eua-
ſerint, adeò vt mihi hic Ragufij contige-
rit quadam in domu, ſeptemdecim ſimul
inuiſere ægrotantes, qui omnes optima
propoſita victus ratione, breui abſque
medicamentorum propinatione ſani eua-
ſerunt.

*Curatio ſexageſimanona, in qua agi-
tur, de febre continua coniuncta
fluxui ventris.*

Filius nobilis Petri Luchari, annos na-
tus quatuordecim, temperatura pitui-
toſus, coloris albi, quarta agebatur heb-
domada, quòd febre continua coniuncta
fluxui ventris, laborabat, ad quem inui-
ſendum accerſitus, inuenio aduſcentem
hunc ob affectiones prædictas, ita imbe-
cillem, & viribus deſtitutum, vt parum
abſuerit, ſi vires non conſeſtim reſtitue-
rentur,

rentur, quin intra biduum moreretur. Proinde omni data opera, de fluxu constringendo solliciti fuimus, quoniam vt ex Galeno didicistis libro Artis curatiuæ ad Glauconem, & eius enarratore Aui-cenna, vltimo capite Fen quartæ libri primi: si duo morbi in eodem homine pugnantes habeant indicationes, tunc enim vrgenti est insistendum, sed altero nequaquam neglecto, quod propter hoc dictum velim, quia medicus adolescentis curam habens, de ventris constrictione timebat, fortè ne eo constricto, febris intenderetur, sed hic non paruus medici huius error erat, quia cùm vires in dies ob fluxum & spirituum defectionem imbecilliores euadebant, si non restringeretur, aut cohiberetur, ægrotus pessum ireret, & moreretur. Clysterio igitur vno, vel altero restringendi vim habente iniecto, & ad os ventriculi admoto refrigerante diaphinicone emplastro, ex Alexandri descriptione, ac concesso initio cibationis pauco diacidonite, fluxus ferè ex toto restrictus est, & tunc vires ab eo quod erant antea non collabefactæ sunt, sed magis in dies validiores euadebant, quia bolus Armeniæ pallidus, coraliū, margaritæ, & similia, stillatitiæ capi, & contuso, quibus

in victu utebatur auidè, indebantur, vnde paulatim viribus instauratis, adolescens melius habere cœpit, & eo magis quo vinum gustare cœpit, quod auidissimè ebebat: tunc post contusum admistum prisanæ epotum, parum pulli minutim scissi, gustabat, adiunctis assulis panis, imbutis iure pulli, & tunc supra ebibebat, quibus, & nonnullis aliis paucis, adolescens hic sanitatem obtinuit, sed ita imbecillis, vt ad duos sequentes menses, solitas vires difficulter recuperârît, vnde ego non raro occinebam illud Hippocratis, Corpora quæ longo tempore extenuantur, tardè reficiuntur.

*Curatio septuagesima, in qua agitur,
de luxata inferiori mandibula, &
breui ad locum suum reddita.*

PVellæ, quæ ad pilas agebat, & malè habebat, post multum vomitum & crebram corporis & animi turbationem, cum oscitaret repentè inferior mandibula luxata est. nimia autem humiditate laxata particula, ex cancello mandibula exiuit, vnde os apertum inuitè permansit, non sine ingenti particulæ illius dolore, & animi deliquio. Ad quam accedens post

post elapsum tertium diem, diligens chirurgus, puellæ ad pedes suos incuruatæ, mandibulam foras, eius pollice dextro intra os misso, altera manu mentum fortiter apprehendente, trahebat, ac sic facile mandibulam ipsam ad locum suum reduxit, non sine mediocri artis gloria, præcæferat autem iam fomentum ligamenta laxans, veluti post mandibulam reductam, ligans & constringens medicamentum, vt agendum docet Paulus Ægineta, libro suæ medicinæ sexto, & Auicenna, sen quinta, libri quarti, cap. 7.

Curatio septuagesima prima, in qua agitur, de febre continua absque symptomatis, interficiente tamen.

MArinus Gondulanus, nobilis Ragusæus, annos natus viginti, quum ruri ageret, & multam paludosam & cœnosam biberet aquam, & pessimis vesceretur cibariis in febrē incidit continuam, ad quem vocatus ipse, post viginti dies ægritudinis, eum distortum os habere deprehendi, liberaueram nanque iam ego iuuenem hunc à morbo Gallico è Memphi reuersum. Cæterum, cū oris distortio
hæc

hæc nihil mali protēdere videretur, nec à medico, nec ab assistentibus fortè perciperetur, quia avidissimè comedebat, & caput non dolebat, nec de membro aliquo quàm de splene querebatur, nihilominus tamen oris illam distortionem ego multifaciebam, & pro malo indicio eam habebam: dormiebat hic quoque non admodum, tamen profundè, & aliquando delirabat, continuò hic febrieat, miti & absque symptomatis feбри, vnde quietus ferè semper manebat, cui vires tunc rectè constabant, & alius sua sponte respondebat, liquida, corrupta, foetida, omnia mala, lotium optimum semper apparuit, & nebula quadam plenum, vnde non mirari est, si tam medicus quàm assistentes oris distortionem præterirent, & hunc rectè valeturum prædicerent, sed contrario euenit, vt paulò inferiùs dicemus: nam huic bis sanguis abūdè per medicum assistentem extractus fuit, & manna in potu concessa. Porro, vt noscatis huic pulsus longi, lati, & alti erant, sed nescio quid conuulsiui & tremuli motus præ se ferebant, vnde omnia hæc perpendens, ac æqua lāce librans, iudico hunc ex hoc morbo moriturum, id quod postea octauo sequenti die ita cecidisse omnes viderunt, in dies autem vires
magis

magis & magis lababatur, deficiebantve,
 & motus ille cōuulsius accrescebat, tunc
 frictiones, retractiones, cucurbitulæ, ac
 hirudines admotæ sunt, sed nihil iuuerūt,
 cū in dies motus ille tremulus crescebat,
 & intendebatur, & quò magis crescebat,
 eo magis vires imbecilles fiebant, & æ-
 grotus ipse magis per interualla delira-
 bat, adeò vt ad palearum collectionem, &
 stragulorum plicaturā deueniret, & con-
 sequens ad obitum. Cibus huic ptisana, &
 pulli contusum simul mistum erat, potus
 verò hordeacea. At, cū semel illi vinum
 ego concederem, quod summopere appe-
 tebat, & desiderabat, rectè dormiuit, &
 optimè locutus fuit, cum tamen antea me-
 lancholicè, & saturnè habebat, imò ege-
 stiones tunc emēdatiores, hoc est, minus
 corruptæ apparuere. Cæterum, cū mo-
 tus ille tremulus perseueraret, timor erat,
 ne vinum in delirium accresceret, qua de
 causa, ab eius propinatione abstinuimus,
 quod fortè præ cæteris rebus huic morbo
 iuuamentum afferret, quia ab aquarum
 turbidarum & lacustrium potu, vt dixi,
 potissimum originem traxerat, vos verò
 iudices estote, obiit autem trigesimo die
 Aug. 1557. qui cū antea per biduum non
 erat loquutus oremone laborans, antè
 obitum

obitum tamen tres horas, loquutus est, & minxit, cuius lotium rubrum, crassum, & turbulentum ad me delatum est, imò tunc illi sanguis per hæmorrhoides ex se multa in quantitate effluxit, instabat autem vt ex Philosophia didicistis, vltimus naturæ conatus.

Curatio septuagesima secunda, in qua agitur, de pulsu deficiente, eiusque intermissione in febre continua, à crassis, & viscidis succis, pendente.

Iacobus Basilius, nobilis Ragusæus, cum Italiam morbo gallico, & oculorum suffusione laboraret, nunc febre continua vexatur, & ea quidem lenta & miti, pro qua leuanda, medicus sanguinem primo extraxerat, & varia adhibuerat remedia. Cæterum, hic cum sit quadraginta quinque annorum, morbi huius successu, vt ego ad eum accedens deprehendi, pulsus intermissionem habebat, singulis nanque quatuor vel quinque pulsationibus, arteria deficiebat, remorabatur, & detinebatur, & tempore duorum ictuum siue duarum pulsationum immobilis manebat, signum vt à me iis in Centurijs audistis, malum

malum, præsertim in febribus continuis, ut Curatione quadragesimaquarta tertiæ Centuriæ peramplè sum persecutus, ut si rectè teneo, ex Galeno dixi, intermittentes pulsus in iuuenibus periculosiores habentur, dein in pueris, cæteris minus periculosi in senibus. Cæterùm, cùm intermissio pulsus huic euenerit ob arteriam à crassis & malis succis compressam, non verò ob vitalis facultatis imbecillitatem, non difficulter fuit eum breui liberare, ad causam vnde mala affectio originem trahebat, attendendo: cor autem tunc roborauimus, & humores ab eo retraximus, quos postea attenuauimus, incidimus, & postea purgauimus, vnde pulsus, ex heterorhythmo, hoc est, multum à proportionem & consonantiam distante, pararhythmus, & postea eurhythmus, id est, consonus, est factus, & ægrotus ipse ex toto sanus.

S C O L I A.

Rhythmus idem est quod cōsonantia, siue proportio temporis ad tempus, ut ex Galeno lib. 3. de Dignoscendis pulsibus percipitur, capite præcipuè illo, cui titulus est, de dignoscendis rhythmis, in quo & quæsitū absoluit, antea ab eo propositum.

libro

libro primo eiusdē voluminis, videlicet, quo modo applicanda sit manus in arteriæ contractione, inquit igitur Galenus, quia iam in cōparatione temporis distentionis cum contractionis tempore rhythmus consistit prius parāda separatim nobis vtriusque temperis notitia est. Ex quibus Galeni verbis satis clarè euadit, quid ipse per rhythmum in sua doctrina intelligat, vt fusius ex eodem capite percipitur, vt sexcentos alios locos scileam in quibus omnibus, rhythmum versari circa quantitatem motus temporis, ait, quia rhythmus aliud nihil est, quā proportio temporis ad tempus, cuius partes, vt tyrunculi exactè teneant cū Galenum percurrerint, placuit eas hic describere, & in figuram redigere, quia vel Gal. referente, libello de Pulsibus ad tyrones, rhythmorū pertractatio difficilis admodum est, qua de re, in eo libro, de rhythmis, quia tyrones alloquebatur nihil quicquam scripsit, eos iam arte prouectos, remittens ad reliquos de pulsibus libros, scire igitur decet, vt institutum persequamur, quòd rhythmus duas habet differentias, scilicet eurhythmū, id est, cōcinnum & proportionatum, & arhythmū, id est, inconcinnum & disproportionatum, arhythmus verò, tres quoque alias habet differentias, scilicet pararhythmum, heterorhythmum, & ecrhythmum, est autem pararhythmus, qui mediocrē consonantia, & proportionē optimā propinquitatem habet, heterorhythmus, qui mul-

tum

tum à consonantia discedit, ecrhythmus, qui in totum errat, & à consonantia distrahitur, quæ omnia figura sequenti facilius deprehendetis.

Consonus, & dicitur Græcis eurhythmus: } Rhythmus, in pulsu. -- est proportio temporis ad tempus. Diffonus arhythmus dictus.

Pararythmus qui mediocriter consonantia accedit. } Eurhythmus, qui in totum errat, & à consonantia distrahitur. } Hetherorhythmus qui multum à consonantia discedit.

Caterum, cum de rhythmis confuse admodum Galenus scripserit, nonnulli firmant eum nullibi clarius de eis sermonem commisisse, quam libro secundo, de Dignoscendis pulsibus, capite ultimo, ubi præsertim quesitum absoluit, an puerorum pulsus debiliior sit, quam senum pulsus, & Herophilum carpit, ex quo ut rem comprobet, vesicas, vires, folles, ventres, adducit, vos verò legite, & iudicate.

Curatio septuagesima tertia, in qua agitur, de dysenteria interficiente, quæ post polypos comestos euenit.

Cum Venetiis Ragusium, mense Septembri, promiscuè ut fieri solet, plu-

res quodam myoparone nauigarēt: Ecce ad Iaderam Dalmatiæ ciuitatem, quatuor vel quinque iuuenes facti socij, polypos pisces abundè comederunt, vnde omnes in fluxum ventris venerunt & breui euaserunt, ex eis tamen Aloisius Ragusæus mercator, illico in dysenteriam deuenit, sanguinem nanque cum excrementis, comitante ingēti intestinorum dolore, egere cœpit, vnde morbus in dies grauior factus, Ragusium venit, ad quem inuisendum accersitus ego, eum totū ad tactum algescentem, interioribus eius nimia caliditate flagrantibus, vt ex eius atra lingua, & excrementis, percipiebatur, comperio, nam huius pulsus vix percipiebatur, cum quibus rectè loquebatur, & omnia quę illi offerebatur, comedebat, cæterum, ea quę egerebat, nigra, & viridia, ac veluti ea quę à corpore mortuo decidi solent, conspiciebantur, vt ea omnia tanquam tabum quis dixerat, proinde à prælagio habito, quòd hic breui moriturus esset, vt tertio sequenti die ita euenisse omnes viderunt, bona venia discessimus, Hippocratis consilio muniti, deplorati solis prælagiis sunt dimittendi, ne tamen immisericordes videamur, si iterum ad eos sic deploratos inuisendos vocamur, eos inuisere tenemur,

mur, ne fortè quoque ipsi in desperationem veniant, item quia non raro in arte medica mirabilia contingunt.

Curatio septuagesimaquarta, in qua agitur, de verme lato quatuor cubitorum per os eiecto, simul & Hippocrates enarratur.

MVlier Illyrica cùm rectè valeret, vermem latum longitudinis quatuor cubitorum, per os, præcedente tussicula viuum eiecit, quem vermẽ ad me videndum chirurgici attulerunt, sed emortuum iam erat autẽ vermis is admirandus, nunquam antea similis à me visus, longitudinis, vt dixi, quatuor cubitorũ, latitudinis parvæ, & fortè semiunguis exigui, coloris albissimi, substantiæ intestinorũ. & nescio quid spoliij colubrini præ se ferẽtis. Nam huius caput verrucosum erat & album, ex quo corpus latum procedebat, & quo magis ad caudã accedebat, eo strictius eua-
debat, erat autem vermis hic vnum tãtum corpus, diuisiones tamen plures habens. Huius nanque lati lumbrici portiunculæ, semina cucurbitæ, præ se ferunt, qui intra se nihil continere ob corporis sui lati

compressionem videtur, vnde Hippocrates libro quarto de morbis eum intra intestina non foetare contra alios medicos, euentissimis rationibus probauit, duobus præcipuis, prima quarum, aliorum contrarium affirmatum destruit fundamentum: dicebant nanque antè Hippocratem medici, latum hunc lumbricum, quem taniam, id est, fasciam, appellare solent, intra intestina foetare, & quod ita esset, probant, quia homo qui hunc intra se habet vermem, sæpè vermes paruos egerit, cucumeris semen præ se ferētes, quos genituram lati huius lumbrici esse, omnino contendebant, quibus Hippocrates diuinitus respondet, paruos illos lumbricos eiectiones non lati lumbrici genituram esse, sed potius portūculas eius abruptas, quæ, vt dixi, & figura attestatur, cucumeris, aut cucurbitæ semina præ se ferunt, magnitudine, & figura, aut verius speciem ipsius lati lumbrici, quæ qualis alba intestinorum rasura est, & quod ita se res habeat, secunda eius ratio firmat, à nemine, quod bona doctorum hominum pace dixerim, huc vsque intellecta. & est probans, quod latus lumbricus intra intestina non foetat, quam Hippocrates ab ipso corpore lumbrici desumit, quia vermis
hic

hic ita compressus est, vt nullam habeat loci capacitatem gignendi vermes: ita enim Hippocrates loquitur, nam homo qui latum lumbricum habet, velut cucumeris semen excernit, alias atque alias, vna cum stercore ipso, & sunt homines qui hoc lumbrici partus esse dicunt, mihi verò non rectè dicere videntur, qui talia dicunt, nec enim ab vno animali tot pulli generari possunt, neque est loci in intestino capacitas, vt partus educare queant. haftenus Hippocrates, cuius vltima verba ipsum nimium faciunt veracem, quæ aiunt, neque est loci in intestino capacitas, vt partus educare queant, quæ verba sic intelligenda veniunt, vermes lati ij cum compressi, & stricti admodum sint, nec habeant intra se locum capacem in quo foetare possint, aut genituram continere, aut partus educare, consequens est, impossibile sit intra foetificent, aut genituram habeant, sed quod ita Hippocrates intelligendus sit, vermis huius corpusculum satis compressum, & capacitatis primum, satis clamat: item, quia absurdum esset asserere, in hominis intestino non esse locum capacem in quo lati ij lumbrici, etiam si tricenum pedum essent, vt aliquando visi sunt & Plinius refert, libro

G ;

vndecimo suæ Naturalis historiæ, suos educare queant partus, sed Hippocrates, vt qui verissimis, & indubitatis vtitur rationibus, devētre, & loco vermis, generationi inepto loquitur, vt qui codicem Græcum percurrit, nobiscum alacrius sentiet: cæterum, vt vermis is latus non fætificat, ita rotundus maximè, vt curatione sexta, centuriæ primæ, & curatione quadragesima-sexta quintę clapsæ, meminimus, quos locos legere ne graueris, vt huius tractationis exactam teneas notitiam, & Paulum & Aëtium, hallucinatos deprehendas. Cæterum, mulier hæc de qua agimus, vt nobis refert, non integrum extraxit per os lumbricum hunc, sed magis abruptum, infima in parte, pro quo deponendo, & ne in similiū generationem deueniat, rebus necessariis sæpè à nobis iis in libris inculcatis, vñ sumus, & rectè habet.

Curatio septuagesima quinta, in qua agitur, de febre cōtinua cum exanthematis.

Filia Petri Luchari, nobilis Ragusæi, annos nata sexdecim, cum noctu fulgura, & cadentia fulmina peraudiret, ter-rita, ac timore percita, malè habere cœ-pit, nam cum menses consuetos suos, ad
ocho

octo dies, & eos quidem copiosos, habere solita esset, tunc cum secundus eorum fluxionis ageretur dies, retenti, & ex toto suppressi sunt, unde febris continua orta est, quam comitantur ventris fluxus, dolor ventriculi, & intestinorum ad pectinem usque, peruigilium, linguæ ariditas, aliquali cum siti, ad oblata mediocriter se habebat, & vires utcunque constabant, est autem puella hæc temperatura biliosa, & optimi habitus, pro qua iuuanda, illi vnciæ sanguinis quinque, primò extractæ sunt ex pedis vena, saphena dicta, ad quam accitus ego sexto die decubitus, omnia dicta puellam hanc pati comperio, cum quibus omnibus varia per vniuersum corpus expansa exanthemata pati, deprehendo, eisdem nondum à medico eam gubernante, aut assistentibus, animaduersis, pro salute igitur puellæ, proponitur, an sanguinis missio repetenda sit, vel eius vice pharmacum vnum vel alterum sit propinandum, & quod sanguis sit mittendus, febris continua postulat, quæ ob retentos menses multos orta est, solebat nanque puella hæc, per octo continuos dies, suos consuetos habere menses, & eos quidem copiosos, præcipuè vltimis diebus horum octo, ab

quorum suppressionem, vetriculi quoque
& intestinorum dolor obortus est, & cæ-
tera citata, adstipulatur tēpus conueniēs,
agimus nanque prioribus diebus mensis
Septembris, quin & ipsa ætas, corporis ha-
bitudo, temperies, immo quòd elapso die,
hoc est, quinto ab ipso morbi initio, san-
guinis fluxus per nares erūpi cœpit, item
quòd exanthemata rubricantia multa, e-
rant, & eorum nonnulla ad nares crassa,
vt variolas esse diceres, nec vires ab hac
chorea eliminabantur, quia mediocriter
vigebāt, quin & lotium rubrum non adeo
tamen crassum hoc efflagitabat, nec pri-
ma sanguinis missio, hanc secundam im-
pediebat, quia parua fuerat quantitate, vt
iure dicendum sit, sanguinem esse mitten-
dum, sed ij contrarias & duras partes ha-
bent, vt quæ tueantur, sanguinem non esse
mittendum, & iis fulciuntur rationibus,
quia præter quod sanguis extractus iam
fuerat, venter singulis diebus, bis & ter re-
spondebat, qui fluxus sanguinis missio-
nem prohibebat: item, quia exanthemata
foras apparuerant, & esset venenosam ma-
teriam intus reuocare, quibus adde, quòd
si natura per nares fluxum sanguinis ten-
tauerat, id vel Hippocrate teste, pessimum
est indicium, dicente ipso, libro primo
prorrhæ

prorrhethici, stilla sanguinis per nares,
 pessimum indicium, indicat enim, vt Ga-
 lenus in fine enarrationis primæ ait, natu-
 ræ imbecillitatem, quæ tentare, sed non
 completam vacuationem peragere valet,
 non igitur sanguis mittendus est, sed san-
 guinis missione vice, fortè manna aut rha-
 barbarum exhibendum erat, quia natura
 per inferiora tentauerat materiam eam
 pellere, aut satius esset tunc temporis su-
 perstare, & nihil quicquam agere, quo-
 niam satis agitur quoties opportuno tem-
 pore, ab omni opera super sedetur, porro,
 qui contendebant de sanguine emitten-
 do, variabant, alij ex pede contendentes,
 alij verò potius ex brachio contestantes,
 nec deerant vtriusque rationes, demum
 conclusum fuit, non sine ingenti errore,
 quod sanguis per plures disseminatas cu-
 curbitulas ad scapulas, costas, & nates, se-
 cta cute, extraheretur. fuit igitur sanguis
 per eas ad vncias quinque extractus, &
 postea duas horas, cœnata est, ptisanæ
 duas partes, alteri pulli contuso admistas,
 & pro potuius pulli non adeò cocti habe-
 bat. Cæterum, vt diu, & noctu per inter-
 ualla aliquid gustaret, rotulum vnum vel
 alterum descriptum est.

R. Specierum diarhodonis abbatis, dia-

G 5

margaritonis frigidi, ana scrup. 2. specierum trium santalorum drachmam mediam, cum saccharo ad ignem fiant rotuli drachmales, & vt suprà bibat.

Recipe, Aquarum endiuia, capillorum veneris, ana libram vnam, iulebi violacei, vnciam vnam, misce, ex quo bibat ad libitum: porrò, ea nocte aliquantulum dormiuit, & circa os vetriculi doluit, pro quo sedando dolore, assistentes mulieres absinthium calidum ventriculo admoверūt, & melius habuit, tunc in aurora ad eam de more accedens, eam melius valere inueni, pulsus rectius constabant, in lotio hypostasis siue nebula pendebat, & exanthemata imminuta fuere, tunc clyster paratus est, ex decocto camæmele, & anethi, & cæteris cum perficientibus, & ventriculus illitus, oleo absinthino, & cotoneorum simul pauca adiecta cera, quibus dolor aliquantulum quieuit, sequenti verò die, ex continua maligna, & malè morigerata, duplex tertiana facta est, & dolores ex toto quieuerunt, sed tunc ægra ipsa, ob humorum acredinem, pruritum & lancinationem in ano & vulua persentiebat, & lamentabatur, quæ partes vnguento rosaceo, & populeo simul, inunctæ sunt, & immunes manserunt, sed & clyste

clysteres tunc ex hordeacea, & oleo rosa-
 ceo, adiecta cassia extracta, parabantur, &
 syruos refrigerantes bibebat, demum
 venter ex se nono die in aurora commo-
 tus est, & bilem meram egressit, tandem
 vesperi sudauit copiosè, & febris ferè libe-
 ra ea nocte mansit, sed denuo febris re-
 diit ita affligens, vt primò, & venter bis &
 ter respondebat, aquosa & citrina, quæ
 omnia euenerè ob errorem commissum,
 quia vice extrahendi sanguinem per ve-
 næ sectionem, per cucurbitulas fuerit
 extractus, vnde tunc coacti sumus, ve-
 nam in brachij curuatura aperire, & san-
 guinem mittere, ex quo extracto, me-
 lius habere visa est, tandem concoctio-
 ne optima apparente, concessum illi fuit
 pharmacum ex manna & rhabarbaro con-
 cinnatum, quo rectè purgata est, tan-
 dem morbus imminui cœpit, & ad ali-
 quot dies ægra ipsa sanata est, dubio
 procul, morbus hic breuior foret, si mo-
 do quando per cucurbitulas sanguis fuit
 extractus, per venæ apertionem esset
 missus, cùm, vt dixi, morbus hic à san-
 guinis copiosi retentione euenerat: ex-
 tera consulto præterimus, quoniam vt
 Galenus ait, libro tertio Methodi me-
 dendi, curatio nulla ad vnguem scribi
 potest

potest, & eo magis, quia nos tantum eas morborum curandorum partes persequimur, quæ enarratione dignæ nobis videntur, cæteras subticendo.

Curatio septuagesima sexta, in qua agitur, de febre oblonga & miti, absq^{ue} symptomatis, ab obstructionibus mesaraicarum venarum, pendente.

Stephanus Gozius, nobilis & magnificus Ragusæus, annos natus quinquaginta, post elapsos sexaginta dies agitudinis, in quam bis reciderat, malè habebat, ad quem vocatus ipse, cum febrem continuam, mitem, & lentam, absque symptomatis aliquibus, pati deprehendo, illi nanque pulsus imbecilles satis erant, & corporis impotentia ingens, ut pedibus stare vix poterat, bis, & ter, ex se quotidie egerebat, cum quibus optimè, & auidè comedebat, & bibebat, & mediocriter dormiebat, pendebant autem febres hæ, ex obstructionibus mesaraicarum, ut ex chilos & humidis, ac malè compactis egestionibus, deprehendebamus, veluti ex earum mesaraicarum duritiæ, ut febres has accidentales appellare, à ratione dissonum

sonum non esset, quæ omnia, comitabatur color non tantum faciei, sed totius corporis citrinus, & flatus in ventre quidam aquositati admisti, quos cum ventrem comprimebamus, facile percipiebamus, audiebamus ve, ut igitur ab omnibus iis affectionibus generosus vir hic, liber euadat, neque in eas amplius recidat, vniuersus noster conatus, in reserandis & aperendis mesaraicarum obstructionibus, versatus est, tam intus ebibitis, quam extrâ admotis: proinde, victum sic illi instituiimus. Nam in prædio hora decimaquinta, æquas portiunculas simul mistas ptisanæ optimè concinnatæ, & pulli contusi: primò incocti capillo veneris, & petroselino vulgari, quas gabata mediocris continebat, ebibebat: dein verò parum carnis turturis iurulentæ, aut perdicis, aut pulli eisdem herbis coctæ, & minutim scissæ, adiectis subtilibus quibusdam panis optimi assulis, pauculo iure simul mistis cochleari avidissimè comedebat: & tunc bis vini potum repetebat, nonnisi albi & optimi, aqua decoctionis capillorum veneris, & aliquando radicum petroselini vulgaris, diluti, & vltimò, pauculo diacitonite sacchareo prandium claudibat, nec supra bibebat: quæ omnia, ut audistis, in cœna,
hora

hora vigesimatertia, vel vigesimaquarta, repetebat. Quantum verò ad medicinalia, scire decet, quòd in aurora syrupi vice, gabatam iure plenam, in qua incoctæ erant cicorea, capillus veneris & radix petroselini, bibebat: id quod ad octo vel decem dies sequutus est: postea verò, huius vice, syrupum byzantinum, & acetosum de radicibus, & de capillis veneris, æquis portionibus dilutis prædicto decocto ebibebat, & extrà venter illinebatur vnguento ex succis deopilante, quod sæpe iis curationibus memoriæ commendauimus. Elapsis verò quindecim diebus, in quibus vires aliquantulum resectæ sunt, syrupo prædicto adiciebamus decoctum citatum, in quo infusum erat rhabarbarum ad scrupulos duos, & nonnunquam ad drachmam integram: quo per intervalla ter ebibito, multa pituitosa viscida, & biliosa crassa egressit, & bene habuit: deinceps verò febris imminui cœpit, adeò vt ad quinque sequentes dies ex toto defecerit: tunc verò potum contusi & prisanæ prætermisit, & turture iurulenta, qua maximè delectabatur, vescabatur, aliquando perdice incocta iure capi, vel pulli. Sed audi, quod tunc, vice syrupi, sufficientis siue restaurantis dicti, portionculam

culam in aurora comedebat: & postea gabatam plenam optimi iuris capi iunioris supra bibebat: cuius restaurantis alteram portiunculam, cum primum prandre aut cenare vellet, comedebat: habet autem restaurantis confectio, sic, Recipe, Pulpæ capi, vncias quatuor, seminum quatuor frigidorum maiorum, omnium vnciam vnam, amygdalarum dulcium mundatarum, pineorum præparatorum, pistaciorum, ana drachmas tres, specierum diamosci dulcis scrupulum vnum, specierum diarhodonis abbatis drachmā mediam, margaritarum præparatarum, corallorum præparatorum ana drachmā mediam, sacchari fini dissoluti cum aqua rosacea, vncias octo, secundum artis ministerium: fiat confectio restaurantis, in mor-
 susis tenetis, in eum modum, quo parari solet satonea, singuli ternas pendentes drachmas, quorum vnum in aurora, vt dixi, comedebat, & supra bibebat capi iuris optimi scutulam: & cum prandium aggrediebatur alterum, veluti initio cœnæ alium, quibus, stante optimo victu, intra aliquot dies ad vires suas solitas reditus est: meminisse tamen decet, quod in hoc morbo raro, nisi lauante vno vel altero clysteri, vsi sumus: item, quod ag-
 rus.

tus hic, carnes intinctu acrium cerasorū
faccharo confecto, gustabat: sed postea
meis monitis hoc alio vsus est sapore.

R. Iecur vnum vel alterum pulli coctū,
quod in marmoreo mortario tere: cui ad-
de, amygdalas albas sex, medullæ panis
parum, cinnamomi drachmam mediam,
succu agreitæ, quātum ad componendum
sufficit: misce, para intinctum, saporem
dictum. Ceterum, cū primū ambulare
cœpit, aërem meis monitis mutauit.

*Curatio septuagesima septima, in qua
agitur, de distillatione ad pectus
descendente, simulque de ventri-
culi & lienis obstructionibus, &
errore Medici.*

Iosephus Gozius, nobilis Ragusæ, tem-
peratura biliosus, gracilis, collum ob-
longum habens, pectus strictum satis,
quum ætatis suæ annos ageret triginta-
quinque, catarrho à capite ad pectus de-
scendente laborabat, vnde & tussiebat, &
aliquantulum febriebat: ad quem accedēs
Medicus quidam, & considerās agrotum
prædictis cum affectionibus, obstructio-
nes circa stomachum & splenem pati, sy-
rupum deobstruentem & aperientem ni-
mium

mium descripsit, veluti inunctionē quan-
 dam calidam quoque: vnde humor cali-
 dus à capite calido facilius ruebat, & spi-
 ritualia mēbra validius offendebat, adeò
 vt tussis crebrior accreuerit: ita vt in pe-
 ctore ipso vena disrumpi cœperit, & san-
 guis ex ea per os efflui: quapropter voca-
 tus ego ad eum & omnia perpendens, no-
 to, Medicum illum attendisse potius ad
 ventriculi & splenis obstructions, quàm
 ad humorem à capite in pectus descen-
 dentem, vnde oximel & syrupum de hyf-
 sopo, huic concedebat: quo factum est, vt
 humores magis subtiliati, magis ad pe-
 ctus descenderent, & symptomata omnia
 grauiora euaderent: quapropter abnega-
 tis omnibus per Medicum illum conces-
 sis, quæ calida & aperiendi vim habebant,
 & introductis rebus frigidis, intra triduū,
 ita ægrotus valere dixit, ac si ab inferis re-
 uocatus fuerit: nam cū anteà multum
 tussiebat, & viscida & sanguinolēta spue-
 ret, vt ea omnia è corpore tabido decissa
 quis diceret, tunc parū vel nihil tussiebat,
 & parū excrebat: sed illud quidem albū,
 aquam supernatans, nihil tabitudinis præ-
 se ferens, sed & febris imminui cœpit, &
 eò magis post adplicitas ad scapulas cu-
 curbitulas, per quas sanguis abundè ex-

H

tractus fuit : sed tunc pulli contusum cum
ptisana hic pro victu habebat, & abste-
mius, ordeacea aqua contentus in potu
euadebat, & syrupum violaceum & rosa-
ceum ex rosis siccis deglutiebat, sed in ore
diadragachantum cum bolo armeno diu
habebat, & per intervalla, eclegma, siue
lambetium ex althæa, simplex, gustabat,
quod veluti ex farfara parari solet, para-
tur autem eclegma ex althæa, sic: Althææ
siue hibisci radices recentes incoque, ac
 eas optimè tere, & per setatium siue ta-
misium traicito, & saccharo aqua viola-
cea dissoluto, eas excipito, & eclegma pa-
rato, siue lambetium: iis enim, vt dixi, is
bene habuit : qua de re amplius obedire
noluit. Cæterum, quum hæc literis man-
darem, ecce quidam catarrho affectus, vt
ex eius libello apparet, ad manus meas
peruenit, qui pueriliter satis, catarrho in-
frigido cauterium abnegat: sed qua ratio-
ne, ipse ignorat : proinde iuuenibus iis
nulla experientia suffultis, nulla danda
erat scribendi circa res graues, & pericu-
lum minantes authoritas : quòd si illis, vt
senioribus, & in arte medica experientis-
simis, aqua datur scribendi licentia, vos
à simili eorum doctrina abstinete, quia
illis satis superque erat de clementis in-
quirere,

quirere, non verò de rebus difficillimis, ad opus condescendentibus iudicium suum ferre.

*Curatio septuagesima octava, in qua
agitur de dolore ventriculi à multa
viscida pituita oborto.*

VIgente diuine autumnno, nobilis mulier, & fortè mater Iunij Georgij patritij Ragusæi, nata annos quinque supra quinquaginta, quum ruri apud Chupaniam ageret, & fabis omnino, vt ex Galeno nostis, flatuosis & fructibus variis vesceretur, de ingenti dolore oris ventriculi, conquesta est: pro quo abigendo, varia ibidem à mulierculis machinata sunt remedia. Cæterum, cum in dies peius valeret, & acrius à dolore cruciaretur, Ragusium se contulit: ad quam vocatus ipse, inuenio mulierem hanc de dolore isto conqueri, qui à multa viscida & flatuosa pituita ortum traxerat: pro quo leuando, vomitus variis medicamentis fuit irritatus, quibus nunquam scopum obtinuit, & fomenta varia sunt admota, & oleum nescio quale in potu exhibitum, & cucurbitulæ umbilico admotæ, & cly-

H 2

steria, siue infusa quàm plurima iniecta:
sed, vt dixi, absque profectu vllò, cùm do-
lor grauius semper affligeret: proinde
omnia hæc considerans, & stomachi tem-
peraturam frigidam & humidam, dolo-
rē inque valde & continuò offendentem,
qui ad cor fortè properabat, & thoracis
bonam partem occupabat: de quo Auicē-
na Fen 13. lib. 3. inquit, Et quandoque mo-
ritur agrotus confestim propter aduentū
doloris ad cor. Data omni diligentia vo-
mitorium hoc medicamentum parare iu-
beo: quod habet, R. Stillatitiæ aquæ, flo-
ris camæmelæ libram vnā, oximellitis
vnc. vnā, agarici albi, optimè pulueriza-
ti, drach. vnā: misce, & tepidum totum
propinato: à quo ebibito, breui in vomitū
soluta fuit: id quod antea nullis medica-
mentis consequuta fuerat: vnde cùm de
obitu timeret, se euasuram ab hoc morbo
credidit: vomuit autem pituitam ita visci-
dam, vt ligno apprehensam, eam ex alto
tenerem: nec enim semel vomuit, sed bis
postea pituitæ dictæ iustam quantitatem:
& vt ea tunc assistentibus referebat, dolo-
re alleuiata erat, nec ita eo lancinabatur,
sed tunc clysterem iniicendum curavi
hunc. R. Anethi camæmelæ, betonicæ,
stœchados, ana pugillum vnum, centaury
minoris

minoris, seminis lini, fœnugræci, ana pugillum medium, cumini, ameos, cari, ana drachmas duas, in libris tribus aquæ fiat decoctio sufficiens, & coletur. R. Prædicti decocti libram vnam & mediam, olei anethini, camæmelini, ana vncias duas, mellis rosati colati, vnciam vnam & mediam, hieræ picræ drachmas tres, diaphiniconis drachmas sex, oui vitellum vnum, salis drachmam vnam, & alterius mediam: misce, fac clysterem, & iniice, quo aluus parum respondit. Cæterum, intereâ dum hæc operabantur, vt dolor ex toto leuaretur, fomentum parabatur hoc. R. Anethi, camæmelæ, meliloti, betonicæ, rutæ, stœchados, calamenti, maioranæ, absinthij, menthæ, centauri minoris, ana pugillum vnũ, seminis fœniculi, apiij, cumini, ameos, dauci, ana drachmas duas, seminis lini, fœnugræci, radicis althææ, spicæ celucæ iam hodie officinis satis notæ & vulgatæ, ana pugillum mediũ, in libris duodecim aquæ, fiat decoctio sufficiens, pro fomento, ex quo imbuta sponsia noua, vel filtrũ, sæpe applicabatur, & rectè sentiebat: post eâ verò, locus affectus dolore, linimento sequenti inungebatur. R. Olei keiri, spicæ nardi, anethini, ana vnciam mediam, ceræ parum, ad ignem misce, fiat linimen-

H 3

rum: iis enim ea nocte leuiter traufegit, & dormiuit, parum cœnata est, & illud quidem ius pulli pauco minuto pane exceptum, non nisi exiguo cinnamomo adiecto: pro potu verò aquam incoctā anisorum semine habebat: in aurora verò ad eam accedens, eam melius habere deprehendi: tunc verò bolum ex speciebus hieræ picræ Galeni, pauco oximellite exceptum, deglutiuit, à quo elapsa hora, panatellam iure pulli paratam, comedit: & postea elapsis quinque horis, contusum ex pullo bibit, & ouum sorbile superingessit, & parum vini generosi, aqua cinnamomi & anisorum diluti pitissauit, & rectè habuit: porro, vt ventriculus roboretur, sequenti die, rotulos sic descripsimus. R. Specierum aromatici rosati, drachmam mediam, specierum diambrae, scrupulum vnum, cum saccharo, quantum ratio pharmaceutica postulat: misce, fac rotulos pendentes singulos, singulas drachm. & alterius mediam, ex quibus in aurora vnum gustabat, & supra parum vini generosi bibebat, huius tamen confectionis loco, solet propinari electuarium de baccis lauri, tantopere à Rasi, libro nono ad Regem Almanforem dicato, laudatum, veluti theriaca, aut mitridathica antidotus,

tidotus, aut terebenthina vera, non lota, pondere semiunciae, supra ebibito paucō vino generoso, aut Cretenſi, aut aqua ardente dicta, vel vitæ, vel horum vice, parari ſolet electuarium ſequens, quod habet.

R. Pulueris radicis peoniae drachmam vnā, cinnamomi optimi, garyophyllorum, nucis moſchatae, ana drachmam mediam, macis, cubebarum, ana ſcrupulos duos, ligni aloës electi, ſpecierum aromatici roſacei, ſpecierum diambrae, ana ſcrupulum vnum, gingiberis albi ſcrupulum medium, maſtichis grana ſex, theriacēs optimae drachmam vnā, & alterius mediam: omnia melle roſaceo colatitio excipiantur, & ad ignem fiat confectio ad formam confectioſis opiatae, ſecundum ordinem pharmacopolium: ex quo ieiuno ſtomacho drach. integram deglutiat, & nihil ſupra bibat. Cæterum, ex variis quæ extrâ admoueri ſolent, hoc communiffimum & ſatis vulgare eſt, non contemnendum emplaſtrum, ſtatus digerens & reſoluens. R. Lanam, quam pannorum tonſores ex panno cocco infecto demere ſolent, pondere ſemilibrae: cui adde mellis tantundem: & miſce, ac poſtea ad ignem calenti, ſuperadde pulueris gingiberis, galangae, cinnamomi,

cubeborum, ana drachmam vnam, seminis anisorum, fœniculi, apij, ameos, ana drach. duas: misce, & fiat emplastrum, & calidum admoue: dissoluit nanque flatus, & humores domat frigidos.

S C O L I A.

Periculosus admodū oris ventriculi dolor est, & eò magis, quò cordis regionem occupauerit: pro quo levando, cum pependerit à flatuoso & frigido humore, vomitus omnino irritandus est, quem nos omni diligentia euocauimus: sed audi, solent practici inter habitas observationes pro irritando vomitu, commendare, vt ventris lenitio precedat vomitum, vt ex Auicenna eliciunt sen quarta, libri primi, capite vndecimo, quem ordinem nos non sequuti sumus, nec seruauimus, quia antea multa praecesserāt remedia, item, quia regula illa seruari debes, quoties acribus & potentibus vomitorijs vsi fuerimus. secus autem, quoties leuioribus, vt nunc vsi sumus, vt ex Auicenna quoq; praedicto loco, quisque doctus & sensatus d.prehendet medicus, & scire decet, quòd si dolor hic perseverarat, coacti eramus in potu, vnam vel alteram antidoti philonij Tharsensis, aut requies Nicolai, drachmam dare, postea verò ad causam recurrere, id est, ad materiam pituitosam, viscidam, flatulentam, eam incidendo, subtiliando, & pellen

Et pellendo, dein verò membrum ad contrarium alterando, & roborando, præsertim cerato, vel emplastro, ex varijs ad rem facientibus, aut culcitella ex aromati, absinthio, & simili bus consista: sed ultimo in hac casu, ut ventriculus calidus seruetur, nec in hanc malam affectionem labatur, uti solent pelle oloris, cygni dicti, aut vulturis, aut avis tarda, aut anseris saginati, rectè apparatus prout Venetijs, Ferraria, & varijs alijs locis, vendi solet.

Curatio septuagesimanona, in qua agitur, de dolore stomachi, in tertiane paroxismo affligente.

Peroportunè monachus lignipes iuuenis ex Stagno ciuitate, grauiter tertiana correptus ad nos venit, Qui cū paroxismo corripi incipiebat, ita ventriculi dolore cruciari quoque incipiebat, ut alta voce ad mediam horam clamaret, qui dolor non aliunde quàm à bile acri ex iecore ad vētriculum fluxa, ortum trahebat, quæ sua acredine, & mordacitate dolorem inferebat, proinde nos causam morbi tenētes, eam clysteribus antè paroxysmum horam vnā vel alteram immissis, diuertendam curabamus, & buccellam panis comedendam elargiebamur, intinctam succo granatorum acetosorum, aut robo her-

H 5

berorum, aut ribes, aut succo cotoneorum
austerorum, aut malorum acidorum, aut
oxisacchara simplici, aut robo myrtillo-
rum, aut aliquo horum similium, nec mi-
nus tunc ventriculus roborabatur lini-
mento parato oleo myrtino, rosaceo, &
cotoneorum, in quibus, vt ars docet, ma-
stichis & thuris parū primò inferbuerat,
& colatura facta prædictis oleis misceba-
tur pulueris rosarum rubearum non com-
pletarum, cerarum, coriandrorum præ-
paratorum & pauca cera alba linimētum
parabatur, cuius vices suppleant varia alia
silentio à nobis prætermissa, sed iis mona-
chus hic meliùs habuit, & præparata ma-
teria, ac expulsa, & iccore, & spina dorsi,
nonnullis frigidis, contemperatis, à dolo-
re liber factus fuit, morbus tamen ad ali-
quot dies perseueravit, qui postea erran-
do in quartanam mutatus est. Cæterum,
cū hæc percurro, in mentem venit olim
quidam, qui cū malè de stomachi dolo-
re quæreretur, & pro sua salute me accer-
siri curaret: ecce interea dum ad alios di-
uerto ægrotantes, muliercula assidens
hunc solo calente pane dissecto, & stoma-
cho adplicito, eum sanauit, vt postea mea
opera nō indiguerit. Erat enim dolor hic,
fortè ab intēperie frigida, absq; materia
veniens

veniens, & re vera, panis hic à forno recēs
extractus in hoc casu, multum valet, velu-
ti si à caliditate dolor euenerit, prædictus
panis aceto acerrimo imbutus applicitus
fuerit, quod opus quoque, malum punicū
aceto tabefactum, & admotum, complere
expertus sum, variè igitur morbi, pro va-
ria eorum causa curari debent.

*Curatio octuagesima, in qua agitur,
de vertigine, quæ Græcis σκόρωμα
dicitur.*

MArinus vir insularis, obesus, natura
pituitosus, vertigine, morbo graui
periculoso & in comitalem venturo faci-
li, iandiu est, laborat huic caput continuò
circunfertur, rotaturve, & præ caligine
oculi obscurantur, quæ omnia fortè ab spi-
ritu vaporoso, leuato ab imbecilli calore,
& in cerebri partibus inordinato modo
& motu, procedunt, cum quibus, capitis
dolor, & eius ingens grauitas, aurium so-
nitus, olfactus amissio, & similia erant, vt
morbum hunc per primogeniam affe-
ctionem in ipso fieri capite, certum sit.
Nam cum vir hic trigesimū octauū æta-
tis suæ annum agat, agitur iam tertius an-
nus, quòd hoc vexatur morbo, prioribus
nanque

nanque sex huius carnificis morbi, men-
sibus, circa ventriculi os, dolorem sentie-
bat, & sæpè nauseabundus incedebat, vt
credendum sit morbum hunc, tunc per
consensum ortum traxisse, temporis ta-
men successu, capiti insitum & proprium
fieri, eo autem nunc continuò vexatur, &
torquetur. Pro quo leuando, multa & va-
ria fuere adhibita remedia: nam & corpus
per potiones paratum, purgatum non se-
mel fuit per cataporia, & sanguis per hi-
rudines ex ani venis abundè extractus,
veluti per cucurbitulas sectæ cuti scapu-
larum affixas, non minus gargarismis a-
pophlegmatismis, & sternutamenta mo-
uentibus, vt succo cyclaminis, in nares in-
fuso, veluti anagalidis, & cucumeris asini-
ni, vel struthij, vel pipere albo, aut helle-
boro albo, aut struthio, lanaria herba di-
cta: quæ omnia per nares egregiè purgāt,
sed & caput irrigatū fuit embrocha com-
posita, variis herbis discutiendi facultate
præditis, tandem ad vesicatorium deuen-
tum est, quæ omnia nihil cōulere. Proin-
de ad me venit, auxilium pro tanto pro-
figādo malo petens, cui lubentissimè ob-
temperantes, eius curam suscepimus, &
repurgato corpore, ad vinum decoctionis
guayaci, in quo inferbuerat betonica, tātis
laudib

laudibus decantata herba, ab Antonio Musa, Augusti Caesaris medico celebri, confugimus, quod per quadraginta dies ebibit, optimo victus ordine seruato, & inde sanus euasit, & nunc fausta & prospera valetudine utitur.

S C O L I A.

Commodum hac scribebamus cum tertius navigationum tomus vernacula Italarum lingua conscriptus, è Veneta Typographia, prodiret, in quo circa calcem, hac animaduersione digna inuenimus. Gallos in nouam siue floridam Franciam nauigantes, nouo & inusitato morbi genere correptos fuisse: cui nullis remediis occurrere poterat, post à tamen nouæ arboris subsidio, subito conualuisse, non tantum eos, qui eo morbo infecti erant, sed à multis retrò annis gallica scabie infectos, vnde mihi suspicio est: eandem hanc cum guayaco arborem esse, cum verò certiora afferrentur vberius de ea volente Deo, scribemus, interim fides ipsa penes gallos authores esto. Illud etiam repetitum velim. Hispanis hominibus persuasum esse: Europæum buxum guayacum esse, cuius buxi decocto ad propulsandum morbum gallicum insigni felicitate vtuntur, eos nos iis in Centuriis sequuti sumus, quod si error fuit, non mihi sed authoribus Hispanis assignandus erat.

nouo

novi ego quantum buxus Europeanus à guayaca arbore, foliis, tum fructu, ac reliquis differat. Caterùm Hispani quibus differētiā inter utranque obiicimus, verum nos fateri respondent, sed non perinde à sua desistant opinione, cum eas soli ratione tantum differre, & eo in climate procerius, & alacrius crescere quàm in Europa, dicant, nos utcunque sit, utrāque arborem viribus parē esse, experiri sumus. Caterùm, practicas scribentes, differētiā faciunt, inter vertiginem, & scotomathicum affectum, aut ut ipsi aiunt, scotomiam, quanquam scotomiam, receptum vocabulum apud Græcos auctores esse, docti quidā memoria mandarunt, dicunt igitur scotomiam, siue scotomathicum affectū, eum esse morbum qualem Marinus hic passus est, vertiginem verò ubi capitis simplex rotatio absque oculorū obtenebratione reperitur, quæ sanè diuisio tametsi præter Græcorum mentem sit, quoniam apud eos *σκότωψ*, vertigo sit, non omnino tamen improbanda est, quoniam nescio quid in hoc morbo nominando, claritatis afferat.

Curatio octuagesima prima, in qua agitur de phymate inter anum & testiculos, & quòd crudum aperi-ri debet.

Lvdovicus Spatarius, vir qui cū diu
Lapud Romā egit, nūc Ragusij phyma
inter

inter anum & pudendum patitur, ad quem accitus ego, inueniēs phyma ferè ad sup-
purationem veniſſe, ſuaſeo illico de eius ſectione, & apertura: nā aliter pus rodens fiſtulam creare, timebam. Alter verò medicus aſſiſtens, nondum exactam maturi-
tatem in phymate eſſe cōtendebat: proinde differendam aperturam cōteſtabatur: cui ægrotus fidem præſtās, fortè ſectionis dolorem fugiens, tātum interpoſuit tem-
pus, vt ex ſe inflammatio diſrupta fuerit, ex qua multum puris effluxit, vnde quan-
tumcunque diligēter poſtea curata aper-
ta manet, &, vt creditur, in fiſtulam dege-
nerabit.

S C O L I A.

*Ignorabat aſſiſtens medicus ille, huiusmodi phymata ex Hippocratis mandatis cruda ape-
riēda eſſe, ſic enim Hippocrates, libro de fiſtulis, nō procul à principio ait, antè omnia igitur quum naſci ſenties cuiusmodi aliquod phyma, priuſquā ſuppuratione ad anum pertineat, celerrimè crudum ſecabis. Ex quibus Hippoc. verbis ſatis conſtat, medicum hunc ſatis erraſſe, quum phymatis ſe-
ctionem in longum diſtulerit tempus, nec enim ſubterfugendi locus illi datur, cum dixerit, Hip-
pocratem de ani phymate loquutum, non verò de eo quod inter pudendum & anum habetur, quum phymata ea omnia ferè eadem ſunt, quia partes eadem*

eadem, & inter se similes satis sunt. Caterum, iubet Hipp. hoc in loco vt phymata cruda aperiantur, quia longa suppuratione locus hic ita computrescit, vt laceris vestium fragmentis similis euadat, vocatur autem à Græcis rhacodes, & agglutinari difficulter potest, vt in Altharasio olim vidistis: item quia si phymata ad suppurationem venerint, timor est inde fistula euadat, morbus curatu difficilis, nec enim Hipp. magnū putat malum quod ex crudo aperto phymate oriri potest, quoniam illud inflammatio sit, quam curare non magni negotii est.

Curatio octuagesima secunda, in qua agitur, de abscessu spirituosio dicto, raro euenire solito.

Abscessum patiebatur adolescens Raguſeus, sub ala, & illum quidem præmagnū, qui tēporis successu, mollis & linidus magna cū pulsatione ita euasit, vt intra eū pus cōtineri medici & chirurgici pro certo haberent: itaque de eo aperiendo, nulla inter eos discordia habita, opus aggressi sunt, sed quali successu, audite, vix enim abscessus phlebotomo apert⁹ fuit, ex quo sanguis impetuosè, quodā cū spiritus strepitu profiliuit, cū agrotus ipse posito capite, expirauit, nō sine tamē ingēti assistentium medicorum opprobrio & dedecore.

SCOL

S C O L I A.

Inflammatio ut à sanguine è venis effluxo, fieri solet: ita abscessus hic ex arteria spirituosò sanguine extra collecto, euenire solet, qui quidem abscessus periculosus admodum est, ut in quo spiritus, qui ipso Galeno dicente, anima ipsa, vel anima immediatum instrumentum sunt, continentur, quo aperto, vel ex se disrupto, agrotans periclitatur & deficit, memini me alias Romæ similem vidisse morbum, à quo qui illum patiebatur, ut & hic breui obiit.

Curatio octuagesimatertia, in qua detegitur error, in descriptione galliæ moschata Nicolai, & alter in descriptione unguenti rosacei, apud Mesuem.

QUum Nicolai medicamentū, aut verius trochisci galliæ moschatę passim vsui veniant, operæpretium me facturum existimo, si ad præsens errorē, quem in eis concinnandis pharmacopolæ committunt, dixerò: pharmacopolæ nāque ex præcepto primo paratos trochiscos, & in puluerem postea redactos, vnciis quatuor olei sambucini, vel, ut aliis placet sambacini, vel, ut aliis etiam sansuccini, qua in

re, non multum moror, miscēt, ipsis supra
iniiciendo cinnamomi, garyophyllorum,
nucis muscharæ, ana vnciam mediam, ex
quibus omnibus rectè cōmistis & fermenta-
tis, postea trochiscos concinnant, sed
quanto errore, audite: primò, quia huic
componendo medicamento, olei quatuor
vncias miscent, quæ sanè olei quantitas
sufficiens est ad medicamentum penitus
humidum & liquidum ac ineptum figuræ
trochiscorum reddendum: secundò, quòd
prædictam olei quantitatem infundētes,
medicamentum exurunt, oleum ad me-
dias consumendum credentes, atque ita
se se rem habere, ipsa descriptio Nicolai
satis testatur, quæ ita habet. R. Mastichis
vnc. 2. gummi vnc. 1. camphoræ scrup. 1.
hæc autem benè terantur subtilissimè, &
cribrētur, & trochisci inde fiant, aqua ro-
sacea, & ficcētur ad vmbra, & postquam
fuerint desiccati terantur subtilissimè, &
misceantur, cū vnc. 4. olei sambucini, bul-
liti, & colati, ad medietatē: deinde: misce,
cū speciebus istis benè tritis, & cætera:
ex iis autem nos verū loqui deprehēde-
tis, proinde ne pharmacopolæ amplius
errent, sciant, Nicolaum olei sambucini
pondus rectum, conueniens & sufficiens
iniiciendum describere, non quidem, vt
pharma

pharmacopolæ rudes putāt, quatuor vnc.
 sed magis, vt diligentes norunt, quartam
 partem vnciæ vnius, quæ pars, drachmæ
 duæ sunt, tantum olei pendentes, quātum
 vt ex omnibus illis trochisci parentur, sa-
 tis est, & quod Nicolaus ita quartam par-
 tem vnciæ intelligat, vel ex hoc facile
 percipitur, quia primò, quartam partem,
 & postea vnciam decussat, sic enim ille ha-
 bet cum vnc. 4. id est, cum quarta vnciæ:
 nam si cum quatuor vnciis intelligeret,
 primo, vt illi mos est, vncias decussaret,
 dein numerū signaret, sed quum quartam
 partem vnc. intelligat consequens erat, vt
 eo modo, quo fecit describeret. Cæterum,
 quantum attinet, ad ea quæ sequuntur,
 scilicet olei sambucini bulliti, & colati, ad
 medietatem, deinde misce, cum speciebus
 istis benè tritis, & cætera: cum hæc dili-
 gētius inquirerem: ecce in Nicolai exem-
 plar quoddam manu scriptum caracte-
 ribus longobardicis elegantissimis, & in-
 auratis exaratum & depictū incidi, quod
 ex instructa bibliotheca Mathiæ Vnga-
 riæ Regis illius, qui Ioannem ex Monte
 regio Ephæmeridum scriptorem, multis
 auxit honoribus & diuitiis, prodierat, in
 quo ita ad verbum hæc legebantur, olei
 sambucini cocti, & bulliāt ad medietatem

cum speciebus istis bene tritis, ex qua le-
ctione satis clarum euadit, locum hunc
apud Nicolaum deprauatū typographo-
rum vitio esse. Sic igitur dehinc, locus hic
legendus est, & postquam fuerint desiccati
trochisci terantur subtilissimè, & misceantur
cum quarta parte vnciæ vini, olei sam-
bucini cocti, & bulliant ad medietatem,
cum speciebus istis bene tritis: quæ sanè
lectio, veritati & rationi conficiendorum
trochiscorum huius galliæ muschatæ, con-
sonat: cui sequens Antidotus Nicolai idem
est, cū gallia descripta à Mesue: miscetur
autē gallia Nicolai emplastris, ceratis &
vntionibus: Mesues verò gallia, magnis
& celeberrimis medicinis, ac Antidotis
singularibus iungitur: ita enim Nicolaus
post confectionem galliæ muschatæ suæ,
tradit: confectio verè ita fit, id est, galliæ
muschatæ veræ descriptio siue Antidotus,
quam Mesue memoriæ commendauerat,
ita habet: ambraë oriëntalis, & cætera: cam-
phoram tamen hic plus habet. Cæterum,
dum in Nicolao restituendo laboro, ecce
alter Mesues error mihi se offert, ex de-
scriptione vnguenti rosacei. Inquit enim
Mesue in vnguenti rosacei descriptione.

R. Axungiaë porcinaë recentis, quan-
tatem quam volueris, & inferius, olei
amyg

amygdalini partes sex. Hic enim error maximus est, cum pro sextam partem typographi, sex partes legerint: si enim sex partes olei, ad vnam axungiae miscuerimus, proculdubio non vnguentum, sed linimentum potiùs, & id valde liquidum conficiemus, vnde satis mirari non possum eos qui Mesuem Latinissimum, & eloquentissimum reddere pro viribus laborant, hæc & similia non aduertere, vt error enim hic apud Mesuem emendandus succurrit, ita plures alij similes in promptu sunt, quos ad præsens silentio præterire volui, quum hoc mei instituti non sit, satis enim est, me aliis viam munire, & aperire.

Curatio octuagesima quarta, in qua agitur, de Tenesmo ob inflammatum rectum intestinũ, cum stranguria, id est, vrina difficultate, veniente.

Qui extra urbem agebat, Stephanus Gozius nobilis Ragusæus, & difficulter consequabatur valetudinem, in tenesmum incidit, contra quem, clysterem abstergentem illico iniiciendum curauimus, & breui ea desidendi frequens &

assidua cupiditas repressa est. Cæterum, paucis elapsis diebus, mala hæc affectio iterum rediit, & prædicto iniecto clysteri, & variis aliis adhibitis remediis, nihilo melius habuit, sed morbus potius auctus est, & in alium quem Græci stranguriam, Celsus, difficultatem vrinæ vertit, alij verò stillicidium vrinæ vocant, lapsus est: pro quibus abigendis malis affectionibus, in mentem venit hanc malam affectionem primariam, tenesmum dictam, ab inflammatione ortum traxisse, cuius causa fuit sanguis atrabiliarius traiectus ad venas hæmorrhoidales, eoq; confortij ratione, vesica passa est, & ægrotus in vrinæ difficultatem incidit, quibus de causis, admodum, eisdem venis hæmorrhoidalibus, tribus hirudinibus, & extracto multo sanguine, breui affectio hæc sublata est.

S C O L I A.

*Tenesmus varijs de causis euenire solet, ideoq; variam curationē exposcit, euenit autem ob ster-
cus prædurum impactum intestino cæco, ob frigus
extrinsecus adueniēs, ob acres rodentes & bilio-
sos humores, ob salsam pituitam, ob inflammatio-
nem, & nonnunquam ob vlcus. Cæterum, Hippo-
crates, libro de Fistulis, ita describit hunc mor-
bum, & cum ita suis numeris absoluit, & colori-
bus siue indicijs depingit, ut nihil quod amplius
deside*

desideremus sit, eius autem verba hac sunt, quod si anus inflammetur, dolor & febris accidat, atq; homo crebro desidat, sed nihil desiciat, videturq; anus procidere, ὑπὸ τοῦ φλέγματος. hoc est, ob pituitam, vel si maui, ob inflammationem, utroq; enim modo verti potest, ut doctè Vidius Florentinus eo in loco monuit, quoniam φλέγμα ab Hippocrate, non solum pro pituita, sed pro inflammatione accipitur, quum autem phlegma dicimus, falsum intelligere hac in parte debemus, quum verò inflammationem, aliquando phlegmonem, aliquando verò citra omnem tumorem aestuantem nimia caliditate particulam, ut Hippocrates quoque intelligit libro de Vulneribus capiti. & nos experimur in nostro agrotante.

Curatio octuagesimaquinta, in qua agitur, de ulcere in palato à morbo Gallico ortum trahente.

AEneas Neapolitanus musicus, morbo Gallico leuiori quum laboraret, vlcus in palato ad columellam exedens patiebatur, ex quo periculum erat ne columella ipsa corrola exesave euaderet, pro quibus abigendis curandisque morbis, non semel (ut decet) purgato corpore, decoctum radicis smilacis asperæ, hodie zaræ parillia vocatæ, pauco senæ paratum,

optimo & parco instituto victus ordine,
ebibendum tradidimus: quo rectè sudabat,
& melius habebat. Cæterum, pro vlcere
ipso sanando, aquā hanc describendam pa-
rauimus, ex qua gosapij madafacta pilu-
la, intus indebatur adaptabaturq; ita vt ne
stilla guttāve vlla caderet, habet autem
aqua sic, R. Aquæ plātaginis vncias duas,
rosarum; id est, viridis æris drach. mediā,
misce, & ad ignem parum calefiat, & vt
dixi, per intervalla vtatur, est enim aqua
hæc optima, & quæ à putrilagine vlcera
expurgat, mundificatq; porro, aquā hanc,
quandoq; magis mitem quandoque verò
potentiorē paramus, prout necessitas
vrget, cui & tutiam præparatam ad scru-
pulos quatuor addimus, sed hic prædicta
vltus est, & frequenter gargarismo sequen-
ti gargarizabat. R. Sumachiorum, balau-
stiorum, summitatū rubi, foliorum oliuæ,
plantaginis, rosarum, ana manip. vnum,
thuris, mastichis, sarcocollæ, ana vnciam
mediam, in aquæ libris tribus, fiat deco-
ctio secundum artis ministerium, & cole-
tur, cui adde, mellis rosacei colati, vncias
duas, misce, & ad ignem iterum parū bul-
liat, quo assiduo vtatur. Nam & per inter-
ualla lacte gargarizabat, quod summum
remedium pro iis curandis vlceribus ha-
betur

betur, iis enim ita rectè valuit, vt intra viginti dies pristinā sanitatem adeptus sit. Cæterum, hodie quidā loco aquæ viridis dictæ, ex arsenico paratam aquam admittunt veluti alij oleum de vitriolo, aut puluerem ex percipitato, sed fortè contra Galeni decretum, vt qui in sua doctrina hortatur, iubetq; ne quis pro curandis oris vlceribus, medicamentis vrendi vim habentibus vtatur, timet nanque ipse, eorum in stomachum aliquem descensum.

Curatio octuagesima sexta, in qua agitur de accelerando partu, simulq; de redundante lacte minuendo.

VXor Abner Alfarini, biduū ante partum cecidit, & puerum intra vterum ad caput ita contudit, vt eum interfecerit, tempore verò postea partus ita difficulter pariebat, vt remediis partum accelerantibus opus habuerit, qua de causa, ita descripsimus.

R. Trochiscorum de Myrrha, drachmam mediam, croci scrupulos duos, cinnamomi drachmam vnam, dictami cretensis, scrupulum vnum, scelis scrupulum medium, omnia terantur subtilissimè, & iure capi & paucō vino Cretensi excepta,

calida bibenda dentur, & ad nares sternu-
tamentum prouocans, vt helleborum, aut
condisum, aut piperis puluis, aut simile
aliquod admoueat, quibus adiuta, bre-
ui puerum integrum, sed mortuum pepe-
rit. Cæterum, quum hæc primipara esset,
iuuenis sanguinea, ad eius mammas mul-
tum lactis confluxit, pro quo minuendo,
vnum præceptum habentes quod quæ se-
men extinguunt, lac in mammis extin-
guere soleant, sic aggressi sumus, & pri-
mò, quoniam hæc mulier abundè purga-
ta erat, oxycratum linteis exceptum supra
mammas sæpè admouebat, quo rectè va-
lere inculcabat, sed postea hoc empla-
strum descripsimus.

R. Farinæ lentium, fabarum ramenti,
radicum caulium, ana vnciam vnam & al-
terius mediam, croci drachmam vnam, sa-
lis, drachmam vnam & mediam, cineris
canceri fluuiatilis, vnciam mediam, laccæ,
lithargirij, ana drachmas duas, omnia cū
decocto fœnugræci in mortario excipian-
tur, & terantur, quibus adde, muccaginis
psilij, vnciam vnam & alterius mediam,
aceti acerrimi, vnciam vnam: misce, fac
emplastrum secundum pharmacopolium
magisterium, & admoue, superpositis fo-
liis ricini, hoc enim emplastrum tanta vi
& po

& potentia fuit, vt opus breui confecerit, proposita victus ratione, sanguinem parum gignente: Nam parcus victus huic malæ affectioni multum prodest. Ceterum, morbum hunc Græci *σπασμωδον*, vocant, qui si rectè non curetur in *δρόμω*, hoc est, grumescentiam, siue in grumos conuersum lac, verti solet, veluti in inflammationem. Ceterum, si mulier passa fuerit lactis defectum, accipito fœniculi virentis summitates, quas vino vel aqua, aut vtrisque simul incoquito, quod decoctum bibat, ad lubitum in prandio & coena, & interdiu, & eo lac breui multiplicabitur, vt experientia compertum habetur.

Curatio octuagesima septima, in qua agitur, de impostura quadam, videlicet, quod muliercula incantamentis iuuenem surdum fecerit.

Illyrica mulier, quæ omnibus Ragusij prostabat, apud Iudices accusatur, quòd iuuenem nobilem excantamentis surdum reddiderit. Qua de causa, carceribus retenta (aduocato eam defendente) crimen inficiabatur: tandem post multa & varia in hac controuersia iactata, me rogant iudices

dices, ut quod hac de re sentiam, chartis tradam: quibus obedire cum par sit, pauca hæc describere coactus sum: nam in hac re si omnia ad vnguem percurrere velim, iustum volumen conficiendum esset, quod contra institutum nostrum est: medicinam nanque deorum artem exercemus, qua non paucos ab orci faucibus reuocamus: pro quo exactè complendo instituto, Hippocratis illius diuini, & eius maximi ampliatis Galeni Asiatici libros, & sacra dogmata diu nocturne versemus oportet. Non nobis igitur vacat de incantationibus prolixè agere. Proponitur contra meretricem causa, quod iuuenem nobilem, robustum apprimè & benemusculosum, vi veneficii surdum reddiderit, & opus id ab ea fieri posse, proponuntur historiae, citantur leges, & doctorum hominum placita adducuntur, quin & testes oculati, qui circulis, inuocationibus, excantationibus, sortilegiis, & huiusmodi variis, simillima hæc & maiora portenta fieri ab aliis producuntur, non minùs contra eam adducunt id quod de huiusmodi mulierculis iactatur, quod homines impotentes reddant, & ab eisdem postea nonnullis exorcismis impotentiam illam depellant: itaque, ut hæc
ma

machinantur, ita & iuuenem hunc sur-
 dum potuisse facere non esse mirum, quia
 sæpe suis incantamentis ac magicis inuo-
 cationibus, absentes tanquam præsentem
 indigitant, imò seipsas in alia corpora
 non rarò transformant, atque eas Strigas
 vocant, vt per amplè Comes Mirandula-
 nus huic negotio dicato libello, indica-
 uit: Romana nanque mulier precatone
 aquam cribro, vt memoriæ est traditum,
 attulit, & Vlysses carmine sanguinem
 profluentem compescuit, vt alias multas
 & varias hominũ transformationes præ-
 tereamus, quæ hoc fieri posse attestantur,
 in legum nanque duodecim tabulis legi-
 tur, qui fruges excantasset: & alibi, qui
 carmen malum incantasset, vt Plinius
 prosequitur libro vigesimooctauo suæ
 naturalis Historiæ. Item in lege à Deo
 optimo maximo per Mosem tradita le-
 gimus, Veneficos ne patiaris viuere. Sant
 autem ij incantatores dicti, qui incanta-
 tionibus, & cæteris malis artibus, veluti
 vetita magiæ specie vtuntur, vt est goeti-
 ca, thurgia quoque dicta, quæ demonum
 inuocatione, infandisque incantationi-
 bus constat, & ea hominum mentes falla-
 cia perstringuntur, quæ aut fit per aquam,
 aut securibus, & aliis ferramentis, aut pel-
 uibus.

uibus aqua plenis, aut speculo, aut igne, aut terra, aut euocatione vmbrarum, & hæc Necromantia dicitur, & eam exercentes Necromantici, quorum incantamenti mortui reuocari ad vitam, diuinare, & ad interrogata respondere videntur, aut fit fumo, aut cribro, aut lineis manuum: quanquam hæc vltima veritatis non nihil contineat, chiromantia dicta: si modò veri libri Medicorum & Philosophorum sunt, quibus titulus est, Quod animi mores sequuntur corporis temperaturam, & physiognomia. sed Aristoteles non prorsus commentitiam esse hanc observationem tradit, libro Problematum, quum quærat, quare longæui sint, qui habent integram lineam mediæ manus: sed hæc per excusum. Quum igitur tot artes pessimæ sint, quibus muliercula hæc vti poterat ad surdum reddendum nobilem hunc iuuenem, non absurdum esset eam tanti criminis ream facere. Galenus quoque anicularum incantationes vim habere credit, vt refert quoque Alexander Trallianus libro nono suæ medicinæ, capite quarto, missa facimus cætera huius generis varia, quæ contra hanc afferbantur, quæ ad præsens recensere non vacat: neque si vacaret, puto operæpretium

tium fore, & eò magis quòd credimus mulierculam hanc non posse solis verbis, aut incantationibus aliquem surdum reddere, vt ex diui Thomæ, libro tertio contra Gentiles decerpimus, vbi præcipuè Auicennæ opinionem, quòd imaginatio faciat casum, persequitur, refellit, & sugiliat, de qua re nos ad præsens multa notatu digna conscribere poteramus: sed quum extra institutum sit nostrum, ea prætermittere satius duximus. Reliquum est igitur videre, an medicamentis aliquibus, duntaxat coniunctis verbis nonnullis, mulierculam hanc hoc confecisse opus credendum sit, quod fieri posse dicet aliquis, quum Dioscorides de mandragora morione dicta tradat, eius radice drachmam in potu, aut cum polenta in panis ossa, vel obsonio datam infatuare, & solani maniaci, seu insani, radice drachmam in vino bibentibus non iniucundas imagines repræsentare, vt hic Ragusi factum esse à quodam Mario in cœna, omnes Ragusæi norunt, à quo omnes conuiuæ sui, lymphati, ceriti, & insanientes elati sunt, cuius radice duplicatum pondus in triduum mentis excessum efficere: quadruplicatū verò, mortem quoque adferre certum est. Ad hæc, & similia

similia, talia sunt, vt nobiscum concludant mulierculam hanc neque verbis nudis, neque medicamentis adiunctis opus hoc cōfecisse: nam solis verbis, diuus Thomas, vt dixi, id fieri posse negat, veluti fascinationem nuda qualitat: verbis autem non fuisse adiuncta medicamenta, vel ex hoc elicitur: quòd si fuissent ea iuuenis statim, vel intra diem ad summum persensisset, id quod minimè persensisse fateatur. Item surditas subitò illum arriperet: quæ potius, vt audio, paulatim aliquot mensibus ingressa est. Restat igitur, vt dicamus, iuuenem hoc contraxisse malum, ex alio morbo, quàm ab incantamentis mulierculæ, vt prolixius cùm huius iuuenis curationem prosequuti sumus, diximus. Is nanq; cùm bis morbo Gallico laborauisset, manus & pedes ragadis, & fœdis scissuris infectas habebat: pro quibus curandis Venetias petiuit, vbi à quodam empirico homine, solo linimento curatus ab hac fœda affectione sanatus fuit: retrocessit nanque materia ad alium locum, & fortè ad aures: vnde paulò postea, is de aurium sonitu conqueri cœpit: qui cùm nullum vitæ ordinem seruaret, sed magis effrenatus ad omne vitium procliuis esset, non multò postea, prædicente Medico

Medico docto, penitus in surditatem lapsus est: est enim auditus organum tanto artificio fabrefactum, vt à quauis vel leui causa soluatur, & in discrasiam exactam veniat: stapedæ nanque ossæ, vt aliàs dixi, figuram, veluti incudem, ossiculū malleoli modo ferit, quod alligamento sustinetur: & cum à sonis impellitur, incudem ferit: excitantur nanque ea percussione spiritus in nervis existentes, vnde auditio resultat. Hanc igitur verissimam surditatis causam esse crediderim, & eò magis, quia non paucos olim obseruauimus: qui cum ab huiusmodi manuum palmarum vitio curari contendissent, aut surda stri, aut lusciosi, aut ingentissimis doloribus cephalicis affecti sunt, aut omnino breui vitam cum morte commutarunt: cæteris verò magicis præstigiis, vnum Almaum, nostro tempore alterum Demogorgonē, hominem, si rectè teneo, Hispanū, opponere satis esset, quē vt vniuersa Anthuerpia, ita Caroli Quinti Imperatoris aulici omnes optimè nouerunt, Qui tam multas incantationes & delusiones machinabatur, vt omnium, qui vnquam fuere, præstigiator maximus haberetur: nullam tamen naturæ iniuriam inferebat, vt Imperator ipse egregiè nouit, qui ipsum ab

K

Inquisitoribus accusatum absoluit: obiit autem vir hic Antuerpiæ, apud Mediolanensem quendam Bartholomæum Vi-comercatum, hominem pium, anno 1541. qui eum è carcere in quo propter æs alienum detinebatur, liberauerat. Reliquis verò Senecā obiicere possum, libro quarto Naturalium quæstionum, capite sexto, vbi incipit, non tempero mihi, & cætera. quem vos per otium legite, veluti & Plinium omnium harum vanitatū contēptorem, libro trigesimo, capite primo & secundo. Cæterum, paucis iis, iusti iudices adducti mulierculam hanc absoluerunt.

*Curatio octuagesima octaua, in qua
agitur de veneno, quod ad certum
tempus datur.*

QVum in controuersia essent Medici, an dari possit venenum, quod ad terminatum interimat tempus, hoc est, quod vno mense, vel duobus, vel integro anno opus suū conficiat, & perimat, me rogant, vt quod hac de re sentiam, in lucem prodam: diuersa nanq; & varia esse hominū iudicia in hac re inculcant: proinde nostro more, hoc est breui dicamus, venena
quæ

quæ certo & præscripto tempore inter-
 mant, à nemine mortaliū excogitari pos-
 sunt. Nam Medicus doctissimus quisque,
 & sapientissimus, qui etiam veneni exactè
 teneat naturam & vim: non tamen exactè
 accipientis venenum, resistantiam nouit:
 quæ duo, scilicet veneni vis, & resistantia
 eius qui venenum accipit, vt noscat ad
 vnguem Medicus necessarium est. Cate-
 rùm, cùm hominum variæ sint tempera-
 turæ, & earum multiplices dispositiones:
 hinc fit, vt vario modo operentur venena,
 quædam citò, quædam tardè, quædam me-
 dio modo. Nam corpora frigida arctos
 habentia meatus, venena quæcunq; sint,
 tardiùs intermeant: quia ea tardè ab hu-
 iusmodi corporibus reducuntur à poten-
 tia ad actum, & lentè ac longo tempore
 ad cor perueniunt, & ex consequenti lon-
 go interuallo interimunt: quæ omnia cor-
 poribus calidioribus contrariò eueniunt:
 quia venena citiùs in eis à potentia ad
 actum transeunt, & per meatus laxatos ab
 ingenti calore arteriarum & vasorum a-
 liorum, ad cor citiùs deferuntur, & ex
 consequenti celeriùs interimunt: quibus
 addimus, quòd homo variis horis vario
 modo habetur: quandoque validus, & ad
 omnia peragenda firmus, & potens: quan-

doque verò inualidus, infirmus, & imbecillis: proinde nunquam dari posse venenum, quod determinato quodam tēpore enecet, certum est. Thurcæ tamen & Indi, qui venena scitè tractant, venena ad determinatū tempus ita dextrè & artificiosè concinnant, vt rarò suis frustrentur votis: præparant autem medicamenta varia, quæ ad tempus interimentia vocant: quorum aliud menstruo, aliud bimestri, aliud verò annuo spatio opus suum conficit. Cæterum, cū tempus signant, non determinatum intelligi volunt, sed plus minus pro subiecti ratione: id quod (vt ego sentio) viris doctis absurdum videri non debet, cū aliter irritæ essent medicamentorum purgantium & interimentium doses, id est, eorum determinatæ quātitates, & pondera à viris doctis & exercitatissimis Medicis perscriptæ & signatæ. Néve absque exemplis agamus, quæ plerunque multum lucis asferre solent, Dioscorides vir grauiissimus, & in medica arte exercitatissimus, & vigilantissimus, libro quarto, capite septuagesimonono, in quo de mandragora agit, inquit, Succus huius duobus obolis ex mulso potus, vt veratrum per vomitiones bilem atram pituitamq; extrahit, verum potu largiore, vita adimit

adimitur, & in capitis fine, cùm de morio
 mandragoræ altera loquitur specie: ita
 quoque tradit, tradunt eam in pane, offa,
 obsoniõve drachmæ pondere deuoratam
 non memoriam modò, sed vsum quoque
 rationis intercipere: obdormiscit enim
 homo eo ferè quo comederit habitu, sen-
 sus impos, ternis quaternisve, ex quo data
 est, horis. Hæc autem Dioscoridis vltima
 verba nobis considerata sunt, quibus
 ait, hominem impotentem fieri, tertia vel
 quarta hora post eius esum: signat nanq;
 hic Dioscorides tempus in quo ferè mo-
 rion operatur. Non igitur difficile credi-
 tu erit, venena artificiosè concinnari pos-
 se, aut fortè ita nata, & natura sua reperiri,
 quæ determinato quodam tempore pau-
 lò seriùs ociùsve interimant. Adhæc de-
 scribit exercitatus Medicus, habita hu-
 moris peccantis ratione, catapotiorum
 purgantium drachmam vnā vel alterā,
 adiectis tribus vel quatuor, aut pluribus
 diagridij granis: rarò verò vel nunquam,
 drachmas tres, vel plures propinat, quia
 nouit ille humanæ temperaturæ modum,
 cui purgantium catapotiorum præscriptũ
 pondus satis sit: quo pondere parum va-
 riato, omnes hodierni Medici vtentur,
 quia norunt illi, & longa experiētia com-

K ;

pertum habent, eo homines tutò, rectè, & absque angustiiis, & intestinorum torminibus purgari. Quare ij quoque, qui venenum præparant, & longo & frequenti vsu eius exhibēdi artem consequuti sunt, omnino nouerunt, quanto tempore id necaturum sit, & opus suum confecturū: paulò tamen ocius, seriùsve, vt dictum est: idem enim in exhibitione venenorū vsu venit: quod in aliis quoq; quæ à Medicis exhiberi solent medicamētis, referēte Galeno, libro de Curandi ratione per sanguinis missionem, capite duodecimo, nihì æquè artem medicam in agendo coniecturalem efficere, vt cuiusque remedij quantitatem. Etenim cū cōpertum frequenter habeamus, tempus instare exhibendi, aut cibi, aut potus, eiùsque aut calidi, aut frigidi: quantum tamē dandum sit, certò haud nouimus: idem vsu venit in purgantibus medicinis. Nam quod laboranti præbendum medicamentū, aut bilē, siue flauam, siue atram, aut pituitam, aut serosum excrementum vacuans, exactè nouimus. Cæterum, quantum præberi debeat, nescimus, vt idem etiam enarratione 37. commentarij secundi, libri de Ratione victus in morbis acutis, ostendit. Hinc ab eo, libro secundo methodi medēdi, capite tertio,

tertio, & primo Artis curatiuæ ad Glauconem, capite octauo, rectè traditum est, fieri non posse, vt quantum ex quaque re dandum sit, aut calamo quisquã, aut verbis omnino exprimat, immò vt loco citato libri de Ratione victus in morbis acutis tradit, coniectura hoc artificiali medicus assequatur oportet, quod quidem cuiuslibet non est, sed eius tantum, qui vim omnium eorum, quæ sub arte cadunt, facultatèque didicerit, & qui memoria vigeat, ac in artis operibus diligenter, & accuratè sit versatus: breuiter igitur dicamus. Quemadmodum in exhibendis purgatorius medicamentis catarcticis dictis, artificiali coniectura vti opus est, ita eadem vti opus est in exhibendis ad definitum tempus venenis, quæ, vt obiter hoc dicam, venena scilicet longo tempore necantia, ex eis sunt, quæ toto suo genere interimunt, hoc est, occulta vi, & rodendo & putrefaciendo, & verè deleteria dicuntur, non verò ex iis, quæ suis primis qualitatibus, siue quantitate interficiunt, & frigida sunt, & statim interimere solent, non verò secùs, quia à corporis caliditate vincuntur, quæ omnia dignoscēs Theophrastus libro nono de Causis plantarum, capite sextodecimo, dixit Aconitum olim

ita componi, vt certis occidere temporibus possit, videlicet, bimestri, trimestri, semestri, spatio, anno quoq; , interdum etiã biennio completo, vt nos quoque ex eo, libro quarto nostri Dioscoridis, capite de aconito meminimus.

Curatio octuagesimanona, de pleuritide nota.

Vir qui iamdiu morbo laborauerat, eoque fortasse habituali, in pleuritim spuriam lapsus est, quæ costas nothas deformauit, & internam costarum membranam occupauit, id quod indicabatur ex eo quod super latus læsum commodè ægrotus iacebat, super alterum verò, cum iaceret magnum dolorem sentiebat: ex hac enim pleuritide ita inualidus, & imbecillis ægrotus is est factus, vt eum moriturum omnes putarent. Nos verò vt eum à tanto malo liberaremus ita commenti sumus, & primò, fomentum hoc parauimus. R. Absinthij, anethi, camamelæ, ana manipulū vnum, rosarum, meliloti, phlomos, parietariæ, seminis lini, fœnugræci, ana manipulum medium, in libris sex aquæ, fiat decoctio sufficiens, & coletur, cui adde, olei anethini, camamelini, ana vncias duas: misce,

misce, & vesica bouina exceptum repens
 dolenti loco admoueat, aut sponsia co
 imbuta applicetur. Deinde verò linimen
 to anodyno, siue pectorali, locus absterfus
 ab humiditate illinatur. Caterum, quum
 dolor perseueraret, & hæc haud conferre
 viderentur, ad aliud remedium confugi
 mus, quo practici hodierni vtuntur, & ei
 multum tribuunt, quod ita habet. R. Fari
 nam molendini, volatilem dicunt, & eam
 aqua in massam redige, ex qua orbiculos
 para ea circumferentia quam pollex, & in
 dex in orbem flexi efficiunt, quos orbicu
 los oleo scorpionum frige, & eorum vnū
 vehementer calentem quantum ægrotus
 ferre possit supra dolentem locum admo
 ue, & quum refrixerit, alterum itidem ca
 lentem adpone, & sic successiue per dimi
 diam horam, itera. Dein verò absterfo lo
 co linteolo, ceratum hoc adpone. R. Em
 plastri de meliloto partes duas, thuris
 masculi partem vnā, ammoniaci & ce
 ræ ana partem mediam, ad ignem: misce,
 fiat ceratum, & extēdatur in panno lineo,
 & calidum applicetur. Hoc remediū tan
 tum potuit, vt breui dolorem superauerit
 & eum abegerit. Caterum, quum ægrotus
 hic laboraret febris hectica, & iam ingres
 sus esset secundæ speciei metas, & obstru

K 5

ctiones prope ventriculum pleuritímque dictam notham, pateretur, inter medicos propositum fuit de balneando ægroto, balneo quodam aquæ dulcis, inter quos tandem conuenit differendum esse balneum, quo ad pleuritis flatuosa discussa, & exterminata esset, interim tamen vteremur ad cor, iecur, & renes fomentis, & linimentis, refrigerandi, & humectandi vim habentibus, quæ balneorum vicem supplent, quin etiam dorsi spina refrigerante aliquo linimento omnino vngeretur.

S C O L I A.

Pleuritis non vera, exactam descriptionem, & plenam curationem prosequitur Aëtius ultimo capite libri octauisue medicina, quem percurrere ne pigeat.

Curatio nonagesima, in qua agitur de tussi veteri & de tussi recentè puerorum.

Multi qui tussi veteri laborabant, experti varia medicamenta, hoc vno liberi facti sunt. R. Sulphuris viui, vel communis optimè triti, vnciam mediam, benzui scrupulum vnum in ouo sorbili excipi

excipito, & ieiuno stomacho in aurora
 forbenda dato, vel post cœnam eunti dor
 mitum, hoc enim remedio repetito, sani
 omnes facti sunt, vt sæpè experti sumus.
 Cæterum, pueri qui absque manifesta aut
 procatarctica causa, tussi ingenti crucia
 bantur hoc alio sanati sunt.

R. Succi petroselini vulgari vnciam me
 diam, lactis muliebris vnciam vnam, pul
 ueris cumini scrupulum vnum: misce, &
 propina tepidum, & illico pectus pueri
 hoc inunge linimento. R. Seminis lini,
 foenu græci, radicum maluauisci, anapa
 rum, in aqua incoque, & postea mucagi
 nem illam excolatam butyro excipe, &
 calida pectus pueri inunge, & fascia, bre
 uique rectè habebit.

*Curatio nonagesima prima, in qua a
 gitur de lapide in virgæ meatu
 contento, ex quo symptomata gra
 uia oboriebantur.*

Filius cuiusdam qui pânos polit, natus
 annos decem, quum nunquam aliàs
 mali quicquam persensisset, ad radicem
 virgæ duritiem euidentem repentè passus
 est, ex qua ingentem dolorem vel tactu
 tantum tolerabat, & sæpè sed parum per
 interualla mingebat, ad quæ vocatus ipse,
 octauo

octauo die postquàm malè habuit, post multa variâque versata, lapillum esse, vias vrinæ imò virgæ ipsius colem obstruentē inueni, nulla ei febris erat, neque quicquā aliud præter dicta patiebatur. Proinde mandato parco victu, remedium hoc parandum iussimus, quo lapillus facilè elapsus est. Habet autem remediū sic. Asplenium herbâ incisam, & butyro exceptam, apprime calidam, loco dolenti & malè affecto impone, & vix hora præterierat cùm lapillum illum puer emisit, & sanus factus est. Prætereo multa quæ describi poterât, & parari, meatus laxantia & aperientia, vt bulborum omne genus, maluauiscū, maluam, brancham vrsinam, foenugræcū, semen lini, caricæ pingues, baccas rusci, & asparagi, omnes radices diureticas, & aperiendi vim habētes herbas omnes, vt ononim herbam dictā remoram aratri, oleum scorpionum, oleum amygdalarum amararum, oleum seminis lini seminis raphani, butyrum, & varia huiusmodi, quæ præterire eo magis volui quòd prædicto remedio tantum, vt dixi, lapillus exiuit, renum figura: sed magnitudine & colore instar seminis siliquæ ægyptiacæ, quem postea in puluerem redactum, pater vino cretico excepit, & ieiuno stomacho per triduum

triduum bibendum puero tradidit, persuasus, hoc remedio puerum amplius non lapsurum in hunc exitialem morbum.

S C O L I A.

Memini me iterum hoc morbo laborantem aliquando curasse, pro cuius è virga meatu extrudendis lapillis, ad virgæ incisionem descendi, ex qua is sanus euasit, parte nanque superiori apertio facta est, ut in aliis centuriis scriptum reliquimus. Novi autem, inquit Philagrius, quendam cui quidem lapis fuit aliquātum progressus, sed in summo pudendo vehementer obstructus constitit: & parum absuit, quin is, propter vrinae suppressionem, & maximum dolorem, periret. Angusta igitur volsella ipsum lapidem extrahere non potuimus, eoque sensim & quietè agitauius perquam tenui auriculario specillo. Quum verò neque hoc modo eum extrahere possemus secare virgā statuimus, vulnuscule supernè iuxta glandem incusso, infernè enim secandum non est, quandoquidem ferè semper ex eo fistula efficitur, ac postea per ipsam fissurā vrina excernitur. Porro, ubi per vrinam prodierit lapis: lac asinum melle modico mixtū prabeatur, & reliqua etiam diata commodior, uti ad vlcera fieri consuevit, ob vexationem videlicet in locis ex lapide factam constituatur. Exinde verò præseruare hominem

hominem oportet, ne rursus renes lapide infestentur, hac Aëtius, lib. II. cap. 5.

*Curatio nonagesima secunda, de
disuria, hoc est, emittendi v-
rinam difficultate, maximo
cum ardore.*

Marinus Sorgius nobilis Ragusæus, annum agens septuagesimum ætatis suæ, sed prosperè satis, repètè in assiduam irritationem ad mictionem ingenti cum acredine lapsus est, quæ mala affectio & si variis de causis euenire solet, huic tamen ab arenulis decisis à renibus, meatus obstructibus, coadiuuante aëre frigido, cœnit: solebat nanque iandiu vir hic nephritim pati, qui tūc in villa sua apud Grauosam, nobilem & totius Dalmatiæ, ac Illyricæ regionis, imò totius Oriëntalis plagæ famosissimum portum agebat, distat autem vt obiter hoc dicam, portus hic à Ragusio, lapide vno vel altero. Ad quem accitus ego, cum sæuiter hoc morbo cruciari inueni, cœperat nanque vno antea die affligi. Qua de re, quum hominē hoc modo afflictum reperissem, parietariæ herbæ summitates butyro frixas, & calidas apprime

prime pectini apponi iubeo, quo remedio, malum aliquātulū quieuit, sed breui vt primò recrudit, & hominē affligebat. Itaque victus regimine tenui instituto, postero die, à clysteri iniecto, & aluo excremētis purgata, hoc aliud remedium applicitum est, quod eo præstans & potēs fuit, vt illico se sanum exclamarit, habet autem remedium sic. Parietariā & rutam minutatim incisās oleo scorpionum incoque, & calidas ac tabefactas pectini applica, postea verò quā refrixerunt linimento hoc imus venter, & locus inter pudēda, & anum inunctus est, & postero die fauente Deo se sanum dixit, habet autem linimentū sic. R. Olei scorpionū, amygdalarum amararum, ana sesquiunciā, ceræ parum, ad ignem fiat linimentum. Cæterum, si hæc non conferrent, ad sequentia deuenire decreueramus, quæ quoties à puita malum hoc euenit, summopere opitulantur: & primò irritato vomitu, fortè primas in hoc casu habēte, ad huiuscemodi clysteres deueniendum erat, R. Camæmelæ, parietariæ, meliloti, anethi, scolopendrij, rutæ, maluæ, capillorum veneris, an. M. s. feminis fœniculi, ameos, an. drac. 2. in aqua fiat decoctio secundum artem. R. Prædicti decocti, sesquilibrā, olei scorio

scorpionum, amygdalarum dulcium, ana
sesquiunciam, mellis rosacei colatitij,
vnc. 2. salis drachm. 1. diaphoeniconis, dia-
benedictæ, ana drachm. 3. misce fiat cly-
ster, rursus R. Parietariæ, saxifragiæ,
herbæ miliij solis, rutæ, apiij, fœniculi,
petroselini, seminis anethi, dauci, ana
M. 1. camæmelæ, meliloti, ana M. s. in li-
bris tribus aquæ fiat decoctio ad consum-
ptionem dimidij, & coletur, cui decocto
adde mellis rosati collatitij sesquiunciam,
oui vnus vitellum, diabenedictæ drach. 6.
electuarij lithōtribi, indi, an. sesquidrach-
mam, salis drach. 1. misce, fac clysterem:
simul verò terebinthinæ vnciam vnā sac-
charo obuolutam ieiuno stomacho deglu-
tiendam daremus, quæ mirum in modum
conducit & prodest, vt in Thurca aneoca-
strensi experti sumus, & interea topica re-
media validiùs agunt, ex quibus primò
fomentum est. R. Perditij, id est, parietar-
iæ, radicum maluauiisci, maluæ, camæme-
læ, anethi, absinthij, herbæ miliij solis, ru-
tæ, violarum cheiri, ana M. 1. radicum
cyperi, rad. meu, petroselini, apiij, an. M. s.
seminis fœniculi, anethi, apiij, fœnugræci,
lini, ana tantundem, in libris decem aquæ
fiat decoctio sufficiens, ex qua spōgia im-
buta, vel filtrum nouum imbutum, sed ca-
lidum

lidum, imo ventri applicetur, & sæpè ad mediam horam iteretur, dein verò hoc linimento inungatur non solum prædicta pars, & renum regio, sed etiam quæ inter anum & pudenda sunt. R. Olei scorpionum, liliorū alborum, amygdalarū amararum, anethi, ana vnciam semis, pulueris seminis dauci, apij, cari, an. drachm. i. pinguedinis gallinaceorū, œsypi, an. drach. 6. ad ignem pauca cum cera misce, & fac linimentum, & vtere vt dixi. Quod si hæc non cōtulerint, ad emplastrum confugiemus, quod componetur ex rebus fomentum ornantibus, quæ omnia in mortario teri debent, & ipsis tritis addi, farinæ seminis lini, fœnugræci, pulueris radicum ononis, ana M. i. olei scorpionum, amygdalarum dulcium, anethini, ana vnciam vnā, butyri recentis, vnc. semis: misce, fiat emplastrum, quo imus venter totus obducatur, & fascietur, veluti renū regio. quod si morbus adhuc perseverauerit, tunc ad balneum homo trahendus est, quod ex aqua & oleo multo dulci, vel seminis lini compones, in quo primo incocta sint absinthium, radices cyperi, fœniculi, apij, lappathi, dauci, saxifragia, origanum quale hoc Illyricum, pulegium, ononis, malua, althæa: cum suis radicibus, radiculæ præ-

L

cipue armoraria dicta, asarum, camæme-
 la, hypericon, agrimonium, arthemisia, &
 rosa. & quoties agrotus ad stomachum
 usque in cortina continente balneum man-
 ferit, si modo stomachus vacuus fuerit,
 hunc propinabis potum. R. Pulueris sub-
 tilissimi ex corticibus ouorū optimè pur-
 gatorū, à quibus pulli extracti sunt, drac.
 vnam, quam vino excipe albo, subtili, aut
 decocto saxiphragiæ, aut eiusdem aqua,
 aut decocto maluæ & saxiphragiæ, & po-
 tandam tribue. vel hoc aliud. R. Pulueris
 radice ononis, id est, remoræ aratri, her-
 bæ, quam Itali bonagam appellant, pul-
 ueris seminis lithospermi, quod lachry-
 mam Mariæ apud Italiam appellari, &
 Plinium eius ortum ignorare, satis in no-
 stro indicauimus Dioscoride, seminis pha-
 laris herbæ, quod milium solis pharma-
 copolæ, fortè quia granum milij magni-
 tudine, figura, & colore referat, appel-
 lant, seminis viticæ, ana scrup. i. in poli-
 nem redacta, decocto horum simplicium,
 aut vino albo excepta, bibenda tradantur,
 vel hoc aliud. R. Conditum Iustini Imp. li-
 thontribi, diaphiloantropos, ana scrup. i.
 excipiantur decocto prædicto, aut vino
 albo, & bibenda dentur, vel hoc aliud, quod
 experimētatores hodierni summè laudāt,
 & ego

& ego quoque expertus sum, & ita habet.

R. Seminis violarum vulgarium, vnc. 3. pilularum tenaciū lappæ, vel ad furnum, si opus fuerit, exiccatarum, vnc. 4. in puluerem redige, postea accipe leporē quendam integrum strangulatum, à quo nihil sanguinis deperditum sit, quem in furno ita exiccari permittes, quo ad facilē in puluerem verti persenties, & eum quoque ut cætera in puluerem redigere curabis, & prædictis duobus pulueribus dimidiū eius miscebis, quibus addes, foliorū siccorū quercus, aut veriūs, foliorum siccorū arboris mori nigri, in puluerē redactorum, vnc. 2. herbæ saxiphragiæ siccæ, vnc. 5. baccharum lauri libram mediā, omnia in puluerem redigantur subtilissimum, sicut alcohol ut Arabes aiunt, & misceatur, cuius scrupuli duo, vino albo excepti ieiuno stomacho propinentur. Verū horum vice drachm. 1. balsami ex Peru allati concedatur, quod miras in hoc casu facultates obtinet.

S C O L I A.

Quoties hac, & simili affectione, aut dolore alio laborantes ad balneum traxerimus, aut pro illis iuuandis fomentum, vel ceratum, aut emplastrum, aut infusiones, aut cataplasma paraueri-

mus, medicamentis aut simplicibus, laxandi, & aperiendi vim habentibus, aliquod constringens semper miscere debemus, ne fortè ad locum illum plus iusto relaxatum, materia ruant, labantur: ut suadet Galenus: & Auicenna, eius interpretes, non raro inculcat, cum de hac, & simili loquitur affectione, ut fen 18. libri tertij, capite eo, in quo medicamenta lapillos atterentia percurrit, & alibi. Caterum, cognito morbo, & adhibito remedio conueniente, sapè voti compotes non sumus, qua de causa ad aliud remedium eiusdem naturæ & facultatû, quod fortè conuenientiam maiorem cum agrotantû natura habet, & ex directo morbo potentiùs & validiùs contradicit, confugimus, unde non nouum est à doctissimis medicis pro vno abigendo malo, tam multa mutuari remedia, ut Auicennam adnotasse legimus, libro sui canonis tertio, capite de Asthmatis cura, sed hac fortè aphorismo illo legi debent, omnia secundum rationem facienti, & non eueniente secundum rationem, non transcendum est ad aliud manente eo quod visum est à principio. Porro agrotus noster, ut audistis, pauci citatis, sanus euasit. Caterum, cum de dysuria ago, locus apud Aëtium capit. de Ischuria mihi occurrit, dignus ad presens ut à nobis exponatur, inquit namque Aëtius libro vndecimo sua medicina, cap. vigesimoprimum, si verò crassi humores in causa sint ischuria, hoc est, vrine suppressionis

pressionis, fomentis, & infusionibus, ac cataplasmatum cura concedenda est, ab his vero quæ urinam cient, in totum abstinendum, veluti in loco de difficultate emittendi urinam in febris est relatum. hac autem Aëtij ultima verba, ea sunt, quæ à nobis exponenda veniunt, in quibus legitur, si urina suppressio euenerit ab humoribus crassis, ab iis quæ urinam mouent in totum abstinere debemus, quæ sanè Aëtij verba mica salu, vt aiunt, indigent, vt rectè intelligantur, quum vt omnes norunt medici, quoties urina suppressio euenerit ab humoribus crassis, & viscidis, medicamentis incidentibus, attenuantibus, & urinam cientibus curari debet, id quod ex Paulo elicere quis poterit, libro tertio sue medicinae, vt Galenum omnium magistrum taceam, qui hunc eundem curandi modum docet, in eius vniuersa doctrina, à quibus neque ipse Aëtius deuiat, immò ita curandum docet, capite sequenti vigesimo tertio, cui titulus est, simplicia remedia ad suppressam, ac egè prodeuntem urinam, si aut eius multitudo, aut crassities in causa sit, decet autem si quis rectè morbum hunc curare voluerit, eisdem vtatur, quæ crassos humores dissoluere & incidere facultates habeant, tam extrinsecus admotis, quàm exhibitis, aut per virgam syphone iniectis medicamentis, vt omnes fatentur medici: restat igitur dicamus, Aëtium commendasse, quoties

humorum crassorum ingens copia in vniuerso corpore prasens fuerit, tunc medicus doctus ab ijs qua urinam ciunt, prouocante, abstinere debet, quum tunc satius est, primo purgante medicamento crassos illos humores utcumque paratos, purgare, ne eos urinam ciencia pharmaca ad urinam vias ducant, quia sua multitudine, aut crassitie, in obstructionem addent, & consequens, urina retentionem maiorem inducent. id autem intellexisse Aetium, percipitur ex verbis qua precedenti capite perscripserat, de difficultate emittendi urinam, in febris, propè finem. pro summa dicamus, quum humorum crassorum & viscidorum multitudo non obstiterit, securè urinam cientibus pro obstructione amollienda à crassis humoribus pendente, & urinam retinere faciente, utemur, ut omnes cōsentiunt medici, sed ego fortè, nimis multa in re omnibus nota, sed mea sententia nimium salutis humana necessaria.

Curatio nonagesima tertia, in qua agitur, de atterendo, comminuendoque, renum & vesicæ calculo.

NUquam, quod equidem meminerim, tam plures renum & vesicæ calculo affectos obseruavi, quàm hic Ragusij, fortè ob quotidianam vini insalubris varietatem

tatem, ut cætera taceam. nouistis autem obesos magis vexari nephritide, quàm lithiasi, graciles verò, contrario, fortè quia obesi strictas vias habent, graciles verò laticas, per quas ad vesicam materia calculi ascendit, non minùs renum calculo homines prouectæ ætatis magis quàm pueri apprehenduntur, quemadmodum vesicæ calculi pueri frequètiùs quàm ætate prouecti. Causam verò generationis calculi, materiam crudam & incoctam signant omnes, quàm intensâ caliditas tam circa renes, quàm vesicam exassat, exemplum norunt exactè ij, qui lateres fingunt, & eos excoquant: quòd verò pueri vesicæ potius quàm renum calculos plerunque incurrant, in causa est, quia voraces sunt, & per petui morus, & cibis utcunque oblati & nociuis vtuntur, & neque horam cibum capiendi seruant ordinatam, quin etiam prius quàm prior assumptus cibus concoquatur alium ingerunt, & quum vehementius à cibo moueantur, crudus & incoctus in venas cibus distribuitur, mollia autem sunt eorum corpora, & quæ facillè cedant, eiusq; rei gratia obturationem circa renes non perferunt, cum verò crassissima lotia in vesicæ amplitudinè perferantur, ibidem veluti vini fax & limus aquæ subsistunt,

ac postea ex loci caliditate desiccata lapidescunt, vt ex Galeno Aëtius. Cæterum, quum multa & ferè innumerabilia, quæ atterunt & confringunt lapidem, tam renum quàm vesicæ ab omnibus passim describantur authoribus, & ea quæ vesicæ calculos comminuunt potentiora faciât, ego ad præsens, vnum tantum ex Auicenna describam Antidotum, quo Auicenna ipse utebatur, & nos singulare esse experti sumus, habet autem ex capite vltimo fen decimæ octauæ, sic. R. Pulueris vitri concremati, cineris scorpionum, cineris radicum caulium, cineris leporis combusti, lapidis spongiæ, sanguinis hircini præparati, cineris corticum ouorum, è quibus pulli sunt extracti, lapidis Iudaici, gummi nucis arboris, acori, siue galangæ crassioris, singulorum partes æquales, petroselinum, dauci, pulegij, gummi arabici, seminis althææ, piperis, ana partem vnam, & alterius mediam, melle cocto excipiantur, & fiat Antidotum, cuius drachmæ duæ, & tres, singulis vicibus cum decocto tribulorum, aut cicerum nigrorum ieiuno stomacho, & rectè repurgato, vt decet, corpore, propinentur, non solùm enim renum & vesicæ calculos atterit, & comminuit, sed etiam ex terreo sedimento renes & ve

& vesicam purgat, & liberat. Cæterum, vt componere noscas, audi, vitrum tamen si crudum in puluerem friatum vino albo tenui & calido exceptū efficaciter vesicæ calculos frāgere perhibetur, nihilominus combustum maiorē vim concipere creditur. qua de causa, quo modo comburi debeat, doceamus, præcipuè ex ipso Auicenna, citato capite. accipe igitur vitrū albū, & clarum, quale crystallinū appellamus, vtcunque attritum, quod ferreo cochleari ignito, exceptum vrere sinas, quo ad satis tibi videbitur, postea verò ipsum in aquā destillatitiam fabarum immergas, ac postea iterum, vt primò exure, & deinde inter duos porphiriites lapides in pollinem redige, interim affusa stillatitia illa fabacea, quo ad coraliij, aut margaritarum præparatarū modum solitum redigatur, quo postea quando opus fuerit vttere. Sequitur cinis scorpionum, excipies igitur scorpiones viuos olla vitreata, optimè cooperta, quam in furno defines, quo ad scorpiones exiccentur, vt ex eis puluis parari possit, non tamen vrantur. Sequitur cinis radicum caulium, qui Auicenna authore secundo libro sui canonis, lapidem frangit, pro quo parādo, nullo artificio, quàm simplici vstione, opus est. accedit iis, cinis

leporis combusti, quem hodierni experimentatores concinnâtes, leporem viuum postea strangulatum, ita ne ex eo quicquam sanguinis deperdatur, accipiunt, Marcianus verò medicus Apher, vt citat Aëtius, vndecimo suo libro, leporis tantum pellem desiderat, de qua ita ait, leporis pellem in ollulam conice, & in furnum demitte, atque vbi vsta fuerit, vt probè conteri possit, acceptam tere, & ex ipsa cochlearium vnum cum vino ieiunis in solij calidæ aquæ insensu præbe, si verò velis experimentum pharmaci ipsius accipere, ex eo in vinum cōiice, & in vinum item lapidem ex flumine acceptum iniice, & contactum per paucas horas sine, & in grumos lapis dissoluetur, hoc nanque remedium & experimentum ita facilè paratu est, vt experiri à quocunque, vel nullo dispendio, poterit. Auicenna verò cui in hac parte adhærere decet, vt qui ipsius compositionem paramus, leporem iugulatum accipiendum contendit, qui totus vel in partes dissectus in ollula comburi poterit, desiderat nanque Auicenna partes extremas leporis, vt caput & pedes ad solem exiccatas. Spongiarum calculi considerandi veniunt, qui renum calculos comminuunt, vt omnes fatentur medici,
& Pau

& Paulus firmat libro tertio suæ medicinæ, capite quadragesimo quinto, quum medicamenta renum calculos atterentia recenset. sed iam sanguinem hircinum præparatum citemus, de quo Aëtius ita tradit, citato libro, cap. 12. Sanguis hircinus tum ad nephriticos, tum ad calculos præsens remedium. Nam & præexistentes lapides soluit, atque ita per lotium excerni eos facit, ut etiam alij amplius non gignantur. præterea, & dolorem sedat. colligitur autem hircinus sanguis hoc modo, quum vva maturescere cœperit, ollam novam accipito, & infusa in ipsam aqua, donec terreum deposuerit olla, coquito, & accepto è grege hirco, ætate matura, plus minus quatuor annorū cum mactato, eiusq; sanguinem medium olla excipito, ita ut eum qui primum effluxit, itemq; postremum penitus relinquant: mediam autem inspissari finito, & in olla situm per acutā arundinem in multa frusta dissecato, indeq; reticulo denso, aut linteolo raro, aut cribro arctiore contextum subdio exponito, ut insoletur, & roscidus fiat, cauendo ne imbre commadescat: porrò, ubi exiccatus fuerit, eum diligenter terito, & in pyxide adseruato, & remittente malo, cochlearium plenū cum passo cretico exhibeto: cogno

cognominatur autem pharmacum hoc theucir, huius & nos, inquit Philagrius, in breui tempore non aspernandum periculum fecimus: aliquando autē odoris commendandi gratia, parum phylli, aut amomi, aut similium ammiscemus. Ego, inquit, hoc pharmacum cum troglodyte passerulo permixtum, cuidam penitus nihil lotij eiicienti, post magnos dolores exhibui, & permagnum lapidem attritum ab eo expuli. Hæc ex Philagrio Aëtius, quæ apud Auicennam manca & corrupta citato loco leguntur, ut consideranti notum euadet. Cæterum nos, ut verum fateamur, huic Auicennæ antidoto, passeruli troglodytis cineres quoque miscemus, de quo placet ad præsens paululum agere, reliqua ut lectori manifesta subitcēdo. Est autem troglodytes passerculus, non ea auicula porcos amans, quæ Paris dicitur, & Lusitani nostri Albelam appellant, sed longè alia, quæ hyeme potissimum apparet, & valde est nota, de qua ita Aëtius tradit. Est autem troglodytes, passerculus minimus iuxta sepes & muros victum queritans, estq; hoc animalculum omnium auicularum minimum, ea excepta, quæ Regulus appellatur: similis est autem regulo in multis, præter quā quod
in fron

in fronte auricolores pennas non habet:
 est etiam troglodytes passer regulò paulò
 maior, est nigrior, caudamq; semper sub-
 rectam, & albo colore retrò interpunctam
 habet: magis item garrulus quàm regulus
 est, & sanè iuxta summum alæ lineamen-
 tum cinerei amplius coloris, breues item
 volatus facit: naturalem autem vim om-
 nino admiratione dignam habet. itaque
 sale conditus, & crudus in cibo acceptus,
 morbum perfectè sanat, & noui adeò quos-
 dam ob eius vsum nunquam amplius ab
 affectione vexatos. Conditur autem opti-
 mè pennis euulsis, atque inde largo sale
 adobrutus, & postquam fuerit arefactus,
 comeditur, & affectionem perfectè sedat.
 Melius autem est etià aliter ipsos edere,
 si plures cōtigerint, coctos nimirum eius
 præsertim generis, quod per hyemē ubiq;
 apparet: exhibetur autem & alio modo,
 passerulus non deplumis in ollulam con-
 iicitur, ac deinde operculo addito vritur,
 animaduersione assidua habita, ne falla-
 ris, quum in cinerem sit redactus, & in aë-
 rem exhalans per exustionem totus con-
 sumatur: consuevit enim hoc contingere
 tum ipsi, tum aliis quæ vruntur. Quapro-
 pter præstat operculum non oblinire, vt
 per interualla quadā operculo adempto,
 vstio

ustionis modum intueamur. Exhibendus est autē semel omnis vnus passerulus vstinis per se, aut modico phyllo, & pipere ammixto, quo saporis iucunditate commendetur, & subdit, Melior autem mihi videtur condiendi modus, atque adhuc dictis præstantior, si quis præuulsis pennis viuū passerulum sale adobruat, quod & ego facio, inquit Philagrius: arbitror enim & sanguinis naturam quoddam in se complecti, quod minimè vulgariter proficit, cui amplius stercoris efficacia accedit, quàm exustione debiliorem reddi planè credo. Proderit etiam eis qui abundant, assatos edere integros, ita vt nihil ex eis præter pennas abiiciāt, atque hæc quidem sunt, quæ secundum proprietatem totius substantiæ efficacia existunt, & cætera quæ omnia apud Auicennam fœdissimè & deprauatissimè leguntur, & hinc facile instaurari possunt, meminisse tamen decet, quòd medicamenta renum calculos confringentia nimis acria & calida esse non debent, vt commendat Galenus libro 6. De sanitate tuenda, & libris Methodi Med. cui subscribit Paulus, libro tertio suæ medicinæ, præcipuè iis qui calidiore habitu præditi sunt: eis verò qui temperiem corporis frigidiorē habent, calidiora præbeto

beto, vt Aëtius meminit capite decimo prædicti libri: cætera verò, quæ dici vberius & profusius poterant, consultò præmittimus, lectorem ad prædictum Aëtij librum remittendo, qui tam de calculosis curandis ipsis, quàm præseruandis, memoriæ abundè admodum commendauit.

Curatio nonagesimaquarta, in qua agitur, de renum vlcere per potū aquarum salutarum & nitrosarum naturalium sanato.

Qui ex abscessu renum vlcus cōtraxit Encocastrensis Iminus, triginta natus annos, post multa excogitata remedia, quæ nullius profectus fuere, eum ad Tuslam transmisiimus, vt ibi naturales aquas ex sulphure & nitro, præualente sale compositas biberet, apud quas per integrum mensem mansit, & ita earum potu & vsu sanus, quod mirum dixerim, euasit, vt omnibus admirationi esset.

SCHOLIA.

Tusla, vicus est in Mœsia inferiore, circiter p. 150000. à mari distans: in eo puteus visitur tetrum quædam odorem spirans: cuius aqua colore subalbida, tactu frigidissima, sapore salissima est: eam

est: eam verò accola lento igne in salem spissant, sed hoc minor pars: maxima verò ligna qua proxima sylua suppeditat, in struem aptè concinnat, suppositoq; igne incendit: crescentem verò flammam, ea aqua irritat potius quàm extinguit: vbi verò tota ligna in prunas abiere, tum copiosissima aqua extingunt. Quare ea frusta in cineres facillimè abeunt: is illarum regionum sal est, nec temerè alia vtuntur. Manet tamen color ille cinericius, atque odor insuauis: sapor verò per quàm ingratus. Putens ipse Thurcarum regi ad quinos aureos in die vestigalis est, ex quo aqua, quia salsa nimis bibi nō poterat, ea de re, circum circa fodere, & suauissimam aquam pululantem eberet commendauimus, qua vsus in potu Turca hic ad triginta dies sanus factus est. Caterum, dicitur iusta Turcicè, id quod Latinis salina. Porò Archigenes cum de renum & vesicae ulceribus agat, citante Aëtio, capite trigesimo libri vndecimi, ad hunc modum de Albularum aquarum petu. Conferent itaque aqua albula si adsint, & consimiles, post matutinam deambulationem trium heminarum mensura, prima die pota: deinde vsque ad quinque & sex heminas perueniendum: ad hoc enim quod intestinum eluunt, aer etiam ipsarum fuliginosus vesicam ad doloris sensum percipiendum hebetat, & humoribus segregatis puriorem ac lucidiorem sanguinis vaporem reddit. Quin & ipse aqua vlcera vtiliter repur

ter repurgant, & cum voluptate infra subeunt, atque adeò nihil agro sanando efficacius deprehendere possit: hora autem calidior ad eas accipiendas apta est, quòd si nò adsit huiusmodi aquarum qualitas: adsint autem alia nullam gustus qualitatem exhibentes, sed latè se ad gustum diffundentes, hæ ipsæ reliquis meliores sunt censenda, & proximo ab eis loco, bituminosa, nitrosarum etiam si adsint, & salsarum experimentum sumere prodest: maiorem enim quàm credi potest sæpe ex his succedentem vidi effectum: intercapedine autem & distantia à balneo facta, aridarum rerum comestio primum utilis est, & cætera. Hæc Archig. singularis doctrina vir, cuius opera utinam hodie extarent, ac fortè non tanta quæ neoterici à priscis prætermissa putant, desiderarètur. Paucis enim iis citatis bibendi thermarum aquas, methodum Archigenes docuit, quam & hodie universam Italiam servare novimus, cui Savonarola subscribit, & alij doctissimi viri, qui de balneis scriptitarunt, quos omnes in vnum volumen congestos typographia Veneta superioribus annis, pro iuvanda salute humana in lucem misit.

Curatio nonagesimaquinta, in qua agitur de remedio ad eos qui se somno permingunt.

M

ADolefcens duodecim natus annos, Alectum in fomno cōmingebat, quod fanè vitium ex mufculi in collo veficæ laxamento eueniebat. à multa pituita fortè ortum trahente: fed alijs de caufis euenire poffe norunt Medici, & Avicenna profequitur Fen 19. libri tertij tractatu 2. cap. 15. Nos igitur pro falute huius adolefcantis fic machinati fumus, & primo fluido, ac bene purgato corpore pituita redundante, & victus ratione subtili perfcrupta, & potu diminuto, illi hædi pulmones affatos ad aliquot dies edendos concessimus, & rectè habuit: poftèa verò ceratis constringentibus imo ventri & renum regioni adplicitis, illi leporis cerebellum ficcū exceptum vino dedimus, & quandoque porcinae veficæ exuftæ cinerem, & exactā fanitatem adeptus eft. Sed cū hæc tractamus, ecce iuuenis Dalmata, forma elegante præditus, mœftus & triftis ad me venit, fe malle mori inquiring, quàm fimile vitium pati: hic nanq; cū coibat cum muliere, nullum emittebat femen, fed potius ventris crepitus pedebat. Qua de re eum à tãto dedecore, & vitio liberem, me rogar. Ego verò huius vitij caufam inquiring, multam pituitam craffam inferiori intefino hærentem conieci: cuius præfentia,

tia, vasa seminaria frigida & coarctata
erant, vnde semen genitale deficiebat: pi-
tuita verò motu & caliditate dissoluta, in
flatus vertebatur, quam primò depellere
statui: id quod assequutus sum proposito
primo victu calido, qui ex cibariis opti-
mis & multi succi constabat, veluti potu
vini vermiculi & odori: dein verò præpa-
rato per oxymelitis assiduum potum, cor-
pore, & rectè purgato, ac iniectis infusis
pituitam quoq; hanc minuendis, imum
ventrem & inguina, ac inter anum & pu-
dendum hoc vnguento illini faciebam,
quod habet, piperis albi, & nigri, ac longi,
ana drach. i. s. seminis erucæ, seminis vtri-
cæ, nigellæ, ana drach. s. pyrethri scrupulū
vnum. olei lilini in quo iniectæ sunt eru-
cæ herbarum, aut pinus animalia tria, vel
quatuor, & per aliquot dies insolata vn-
cias duas olei de castoreo, vnc. s. ceræ quā-
tum sufficit: misce, fac vnguentum, & eo,
vt dixi, partes inungantur, præcipuè in
aurora, & ea nocte in qua non coibat: nam
hora coitus vino calido se lauabat, sed in
aurora, etiam & hora coitus, vnciam me-
diam ad drachmas sex huius electuarij
deglutiebat, & super parum vini maluati-
ci pitissabat, habet autem sic, R. Diasaty-
rionis vncias duas, diagalangæ drachmas

M 2

duas, specierum diambrae, diamoschi, ana-
 scrupulos duos, ramenti pudendi ceruini
 aridi drach. s. nucum pinearum, pistaceo-
 rum, amygdalarum dulcium mundatarum,
 ana vnc. s. : carnis scinci. drachmas duas,
 seminis erucæ, vrticæ, nasturtij ana scrupulum vnum, pectusculi capi cocti vncias
 tres: terenda terantur, & melle optimo fac
 electuarium liquidum secundum artis or-
 dinem: iis enim hic intra mensem voti
 compos fuit factus, & artis laudum maxi-
 mus euasit buccinator.

S C O L I A.

*Quum ad me venit iuuenis hic, illicò in men-
 tem mihi subit casus similis, fortè ex Rufo per
 Aetium citatus ad calcem libri vndecimi, qui
 ita habet, Adolescens enim quispiam nos accessit,
 & se vehementer coitum appetere confessus est:
 verum vbi commisceretur, semen emittere non
 posse, sed flatus plurimos sibi per sedem crumpe-
 re, In hoc itaq; coniecturam feci, vasorum semi-
 narium siccitatem adesse, quod ipsum etiam
 adepta sanitas demonstrauit: nam postquam hu-
 mida & boni succi dieta esset vsus, semen emi-
 sit: & subdit, alius item adolescens domesticus
 minister, confessus est, se quando cum muliere
 rem haberet, semen effundere non posse: cum ve-
 rò dormiret, plurimum ei semen prodire. Visum
 itaque mihi est, vasa eius seminaria propter mu-
 tam*

tam vnà cū frigiditate humiditatem, calefieri non posse propterea quòd caliditas in coëundo ad corporis superficiem diffunderetur, in somnis verò amplius calefieret, propterea quòd somni interna calefaciunt, & refrigerant exteriora. Quare hunc ipsum infernas partes exercere iussi, atque id maximè per equitationem, castorium etiam bibendum prabui, & dietam omnem calidam & siccam constitui: hac Aetius. Nos verò hunc secundum casum aliquando hominem pati obseruauimus, ob hac eadem ab citata, veluti ob carunculas in meatu vrinae & semini genitali cõmuni habitas, sed cura varia cùm sit, pro varietate causa, non admodum difficilis est.

Curatio nonagesima sexta, in qua agitur quomodo fœcundæ mulieres dignosci debeant.

Selinus Turcarum Solimani imperatoris filius, & qui imperium ambit, petit quomodo fœcundæ mulieres dignosci queant, nam Turcæ & si plures vxores habeant, hic tamen hac in re à nobis certior fieri cupit, cui sic ex Sorano viro grauissimo & sapientissimo satisfecimus: à quintodecimo ætatis anno ferè vsque ad quadragesimum, mulieres concipiendo idoneæ sunt iudicandæ, quæ neque viragines, neque corporis habitu densæ, duræue

fuerint, nec contra humentes, & languidæ, aluique iugiter fluentis, sed recta ratione hilariq; mente fungantur, lumbosq; latos habeant, & ventrem amplum, sintq; illis libera menstrua, nec morbis præcipue vteri iugiter infestentur: aiunt etiam concepturane sit mulier hoc experimento deprehendi: inferiores partes pannis vndique obseptras resina suffiunt, vt à pudendo vapor excipiat, & inde eleuato ad os odore, fecunditatem, non eleuato, sterilitatem indicari. Item, allia decorticata, & lana inuoluta mulier dormiendi tempore sibi tanquam pessulum imponat, & simili modo, ab odore, vtrum ad os peruenerit vel non peruenerit, fecunditatem iudicatio: hæc ex Sorano. Nos verò cum experimentatoribus hodiernis, longè certius signum, an concepta sit mulier, etiam si sit virgo, habemus, & tale est, Coagulum leporis pondere vnus drach. aqua calida dissolutum, mulieri ieiunæ calido in balneo existenti bibendum propinabis, nam si ventris dolores eam infestauerint, talè generationi aptam prædices, si verò non, eam infœcundam firmato. Cæterum, ex Hippocrate scito, quòd tēpora foetus variè habentur, nam masculi citius absoluntur quàm fœmellæ, fortè quia calor vehem

vehementior in masculis est, & in iis, alij citius, alij tardius ad perfectionem siue maturitatem perueniunt, primis nanque sex diebus, bulliēte semine, fiūt ampullæ, & vt ex faceta Hippocratis historia accipimus, velut quædam oui species existit, sed tunc nondum foetus appellatur, sed semen potius, deinde nouem diebus attrahitur sanguis, ex quo paulatim hepar & cor fiunt, ita vt post duodecim dies, iam discerni possit hepatis, cordis, & cerebri delineatio, & tunc foetus nominatur iam, & Græca appellatione embryon, id est, pullulans seu germinans. Postea octodecim diebus membra cætera formantur, & foetus exerit ramos, sunt nanque omnes ij dies collecti, quadragintaquinque, in quibus formatis & distinctis membris viuere iam foetus incipit, quia sentit, nondum tamen mouetur ob imbecillitatem, & tunc vt theologi aiunt, animæ pueris inferuntur, & iam non solum embryon, sed infans appellatur. Ne ramen ab Hippocrate vetustissimo & sapientissimo discedamus, scire decet, quod dies à conceptione ad formationem duplicati, indicant diem motus, postea triplicati dies motus, indicant diem edendi partus: verbi gratia, si foetus formatus est, quadragesi-

mo quinto die, mouetur nonagesimo, & tunc fortè anima rationalis introducitur, quam à sensitrice & vegetatrice differentem esse Ocham doctor Angelicanus multis probat rationibus. sed hæc minimè huic conueniunt negotio, triplicato verò nonagesimo die, nonus resultat mensis, quod est vsitatissimum partus tempus.

Curatio nonagesima septima, in qua agitur de muliebri satyriasi, simulq; uterino furore.

MOnacha ex iis quæ castitatem profitentur, & religiosè viuunt, & fortè primum locum eo in cœnobio tenebat, quam primariam siue prioressam vocant, malè habebat, ad quam accitus ipse, eam temperatura sanguineam optimi habitus, natam annum trigesimum quintum, sed per interualla delirantem comperio. Cœperat nanque delirium rabidum antea sex vel octo dies, quod & aliàs, vt aliæ attestabantur monachæ passa fuerat: sed nunc, hoc cum delirio eius calent membra, sed pulsus à temperamento parum distant, vt ipsa febriens non dicatur, sed quando delirio apprehenditur, quod per interualla vt pote per consensum fit, garrula euadit, ad hæc inquieta & iracunda, præcipuè
contra

contra parentes, qui eam in carcerem illū coniecerant, insuper tam multa de habendo marito inculcabat, vt assistentes omnes admirarentur, quoniam nihil loquebatur, aut effutiebatur, quod non ad concubitum, aut venerem faceret, ex quibus ego hanc vterinum furorem pati deprehendi, & eo magis, quia sæpè dextram ad pudibunda inferebat: solent nanque mulieres satyriasi, & fortè valentiori & frequentiori quàm viri morbo tentari, vt Soranus Ephesius singularis doctrinæ vir docet, & experientia ipsa confirmat, quem pudendorum ingentem pruritum, & coeundi ardens desiderium, ingens vteri & locorum circa assistentium ardor præcedit, qui ardor & vteri incensio, cerebro & toti corpori communicata rabidi furoris dicti est in causa, ob quem morbum, diuus Paulus, vt puto, dixit, Melius est nubere quàm vri. nouerat nanque ille opus naturæ concubitum esse, atque inde paucis datum esse castitatem seruare, vt quæ intolerabilis veneris desiderio tabescunt, vt monachæ diuæ Claræ ad fontem superioribus diebus euenit, quæ ob similem morbum in matricis abscessum lapsa est, iuuenis me hercle viginti nata annos, pulchra si qua alia, sed omnino exusta, & mœsta, ex no-

—M. §

bilibus Ragusinis. Sed de iis satis, & curationem habitam in monacha à nobis tractata citemus. Primò autē vena pedis saphena dicta secta fuit, ex qua sanguinis libra extracta fuit, dein verò purgato corpore, ei victum parcum constituimus, & ex cibariis iis, quæ flatu prorsus, ac vi excitandæ veneris carent. Postea verò ad cucurbitulas scapulis fixas, cute primo secta deuenimus, tandem membra inferiora refrigeranda curauimus, variis cum fomentis, tum vnguentis, & linimentis, constantibus ruta, castoreo, solano, sedo, papauere, rosa, mandragora, vitice, aceto, portulaca, hyoscyamo, lactuca, cerusa, argenti spuma, cerato rosaceo, populeo, & similibus, quæ ad præsens recensere non decet.

S C O L I A.

Solet plerunque vterinum hunc furorem consequi febris, ex vteri ipsius inflammatione oborta, sed in monacha hac, quum inflammatio sine phlegmone non esset, febris vice, caliditas excelsa erat, per consensum igitur vteri hic furor fit, vnde vterinus furor appellatur. Caterum, satyriasis quantum à priapismo differat, nouistis ex Galeno omnes, est nanque satyriasis ingens pudendorum pruritus, & venereorum intolerabile cum caliditate desiderium, qued desiderium in priapismo

priapismo non reperitur, sed magis membri genitalis & fortè virilis extuberatio tantum, ut suadet Galenus, in calce librorum de sympt. causis, & lib. 6. de locis affectis, cap. vlt. solent nanque satyriasi mulieres viris frequentius & grauius tentari, tam virgines, quam quæ coitum gustarunt & castitatem profitentur, præcipuè quæ à maritis absentes sunt. aut vidua manserunt. Porro, ut furor consequi solet vteri malam intemperiem calidam, & eius ardorem caput obrepentè, ita & satyriasi plerunque, id quod mariti verum esse deprehendunt, quando præcipuè vxoribus apprimè non satisfaciunt, garrula nanque euadunt & rixosa. Ceterum, vteri mala hac qualitas, ex qua vterinus furor oritur, longè differt ab vteri suffocatione, in hac nanque vterus contrahitur, & vasorum attractio fit, in illa verd immobilis permanet vterus, ut Aetius quoque ex Sorano memoria commendauit.

Curatio nonagesima octaua, in qua inquiritur, an quæ in thorace continentur, tantum per scretum purgari soleant.

QUum Gozius malè haberet, & intra secundam & tertiam costam doleret, dissidium inter medicos fuit, nam eorum nonnulli inflammationem esse, & eam quidem

quidem mēbranam costas succingentem occupantem dictitabant, quia febris continua aderat, & aliqualis spirandi difficultas, & dolor si continuò non affligebat, tamen cū ad latus sanum vertebatur, dolebat, quibus addebāt, quòd extrā inflatio apparuit, & breui delituit, & sanies ad vmbilicum descēderat, quæ postea per secessum excreta fuit, vnde homo breui mortuus fuit. Alij verò, dolorem illum ab humore flatuoso membranam distēdente, & solutionē continui faciente contestabantur, quia si esset inflāmatio, siue phlegmone, vt primi dicentes firmabant, pleuritis vera esset. Cæterum, quum illi multa deessent ad veram pleuritim, videlicet tussis, pulsus ferrinus, continuus dolor, & alia huiuscemodi, nō esse inflāmationem, concludabant. Item, quia si inflāmatio esset, & ad suppurationem perueniret, & rumpe-retur, ad vmbilicum pus descendere non posset, & cōsequens per secessum nō posset excerni, quia diaphragma, siue septum dictum transuersum, quod naturalia ab spiritualibus separat & diuidit, & à primis nothis costis & spuris oritur, inembra ipsa spiritualia tanquam in sacco continet, vnde à thorace ad membra naturalia, nullam esse viam aut descensum dicunt, imò quæ

quæ in thorace ipso continentur per spum purgari, cum Galeno libro de Locis affectis quinto, cap. 2. in quo agit, de thoracis affectibus, & Erasistratum vellicat, contendunt, adduntque, si contingat pus in thorace contentum, per vrinam aut secessum purgari, ex tali vacuatione, cordis tremorem, pressuras, & syncopen, ægro- tanti superuenire necessarium esse, & id primò Galeni autoritate probant, lib. 6. de Locis affectis, cap. 4. in quo agit de vesicæ affectibus, qui ad hunc modum ait, Nos verò pulmonis vomicâ per vrinam: thoracis autem per intestina, & aluum ex- purgari vidimus, & cætera. Pro quo intel- ligendo, scire decet, quòd pulmones sanie in thorace contentam ad se attrahunt, & tanquã spongia eam retinent, postea verò irritati, maiori ex parte per asperam arte- riam eam transmittunt, solet tamen quan- doque pus non per ipsam sed potius per læuem siue raram arteriam vnicam tan- tum habentem tunicam, atque inde arte- riam venosam dictam transmitti, quæ ad sinistrũ cordis ventriculum peruenit, quo in loco ad arteriam magnam aorthi di- ctam, se transfundit, & per eam ad renes descendit, & consequens ad vesicam: ex qua foras per vrinam truditur, & vt antè
per

per læuam arteriam pustransmitti solet, quæ postea per vrinam transcurrit, ita aliquando per venam arteriosam densam, dictam sic, quia duas contineat tunicas, transmitti solet, vnde ad cordis dextrum vëtriculum perueniens, venam magnam ingreditur, & per eam ad iecoris descendit gibbas, dein per vias satis amplas, sed plerumque lapidibus & tophis impeditas, concauas peruenit partes. à quibus postea ad intestina transmittitur, & secessu excernitur, sed quandoque cum pus in gibbosis partibus detinetur, ad renes fit transitus, & in vesicam, tãquam in cisternam cadit, & foras pellitur. Ex iis autem nostris dictis, facile Auicenna restitui poterit, sen. 10. tertij libri, qui confusè admodum hæc scripta reliquit, eò præcipuè capite, in quo de pure & sanie in thorace contenta agit. reuera, Galenus citato à nobis loco, quum causam reddat saniei contentæ in thorace, quæ quandoque per secessum excernitur, longè aliam à nobis citatam scribit, ita verò ille ait, Id verò quod per vëtre expellitur, aliam & quidem raram, quæ in corporum dissectione apparet, habet causam, quippè concaua vena mediante vase quodam stelechiæ, id est, venæ quæ arboris caudici proportionem respondet, videtur

detur iterum adaptari, proinde nihil mirum, neque impossibile est, & ex partibus septo transuerso superioribus, pus in ventrem defluere, & ex his quæ eidem supponuntur, ipsum per renes in vesicam peruenire. nam corporum raros habitus, par est, vt rara etiam accidentia sequantur. hæc Gal. in quibus innuere videtur, quòd quandoque ex vena concaua ramulus ad thoracem peruenit, & illi inferitur, per quem sanies ad iecinoris portas transmitti poterit, & ex eis postea per intestina foras pelli, vt enarratione 54. lib. 7. Aphor. quoque firmat. Aëtius verò libro octauo suæ medicinæ, capit. 65. in quo de pectoris suppurationis ex Archigene agit, inquit, rumpuntur autem suppurationes aliquæ quidem sursum versus, aliquæ verò deorsum: quæ deorsum rumpuntur in aluum & intestina ac vesicam transfunduntur per vasa quædã transmissione ad ea membra facta. quæcunque verò sursum rumpuntur, in vacuum videlicet thoracis locum, periculosiores existunt, hæc Aëtius. quæ omnia à Paulo mutuatus est, libro tertio suæ medicinæ: vt legenti manifestum euadet. Ex quibus satis elicitur, puris in thorace collecti: & ad intestina, & ad

renes

renes & vesicam per vasa quædã inferiora
transumptionem fieri, præter citatum pri-
mum ex Galeno modũ, hoc est, per læuam
arteriam, vnde per vrinam pus mingitur.
Cæterũ, non est prætereundum, quod vt
in hominibus inter secundam & tertiam
costam, securè & liberaliter possumus se-
care, & aperire absque diaphragmatis læ-
sione, vt prima & secunda diximus Cetur.
ita in brutis tutè fieri non potest, quia se-
ptum trãsuersum diaphragma dictum in
brutis animãtibus, hæret costis nothis, in
homine verò ita eleuatur, vt apertio præ-
dicto in loco tutè fieri possit, vt periculum
facienti notum euadet. Quo factum est, vt
medici ex brutis anatomiam petentes, ti-
merent sectionem intra secundam & ter-
tiam costam, imò non nisi intra quartam
& quintam, aut si diis placent intra quin-
tam & sextam apertionem admitterent,
non sine tamen ingenti, ne dicam puden-
do errore, meminisse tamẽ oportet, quod
Hippocr. inter costas sectionem non mo-
liebatur, sed terebella potius os costæ per-
forabat, terebrabátve vt aliàs dixi. Vt re-
ceptui igitur canamus, cōcludimus, quod
in nobili viro isto Gozio inflammatio, aut
apostema non erat, neque pus aliquod ad
vmbilici

umbilici partes ex ipso transmissum fuit, quanquam fieri posse Galenus non negat, imò Aëtius & Paulus fatentur.

*Curatio nonagesimanona, in
qua agitur de prurigine
inter inguina.*

AIdar Epirota Spado homo ab ineunte ætate, in Byzantia aula educatus, tribus ordine potētissimis regibus, primum à cubiculo, deinde à cōsilio, postremò bel lorū socius atque adiutor fuit. is verò cū ē purpuratis, hoc est Basaiis quatuor, vnus esset, ac intemperanter Solimano filij cædē exprobraret, ē suprema dignitate deicitur. At, quia singulari semper fide atque amore, erga Othom. familiam fuisse dicebatur, exiguæ Illyrici parti cum imperio præficitur. is Idibus Iunij, in quo dies solemne Arabicæ gentis ieiunium fortè inciderat, quum animi causa Neocastrum amœnissimum eius satrapia oppidum se contulisset, me ad se accersuit, & barbarè quidem, sed regiè experiri inquit libet, an quæ de doctrina acceperim tua, aliqua ex parte vera sint, iam nūc quo corporis morbo laborem vt mihi indices, cupio, effusus

N

deinde in risum me magnificè à liberalitate sua expectare iussit. Cæterùm, quum viri huius inueteratas affectiones percurro, cum inter inguina pruriginem quandam ab hinc viginti annos continuò pati deprehendo, ex qua ichores citrini quidam per intervalla effluere solent, quam malam affectionem leuare compescerèque difficile atque periculosum videbatur. inueteratum enim malum in homine præsertim ætate præcipitata curisque ac laboribus confecto iam in naturam abiectum, contumacitèrque quantumuis diligenti medico repugnabat. quapropter ad mitia placidàque remedia decurrimus, & eo magis quia inguinibus insitum malum, loco à natura nocuos è corpore recipere succos solito. Vñ igitur sumus, duobus vel ad summum tribus remediis, vno hirudinum venis hæmorrhoidalibus admotione, quæ diuersio, vt nostis, non minùs iuuat quàm venæ in fronte sectio, posteriore capitis parte dolente, immò vacuatio hæc maioris momèti hoc in casu est, quia corporis decliuiori in loco sit, ad quem natura superuacuos noxiósque deriuare solet humores. secundo, inunctione vnguenti compositi, ex albo camphorato, populeo, ac plumbeo, æquis portionibus.

quibus

quibus remediis, proposito optimo victus ordine, Turcis rarò solito, immò toleratu difficili, rectius valere cœpit, singulis nāque quindecim diebus, hirudines duæ ad-mouebantur, & bis quotidie linimentum supra malum iterabatur, plātaginis supra posito folio, non rarò præhabito fomēto ex plantagine & inguinali siue bubonio herba parato, neque enim plura, vt dixi, machinari pro hac propulsanda mala af-fectiōe opus erat, quando circa prore-gem capularē inque senem versabamur, præcipuè hominem Turcam, & barba-rum, qui si è viuis decederet, non sine vi-tæ carantis periculo & dispendio id fie-ret, medico nanque eius serui belluini mortem imputant, contra quem feroci-ter irruunt.

*Curatio centesima, in qua agitur
de capitis vulneribus, detecto
craneo, & tutiusne curentur
exiccantibus medicamētis, an
cataplasmatis humidis, vt di-
gestino ex oui vitello dicto, &
similibus.*

N 2

Colloquium, GRADIVS, CELETANVS, VANVCCIVS.

GRADIVS.

NAuis nostræ præfectum, ita quidā ex nostratibus sæuè & grauitè in caput percussit, vt eum breui moriturum putem, vos verò viri boni, & diligētes Celetane, & Vanucci, qui ex conducto nostri estis chirurgici, ad eum curandum vt quàm celerimè properetis rogo, interim ipse Amatum physicum accersendum curabo.

CELETANVS, Perge & eum apud officinam Gabrielis pharmacopolæ inuenies.

VANVCCIVS, Imò ipsum prætereūtem modò, & eam domum ingrediētem, ni fallor, vidi. GRAD. Ad domum illam accedamus rogo, vt cum Amato misellū illum vnà inuisum eamus, nec vobis granè sit quæso si paululū moremur. CELET. Ita contractæ sunt luces, vt vix sufficiant pro ægrotātibus curandis ipsisquē tractādis.

GRAD. Salue Amate. AMATVS. Vos quoque salui sitis, ecquidnā rei nouæ est?

GRAD. Est non fœlix omnino, quando cum chirurgicis & medicis negotium est.

AMAT. Hoc minùs malum quàm cum monachis & clericis, sed quidnam affertis quæso. GRAD. Insularis vir probus, &

rerum

rerum maritimarū maximus explorator,
capite percussus & ut credo lethaliter est,
pro quo curādo chirurgos hos accersiui,
quibus tu dignaberis pro paterna & fra-
terna in te obseruantia in curatione præ-
esse. A M A T. Lubēter id faciam, & quod-
uis aliud quantūcunque difficile negotiū
pro Gradia Illustri domu aggredi mini-
mè grauabor. G R A D. Nouit iam pridem
candorē & animi tui in nos propētionem
frater meus Ioannes Gradius, qui Reipu-
blicæ nostræ iussu, Venetiis nunc agit. ego
verò ad præsens Timantem imitabor, &
quod exprimere penicillo nō possum ve-
lo cōtegā. sed hæc domus est, ingredia-
mur, hic saucius est. V A N V C. Cereā can-
delam accensam afferto. tria ut video hæc
sunt capitis vulnera, primum in occipite,
alterum in syncipite, postremum verò in
frōte, accedatis ergo ad ea vidēda. A M A T.
Tū deto capillos, & caput & collum à san-
guine spōgia abstergito, postea verò quid
agendum sit discernemus. C E L E T. In
omnibus ut video, tã capitis quàm frontis
vulneribus iis, caluaria lēsa est. V A N V C.
Immò syncipitis vulnus os nudatum ha-
bet, & duram attingit membranā.
A M A T. Nouacula ea, ut nostis, duabus
lineis mutuo se per medium secantibus

secatote, & carnem angulorum quatuor
ab osse rectè separatote, & membranam
caluariam tegentem quoque quoad fieri
poterit, seruatote, & si quæ ossicula sunt
fracta aut comminuta quæ manu, aut vul-
sella, aut forcibus dextrè nunc extrahi
possunt, extrahitote. V A N V C. Ad curam
accingamur. C E L E T. En ouorum albu-
mina turundis & plagulis stupeis excepta
adsunt, cura igitur vt vulnera hæc optimè
sarcita & plena sint, vt postea pateant ope-
ri peragendo, terebello, vel hippocratica
ferra, hodierno nostro modiolò dicto, vel
scalpris rasoriis, prout nobis melius vide-
bitur, aperiendo, vel ossa fracta forcibus,
& vulsella deponendo. A M A T. Cum hæc
rectè peracta sint, ab excretis per balanū
alui excrementis, ex cōmuni brachij vena
sanguinis vncias sex demendas curatote,
paucus nanque, vt audistis, ex vulneribus
effluxit sanguis. Nam & in hoc casu cor-
pore etiam inculpato à plethora existēte,
sanguinē emittendum, omnes iubent me-
dici, fenestras quoque & rimas portarum
occlusas habendas curatote, & paucis ac-
censis carbonibus huius cubiculi aërem
contēperatote, viget autumnus, strepitum
quoque & canum latratus, & similia amo-
uerote : post emissum verò sanguinē dua-
bus

bus horis, victum porrigitote, panatellam
 scilicet simplicem, & lentes ne datote, ce-
 phalalgiam nanque ferunt, vt alias dixi,
 in potu verò ex coriandro incoctā aquam
 simplicem, aut rosaceo iulebō mistā con-
 ceditote, craftina verò die ægyptiacæ sili-
 quæ florem, ad vnciam vnā & alterius
 mediam in bolo deglutiendum diligens
 pharmacopola illi dato, valete. **C E L S U S.**
 Cum sæpè mihi contingat capitis fractu-
 ras curare, nō rarò mihi succurrit ô Ama-
 te quantum difficilis sit earum curatio, &
 eo magis quum videam quantum hodie
 na curatio ab ea qua prisci vtebantur dif-
 ferat. **V A N V C.** Artem chirurgicam nun-
 quam antea ita rectè exercitam fuisse, in
 primisq; capitis vulnera nunquā ita rectè
 curata, pro firmo teneo, sed quidquid sit,
 pergratum faciet Amatus si iudiciū suum
 hac in re dare dignabitur, vt deinceps in-
 ter nos habita tam vetus contentio, direm-
 pta & absoluta sit. **A M A T.** Ego ingenuè
 vobis respondebo, sed an satisfecero ve-
 strum erit iudicare. noui sanè ex sapien-
 tum dictis, quantum periculi afferat inter
 duos amicos sententiā ferre, cum præser-
 tim alter iudici inimicus euadat necesse
 sit. **V A N V C.** Hoc ne pili facias ô Amate,
 quum nihil veritate apud nos antiquius

fit, neque veritas apud nos odium parit, sed amicitiam potius conciliat, glutinat, & vt ita dicā, ferruminat. AMAT. Quum vnanimis, & concordis in mea recipienda sententia vos videam, placet eam, qualem qualem in medium sed breuissimè afferre, proinde aures præstate benignas. Hippocrates ita capitis vulnera curatu difficilia esse sensit, vt de eis integrum librum memoriæ scriptum reliquerit, cui titulū indidit de vulneribus capitis, quamquam antea alterum in lucem dederat, de vlceribus, in quo vlcerum siue vulnerum curationem persequitur, vario tamen modo, cum in hoc vulnera siue vlcera cutem & carnem, & os attingentia curet, in illo verò vulnera siue vlcera capitis tantum, quæ caluariam detectā habent. VANVC. Est ne liber ille de vulneribus capitis, Hippocratis? AMATVS. Maximè, & Galenus libro sexto Methodi medendi eum, & aliis sexcentis locis, Hippocratis esse genuinum & Germanum testatur, præcipuè cum fracturarum ossium differentias ex nonnullorum opinione percurrit, & postea propè calcem eiusdē libri ita esse confirmat, dicens, de iis verò quæ in capite accidunt, Hippocrates certè integrum volumen scripsit, vbi omnia præcipit, quæ in his


his sunt agenda, & nos cum huic operi finem imposuerimus, enarranda eius opera aggrediemur, &c. CELET. De hoc non est ambigendum, cum Galenus euidenter Hippocratis librum esse testetur, & enarrationes in eum librum exarandas pollicetur, quæ utinam hodie extarent, quia eis nobis magnum certè laborem leuaret. VANVC. Vidius Florentius conterraneus meus, Galeni, ut audio, vicem in eo libro implet, ut qui non solum eum è Græco in linguam Romanam verterit, sed etiam suis commentariis illustrauerit, veluti antea librum de vlceribus, & alterum de fistulis. AMATVS. Noui, & Iosephus Sthrutius Polonus, vir singularis doctrinæ, & eloquentiæ eosdem labores ad adiuuandam rem medicam in lucem edendos parabat, utcunque tamen sit, Vidius multa laude dignus est.

VANVC. Quia de vulneribus agimus, mihi primo inquirendum occurrit, cur Galenus ô Amate nullam faciat in vniuersa eius doctrina, inter vlcus differentiam.

AMATVS. Idem est siue vulnus siue vlcus, nimirum continui solutionem manifestam, (plagam dixerim) appelles, quemadmodum & Hippocrates facit, recentiores tamē, à telo illatas plagas, vel casu, vel

N 5

quomodolibet acceptas, modo recentes sint, & eis non insit pus, vulnera appellât, quum verò pus illis superuenerit, nō iam vulnera sed vlcera potius appellanda esse contendunt. Alij verò, cum plagæ à causa procatarctica euenerint, siue ipsæ occupent cutem tantum, siue carnem, & os, etiâ si eis insit pus & sanies vulnera appellant, sed in hoc vt dixi, magna vis non est, plagas, siue vlcera, siue vulnera appellemus, modò eas rectè curare sciamus, vt Galenus millies inculcat. C E L E T. Non facile est capitis vulnera curare, vt dixi, & quo magis senesco eo caluariæ fracturas difficiliore curatu inuenio. A M A T. Non alia de causa Hippocrates integrum librum huic dicauit negotio, nisi quia capitis vulnera curare est magni atque ardui negotij, item, quia longè aliam curationem postulant capitis vulnera, quàm aliorum membrorum, & longè aliam fasciandi & vinciendi rationem, quibus accedunt, vt Hippocrates testatur, quòd hominum capita non sunt inter se similia, quia figura variant, vt ille libro de aëre, aquis & regionibus testatur: & Aristoteles libro primo de Animalium historia affirmat, quibus Galenus non rarò subscribit, & vt figura capita variât, ita quoque futuris & commissu

missuris, adeò vt futuræ & cõmissuræ longè aliter in vno quàm alio reperiantur, quæ vt percipitis, non paruum Medico etiam exercitatissimo errorem adducere possunt. Nouistis autem caput illud optimum obrinere habitum & figuram, quod ceream pilam vtrinque compressam refert, quod verò ab hac figura recedit, id vitiosum appellamus: in optimi nanque habitus & figuræ capite, futuræ & commissuræ ad istam constituuntur figuram,  K sed non rarò, alio modo habentur, vt Hippocrates dicat, nec futuræ caluarie omnibus eodẽ modo, & meritò sanè, quia futuræ hæ quatuor modis variari possant, vt inibi Hippocrates libro de vulneribus capitis refert, & Galenus libro nono de vsu partium illi subscribit, qui præter quaternas illas varietates, quintam mente conceptam, imaginatur, & admittit: imò quandoque in nonnullis tam viris quàm fceminis caluaria absque sutura & commissura vlla reperitur: quæ omnia curationem perdifficilem reddunt, non minus ac variæ capitum temperaturæ & dispositiones, & diuersa aëris temperies: vidi nanque ego, vt qui per tot orbis regiones peregrinatus sum, & multorum hominum mores, & vrbes varias contem-

= platus

platus sum, vno in aëre omnes capitis vulneribus affectos obire: in alio verò secus euenire, & quantumcunque lethalia vulnera sint, ex eis ægrotantes facillimè euadere. VANVC. Florentiæ & Bononiæ, ita capitis vulnera periculosa sunt, vt rarò capite vulneratus sanetur: in hoc verò saxo Ragusæ contrariò euenit. Vix enim ex fracto & comminuto capite ægrotus decedit, imò plerunque conualescit. CELE. Vnde hæc eueniant, vehementer scire cupio, vt vbi caput fractum breui curatur, pedum vitia difficulter sanantur, & contrariò. VANVC. Id ego euenire crediderim, vt Amatus ait, ex aëris varia temperie, quia caput, vt ille iis in Centuriis ex Galeno dixit, ex influëte, quod aiunt, temperie, quocunque calidissimo æstiuale calore, calidius est, veluti ex innata temperie, frigidum & humidum. Vbi igitur aër capitis temperaturam fouet, fortè morbus magis inualefcit, & ægrum in perniciem trahit. Vbi verò non adeò illi fauet, sed qualitatibus potiùs aduersatur, fortè inde meliùs habet. Nouistis autem sanitatem per similia seruari: morbos verò per contrarium depelli. AMAT. Quum multæ signatæ causæ sint, quæ capitis vulnera difficilia curatu reddant: hæc, vt mihi vide

hi videtur, præcæteris primas tenet, scilicet, quòd caput cùm aliquando percutitur, longè à loco percusso malum aliquando habeat: ab ictu enim malum siue læsio longè subsultat.

VANVC. Id fieri posse apud te aliàs legi.

AMAT. Soranus id fieri posse scriptum reliquit, vt qui Hippocratem imitetur: cui Cornelius Celsus, vt sæpe solet, subscribit: vnde Hippocratis Latini nomen traxit, quanquam Paulus Soranum reprehendar, vt qui ex Galeno id fieri non posse dicat. VANVC. Hócne apud Hippocratem scriptum ais?

AMAT. Hippocrates, vt audis, ita libro de Capitis vulneribus præclarè tradit, Frangitur caluaria sub vulnere, alia parte, quàm vbi plaga est, atque os nudatum.

VANVC. Optimos & graues autores legendos semper audiui. CELSE. Quis dubitat ex fonte potius doctrinam hauriendam esse, quàm à turbidis riuulis?

VANVC. Ni Amatus ex Hippocrate sententiam hanc adduceret, nunquam eam Hippocratis esse crederem, & eò magis, quia Paulus opus hoc fieri posse negat.

AMAT. Paulisper hic immorari ne pigeat, vt rem hanc integrâprehendatis. Paulus Ægineta Soranum reprehendit, vt qui

qui dicat in suis scriptis, quæ adhuc extant de vulneribus capitis, quemadmodum in vitro, ita in capite euenire: nam si vna parte vitrum percutiatur, in altera & fortè aduersa findi contingit. Ægineta tandem hæc non ferens eum suggillat & carpit, vt apud eum legitis, quia vitrum inane est: caluaria verò plena. Item, quia Galenus nono libro de Vsu partium: ideò naturam prouidam caluariam variis futuris ornasse ait, vt altera percussa, altera non lædatur: quod aliter euenisset, si solida esset, & absque futuris. Non negaret tamen Ægineta id quod Hippocrates ait, & nos quoque scriptum aliàs reliquimus. Si caluaria telo percutiatur, nō rarò vltra eum locum vbi plaga conspicitur, os findi, & frangi, vt in aslere accidit, qui si securi feriatur, non semper finditur quā securis ferit, sed alibi. C E L E. Hæc vt ipse puto, nec Galenus negaret. A M A T. Si rectè teneo, non tantum hoc euenire posse dixi, sed multò maiora, scilicet, percussa vna parte, ex aduersa duram membranam, quæ futuris caluariæ implicita est & ex eis pender, cadere posse: vnde maximum malum oritur. Item, venulas cerebrum ambientes ex aduersa ictus parte rumpi & aperiri posse, vnde sanguis effluit, & breui pus factum
cere

cerebri substantiam putrefacit, & corrup-
 pit: id quod olim non sine ingenti artis
 honore deprehendi, imò hoc fieri posse
 etiam capitis cute, & ipsa caluaria integra
 manente: præcipuè ex re ab alto cadente,
 Cornelius Celsus fatetur, & Galenus post
 eum, libro secundo de Com. Med. s. l. non
 negat: id quod Hippocrates si apertè non
 dicit: intelligit tamen, quum ait, citato lo-
 co, quintus hic modus. Quod infortu-
 nium ubi accidit, nihil est, quod iuuare
 possis: quoniam ubi hoc malum sit, nulla
 via deprehendere licet homòne id patia-
 tur, aut qua parte caluariæ.

VANVC. Quomodo hæc deprehen-
 demus, quum quis in infortunium hoc
 inciderit? AMAT. Paulò postcà audies,
 nunc satis hæc dixisse sit. CELS. Quum
 de caluariæ fracturis & vulneribus no-
 bis sermo futurus sit, dicas rogo, ô A-
 mate, persistisne ea in opinione, calua-
 riam tres habere partes, superiorem, in-
 feriolem, & tertiam medullarem di-
 ploëm à Galeno dictam? AMAT. Cur
 non, quum iis in Centuriis ita esse ex Hip-
 pocrate & Galeno patefecerim, & nunc
 vt rem ex integro teneatis, audite, Ita se
 habet os cranei, quemadmodum id quod
 costam componit, ambítve. Costæ au-
 tem

rem os latum vnicum tantum esse videtur: intus tamen medullæ vice spongiosa pars venis & sanguine plena se nobis offert. Si costam quis igitur perforare tentauerit, vt olim Hippocrates cum purulentos curabat, perforabat, dubio procul tres partes in ea, vel inuitè esse dicet, primam & imam, densas & duras: mediã verò inter vtranque spongiosam. Ita & caluaria tres habet partes, quarum mediam Galeno diploëm appellatam, Hippocrates præcipuam facit, libro huic dicato negotio, non procul à principio, & illi os supremum & infimum, durissimum, densum & leue, tanquam proprias partes tribuit: mediam autem illam partem spongiosam facit, carunculis plenam, mollibus & raris, quæ digitis si atterantur in sanguinem resoluuntur, vt liquidò ex Hippocrate euadet caluariæ tres esse partes. Sed agite, siue tres partes, aut si caluariæ laminas magis appellare libet, siue duas tantum admittamus, hoc nihil refert, modò sciamus, quænam in caluaria ipsa partes infirmiores, quæve robustiores sunt, vt inde præsagium, indicium, & morbum colligamus. VANVC. In hoc ancipitem, & dubium ciuē meum Vidium inuenio. AMA. Hoc tam leue & facile solutu dubiū est, vt
omnes

omnes vno consensu respōdeant hoc modo, Syncipitis os tenuissimū & infirmissimum esse: postea ossa temporum, dein frontis, omnium robustissima & crassissima, quæ post aures & verticem sunt, id est, quæ in occipite continentur. VANVC. Ita omnes scribunt chirurgici. AMAT. Omnes ita scribunt, sed rationes, cur ita sit, ignorant. VANVC. Eas tu igitur explana. AMAT. Auditæ. Os syncipitis omnium in caluaria tenuissimum & infirmissimum esse, ex pueris in lucem recenter editis conuincitur, quia perforatū, & nondum completum os hoc ostendent, quod postea in adultis infirmum ita esse conuincitur, quia synciput paucissima & tenuissima contegitur carne: quò fit, vt vulnera in eo periculosa sint, & eò magis, quia multum cerebri sub se cōtinet, quod Hippocrates non siluit, cū inquit, quod ad crassitudinem & tenuitatem, ex vniuerso caluariæ osse, id tenuissimum est, & infirmissimum, quod inter frontem & verticem est: idēmq; paucissima & tenuissima carne contegitur: hac item parte plurimum cerebri subest, quamobrē & cætera. VANVC. In hoc enarrando textu conterraneus meus Vidiū, anceps & dubius, vt dixi, est, vt qui os inter frontem & verticē

O

ab Hippocrate syncipitis vocari ambigat, putans fortè longè aliud os prope tempora esse: cùm tamen os temporis, Galeno autore libro sexto Methodi med. in se ipso ipsas squammatim compactas commissuras habeat, imò si quis versatus fuerit in doctrina Galeni, os inter frontem & verticem, id esse, quod nos appellamus Syncipitis debilissimum, & omnium infirmissimum facile inueniet. AMAT. Temporum os post synciput cæterorum infirmissimum habetur: vnde in eo vulnera periculosa quoque admodum sunt, sed præcipuis tribus de causis, quas Hippocrates ita describit, dicens, Ex cæteris os temporum infirmissimum est, quod maxilla in tempore cum caluaria committatur, & sursum ac deorsum moueatur articuli modo, quod propè sit iter per quod facultas audiendi meat, quòd vena caua & valida per tempus intendat. Ob tria igitur hæc Hippocrates vulnera temporum periculosissima esse testatur, ob connexionem maxillæ in tempore cum caluaria, & motum, ob foramen auris, ob grandes venas quatuor, quæ per tempora feruntur, quas *σφαγίτιδας* appellamus, quarum duæ per interiora vadunt, & penetrant, totidem per exteriora. Vtræque capit

pitis & colli partes nutriunt, sed ille altiores, hæ verò summas, & per tempora quoque currunt: cum quibus etiam & arteriæ eiusdem ferè magnitudinis obrepunt, quum rarò venæ absque arteriis reperiuntur. Hæc igitur tria cum osse tenui & infirmo, locum infirmissimum & obnoxium malo reddunt. Eò accidit vt vulnera quoque, quæ supra suturas cadunt, periculosa quoque sint, præcipuè syncipitis, quia futuræ natura sua infirmæ sunt, & duram membranam alligatam habent, & syncipitis os infirmum quoque est, adeò vt hæc locum hunc infirmissimum reddant. Vt-
cunque tamen sit, Galenus syncipitis os audaciùs perforat, quàm temporum aut à lateribus os, vt ex duabus historiis ad calcem libri sexti Methodi medendi, adductis percipitur: quod sanè documentum Hippocraticum est, vt ex libro suo tam sæpe à nobis hodie citato percipitur: ita enim Hippocrates ait, vbi caput incidendum sit, cæteræ partes eius tutò inciduntur, tempus & regio superior iuxta venam, quæ per tempora fertur: hic inquam locus scalpello attingi non debet. Eum enim qui incisus fuerit, nervorum distentioprehendit, & cætera. Iis enim suadet Hippocrates, vt neque tempora,

neque supra regionem temporum ad latera incidamus, quia vena, arteria, & non contemnendi nerui per ea loca ferantur: quòd si contingant præcidi, inde neruorum distentio oritur: præcisis nanque ex vno latere neruis, siue musculis, alterius lateris nerui & musculi retrahuntur, vt aliis in Centuriis, pro exemplo equi frænum adducens, patefeci. Sed nunc ad propositum redeunt, dicamus, occipitis vulnera, & quæ retro aures contingunt, minus periculosa esse: quia circa eas partes, os durius, & multum carnis est, & minus cerebri subitus est: frontis quoque parum periculosa sunt vulnera, vt memoriæ in curationibus quandoque mandauimus, sed magis periculosa iis, quæ in occipite sunt, vt Hippocrates quoque testatur. C. L. Hæc præscire dubio procul multum ad præsagium, & indicium, & ad curationem faciunt. A M A T. Non iniuria Hippocrates suadet in primis spectandum qua in parte capitis homo vulneratus sit, in-quiens, spectare autem in primis conuenit, qua parte capitis homo vulneratus sit, imbecilliorine & cætera. Nec minus considerare vulnerum genera, & an in eis tantum collisio sit, an fissura, an incisio, quoniam pro ossis, & teli, vel pro catartice causæ

causæ ietus varietate, caluaria variè frangitur, & afficitur, & in collisione inspicere oportet, an tantùm collisio simplex sit, vt in pueris sepè euenit, quorum ossa supprimuntur, & deprimuntur, veluti vasa plumbea & stannea, non secus atque in prouectis synciput, & modus hic ad fracturæ species reduci debet, si modo cum Hippocrate sentire volumus, quia in collisione quædam continui diuisio videtur. Item considerandum si cum collisione adsit fissura, vel rima, quanquam Hippocrates nō fieri fissionem absque collisione tradat, inquit nanque Hippocrates si quid finditur, necesse est plus minúsve collidatur. Fissuræ igitur siue rimæ considerandæ maximè sunt, vt tradit Hippocrates, quum quædam tenuiores sint, nonnullæ tenuissimæ, vt vix percipi possint, & hæ ad interitum sæpe hominem trahant. Contrà, aliæ crassæ & latæ oculis conspicuæ, aliæ quæ multum excurrunt, quædam breuiore, aliæ rectæ, aliæ flexuosæ, & obliquæ, nonnullæ parte summa videntur, aliæ altiùs descendunt, veluti aliæ quæ per totum ad imum vsque penetrant, & percurrunt, quas Galenus ad finem non esse persequendas monet, vt inferiùs laius dicemus. Quòd si incisio est, consi-

derandum, an in ea teli vestigium relictū sit, quod ab acuto & leui plerunque fieri solet, & an cum scissura, fractura & ossis suppressio sit, vt membranam duram comprimat, quod plerunque à telo graui & recuruo fieri solet, vel si icto loco ex aduerso malum respondeat. Id quod euenire non rarò suprà meminimus, sed in hoc multū refert scire, quo teli genere percussus egrotus fuerit, vel ex quonam loco ceciderit, alto, infimo, vel medio, & an à robusto, vel debili inflicta vulnera sint, & an ægrotus illicò ceciderit, & an scotomate & vertigine affectus fuerit, & an vomuerit, an verò nihil horū euenerit. V A N V C. Hæc quum dicta & admonita rectè sint, placeat nunc ægrotantem inuisum accedamus, vt hac secunda curatione inter nos de rebus grauioribus sermo habeatur, & quod agere debeamus, sanciamus. A M A T. Quum timor non sit, de sanguinis fluxu in deponendo vinculo, accedamus: nam Galenus, vt aliàs vobis dixi, vinculum siue fasciam non nisi ad quartum & quintum diem soluebat, præcipuè quando sanguinis fluxum ex vulneribus timebat. C E L. En Vanucci fasciam deponere, & expeditè eam solue, & yulsella hac turundas extrahe, & linamenta omnia, & caue

caue ne earum quicquam intus latitet, & maneat, ac linimentis iis siccis, & spongiola recenti & noua hac, vulnera à sordibus absterge. Adsunt quoque instrumenta quibus ossa fracta extrahamus, & quà opus fuerit aperiamus. **A M A T.** Non excidat vobis fracturas has diligenter inspicere & contemplari, & an in hac caluaria denudata ad futuram incisio sit, quoniam vt difficile ita Hippocrates hoc maximè considerandum monet, denudato namque osse, fracturæ oculis patent, in futuris verò non item, vt aliàs Ferrariæ in vxore Antonij Lucei illustrissimi Ducis Ferrariæ medici, euenisse à me audistis, ex quo errore diem suum obiit, erat autem plus iusto squammosa aperta commissura, parum ab assistentibus chirurgicis & medicis deprehensa. **V A N V C C.** Prouidus, & oculatus mentis oculis sit chirurgus in iis tractandis caluariæ vulneribus, oportet, quia futuræ quum infirmæ natura sua sint, paruo negotio finduntur & dehiscunt. **C E L E.** Super futuras secarè ne consueuisti? **V A N V C.** Absit, immò Hippocrates ab illis recedendum, & vbi necessarium fuerit, proximum os secandum suadet. **C E L E.** Ob multa non esse secandas futuras nuper accepimus.

VANVECIUS. Quia fortè futuræ natura sua imbecillēs cū sint, facilè à modiolō penetrante perforarentur, & cerebrum læderetur. Item quia per futuras venæ & membranæ transeunt, quas ferro attingere periculo non vacat: decideret fortè illis adalligata membrana, quam duram dicimus. Item, quum futuræ à natura providè sint constitutæ, vt per eas, tanquam per camini foramina & expiramenta fumus euaporet, earum vice callus supercrescens impedimento expirationi esset, vt his rationibus conuincatur, supra futuras non esse secandum, sed iis proximum os cum sectio necessaria fuerit, perforandum. CELET. Vtcunque est. Ego vbi sectio necessaria est, etiam supra futuram non rarò rado, & aperio, & ad votum omnia mihi respondent, immò assentiente Amato, hoc non semel feci. AMAT. Ita res habet, & ita agendum cū casus exposcere dixi, quum minus periculi inde euenire soleat, aperiendo, quàm non aperiendo, vt ex historia à nobis citata percepistis. VANVC. Exercitatisissimus chirurgus sit oportet qui hæc contra Hippocratis sententiam facere audeat. Sed dicas rogo ô Amate, cū in capitis vuneribus sectio admittitur, aliis verò in membris

membris minus? AMAT. Galenus prope finem libri sexti Methodi medendi, huic tuo respondet quæsito, quem tu magno tuo scenore percurrere poteris, nos verò interim tibi sic respondemus. Sectio ossis in capite necessaria est, quia admiranda iunctura membrorum fracturis accommodata, in capite ob eius figuram dari nequit, quum non habeat partes conuenientes ad quas humiditates, & superflua transmittere valeat, sicut habent brachia, crura, & alia membra, item secamus, vt pus si quod in cerebri membrana colligitur, rectè extrahatur, mundetur, nec putredine sua cerebrum corumpat, id quod fieri nequit, si sectio ossis non sit, cæteris autem in membris pus debito vinculo exprimitur, quod in capite fieri non potest, imum nanque pus petit. qua de re Hippocrates in capitis vulneribus præter fascias laxas, ad continenda medicamenta & linamenta sufficientes, cæteras vtpote adstringentes damnat, quia vincula, & fasciæ comprimentes, dolorem & inflammationem adducunt, & humiditates retinent, & eas tanquam carceratas remoſantur, ex qua re tot mala quæ homini perdendo sufficiunt, gigni solent, cæteris autem in artubus, vt

brachio & crure quæ separata & diducta sunt, in vnum cogere & glutinare vincula valent, & ab inflammatione defendere materiam, quæ aliunde ad affectam particulam confluit reprimendo, & eam quæ iam recepta est, pellendo, vt latius sequenti dicemus quæstione, in qua proponimus, an capitis fracturæ, emplastris curari debeant, quemadmodum cæterorum membrorum fracturæ. V A N V C. Accedamus igitur, & vulnera inspiciamus. Primò nobis occurrit occipitis vulnus, in quo satis detecta caluaria est, sed vah in ea nunc fissura satis ampla & manifesta conspicitur, quæ an membranas cerebrum tegentes attingat, nunc demum experiamur. Pueri techam atramentariam afferte, vt atramentum per incisuram hanc indamus, vt ad quem locum penetret, sciamus. C E L E T. Quoniam instrumento, dicas ô Amate, ad hunc secandum os vtemur? A M A T. Dicam, si prius vobis memoriæ reuocabo occipitis vulnera minùs periculosa esse, vt iam dixi, & tardiùs qui ab eis morituri sunt, vita decedere, & eo tardiùs quo tempus frigidius fuerit. Sed ad quæsitum tuum reuertor cum Galeno libro sexto Methodi medendi, ita dicente, Ergo de fracturis caluariæ, quædam vsque ad secundam

cundam laminam, quam Græcis διπλοῦν
 vocant, perueniunt, quædam vsque ad in-
 ternam ossium faciem, quædam simplices
 fracturæ sunt, quædam contusiones, quæ-
 dam vestigia eorum quibus inflicta plaga
 est. Quæ igitur simplices fracturæ ad se-
 cundam vsque laminam perueniunt, iis,
 quos modo diximus, angustis scalpellis
 indigent, expedit autem hos vt numero
 multos, ita magnitudine impares esse,
 necubi desit quod operi sit commodissi-
 mum, postea verò nudato prout fieri solet
 vitiatō offe, vtendum primo quidem latif-
 simo, secundo loco, quod illo est angu-
 stius, mox ita reliquis, deinceps vsque ad
 angustissimū, hoc verò in ipsa diploë est
 vtendum: & inferius subdit: & fracturis
 verò quæ ad cerebri vsque membranas
 peruenerunt, si simplex tantū fractura
 sit, iam dictis scalpellis angustis vtendū,
 si cum contusione aliqua, quod cōtūsum
 est, excudi debet, idque vel terebellis
 prius in circuitu perforatum, mox deinde
 scalpris admotis, vel protinus ab initio
 cycliscis. Ac quæ per terebellā quidē ratio
 fungitur parum tuta est, propterea quod
 dum audacius eā tractant, durā membra-
 nam quæ ossi substernitur, nō rarō violāt.
 Quod verò per cycliscos opus admini-
 stratur,

stratur, ne id quidem omnino vitio caret, cum quatiat immodicè caput, quod potius quietem postulat. In iis autem Galenus, ut audistis, nos docet in caluaria, aperienda perforandave, ac ipsis demendis extrahendisve ossibus, siue fracturæ simplices sint, siue compositæ, operandi rationem, veluti operationem per terebellam parum tutam esse, quia membranam duram, & cerebri substantiam violat, nihilominus quoque improbat opus quod per cycliscos administratur, quia caput immodicè quatiat. VAN. Miror Galeni diligentiam, ut qui rem hanc sic desertam reliquerit. AMATVS. Nihil minus, desine mirari Vanucci, immò Galenus distinctione quadam habita, nos docet quando terebra, & quando cycliscis uti debeamus. VAN. Eam rogo recitare ne graueris. AMA. Inquit Galenus, si magnæ sint fracturæ, & ossa quæ fracta sunt vehementer mota, tunc cycliscis uti optimum esse, quia paucis excisionibus opus consequemur, ut postea excisoriis lenticulatis, in totum compleamus. Hæc, ne dubites, Galeni sunt verba. Mihi igitur hic quoque placet, si magnæ sint fracturæ, & ossa quæ fracta sunt vehementer mota, cycliscis uti, quippe paucis excisio

excisionibus facies excisoriis lenticulatis locum, si firma plurimum ossa sint, focanda terebella sunt. Hactenus Galeni verba, quæ, ut noscitis, nihil à nostra citata sententia differunt, immò ut Galeni sententiam teneas, ita dicentem audi, Quidam autem quo minus vsquam aberrent, eiusmodi terebellas excogitarunt, quæ mergi non possint, quas ab argumento abaptista dicunt: circūcurrit enim parum supra terebellæ acutam cuspidem circulus quidam parum extans. sanè expedit complures id genus præparatas habere, ad omnem caluariæ crassitudinem, nam crassiori longior terebra conveniet, (voco autem ita cuius spatium quod inter summam est cuspidem, & circulum, qui extans circūcurrit, maius est,) tenuiori breuior est: autem huic quoque quod interest inter cuspidem & quod circumcurrit, minus. Aliqui verò (siue illos his timidiore, siue tutiores appellem) etiam iis quas chynicidas vocant, sunt vsi. Tu verò si neque improvidus eorum quæ fallere possunt sis futurus, neque plusquam satis es timidus, cōmodissimè cycliscis utere, & primo quidē aggressu latioribus, postea magis angustis, donec ad crassam membranam perueneris. Cæterū, quod excidi oportet,

oportet, id totum circulo cycliscis munda-
dum non est, sed ex ea maximè par-
te, qua fractura est grauissima, nam præ-
ter alia, etiam membrana ipsa ab ossibus
quæ vehementer sunt afflicta, celerrimè
recedit, adeò vt nullus sit metus eam quæ
iam seiuncta est tetigisse. si verò vnā se-
mel nudaueris partem, ac scalprum qui in
cuspide præfixum habet obtusam læuē-
que lenticulæ speciem, aciem verò per
longitudinem erectam submiseris, vbi la-
tam partem lenticulæ super membranā
statueris, feries malleolo, ac si caluariam
diuides: eueniunt enim ita agentibus quæ
requirimus omnia. **CELETANVS.** Ita
hæc Galenus clarè docet, vt nihil quod
desideremus in hac tractatione sit, si mo-
dò Amate nomina instrumentorum qui-
bus Galenus operandum docet, patefecce-
ris. **AMATVS.** A terebra incipiam, quæ
& terebrum, & terebella, & terebellum di-
minutivè appellatur, instrumentum satis
vulgare, quo fabri passim vtrūtur, & dolia,
ligna, & tabulas perforant, cui similem te-
rebram chirurgici olim in vsu continuo
habebant, alteram verò quæ supra acu-
tum eius mucronem circulum habet, ob
quem altius descendere non potest, vnde
abaptista, quasi, submergi non possint, à
Græcis

Græcis appellantur, & hæc variis modis habentur, & operantur, nam quidam ipsam manibus circumducunt, alij eam per pilam in summo circūagunt, alij per trāsuerfarium conuertunt, alij per habenam in medio arctè illigatā eam tornant conuertuntve, nonnulli per arcum eam circumrotant, alij per habenam & transuerfarium, exemplum ab iis qui ad tornum poliunt, sumentes. VANVC. Harum terebrarum, paruus vel nullus vsus, hodie apud chirurgos habetur. proinde eas prætermittamus in hac præfocanda caluaria, & quid Galenus per chynicidas intelligat absolue quæso. AMAT. Chynicidium instrumentum, Galenus vocat, id quod Hippocrates ferram appellat, nostri verò hodierni chirurgici, modiolum dicunt, instrumentum sanè admodum periculosum, quod, vt dixi, Hippocrates ferram appellat, quam tu intellige teretem, siue rotundam, quia, vt nosti, rotundæ ferræ modo operatur, qua ad præsens minimè quoque operabimur. CELETA. Vtatur igitur cycliscis saltem, si modo primum eos patefeceris. AMAT. Per cycliscos, Galenus, cauos excisorios scalprios intelligit. VANVC. Si meliora non adduxeris, perinde vt antea dubitabimus.

AMAT.

A M A T. Sunt cyclisci, seu caui excisorij scalpri, non multum à nostris vulgaribus scalpri rasoriis differentes, sed differunt, quòd illi cannulati siue caui ad circuli figuram acuta acie fabrefacti sint, & similibus fabri lignarij sua excavant ligna, adacto malleolo, sed Galenus an eis vsus fuerit citra malleoli operam, scriptum non inuenimus. credibile tamen est superferiente malleolo, eisdem operatum fuisse, quum dicat, eos vitio non carere, qui immodicè concutiant, & eisdem (vt audistis) vtitur cum os vehementer est perruptum, quibus tantum excidit quantum satis est, ad postea operandum scalprium securissimum ima in parte lenticulam referentem non sine malleoli percussu. V A N V C. Instrumenta omnia hæc quibus non nisi feriente malleolo operantur, tanquam periculosa dimittamus, quia parum tuta, & à Galeno non libenter admissa.

A M A T. Vtatur igitur vulgaribus nostris scalpri rasoriis, satis tutis, aduncis, & curuis, aut quos Germania & Hispania singulares habent, & ita fabrefactos, vt iis nō nisi exercitatissimi aperire nossent, aut terebra, qua vsi sunt prisca, & per manubrium vertitur, ferrum quadratum ima in
parte

parte habens cauum, in quo vt aliud & aliud ferramentum inferi solet, excidendo offi accommodatum, ita clauus habens turbinatum caput crebris foraminibus scabris vt in lima cernitur punctum illi adaptatur, qui summoperè mihi arridet & à nemine hucusque quod sciã, descriptus aut depictus, aut in vsum tractus, aut adductus est. VANVC. Ego huic instrumento indere soleo ferramentum quod ab ima parte, quasi in pomum definit striatum, quinque acutas acies habens, alpij verò, Thufci magistri mei huius ferramenti loco, quo ego vtor, aliud inferere solent, quod ynguem repræsentat, quandoque verò aliud semicirculatum. CELETA. Modò vno modò alio, prout opus exegerit vtamur, à latioribus incipiendo dein strictis, prout Galenus nos agendum docuit. VANVCC. Accedite igitur, & gosapium puer dato, vt ægrotantis aures obturemus. AMAT. Cura diligentissimè opus exequaris, quoniam Galenus iubet libro octauo de Vsu partium, vt ossa capitis celerrimè excidantur ne cerebrum refrigeretur.

VAN. Imum petiuit atramentum, & incisura hæc duram attingit meningem, da Celetane strictiores scalpros. Vah, videtis

P

ne iam pulsans cerebrum. da lenticulatum
scalprum, vt si quæ sunt officula quæ sæpè
duram mēbranam pungunt & feriunt, ex-
trahamus, iis enim squammis sæpè dura
membrana, læditur nisi chirurgus dexter
fuerit, vnde dolor, inflammatio, paralyfis
& febres oriri solent. A M A T. In synci-
pitis vūnere id quod vehementer est con-
fractum, auferendum cura, vel his forci-
pibus, vel vulsella, vel dentata forcipe, &
vectibus dentato & non dentato subleua,
& attolle ea quæ sunt compressa & fracta
ossa, ac lenticulato scalpro postea vt no-
uisti vtere. V A N V C C. Occurrit os quod
mouetur sed lōgius percurrit, curabimus
ne de illo extrahendo? A M A T. Absit,
præceptum Galeni est, vbi de hoc negotio
agit, quum ossium fragmenta quædā lon-
gius excurrunt, ea persequi ad finem non
expedire, cū persuasum sit illi, nullam
inde noxam futuram esse, & reuera Gale-
nus, vt oculatus testis & experimentator
acerrimus loquitur, vidimus nanque nos
non rarò similia percurrentia ossa conso-
lidari & succedente corporea cicatrice,
ferruminari, si modò reliqua ritè peracta
essent. V A N V C C. Exercuisti ne Amate ar-
tem chirurgicam aliquando? A M A T. Sub
præceptoribus Salmanticæ maximè, vbi
cū in

cū nondum decimum octauum ætatis
 meæ annum agerem, præceptores Ponta-
 nus, & Oliuarius, tantū mihi & diligentia
 tribuebant mea, vt duorum hospitalium,
 variis egrotatibus promiscuis refertorum
 mihi curam committerent, quorum alte-
 rum titulum diuæ Crucis, alterum verò di-
 uæ Blanchæ, si rectè teneo, habet, postea
 verò in patriam reuocatus parum de arte
 chirurgica exercenda curiosus fui.

VANVCC. Vt quisque optimus artifex
 euadat, oportet, omnes artis partes eius
 quam exercet, non tantū sedentario stu-
 dio completas, sed exercitio maximo con-
 quisitas habeat, vt Hippocrates, Soranus,
 Archigenes, Ruffus, Galenus Paulus, Cel-
 sus, & similes qui ad vnguem omnes tene-
 bant, & earum partem chirurgicam non
 solū viri ij grauissimi & sapiētissimi sed
 dei ipsi, Machaon & Podalirius suis exer-
 cebant manibus, nūc verò hodiernis me-
 dicis satis superque est pulsum tetigisse,
 etiam si nihil præter pallium medicum ha-
 beant, fortè vt meliùs suam traducant, aut
 veriùs exerceāt & occultent ignoratiam,
 aut fortè vt Abinzoari subcēturientur, qui
 cū vlcus videbat, illico substomachaba-
 tur, & naus. abūdus scotomate & vertigi-
 ne afficiebatur, vnde physicū non debere

exercere chirurgiam, scriptis mandauit.

AMATVS. Hippocratem eam partem methodi curatoria quam opera manuali completemus, exercuisse, nondum satis habeo exploratum, quum eam apud suum iusiurandum physicis interdictam legimus, vnde apud Romanos mos inualuit, vt medici qui victu, & medicamento ægrotantes curarent, operam manualement non exercerent, nec ij chirurgici dicti prioribus partibus operam darent, tãquam Decretum, & lege Sancitum reliquerunt, sed de his satis. CELETANVS. Ad colloquium nostrum reuertamur, quod de ossium fragmentis longè percurrentibus erat, quæ omnes nos vt Galenus quoque docuit, nõ esse detrahenda, vnà conuenimus, quamquam hodie non desint plus iusto audaces chirurgici quidam qui ossa omnia mota, vi, & diligentia accuratissima auferre audeant. AMATVS. Ij fortè iuuenes inexperti sunt, digni vt sub magistris adhuc agant, & artem exerceant, vt doctores, & ab erroribus immunes enadant.

CELETANVS. Referam casum notatu dignum, multum ad rem hanc facientem. Superioribus diebus, capite vulneratus iuuenis quidam ad me venit, qui caluarie

uariæ ingentem portionem circuli figura fractam habebat, à qua omnia illa ossa fracta, & comminuta detraxi, vnde membrana dura, magna quantitate detecta circuli figura videbatur: sed quod mirari est, in medio circuli tanquam in centro, frustum caluariæ, etiam si modò mathematicè loqui volumus, necessariò rotundum tanquam insula in medio aquæ, illæsum mansit, quod omnes assistentes mecum foras ad aliquot dies exiturum credebamus, sed contrariò euenit, præfixum namque mansit, neque ipse de eo extrahendo sollicitus admodum fui, quum tentatum vulsella id membranæ firmatum, & affixum perciperem. **A M A T V S.** Cordatè operatus es, quia chirurgus non multum sollicitus in eradicandis, & detrahendis ossibus esse debet, sed potius placidus, & mitis, & si extractioni resistent ossa, tunc opus naturæ committere debet, quæ sæpè id quod nos consequi multis machinamentis, & sudoribus non possumus, ipsa per se facillimè operatur, & complet.

V A N V C C. Quum omnia ossa perfectè, & exquisitè exempta sint, vt dixerit Galenus de huiusmodi opere,

Dimidium facti qui bene cæpit habet,
Ad immittenda medicamēta accedamus.

P 3

CELETANVS. Hoc opus hic labor est, quum nonnulli exiccantibus medicamentis huiusmodi curent vulnera, alij vero cataplasmatibus, & humidis. sed quid agendum sit, dicat Amatus quem tanquam iudicem in hac re constituimus.

AMATVS. Vt ab ovo, quod dicitur, incipiamus, & in pomum, sed non malum definamus, ab Hippocrate diuino illo, & medicorum deo exordium sumamus, qui libro huic tractationi addicto iubet, ut quāprimum ad vulneratum, os nudatum in capite habente accedamus, incidamus, quantum nobis satis esse videbitur, ut postea sequenti die vulnus inspiciamus & recte curemus, sic enim ille, Ergo, quum nudati ossis causa, plaga in capite secatur, ut appareat lœsum necne à telo fuerit, eatenus incidi debet, quatenus opus esse videbitur: oportet autem vbi secatur, diducere ab osse carnem, quæ membranæ & ossi iuncta est, deinde vlcus vniuersum linamentis implere, quæ in posterum diem minimo labore ipsum apertum exhibeant: vbi autem linamenta dantur, quandiu adhibentur, imponendum est cataplasma ex polenta tenuissima, quæ ex aceto subacta incoquatur & maximè glutinosa fiat. Hæc Hippocrates, in quibus
figur

figuram qua sectio fieri debeat præteri-
uit, nos tamen aliorum doctorum homi-
num doctrina instructi, ad X. literæ simi-
litudinem eam facimus, quemadmodum
vos alij consuevistis, & in hoc ægrotante
operati estis, & carnem ab osse vt docet
Hippocrates, separastis, nec tantum car-
nem, sed etiam membranam caluariam
regentem. Qui vt paulò post docet, oportet
vt sectio ossium si quæ necessaria fue-
rit tertium diem non prætereat, præcipue
æstate, & calido tempore, immo si primo
occurfu id facere potuerimus non præ-
termittamus, quia tunc nondum est in-
flammatiō, nec intra tres dies hominem
infestare consuevit, vnde ossa tutius intra
hoc trium dierum tempus, tractari pos-
sunt, radi, secari, componi, & in suam se-
dem collocari & redigi. dixit autem Hip-
pocrates æstate, aut vbi tempus calidum
fuerit, quia hoc tempore, caro citius pu-
rescit, & pus copiosius gignitur, & ex con-
sequenti os gangræna facilius tentatur &
corrumpitur, quæ omnia hyeme tardius
euenire satis nouistis. VAN V. In his cum
Hippocrate sumus, & eum in tractandis,
& eximendis ossibus sequimur, & imita-
mur: sed in medicamento quo pro con-
stringendo sanguine in prima curatione

vtitur, ab eo discrepamus. **A M A T.** Miscemus nos linamentis album oui satis agitatum, & si defluxum sanguinis copiosorem timemus, superaddimus pulueres constringentes, qui in officinis vaneunt, vel eos quos Galenus in vsum trahebat, & ita habet, aloës partes duas, thuris vnam, pilorum leporis, quantum satis videbitur, misce. Hippocrates verò vtitur linamentis, eo quo nos vtimur modo, & cataplasmate ex farina tosti hordei aceto subacta & glutinosa reddita, sed an linamenta misceat huic cataplasmati, quemadmodum nos nostra oui albo solemus, vel tantum cataplasma hoc superponat, non satis constat, quum dicat, vbi autem linamenta dantur, quandiu adhibentur, imponendum est cataplasma ex polenta tenuissima, quæ & cætera. Ego verò, vt credo, Hippocrates non tantum cataplasma hoc superponebat, sed etiam linamentis miscebat, quia medicamentum hoc reprimat, ficcet, & ab inflammatione arcet, vt oui album quoque facit. Paulus Ægineta verò, vinum temperatum oleo statim pro sanguine reprimendo admovebat, fortè quia dolorè timebat, nam medicina hæc, & lenit, & reprimendi vim habet. **C E L E.** Galenus, vt noto, libro sexto Methodi meden

medendi nullo horum vitur medicamen-
to, sed siccantibus potius. A M A T V S. Id
verum esse scitote, quòd vbi caro à medi-
co secta est, & ossa sunt extracta, linamen-
tis vti debemus, quibus dum vtimur, ca-
taplasmate etiam vti necessarium est, vt
suadet Hippocrates, quia dum inflamma-
tionem timemus, semper cataplasmate
vti debemus, qua de causa, Hippocrates
quandoque, neque cataplasmate vsus est,
neque fascia, quia inflammationem non
timebat, sed de his in sequenti latius dice-
mus. nunc ad quæsitum redeamus, an vul-
nera hæc, hac secunda curatione curari
debeant siccis medicamentis, vel potius
humidis. Galenus ad calcem libri sexti
Methodi medendi dubium hoc propo-
suit, & breui absoluit, dicēs, in hac re duas
esse contrarias curationes, alteram mi-
tem, Romæ frequentatam, alteram verò,
maximè siccam, quam laudabat Meges
Sidonius, & eam Eudemus ciuis suus in
opus continuum trahebat, vt qui nudatæ
membranæ protinus superinducebat em-
plastrum, quod isis vocatur, cuius descri-
ptionem mox audietis, & extrinsecus oxy-
mel adaptabat, & hanc curationem Gale-
nus ibidem magis laudat quàm alteram
lenientem: quia, vt Hippocrates ait, in-

troitum ad librum de vlceribus, & alibi, quod sanum est, siccum est, quod vlceratum & morbosum, humidum. Sicca igitur ad sanitatem magis accedunt, humida verò magis ad morbum: vnde Galenus eodem loco, si in Asia mansisset, se potius vrsurum exiccante hac curatione quàm leniente inquit, quia ea multò plures seruatōs obseruauerit, quàm reliqua miti curatione. Sed cùm Romæ ageret, vrbis morē insequi proposuit, operam manuariam chirurgicis relinquens. subscribit igitur Galenus Eudemi curationi. Qui etiam vt eius corroboraret opinionem, exemplum auris affert, cuius foramen non solum ad cerebri membranam, sed etiam ad ipsum cerebrum pertingit, & tamen medicamenta vehementer sicca tolerat, ex quibus est Andronis pastillus: vnde ipse Galenus paulò antè dixerat, tum protinus, tum ad finem vsque siccis medicamentis esse mendendum, quæ ob id ipsum, cephalica Græcè, id est, capitalia sunt dicta. Ea componuntur ex iri Illyrica, & erui farina, & māna, & aristolochia, & panacis radicis cortice, & aliis ab Auicenna adiectis, vt myrrha, sarcocolla, sanguine draconis, & similibus, quæ extergere & siccare, citra rofionem possunt. VANVC. Emplastra quibus

quibus Medici illi prisci vulnera, detecta dura meninge, curabant, apprimè scire desidero. AMATVS. Honestissimo tuo desiderio breui nunc satisfaciam: & primò sciendum est, veteres ea medicamenta excogitasse: quæ quia offi ferè fracto superponuntur, Catagmatica appellantur, cuius modi, emplastrum nigrum est, quod ad Aristam auctorem refertur, & id quod Moschionis dicitur, quæ Galenus libro secundo de Composit. medic. catageni describit, capite decimoseptimo. Cæterùm, inter hæc quæ robustiora sunt, à capite, cephalica nuncupatur: quanquam non tantùm capiti, sed aliis etiam partibus opitulentur, & conueniant, vt refert Galenus eodem citato libro secundo, capite decimooctauo, cuius generis sunt, quod Deilecontem auctorem habet, isis emplastrum à nobis suprà citatum, viride cephalicum, & alia similia, quæ libro quarto eiusdem voluminis describit.

VANVCC. Horum descriptiones, ne postea eas inquirendo fatigemus ad præsens describere, ne graueris, rogo.

AMATVS. Primò catagmatica duo occurrunt, dein cephalica potentiora & robustiora aggrediemur.

Emp

*Emplaſtrum nigrum. Ariſta auctore,
ex Galeno decerptum libro ſecundo
de Comp med ſgenera.*

Cap. 17.

Hæc recipit Argenti ſpumæ, bituminis,
ſingulorum drachmas ducentas, picis ari-
dæ, ceræ, ſingulorum drachmas centum,
reſinæ, terebenthinæ, ſingulorum drach-
mas quinquaginta, aluminis ſciſſilis, pro-
poleos, ſingulorum drachmas triginta,
guttæ ammoniaci drachmas vigintiqua-
tuor, æruginis drachmas decem, olei ſex-
tarios quatuor, præparato, vt dictum eſt.
Haſtenus Galenus. Cæterum, hic nos pro
denario, drachmam vertimus, & notan-
dum eſt ſextarium, duas continere coty-
las, heminas quoque dictas, vt Q. Rhe-
mius Fannius cecinit,

*At cotylas, quas ſi placeat, dixiſſe licebit,
Heminas recipit geminas, ſextarius vnus.*

Porro, Hemina hic decem continet
vncias.

*Moſchionis pharmacum, ſive emplaſtrum
catagmaticum, faciens ad fracturas
ex eodem loco Galeni.*

Argen

Argenti spumæ pondo minam. Mina verò in hoc pharmaco habet denarios, vel si mauis drachmas centum sexaginta, seui vitulini drachmas centum sexaginta, resinæ terebenthinæ drachmas octoginta, æruginis drachmas octo, opopanax drachmas octo, chalbani, drachmas octo, olei cicini heminam, aceti tantundem, liquoris sycamini heminam, picis liquidæ heminæ dimidium. Cæterum, argenti spuma læuissima, & cicinum oleum in vas fictile æreumque iniecta, & super ignem posita incoquuntur, ac postea quàm ebullierint, seuum, & manna thuris adduntur, mouenturq; continuò, quum spissantur, pix, cera, resina admiscuntur, & coctis usque non inquinant, chalbanum aspergitur: deinde ærugo, & opopanax ex aceto resoluta. Liquor verò sycomori, & pix liquida in alterum vas transfusa coquuntur, & condensata priori pharmaco admiscemus: rursus supra ignem posita usque ad puritatem coquuntur, & in vinum demersa triduum relinquimus, inde subactis utimur in linteolum illinentes, & cætera. Nunc demum cephalica, robustiora & acriora catagmatis tempus est, ut describamus emplastra, & primo occurrit Deileontis.

Deileon

*Deileonti Cephalicum, ex Galeno, libro
quarto pradiſti voluminis,
Capite 13.*

R. *Æris squammæ, mannæ thuris, resinæ siccæ, singulorum drachmas centum, aceti heminas duodecim, terito squāmam ex aceto, & quum læuis facta fuerit, thus in minutissimum puluerem redactum ad-iicito, & resinam, pastillos fingito, quos in vmbra desiccabis ad vsum.*

*Isis Cephalicum cruentis conueniens ex
Galeno libro quinto dicti volu-
minis, Capite 2.*

R. *Ceræ drachmas centum, terebinthi-næ drachmas ducentas, squammæ æris rubri, æruginis rasæ, aristolochiæ rotun-dæ, thuris, salis ammoniaci, æris vsti, radi-cis dracunculi ana drachmas octo, alumi-nis cōbusti drachmas sex, myrrhæ, aloës, ana drachmas duodecim, olei veteris he-minam, siue vncias decem, terenda teran-tur, adiecto aceto acerrimo, &, vt conue-nit, coquantur quousque non coinquinen-tur manus, & fiant pastilli manibus aceto acerrimo intinctis, qui per decem dies in aceto acerrimo macerentur. Cæterum, quum plura emplastra isi referta à Gale-no*

no prædictis libris describantur, hoc ad præsens à nobis conscriptum pro capitis vulneribus curandis, & vlceribus extirpandis, in vsum medendi trahere debemus, à quo id quod Paulus libro septimo suæ medicinæ scripsit, licet nonnihil ponderibus, medicinis tamen parum differt: reliqua verò varia huius generis medicamenta ex ipso petite Galeno, Paulo, Largo, & Celso, quæ tam scilicet cephalica, quàm catagmatica carnem producant: & vbi os nudatum est, tam capiti, quàm aliis corporis partibus per se absque mistura aliqua applicari debent: vbi verò os nudatum non est, tunc aliquo liquore, vel cerato dilui debent, vt Galenus non rarò libris signatis meminit, & secundo ad Glauconem. VANVC. Cur sic? AMAT. Quia vulnera quæ os detectum habent, exiccantibus valde curari debent medicamentis: reliqua verò quæ non habent, minùs exiccantibus, qualia hæc sunt medicamenta largo oleo rosaceo diluta, aut mista cerato, aut aliquo alio liquori. Et hoc est, quod (mea sententia) Auicēna dicere volebat, cum dixerit Fen 5. lib. 4. vulnera capitis, quæ ad almochatim perueniūt, curantur eo modo, quo cætera vlcera curari solēt, id est capitis vulnera, quæ neq;

os de

os detectum habent, nec perforatum, imò quæ non attigerunt membranam caluariam tegentem, curari debêt, non eo modo, quo vulnera os detectum habêtia, sed potius vt reliquorum membrorum vlceræ, & vulnera, quæ non ita exiccantibus solent curari, & sanari, & hanc sententiã Auicenna ex Hippocrate & Galeno decerpfit, ex Hippocrate, libro de Vlceribus, & libro de Vulneribus capitis. Ex Galeno verò, Commentariis in librum de Articulis, sic dicente, Hippocrates sicciorem curationem tradit in libro de Vulneribus capitis, quàm in eo qui de vlceribus est: ea verò vlceræ capitis, quæ vsque ad os non penetrant, sub iisdem præfidiis, atque aliarum partium curantur. Hæc Galenus, qui meritò ex Hippocrate sicciorem curationem tradit libro de Vulneribus capitis, quàm reliquo de Vlceribus, inquit, quia Hippocrates hoc de vulneribus capitis libro agit, offe decocto, siue nudato offe, aut perforato, aut saltem læsa membrana caluariam tegente: eodem enim modo vulnera membranæ craneum tegentis curari debent, quo detecto offe, aut perforato curari solent, vt suadet Galenus, libro secundo de Comp. med. s. l. Cæterum, Auicenna non solum ex prædictis

dictis decerpfit locis sententiam illam, sed etiam ex Galeno, libro sexto de Comp. med. s. genus, sic dicente, Sicciora medicamenta vulnerato capite eatenus idonea esse, quatenus os apertum est, quoniam capitis vlcera, vbi os nudatum non est, nihil proprium requirunt magis quàm in alia corporis parte, semper tamen spectata affectæ sedis natura, & cetera. VANVC. Arrident nobis hæc. AMAT. Meritò & vobis arridere debent, quia Galenus libris citatis de Comp. med. s. g. dempto capite, Ceterarum partium vulnera recentia ac cruenta, mollibus, blandis, & iis quæ dolorem non excitant medicamentis, curat, qualia sunt enhema: vocantur autem ex bitumine emplastra barbara cirrha, & phæa, quia fului & fusci sint coloris, sed cur barbara dicantur, Galenus se ignorare fatetur libro secundo ad Glauconem, de quibus Commentario quarto in librū de articulis meminit, veluti de Compos. med. s. g. Quòd si potenter siccantibus medicamentis pro iis curandis vulneribus antiqui utebantur, illis aliquod ex glutinantibus medicamentis non vehementer siccantibus miscebant, quod crescentem teneram carnem blandè, & sine vellicatione cogeret, nō minus ac in sinu

Q

curando, vt ad eius veniret finem, & ibi retineretur sua viscositate, vt opus compleret, veluti quando mediocriter carne repletus est sinus, vt humiditatem redundantē naturalem absumeret: solet autem eorum acrimonia exui, si eorum pauxillo, largum oleum aut cerarum miscetur, & emmotorum modo reddat. Vocant autem Græci emmota medicamenta liquida, quę *μωτῶν*, id est, linamentis, & linteis excipiuntur, & in sinus & cauernosa vlcera sordida pyulco, aut melius fistula lata vesicę suillę insita iniiciebantur, & linamentis obturabantur: ex quibus sunt emplastra, isis, & quę ad Macherionem, & Epigobum referuntur, vt multa alia prætereamus. VANVC. In curandis capitis vulneribus, nudato osse, seruâtne Galenus semper prædictum curandi ordinem, quem Meges tantoperè laudabat? AMATVS. Minimè gentium, imò illum alium mitem & blandum Romę vsitatum. Nam libris de Facult. simpl. med. ita tradit: ego verò sexcentos noui eorum, quibus Romę perforata fuere capitis ossa, nec quicquam ab vsu rosacei, citra columbæ sanguinem offensos, & subdit: itaque melius inuenire nihil possis in capite perforato, quàm vt rosaceo, probo vtare. Hac

Hæc Galenus, vbi, vt obiter hoc dicam, sanguinem columbæ in hoc casu prætermittit. C E L E. Vidi ego non rarò probatos quosdam chirurgos supra duram membranam, calentem ex ala columbæ sanguinem perfundere, felici & optimo semper successu. A M A T V S. De iis vberius, si placet, legite nostrum Dioscoridem. Galenus tamen libro secundo de Composit. medic. vbi Apollonij medicamenta persequitur, ad capitis dolorem ex ictu, detracto osse, rosaceum quoque supra membranam denudatam indit: & eò rosacei huius vsus deuenit, vt hodie plures duram membranam nudatam per totum vulneris cursum solo eo curare nitantur, restantes oleum rosaceum omphacinum tepefactum sufficiens esse, supra posito vno vel altero vnguento, vel capitali cerato ad huiusmodi malum curandum, quum tamen Paulus tres dies tantum rosaceum admittat, vt inferius audietis.

V A N V C C I V S. Prioribus septenis diebus rosaceo detectam duram membranam plures curare obseruavi, linamenta intincta oui albo & rubro simul contusis, & mistis rosaceo suprà ponendo. Alios verò, qui illicò restricto sanguine, medi-

Q 2

camentum satis vulgare digestium dictum compositum oui vitello, terebenthina, & rosaceo repente suprà ponebant, irrorata primò membrana dura rosaceo repente, aliquando solo, quandoque verò melle rosaceo colatitio admisto, & pro plagæ ratione quandoque ad decimum-quartum & vigesimum diem in eadem persistebant curatione, semper capitis partem eodem rosaceo calente abundè perfundentes, & eò lintea imbuta supraponentes, quoad fortè de inflammatione secuti essent. CELETA. Non desunt hodie qui vulnera similia curent aqua vitæ (quam Ardentem appellant) excepta variis medicamentis aridis cephalicis à nobis numeratis, & postea per campanā, destillata, quos ego semper detestatus sum.

VANVCC. Hodie quoque nonnulli sunt qui sola frigida aqua susurratis nonnullis verbis non solum capitis, sed reliquarum partium corporis vulnera curare contendant, contra quos Vidijs contreraneus meus ita prosequitur, dum Hipp. orationem illam interpretatur, Vlcus in capite neque vino, neque alia re madescere oportet, aut certè quàm minimum: inquit igitur contreraneus meus vir doctissimus & eloquentissimus. Ex his patet,
quam

quam miserè agrotantes occidant, qui
 nō solum aliis vulneribus, sed illis etiam,
 quæ in capite sunt, medentur linteis ex
 aqua frigida madefactis. Nam si vinum
 incommodum est, quanto magis aqua?
 verum multos adducunt, hac medicina
 restitutos, neque verentur asserere id non
 aquæ potentia, sed miraculo quodam fie-
 ri, cum sacris quibusdam verbis prolatis
 aqua propè diuina reddatur, & id efficiat,
 quod per se minimè posset. quæ supersti-
 tiosa religio eodem modo refelli potest,
 quo refelluntur, qui scorpionem volebant
 carminibus & salina necari, nam, si vtrun-
 que seorsum experiamur, idem præstare
 aquam per se, quod prolatis verbis inue-
 niemus: igitur, vt nugis omissis atque
 ineptiis rei naturam persequamur, frigi-
 da aqua non aliter in vlceribus proficit,
 quàm in frigidis morbis, in quibus, si ho-
 minem non ita calidum nacta sit, calorem
 extinguit, & ipsum interimit, si abundè
 calidum, quum calor frigus refugiat, & in
 vnum coactus potentior reddatur, mor-
 bum exoluit, quod placuit Hippocrati,
 quum iuuenem boni habitus, æstate, ner-
 uorum distentione prehensum sanari a-
 qua frigida scribit. Cunctis itaque vulne-
 ribus aqua frigida nocet, tunc autem ma-

Q 3

gis innocenter adhibetur, quum natura & corporis totius, & partis affectæ calida est, cum affectus recens, quum per tempestatem licet frigidis uti, quod voluit Cornelius Celsus. Vbi sine peregrinis & conquisitis medicamentis sola aqua frigida curari vulnera tradidit: nanque, ubi sustineatur, vlcus purum seruat, repellendi vim habet, & naturali calore aucto sanitatem restituit. Sed quum os apertum est, ex toto fugienda est, non modò in capite, quod vino quoque offenditur, sed in aliis etiam partibus. Quod verò iactant innumeros eiusmodi præsidio liberatos, utinam æquè liceret interemptos aspicere atque eos, qui conualuerunt.

CELTANVS. Varij cum sint & tot curandi capitis vulnera modi, quid Hippocrates in hac re senserit, dicere ne graueris rogo, quum ipsæ medicinæ lumen sit.

AMATVS. Dicam breui, Hippocrates, Galenus, & omnes quotquot sunt clari medici, vnanimes, & concordēs in hac sunt sententia, si vulnera simplicia sint, in quibus neque de dolore, neque de inflammatione timetur, exiccantibus solis medicamentis curari debere, neque cataplasmata, neque vincula esse ad mouenda, præterea necessaria laxa, quæ tantum medicamen

dicamentum tenere valent. si verò vulne-
 ra composita sint, in quibus & caro con-
 tusa sit, & membrana fortè lacerata, aut
 læsa, & dolor adest, & inflammatio occu-
 pare incipit, aut timetur ne breui eueniat,
 tunc ad lenientiā confugiunt, vt Galenus
 libro secundo citato de Compositione
 medicamentorum s.l. & libris de Facul-
 tatibus simplicium medicamentorum, ve-
 luti aliis sexcentis locis testatus est, in
 quibus oleo rosaceo tepente semper vti-
 tur, & lenientibus: postea verò quum ti-
 mor non est doloris, neque inflammatio-
 nis, ad cephalica medicamenta arida sic-
 cantia venit, quæ supra membranam res-
 pergit, quam curandi viam seruat Corne-
 lius Celsus, quid si non obstiterit dolor,
 aut inflammatio, à principio ad finem sic-
 cantibus semper vtitur: extracto nanque
 osse, illico membranam acri respergit
 aceto, vt si quid sanguinis ex ea confluit
 cohibeatur, si verò concretum fuerit, dis-
 cutiatur. **CELTAN.** Si ita res habet,
 hodierni laude multa digni sunt chirur-
 gici, vt qui rosaceum super membranam
 per se, etiam linteolo exceptū respergunt,
 & superponunt, & medicamentum ex oui
 vitello, & terebenthina, rosaceo tepente
 temperatum ad aliquot dies admittunt.

Q 4

A MATVS. Procul dubio, quia rarò membrana dura visui patet, vt non confusa, laniata, aut lacerata sit, non minùs ac caro & membrana caluariam contegens, quæ omnia, lenientia & mitia medicamenta hæc postulant, & multò magis si à chirurgo secta caro fuit, & caluariæ os instrumento perforatum, quia doloris & inflammationis timor est: hanc sententiam confirmat Hippocrates libro de Vlceribus, dicens, Quodcunque vlcus telo acuto inferatur, vel ita etiam, vt altè insidat, medicamentum exigit quod cruentis vulneribus protinus iniicitur, quod desiccando suppurationem prohibeat, Si quid carnis collisum attritumq; à telo fuerit, ita curandum est, vt quam celerrimè suppuret, nam & minùs inflammatione prehenditur, & necesse est collisam detritamq; à telo carnem in pus versam tabescere: deinde nouam creari. Ex quibus Hippocratis verbis liquidò cernitur, confusam, aut collisam carnem, plagæ coniunctam necessariò in pus verti debere, id quod de membrana dura intelligendum quoque non rarò Hippocrates ipse inculcat. Hanc eandem sententiam confirmat Hippocrates libro de Vulneribus capitis, ad hunc modum, inquit, necesse enim est col

est collisam carnem detritamque in pus
versam tabescere. Sed multò clariùs eo-
dem hoc libro cum ait, malum autem in
ulcere carnem humidam esse, hebetem &
diuturniori tempore purgari: danda ve-
rò opera est, ut ulcus quàm celerrimè sup-
puret, hoc enim pacto, quæ iuxta sunt
inflammari non poterunt, ipsumque pu-
rum quàm celerrimè efficietur. Necessè
enim est laceratam collisamque à telo
carnem in pus versam tabescere: post
quam purgata erit, ficcari ulcus debet,
nam sic maturè admodum senescet, & ca-
ro non humida, sed ficca producet,ur,
sic etiam in ulcere caro minimè supercre-
scet. Hæc Hippocrates: quibus fortè Ro-
mani nixi, mitem & blandam curatio-
nem, tanquam securam & optimam sibi
addixerunt, quia ea primò vulnerum
collisam carnem in pus versam purgant,
dein exiccant: iubet nanque Hippocra-
tes pro virili curet medicus, ut quàm
celerrimè suppuret vulnus, quia hoc pa-
cto, partes quæ iuxta sunt inflammatio-
ne non tentabuntur, nam si interea col-
lisa & contusa caro in pus versa non
fuerit, nequaquam vulnus sanari poterit.
Postquam autem opus hoc completum
fuerit, quod calidis & humidis, ac putre-

Q 5

facientibus, & pus mouentibus prius, quam frigidis siccisque compleri debet, tunc purgata à sanie carne, siccari postea debet, & caro produci, & consolidari, ac cicatrice obducì.

V A N V C C I V S. Cur in vulneribus contusa caro, aut collisa in pus verti primò expeditur?

A M A T V S. Quia præter quod caro ita est affecta vt restitui non possit, disruptis venulis sanguine plena est, quum extra venas sit, necesse est corrumpatur & cum eo caro ipsum continens, ad quæ concurrunt, dolor, & calor superfluus, ex quibus inflammatio partes proximas occupans concitatur! meritò igitur Hippocrates quàm diligentissimè ad suppurationem, collisum, & contusum verti suadet: si citò igitur & breui caro suppurat, & vulnus breui purum efficitur, quoniam vulnus purgari ante carnis suppurationem nequit, quemadmodum neque curari ante apostematis curationem, quæ omnia vt de carne, ita de dura membrana, & de ea quoq; quæ caluariam regit, ab Hippocrate dici putate, præcipue quum læsæ, vulneratæ, aut contusæ fuerint. Tradit autem Galenus, vt id repetamus, vulnera membranam caluariam

riam regentem attingentia periculo non vacare, minùs quàm ea quæ membranam detectam habent. ex quibus omnibus colligitur, quàm optimũ esse, & rationi consentaneum, digestiuo dicto medicamẽto vti, & hoc magis putabimus cùm id componentia cõsiderabimus. Occurrit primo oui vitellus, qui Galeno affirmante, libro vñdecimo de Facultatibus simpliciu medicamentorum frigidus primo gradu est, id quod Auicenna non negat, immò oui vitellum frigidum testatur, libro de medicinis cordialibus, & libro secundo sui canonis, confirmat, quum gallinæ oui vitellum cõferre apostematibus calidis aurium tradat, in secunda verò qualitate siccum esse omnes consentiunt. Accedit oleum rosaceum omphacinum, quod frigidum & siccum esse, post Galenum omnes fatentur medici, quod Galenus ipse, vt audistis, tot & tantis laudibus extulit, præcipuè pro curãdis capitis vulneribus, perforato ossẽ, completum verò oleum rosaceum eodem Galeno teste libro secundo de Facultatibus simplicium medicamentorum, capite vigesimo septimo, easdem vel similes vires obtinet, quas succus rosarum. Cæterum, succum ex rosis expressum exiccandi vires habere omnes nouistis, tereben

terebēthina verò vulgaris laricea, eadem
ferè viribus & facultatibus habetur cum
vera ex terebintho destillante, vt fatetur
Galenus, & nos in nostro diximus Dio-
scoride, quæ ambabus qualitatibus om-
nium resinarum moderatissima est, & ea
de causa, inquit Galenus, omnibus medi-
camentis, quæ vlcera rectè curabunt, eam
admiscere satius est. Ad hæc quod nervis
summopere conuenit, & eos roborat, ac
viuificat, adeò vt multi hodie ea sola om-
ne genus vlcera curare cōtendant, non
nisi prospero & fœlici semper successu, vt
iure ea vti debeamus. At quia in ea nescio
quid acredinis percipitur, ea de causa,
non semel ea frigida, prius, quàm ad opus
trahamus, abluimus, vt iure concluden-
dum sit, ex omnibus iis medicinis magno
iudicio medicamentum hoc excogitatum
fuisse, quod vulgò digestiuū appellatur,
quia in eo exiccandi pollet facultas mitis,
& blanda, & qua mira cōsequuntur bona,
inflammationes nāque arcet, & prohibet
dolores leuando & leniendo, & quidquid
ad suppurationē in vulnere venire debet,
breui trahendo, pus non nisi album, læue
& æquale, absque odore malo, producendo.
Vnde vulnera breui cū purgātur, paruo
negotio, exiccantur, absteruntur, & ex
conseq

cōsequenti in eis caro producitur, & consolidatur, cephalicis aridis supra respersis. Quod si huius digestiui præsentia, pus superabūdauit, ab eo desistimus & fortè ficcis linamentis utimur, quousque exiccatum vulnus sit aut tunc iam eo abstinemus, & hoc alio abstersorio dicto utimur, quod constat, farina hordeacea, melle rosaceo colatitio, vitello oui, & quandoque oleo rosaceo, aut horum vice, cephalicis aridis memoratis utimur, aspergendo supra mēbranam mel rosaceum colatitium admistum rosaceo oleo. quanquam vice rosacei tepentis, multi hodie, oleo extracto ex ouorum vitellis frixorio assis, foelicissimè operentur, vt ex Auicēna quoque deprehenditur libro secundo, capite de ouis: sed tunc vnguenta cephalica superponimus, vt ex betonica, gumma elemi dicta, oleæ syluestris, matre sylua, gratia Dei, aureo chirurgico, dicto de resina, & similibus, modò vno, modò alio pro temporis qualitate, æstate nanque frigidioribus, hyeme verò calidioribus utimur. sed iam tunc vinum rubrum austerum incoctum absynthio, betonica, rosis, pomis cupressi, & similibus. quod stypticum appellamus, exceptum linteo, & bene expresso,

ac

ac calido, superponimus. demum ad ceratum quod corporeā cicatricē, succedētem in ossium vicem, coadiuuat, & humiditates derelictas exiccat, & caput omnino roborat deuenimus, quod ex betonica plerunque in officinis prostat, aut ad eum quod gratia Dei dicitur, aut ad aliud diachylon appellatum, aut ad carpanse ceratum capitale dictum, aut ad huius generis excogitatum aliud. CELETANVS. Ita hæc tua mihi arrident, vt non possim nisi in tuam ire sententiam. AMATVS. Ne quis sycophāta in nos debacchetur, ex iis dico qui supremis labiis artem medicam degustarunt, tantas rationes nos ad opus hoc trahētes audite, & primò, si quis rectè Galenum tenuerit libro quarto methodi medendi, vbi præcipuè Hippocratis orationem ex libro de vlcerebus adducit, inueniet, omnia vlcera esse exciccanda, præter ea, in quibus pus mouendum est, sed quæ illa sint, dicite vos rogo.

CELETAN. Si Galenus ita ex Hippocrate agēdum docet, proculdubio, ea sola vulnera quæ per primam tantum intentionem curari solent, & in eis tantum labiorum agglutinationē procuramus, sicis medicamētis curari debent: aut saltem
ea

ea vlcera, quæ nihil præter vlceris curationem, in se habent. Quoniam vlcus in quantum vlcus exiccationē postulat. Cæterùm, cum vulnera, præter mitia illa citata, omnia reliqua pus mouēdum in se habeant, quia vulneratam carnem, quia collisam, aut laceratā, & perruptis venis plenam, consequens est, vt cataplasmate citato, vel simili, vt quàm celerrimè plagam ad suppurationem trahamus, vtamur.

A M A T V S. Hoc vestrum argumentum efficax sanè est, pro quo roborando, paulisper attendite. si Hippocrates vlcera ficcis curat, cur est quòd articulos vlceratos cerato, & rebus humidis curet?

V A N V C. Fortè id in causa est, quòd cum hæc molitur Hippocrates, non tantum vlcus, quantum neruorum distentionem, quam timeret, respicit.

A M A T. Beasti me Vanucci, vt qui tã rectè & ad Hippocratis mētē respōdisti: sed quū ita sit, cur nos in fracta caluaria, detecta dura mēbrana, à qua, vt Erasistrato placet, nerui originē trahunt: aut vt Galeno, ex cerebri substantia, & per eā mēbranam nerui ipsi trāsitum habent, vt ea læsa, & cerebrū & neruos lædi credibile sit, nos neruorum distentionem non timebimus, & omni data opera, ne egrotus in neruorum læsio

læsionem deueniat, muniemur?

CELET. Hæc ita conuincunt, vt nihil supra dici desiderent. AMAT. Si quis rectè Paulum tenuerit, facilè inueniet ipsum non multum ab hac nostra curatione dissentire. VANVCC. Quonam modo Paulus curabat? AMATVS. Post restrictum sanguinem, primo die oleum rosaceum calidum supra membranam indebat, & linteolum eodem oleo repente imbutum superponebat, deinde lanam rosaceo eodem similiter madefactâ vsque ad tertium diem supra positam dimittebat, intra hoc triduum sæpè oleum rosaceum supra infundendo, fortè quia de dolore timet, & hic proculdubio, noster curandi modus est. omphacinum oleum calidum super membranam respergimus, & linteolum, siue zendalum rubrum eo madefactum supra eam adaptamus. deinde linamenta eo digestiuo intincta superponimus, & multo rosaceo repète caput perfundimus, vice quorum Ægineta suam lanam oleo madefactam admittit, neque Cornelius Celsus, hanc curationem reiiicit, vt qui eum percurrerit, inueniet. iubet tamen Celsus semel in die vulnus, etiam bis in æstate curari, postea verò Ægineta à tertio die, mēbranam siccantibus nutrit, qualia

qualia sunt à nobis citata, & cruentis vulneribus simplicibus iniiciuntur. Quòd si membrana inflāmetur, sic vt tumeat, eam Ægineta fouet oleo rosaceo, & aqua in qua fœnugræcum, semen lini, althæa, camemela, atque huius generis alia decocta fuerint, & cataplasma ex farina hordei superimponit, vel ex semine lini & aliis proximè citatis. quòd si nigruerit, fortè ex medicamentis in id efficacibus, mel triplum oleo rosaceo mistū supra destillat, reliqua admouendo. At si nigrities sua sponte prouenerit, idque in imo potissimum, cum aliis grauibz indicis, tunc à præfagio habito, hunc moriturum esse, quia natium calorē emortuum habeat, attingi non debere suadet, sed nos ne immisericordes videamur eū adiuuamus & visitamus, ad horā vsque obitus quia mirabilia in hac arte non rarò euenire percipimus. Celsus verò si membrana per inflammationem intumeat, superinfundit oleum rosaceum tepidum, quòd si vsque eo tumeat, vt super ossa emineat eam reprimat puluere lenticulæ, vel foliorū vitis, excepto recēti butyro, vel adipe anserino: quòd si mēbrana parum pura videbitur, tunc æquam emplastri alicuius, quod caluarię causa componitur partem cum mel.

R

le infundit, eiúsque cōtinendi causa, linamenta adiicit, & tandē linteolo emplastro illito cōtegit: At, vbi membrana satis pura videtur, vt caro citius producat, ceratū emplastro misce. Cæterum, Galenus ab Apollonio acceptum refert, vbi cerebri membrana vulnerata est, nepetæ succo & farina hordei sicca facillè glutinari.

V A N V C C. Sunt sanè hæc, vtpotè à tantis & tam grauib, viris dicta, verè aurea, quorum præcepta in totum obseruo, casum referam non pœnitendum, si modo cum audire non pigeat. A M A T. Immo Galenum imitabimur, qui in vniuersa sua doctrina non cōtentus cōmunibus theorematibus, exempla permulta exercēdi gratia adiicit, quibus rerum cognitio euidentior, & magis firma euadit, dic igitur.

V A N V C C. Ogaricus quidam Omblenfis, ferrea claua à viro forti & robusto in capite ad synciput percussus fuit, ita sæuè, vt illico tanquam mortuus in terram ceciderit, ad quem vocatus ipse, cum ingens vulnus magna cum cranei fractura habere deprehendi, ex quo subito quatuor non contemnenda extraxi ossa, & restricto sanguine, vt fieri solet, per album oui, ex brachio sanguinem mittēdum curari, ventre primò per clysterem exonerato,

rato, secūda verò curatione, iustæ magnitudinis sēna alia ossa, præter plura alia exigua, rasorio lenticulato extraxi, & ut opus erat, cranium per circuitum, eo lenticulato, veluti incisoriis aliis rasoriis polliui, erat autē dura meninx magna quantitate detecta, ac non parum dilaniata, tādē post chirurgiam, oleum rosaceum omphacinum supra duram membranam tepidum inieci, & linteolum imbutum eodem rosaceo calente supra posui, & linamēta quoque madefacta eodem oleo per ordinem digessi & adaptaui, tandem duplicato linteo, eodem calente rosaceo imbuto, omnibus rite compertis, leniter ne membrana comprimeretur, fasciavi. instabat autem æquinoctium hyemale, temperatum satis, & ut antè audistis me fecisse secunda curatione, ita tertia, & quarta, actitatum putate, cæterum, quarto die, hic de ingenti capitis oculorum grauedine conqueri cœpit, non habebat tamen febrim, qua de causa iniecto infuso, & alui respondentia habita, meliùs habuit, tunc verò oleo rosaceo, rhodomelitis portunculā miscui, & digestium medicamētum vulgatū linamētis exceptū vulneris labris indidi, suprā expanso duplicato illo linteo rosaceo calente imbuto. 7. verò, graui

R 2

rigore affectus est, quē postea subsequuta
fuit febris ingens, mētis cum alienatione,
& linguæ non exigua ariditate, sed tūc in
duræ membranæ particula, nigredo quæ-
dam apparuit, eius reliqua comparente
parte liuida, quin & vulneris labra, subal-
bida, ac suppressa erant. pro quibus abi-
gendis malis, & ægroto ipso iuuādo, om-
ni data opera, occurrimus fomēto parato
oleo rosaceo, aqua decoctionis althææ,
fœnugræci, seminis lini, & camomillæ, co-
cerebrum fouendo, & postea gallinaceo-
rum pinguedinem superfundendo, lina-
mentis eadē intinctis, superpositis, veluti
leuiori quadā aridæ cucurbitæ testudine,
exquisite cōsita, ne comprimeretur à me-
dicamentis supra admotis. nōdum autem
septimum exierat diem, quando grauiori
rigore apprehensus, animā expirare breui
omnes crederent, & vt antè septimo die
bis rigore correptus fuit, ita octauo, no-
no, & decimo, sed quod peius est, absque
somno vlllo, quo in tempore, huic victus,
pulli contusum erat, potus verò ius pulli
semicocti. quum igitur in agone, & labo-
re tanto cura versaretur hæc, ecce, vnde-
cimi initio pus, quantum oui testa capit,
disrupta apparente mēbrana, comparuit,
inde eadem curatione pro tracta, quarto
decimo

decimo die, huic tres superuenere rigores, grauissimi & sæuissimi, vt ipsum tunc mori crediderim, adiutus tamen & diligenter nutritus eo die euasit. decimoquinto eum curare coepi rhodomelite & terebinthina, supra posito linteo illito vnguento gummi elemi, & hoc bis in die, ad vigesimum quartum, in quibus diebus de alui respondentia solliciti semper eramus, quia singulis illis diebus, singuli rigores illi superueniebant. porro, à vigesimo quarto die ad trigessimum primum, paroxysmi alternis diebus eū inuadere coeperunt, post rigorem succedente febre, à trigesimo tamen primo die, ad quadragessimum primum, absque paroxysmo, & noxa vlla processit. at, quadragesimo primo die, denuo paroxysmus ingenti rigore eum inuasit, qui ad viginti horas sequentes non contemnenda febre prostratus fuit, quo tempore, & si caro satis esset in plaga producta, de nouo supra eam, pinguedinem gallinæ destillaui, qua sequenti die, multum puris in vulnere conspexi, & ægrotus subinde à febre immunis euasit. sed prædicto vnguento, & reliquis dictis, supra admoto vino dicto styptico, curationem ad quinquagesimum quintum diem traxi, in quo tēpore ossium

R ;

squamæ exierunt, & in totum sanus à vulnere euasit. ore manente distorto, & ipse quasi stupidus & fatuus redditus.

AMATVS. Placuit sanè casum, & eius curandi rationē audire, fuit nanque membranæ duræ inflammatio, siue apostema, ob dilaniatam membranā eueniens, quam tu diligentissimè curasti, & vt erat necessarium tractasti. CILS. Non dissimilia, & digna notatu varia alia quotidie euenire, obseruamus, quæ si chartis manderentur, minimè de puero Smirniæ apud Galenum admirarentur iuuenes.

VANVC. Meministi tu Celetane, illius pueri ab alto cadentis, quem ambo nos curabamus tractabamúsve, ex cuius cerebri parte anteriori, non exigua portio per interualla exiit, & tamen euasit, & nunc alacriter viuit? AMAT. Mira in hac arte quotidie euenire, qui eam exercent, norunt satis, immo in ea prope quoddam diuinum esse merito clamant, sed iam curandi via signata, ægrotum nostrum curate, neque latum vnguem, vt dici solet prætereatis, & eo magis in vulnere frontis, in quo veluti quouis alio inflictio cuius corporis particulæ, de pro capite Hippocrates & cataplasma, & fasciam constringentem admittit. VANVC. Qua de causa?

causa? AMATVS. Quia aliunde superfluitates recipiunt, & timor est à facili quaque causa inflammentur, vnde & cataplasma admittit, & constringens vinculum: ita enim Hippocrates, ne me mentiri dicatis, ait, at, neque adstringere etiā conuenit capitis vlcus, nisi fuerit in fronte, aut in parte quæ sine pilis sit, aut ad supercilia atque oculum, vlcera enim his locis cataplasmata magis & vincula requirūt, quàm alia capitis parte, siquidem reliquum caput, frontem vniuersam continet, vlcera autem vbicunque fuerint, ob sanguinis cursum ex iis quæ continent, inflammantur, intumentque.

VANVECIVS. In fasciando & vinciendo vulnere, vndenam deligaturam extendere incipiemus?

AMATVS. Galenus libro sexto Meth. med. huic responderet dubio, dicens, Non alienum à ratione arbitror, deligaturæ principium super ipsam fracturam iniici, ab hinc verò ad reliquum membrum dispensari, etenim qui contra deligat, is ab integris ad ægram partem sanguinem compellit. atqui si ab ægro loco incipiat, in integrum finiat, non solum innoxia eiusmodi deligatura in iis quæ diximus erit, sed etiam vtile quiddam contulerit.

quippe, cum nullam circa fracturam sinec excitari phlegmonem, cuius rei curam habere in primis oportet, &c.

VANVC. Clatè sanè Galenus à loco iuxta fracturam dispensandam esse deligaturam ad reliquam partem tradit, sed utinam hodierni chirurgici, non tantis fasciis, aut pileis fulcitis pellibus, capite vulneratos etiam calente aëre obuoluant, muniántve, quum ex illis sæpe maiora noxa, quàm iuuamenta sequi deprehendamus. **C E L E T.** Fasciandi & vinciendi rationem quicūque rectè tenuerit, non parum in arte chirurgica obtinuisse creditur.

A M A T V S. Haud dubiè, & hanc partem artis prisci medici tantum fecerunt, ut de ea integros libros memoriæ commendauerint, sic Soranus, sic Heliodorus, sic Galenus, & Oribasius, quæ omnia ab Hippocrate tanquam à fonte perenni & scaturiente emanarunt.

C E L E T A N V S. Ne mente decidat, dicas rogo ô Amate, éstne verum, quod vulnera capitis quo maiora sunt, minus periculi habent?

A M A T V S. Ita esse Hippocrates testatur, præcipuè si membrana dura illæsa fuerit, quia locus per quem sanies, & humiditas exeat, satis pateat: sic enim Hippocrates

crates ait, quodcunque etiam os à suo statu recedens desidit, vel quod perruptum sit, vel quod latè omnino præcisum, minus periculosum est, membrana inuiolata: quod item pluribus rimis & latioribus fractum est, minus adhuc periculosum, & facilius euellitur, &c. Per quæ Hippocrates satis clarè dicit, quòd ossa capitis, quo magis præcisa & magis abrupta sunt, ac fissa, eo minus periculosa sunt, modò membrana inuiolata maneat, sic costa fracta minus periculosa est, & faciliorem curationem recipit, quàm collisa, & spina si concutiatur grauius malum afferre solet, quàm si peruertatur, ita iugulum quum transuersum frangitur, minus in se periculi habet, quàm quum in longitudinem. quæ omnia Hippocrates ita esse testatus est. VANVC. In capitis vulneribus, si rima, aut fissura illico in principio non apparuit, & postea superuenerint symptomata graua, vt febris, delirium, & huius generis alia, aperirène debemus, an emplastris malo succurremus? AMAT. Huic dubio Hippocrates respondet, quòd illico aperire debeamus, sic enim ille ait, Verum, vbi intelligis febrem inuadere, vel quid aliud signum languenti superuenire, nihil cessare debes, sed os vsque ad

R s

membranā secare, vel scalpro radere, &c. Ex quibus Hippocratis verbis, illorum detegitur turpis error, qui capitis omne vulnus, etiam apparente rima aut fissura subtili, solis suis emplastris, absque apertura, & ossis perforatione, curare contendebant, argumentum fortè desumentes à fractis cruribus, brachiis & costis, quæ solis emplastris, vnione proposita, restitui ad sanitatem animaduertebant: sed ij, vt dixi, miserè decipiuntur, quia longè aliud est operari, vbi cutis & caro secta est, quàm vbi integra manet, & longè aliud in capitis quàm aliorum membrorum vulneribus, quoniam vbi cutis integra & non detecta manet, fieri potest, vt quotidie euenire videmus, ossa restituantur, quia calor vnitus, & coactus, non diffatis spiritibus, coadiuuantibus etiam medicamentis sufficiens est opus hoc complere, id quod complere non valet, vbi cutis & caro secta fuerit, & hinc Hippocrates enarrandus à nobis venit, in ea sententia, quod collisum & contusum est, necessarium est, in pus versum contabescat, scilicet, stante plaga, & cute secta, id quod est collisum, & contusum necesse est in pus vertatur, secus autem non existente vulnere. Nam vbi non est plaga, etiam comparente carne

ne collisa & confusa, non est necessarium, in pus vertatur, vt sæpe obseruamus in membrorum fracturis, non detecta cute, quæ & si multum habeant collisi, & confusi, ad sanitatem tamen absque puris committantia restituntur, veluti in oculorum vibicibus quotidie quoque percipimus, vt demum concludere debeamus, in casu à te proposito, illico ad sectionem confugere oportere, etiam integra manente cute. VANVC. Arrident hæc, vt quæ ad Hippocratis & Galeni mentem sint dicta, sed si meninges cerebrum contegentes ex ictu malè essent affectæ, manente cute integra & inuiolata, vt fieri posse concludimus, tunc emplastris, an potius sectione succurrere debemus? responde quæso.

AMATVS. Ego vt qui non multum emplastris fido, ad sectionem illico deuenirem. VANVCCIVS. Quibus notis, & indiciis, malum tantum pati hominem deprehendemus? AMAT. Talis ex equo forte cecidit, aut re obtusa & graui percussus fuit, aut supra eius caput ab alto res ponderosa & grauis cecidit, & ille illico vertigine & scothomate affectus in terram cecidit, & vomuit, & postea bene habuit, sed intra triduum, conqueritur, & cum horrore febris eum apprehendit, &
postea

postea superueniunt capitis dolor, delirium, sitis intensa, linguæ nigredo, & varia alia quæ moriturum prædicunt. **VANVC.** Quo in loco sectio fieri debet, cum cutis integra sit, & nos lateat locus affectus? **AMAT.** Id ex ægrotantis relatu percipiamus decet, quia ubi dolebat, ibi malum subest, immo ad locum læsum ægrotans sæpe manum admouet, & fortè cutis si non secta, contusa saltem videbitur, & ægrotus dentibus paleam scindere nō potest ob dolorem, quæ indicia omnia vobis deseruiunt in capitis vulnere à contraria parte malum habente, sed tunc vulnus subliuidum euadit, & saniem modicam effundit. **VANVC.** Nōne pro tanto & tam difficili, ac abscondito malo, satius esset emplastris uti, ut magistri illi Bartapalia, Rolandus, Rogerius & huius militiæ viri utebantur, & eo magis, quia nos videmus in phrenitide, & lethargo morbo, solis emplastris humores domari, resolui, & ad optimum terminum reduci? **AMAT.** Minimè gentium, quia ratio dispar est, in morbis nanque illis humores peccātes à natura regulari possunt, etiam non adminiculantibus medicamentis: in vulneribus verò capitis, etiam si admoueris emplastra, cataplasmata, cerata, & quæ sunt

sunt reliqua, sanguis extra venas existens
 qui periculum minuitur, & breui cerebri
 substantiam corrumpit, non superabitur,
 nec digeretur, aut euaporabitur, quibus
 de causis, ad sectionem deueniendum cum
 Hippocrate omni adhibita diligētia con-
 cludimus. V A N V C. Vnum in hac tracta-
 tione semper ab iis præcipuè qui proble-
 mata nodare & dissoluere profitentur sci-
 re desideravi, cur est, quod in vulneribus
 capitis caro à parte inferiori ad superio-
 rem producat, in aliis verò contrario
 eueniat, hoc est, à superiori ad inferiorem
 produci soleat? A M A T. Nos Salmaticen-
 sibus, Complutensibus, Parisiensibus, Co-
 nymbricēsis, Louaniensibus, Ferrariē-
 sibus, Patauinis, & Bononiensibus, cum
 quibus satis versati sumus, tibi vt respon-
 deant committimus, interim sic dicentes,
 an fortè ob nutrimentū ab inferiori parte
 ad caput delatum, quod reliquis in mem-
 bris contrario euenit. C E L E T. Carnem
 vulneribus superadditam, quibus medici-
 nis leuas? A M A T. Hodie omnes alumine
 vulgato, à rocha dicto, sed vsto, vtimini,
 veteres verò in huius vicem utebantur
 chalcitide, nisi, ærugine æris, modò vna,
 modò alia, pro tēperaturæ ratione. in hoc
 vero nostro ægrotante, vos vsto alumine
 vtim

vtimini, & curationē perficite, qua & nos
sextam hanc Cēturiam claudemus, quam
vt vltimam in hoc dicendi genere esse cu-
piuimus, ita nunc volumus, restantes, si
verum est quod à Thucydide viro Athe-
nienſi grauiffimo, & eloquentiffimo di-
ctum est, historia tanquam theſaurus est,
qui nunquam è manibus excidere debet,
procul dubio Centuriæ medicinales hæ
noſtræ vobis gratiffimæ esse debent, & tan-
quam medicinæ theſaurus habendæ, eis
nanque adiuti, vos ſimiles morbos, parēſ-
que caſus, facilius curabitis, eōſque è cor-
poribus humanis detrudetis: ſunt nanque
Centuriæ ſex, ſexcentas curationes conti-
nentes, nec id ſine exemplo. Nam ſi ma-
gnus ille Scipio trecentos olim fortiſſi-
mos adoleſcentes in Sicilia ſuccenturia-
uit, quorum opera, & virtute fuſo in Afri-
ca Hannibale æmulam Romani imperij
Carthaginē imperata facere coëgit: quid
vos duplicato numero, hoc eſt, ſexcentis
his curationibus morborum omne genus
extirpari poſſe deſperetis? Valete. Ragufij
anno 1558. quo tempore Caletum Henri-
cus ſecundus Francorum Rex de Anglo
recuperauit. Iterum valete, & ſecundum
harum Centuriarum tomū, è Græcia hac,
hodie Turcia dicta, breui Deo fauente
expe

expectate, quam vobis pergratum fore
 non dubito, quum præsertim cognoueris-
 tis composita esse ex habitis curationibus
 eadem in regione, & eisdem ciuitatibus,
 in quibus Diuus ille senex Hippocrates
 artem exercuit, in quibus vt ingenuè fa-
 tear, hodie veluti suo tempore, omnes
 morbi etiam tertianæ, & quartanæ peri-
 culo non carent: neque id mirum,
 quum omnes è peste contagium
 trahant. Theſſalonice, an-
 no 1559. à mundi
 creatione,
 5319.

*Amati Lusitani medici Cen-
 turia sexta finis.*

Ama

Amati Iusiurandum.

IURO Deum immortalem, & sanctissi-
ma eius decem oracula, quæ liberato ab
Ægyptiaca seruitute populo, Mose inter-
prete, in monte Sinare data sunt, me nihil
prius aut antiquius in iis meis curationi-
bus duxisse, quàm vt illibata rerum fides
posteris traderetur, nihil finxisse, nihil
addidisse, aut commutasse ornamenti gra-
tia: id tamen vnum semper studuisse, vt
vtilitas ad mortales promanaret, neminẽ
laudasse, aut vituperio affecisse, vt priua-
tis affectibus indulgerem, nisi id veritatis
studium exposceret. si fallo, Deum & Ra-
phaëlem eius ministrum iratos semper
habeam, nec quicquam in arte medica
mihi ad votum succedat. De mercede præ-
terea, quæ medicis exhiberi solet non ad-
modum sollicitum fuisse, multos non tan-
tùm studiosè sed gratis etiam curauisse,
mercedes etiam nonnullas à permultis
oblatae magno & inuictò animo reiecisse,
magis in eum intentum vt ægrotantes
mea opera aut diligentia amissam conse-
querentur valetudinem, quàm, vt ego eo-
rum liberalitate vel Teruntio ditior eu-
derem: eodẽmque loco semper apud me
fuisse cuiusuis religionis homines, siue ij
Hebræi

Hebræi, siue Christiani, aut Arabicæ legis sectatores essent: de dignitate verò non admodum sollicitum fuisse, eandemque diligentiam, pauperibus quam illustrissimo loco natis præstitisse, morbum nunquam produxisse, in præsagiis ea quæ sentiebam semper dixisse, pharmacopolarum nemini plus iusto fauisse, nisi ei fortasse, quem & peritia artis & bonitate animi cæteris præstare intelligerem, in medicamentis describendis, prout facultates ægrotantis patiebantur, temperamentum semper adhibuisse, commissum mihi arcanum nemini detexisse, nulli mortiferum poculum propinasse, nullam mea opera matronam abortum fecisse, nihil à me in ea ubi curarem domu turpitudinis perpetratum: in summa, nihil à me commissum quod à præclaro & egregio medico alienum haberi posset, Hippocratem & Galenum artis medicæ parentes semper mihi imitandos proposuisse, non spre-
tis nonnullorum in arte medica excellentium monumentis: in studiorum verò ratione adeo frequentem fuisse, ut nullum quantumuis arduum negotium, me à bonorum authorum lectione auocare potuerit, non rei familiaris iactura, non nauigatio, non crebræ peregrinationes, non

denique exilium, quod ut virum philoso-
phum decet, magno & inuicto animo ha-
tenuis sponte sustinui: discipulos quos
ad hunc usque diem permultos habui, fi-
liorum loco semper duxisse, eos candidis-
simè docuisse, hortatum ut bonorum si-
miles euadere studerent, libros in re me-
dica meos nulla animi ambitione ædidi-
sse, sed id vnum spectasse ut quoquo modo
mortalium valetudini prospicerem: quod
an affecutus sim aliorum iudicio re-
linquo, certè semper id præ me
ruli atq; in votis maximè
habui. Thessalonice
datum, anno
5319.

F I N I S.

CATA





CATALOGVS CV- RATIONVM CENTV.

RIAE QVINTAE.

- I. Curatio reiectionis sanguinis ex parte superiore aspera arteria. pag. 8.
- II. Inflammati isthmi seu vnae & tonsillarum. 18
- III. De viro cui singulis mensibus per hamorrhoides sanguis euacuabatur, ut mulieribus per uterum. 21
- IIII. Curatio hectica febris intermissa post longas alias febres. 25
- V. Pleuritidis farculam & scapulā dextram prehendentis. 37
- VI. Sanguinis reiectionis per intervalla, in qua de fonticulo agitur in brachio aperto. 39
- VII. De lumbricis cum febre. 50
- VIII. De talpa seu talparia, hoc est tuberculo cum cranei corruptione. 54
- IX. Curatio verrucarum in balano à coitu contractarum. 57
- X. Carnearum excrescentiarum, & ragadiarum intra anum ad primum intestinum adnatarum. 58
- XI. De febre interficiente grauibz &

	<i>perniciosi symptomati.</i>	63
XII.	<i>Curatio abortum, & symptomati postea exortorum.</i>	66
XIII.	<i>Febris continua ex repletionem orta.</i>	73
XIIII.	<i>Vocis in totum amissa propter vlcus palato innatum, & miro artificio recuperata.</i>	79
XV.	<i>De duobus similem faciem habentibus, simulq; eodem morbo agrotantibus.</i>	81
XVI.	<i>De febre continuo affligente.</i>	82
XVII.	<i>De quodam qui balanum ob praputij strictionem nudare non poterat: qui morbus Gracis <i>phimosis</i> dicitur.</i>	83
XVIII.	<i>Curatio doloris intestinorum ab humore calido.</i>	84
XIX.	<i>Tertiana duplicis in simplicem versa, & breui sanata.</i>	85
XX.	<i>De febribus consequentibus chæradas, qua agrotum interfecerunt.</i>	87
XXI.	<i>De dolore dentium, & optimo contra eum remedio.</i>	89
XXII.	<i>Curatio morbi Gallici per inunctiones ab unguento ex Mercurio confecto, in qua docetur quomodo evitari debeat sputum ad os euenire solitum.</i>	90
XXIII.	<i>Februm continuarum.</i>	93
XXIIII.	<i>Februm continuo affligentium.</i>	95
XXV.	<i>Morbi Gallici narium interiorē partem occupantis.</i>	96
	<i>Febris</i>	

- XXVI. *Febru biliosa continua.* 97
- XXVII. *Mulieru vtero gerentis febrü continua laborantiu.* 100
- XXVIII. *Cholera morbi, simul febrü continua, & intestinorum tumescencia externa affligentis.* 101
- XXIX. *De vera & indubitata methodo praeseruandi à podagra, simulq; de remediis nonnullis conuenientibus doloribus podagricis, & thophis articulorum.* 104
- XXX. *De inflammatione iecinoris cum singultu, ex qua secuta est mors.* 118
- XXXI. *De papillis seu mammarum capitulis elongandis, formandisve.* 122
- XXXII. *De sanguine detracto à muliere gracili, cui iamdiu suppressi menses erant, & contra medicorum opinionem sana euasit.* 123
- XXXIII. *De obitu contracto ex Diabete, & pozu aquarũ ex thermis montis Bodij.* 125
- XXXIII. *De accelerando partu.* 127
- XXXV. *Curatio febrü continuò affligentis, in morbillos terminata.* 129
- XXXVI. *De vomitu cuiusdam mulieru, ex quo medicus quidam contendebat vermem, scolopendrum dictum, eiectũ fuisse.* 130
- XXXVII. *De Ascite morbo.* 131
- XXXVIII. *Curatio febrü continua, euenientis à bile furente & maligna.* 132

XXXIX.	<i>Doloris oris ventriculi.</i>	135
XL.	<i>Tortura oris.</i>	136
XLI.	<i>Angustiarum, & dolorum cordis.</i>	137
XLII.	<i>Curatio scabiei.</i>	138
XLIII.	<i>Tertiana, gelida potu expulsa.</i>	139
XLIIII.	<i>Colici doloris.</i>	140
XLV.	<i>Mictus sanguinis ob casum contin- gentis.</i>	141
XLVI.	<i>De vermibus.</i>	142
XLVII.	<i>De puella à chæradibus liberata, post- ea gibbosa facta.</i>	143
XLVIII.	<i>Curatio suppressionis urinae ob carun- culas in vijs urinarjs habitas.</i>	144
XLIX.	<i>Morbi Gallici, cum papulis per corpus efflorescentibus.</i>	144
L.	<i>Malignorum quorundam tuberculo- rum, quæ in digitorum articulis saepe oriri solent.</i>	145
LI.	<i>Curatio quartana.</i>	147
LII.	<i>Pueri continuò febrientis, & circa pe- ctus dolorem difficilis cum respiratione patientis.</i>	148
LIII.	<i>De delendis oculorum nebulis.</i>	149
LIIII.	<i>Curatio pueri mingentis lotium nigrū, qui non febriebat, sed scabiē vlcerosam multā in capite, & collo patiebatur.</i>	150
LV.	<i>Curatio angina.</i>	151
LVI.	<i>Morbi Gallici varijs symptomati- bus complicati.</i>	152
	<i>Febris</i>	

- L VII.** *Febris continua maligna, alteri febris
superuenientis.* 154
- L VIII.** *Pleuritidis in empyema versa, quæ
hominem intra 40. dies interfecit.* 157
- L IX.** *Doloris oculi.* 161
- L X.** *Acredinis vrina, mordacitatisve, ob
ulcera à morbo Gallico contracta.* 162
- L XI.** *Mala cuiusdam affectionis derelicta
à quartana febre.* 162
- L XII.** *Ramicis intestinalis, ruptura dicta.* 163
- L XIII.** *De puero tumorem durum & ingen-
tem in occipite patiente: vnde paraly-
sis illi superuenit, & postea obitus.* 165
- L XIV.** *Curatio febris ardentis cum pulicari
morbo.* 166
- L XV.** *Auriginis morbi simul cum tertiana
duplici infestantis.* 167
- L XVI.** *Veteris fluoris rubricantis.* 168
- L XVII.** *Pueri continuò febrientis, cui datum
est purgatorium pharmacum, quo mi-
rum in modum sudauit, & liber à fe-
bre mansit, quæ postea in quintanam
degenerauit.* 171
- L XVIII.** *Ægyptiopis à morbo Gallico, in angu-
lo oculi.* 172
- L XIX.** *Ramicis carnosæ varijs alijs affectioni-
bus complicati.* 176
- L XX.** *Docetur quòd propagines venæ paris
expertis coniunguntur ramulis venæ*

cava, thoracis internas partes nutrien-
tibus. 182

LXXI. Curatio ischuria, id est, vrina suppres-
sionis, ob vrina fistulam crassam & len-
tis humoribus constrictam. 187

LXXII. Doloris Gallici cream, tibia antero-
rem partem infestantis, & per theria-
ces applicationem amoliti. 191

LXXIII. De angina saeva delitescente, qua ho-
minem postea interfecit. 192

LXXIII. De ulcere uterum occupante, confir-
mato dicto. 200

LXXV. Curatio grauißimi morbi, ex quo agro-
tans, bis, ter, & pluries in die corripie-
batur, & ita saue, vt à mulierculis as-
sistentibus à spiritu damoniaco eum ve-
acari crederetur. 201

LXXVI. Humida qualitatis absque humore,
hominem ad perniciem trahentis. 208

LXXVII. Visus diminuti & corrupti, simulque
scotomia ob suffusionem, & crassam
nebulam, in altero oculo apparentem. 211

LXXVIII. Tuberculi in capite exorti. 217

LXXIX. Ulcerum in vjs vrina maximo cum
ardore detelictorum ex curatione ca-
runcularum. 219

LXXX. Crustarum pueri caput occupantium,
& ad oculos descendentium. 221

LXXXI. Febris diaria ob frigore euenientis, si-
mul

- mul quod omne genus febris cor pro
subiecto habet. 222
- LXXXII. Curatio aphtharum. 225
- LXXXIII. Symptomatum quorundā mulieri cui-
dam sterili nonnulla ebibenti, vt pra-
gnans euaderet, obortorum. 225
- LXXXIII. De monacho, qui amore puella captus,
seipsum veneno hausto interemit. 229
- LXXXV. Curatio pueri commorsi à cane, plau-
strum continuo comitante. 230
- LXXXVI. Reiectionis sanguinis. 231
- LXXXVII. De muliere quae cum vterum gereret,
melancholica euadebat. 238
- LXXXVIII. De mira quadam carnea excrescen-
tia, à mulieris inguinibus pendente,
pondere 15. librarum. 239
- LXXXIX. De topico remedio, optimo & tuto sca-
biei conueniente. 240
- XC. Curatio puncturae ex piscis spina in di-
gito oborta. 241
- XCI. De puero quodam, qui ob esum calcis
vix a diem suum obiit. 245
- XCII. De symptomatis obortis ob multarum
herbarum esum in oxyporo. 246
- XCIII. De optimo quodam remedio contra do-
lores, & tormina in dysenteria. 247
- XCIII. De opera naturae artis operibus re-
spondente. 248
- XCV. De gigante Senogallia nato crura tu-

mesacta ad summum cum vlceribus
habente. 249

XCVI. Curatio destillationis oculorum. 251

XC VII. Affectionum quarundam, & sym-
ptomatum euenientium ab ingenti cal-
lidity iocinoris, & cerebri. 252

XC VIII. De puero qui ob esum cicuta obiit. 256

XC IX. De scirrho ingenti in ore nato, & à
multis pro cancro habito. 257

C. De vlceribus renibus praefixis, maxi-
mo cum vrina ardore. 259

C A T A L O G V S C V R A -
tionum Centuriae sextae.

I. Curatio herpetis à thoracis alta parte
ad testes vsque fiedantis. pag. 265

II. Dysenterici pueri topico remedio cu-
rati. 270

III. De morbo sauo & crudeli, in quo agro-
tans trecentos egest in ista magnitu-
dini vermes. 271

IIII. De sanguine ex pectore reiecto, & suc-
co urtica cohibito. 277

V. De puero loquente, qui postea ob mor-
bum sauum superuenientem mutus fa-
ctus est. 278

VI. Curatio fluxus sanguinis narium cum
mala vetriculi intemperie frigida. 284
Curatio

- VII. *Curatio lienteria.* 287
- VIII. *De quodam qui cum duplici tertiana laboraret, in diaphragmati abscessum incidit, & breui medico negligentia obiit.* 288
- IX. *Curatio pueri qui ex fenestra ceciderat.* 289
- X. *De phthisi hoc est vlcere pulmonis.* 290
- XI. *Curatio pueri dysenteria affecti.* 292
- XII. *Pueri meiere non potentis.* 292
- XIII. *Casus mirus de puero ob timorem breui emortuo.* 294
- XIIII. *De dysenterico vario cere usu curato.* 295
- XV. *De errore quodam à multis medicis commisso, in prabenda cichorea discoteta febre laborantibus.* 296
- XVI. *Curatio fluoris muliebris.* 297
- XVII. *Crustosarum & concretarum quarundam turundarum muccosarum, per nares emissarum, à mala quadam capitis affectione.* 299
- XVIII. *Ophthalmia siue lippitudinis.* 300
- XIX. *De Cassia Aegyptiaca viridi, & recenti, saccharo condita, qua ventrem soluit.* 302
- XX. *De sanguinis reiectione.* 303
- XXI. *De remedijs partium accelerantibus.* 305
- XXII. *De Gallica scabie manuum palmas papulis*

	<i>papulis & scissuris inficiente.</i>	307
XXII.	<i>Curatio febris tertiana continua, maligna, pulicari cum symptomate.</i>	308
XXIII.	<i>Febris continua epidemica.</i>	313
XXV.	<i>De surditate contracta ob malum vite regimen.</i>	318
XXVI.	<i>De tribus pueris fratribus eodem morbo correptis.</i>	323
XXVII.	<i>De plenitudine.</i>	326
XXVIII.	<i>De cordis angustia & animi anxietudinibus ob suppressos menses.</i>	329
XXIX.	<i>De febre interficiente.</i>	329
XXX.	<i>Curatio doloris in iocinore.</i>	332
XXXI.	<i>Punctura scorpionis.</i>	333
XXXII.	<i>Febris continuo affligentis cui postea sanguinis reiectio successit, & postea sanguis per secessum exiit.</i>	334
XXXIII.	<i>Doloris stomachi, cordis quoque regionem infestanti ab humore melancholico & viscida pituita euenientis: simulque podagra.</i>	336
XXXIII.	<i>Pueri sapè in febrē cum vermibus propter obstructions, & malum vite regimen incidentis.</i>	343
XXXV.	<i>De febre cum dolore ad costas nothas: simul quod cucurbitula secta cute morborū initio recte exerceri possunt.</i>	345
XXXVI.	<i>De muliere continuo febriente cum tussi & purulento sreatu.</i>	348
	<i>De</i>	

- XXXVII.** De muliere pariēte geminos, marē & faeminā, quæ nō rectē purgata obiit. 349
- XXXVIII.** De papillarum dolore, earundem scissurā, ac contra eas remedio. 357
- XXXIX.** Curatio duritiæ splenis ex quartana contracta. 358
- XL.** Muliebris fluoris à multa pituita venientis, cui febris pituitosa cōtinuò complicata erat, à ventriculi & uteri frigida intemperie ortum trahens. 365
- XLI.** De remedio singulari contra podagra ingentes dolores. 370
- XLII.** Casus mirus cuiusdam Galli nobilis, imaginatricem corruptam habentis, & eiusdem curatio faceta. 371
- XLIII.** Curatio morbi Gallici. 376
- XLIII.** Melancholia morbi pendentis ab hypochondriis. 378
- XLV.** Febris continua, maligna, & malè moderata, in qua per plures dies lotium integerrimum apparuit. 383
- XLVI.** De tertiana, & hæd na carne. 388
- XLVII.** Curatio subluxati adtalem pedis. 393
- XLVIII.** Mariti & vxoris morbo Gallico laborantium. 395
- XLIX.** De puella mira quadam sanguinis reiectione laborante, quæ & omnia quæ comedebat, vomebat. 397
- L.** Curatio mulieris abortientis certo gestationis


	<i>stationis tempore.</i>	403
L I.	<i>De iuuando difficili partu.</i>	407
L II.	<i>De febre pestilente.</i>	410
L III.	<i>De muliere sterili, quæ medicamentis preparata. post 18. an. cõcepit, & puellã elegãtem peperit: tãdem mulier ipsa ta- be confecta intra biennium obiit.</i>	413
L III I I.	<i>De vetula cui intra triduum sangui- nis libra octo per nares effluxere.</i>	414
L V.	<i>De præseruatione à coxendicum dolo- re.</i>	416
L VI.	<i>Curatio lactis in grumos concreti in ventriculo.</i>	425
L VII.	<i>De errore cuiusdam medici, qui ace- tũ in colica affectione dedit, & agrum interfecit.</i>	429
L VII I I.	<i>De ardore vrine cum caruncularum mictione, & præstantia conditi ex malua floribus saccharo apparati.</i>	430
L IX.	<i>De lapide reiecto à renibus, simulq; de methodo seruanda in ardore vrine.</i>	434
L X.	<i>De quodam qui natura sua multa & varia abhorrebat.</i>	438
L XI.	<i>De muliere prægnante, quæ ob mora aliũ cum cibariis comesta, & in ven- triculo corrupta in anxietudines, & animi angustias deuenit.</i>	439
L XII.	<i>De repentina morte ex syncope eue- niente, non ex apoplexia.</i>	440
	<i>De</i>	

- LXIII.** De quodam ricini semina pro pistaciis comedente, unde mors secuta. 442
- LXIII.** Curatio scabritiei, & scissurarum palmarum manuum. 443
- LXV.** De pilis in lingua genitis satis longis. 444
- LXVI.** Curatio continuo febrientis. 445
- LXVII.** Cachexia, id est, mali habitus corporis. 449
- LXVIII.** De variis symptomatis ob laxatum uterum abortis, simulque de epidemio morbo magnam Europae partem inficiente breuique durante. 452
- LXIX.** Curatio febris continua coniuncta fluxui ventris. 456
- LXX.** De luxata inferiori mandibula, & breui ad locum suum reddita. 458
- LXXI.** De febre continua absque symptomatibus, interficiente tamen. 459
- LXXII.** De pulsu deficiente, eiusque intermissione in febre continua, à crassis & viscidis succis pendente. 462
- LXXIII.** De dysenteria interficiente, quae post polypos comestos euenit. 465
- LXXIII.** De verme lato quatuor cubitorum per os eiecto: simul & Hippocrates enarratur. 467
- LXXV.** Curatio febris continua cum exanthematis. 470
- Febris

- LXXVI. *Febris oblōga & mitis absque sympto-*
maticis, ab obstructione venarum mesa-
raicarum pendentis. 476
- LXXVII. *De destillatione ad pectus descendēte,*
simulque de vetriculi ac lienis abstru-
ctionibus, & errore medici. 480
- LXXVIII. *Curatio doloris ventriculi, à multa vi-*
scida pituita orti. 483
- LXXIX. *Doloris ventriculi in tertiana paro-*
xyismo affligentis. 488
- LXXX. *Vertiginis, qua Græcè ονέτωμα dici-*
tur. 491
- LXXXI. *De phymate inter anum & testiculos,*
& quod crudum aperiri debet. 494
- LXXXII. *De abscessu spirituofo, raro euenire so-*
lito. 496
- LXXXIII. *Detegitur error in descriptione galliæ*
moschata Nicolai, & alter in descri-
ptione vnguenti rosacei apud Mesuen.
 497
- LXXXIII. *Curatio teneismi ob inflammatum re-*
ctum intestinum cum stranguria. 501
- LXXXV. *Vlceris in palato à morbo Gallico or-*
tum trahentis. 503
- LXXXVI. *De accelerando partu, simulque de re-*
dundante lacte minuendo. 505
- LXXXVII. *De impostura quadam, videlicet quod*
muliercula incantamētis iuuenem sur-
dum fecerit. 507
 De

- LXXXVIII.** De veneno quod ad certum tempus
datur. 514
- LXXXIX.** Pleuritidis notha curatio. 520
- X C.** Tussis veteris, & recentis tussis pue-
rorum. 522
- X C I.** De lapide in virga meatu cōtento, ex
quo symptomata graua oborieban-
tur. 523
- X C II.** Cura dysuria, maximo cū ardore. 526
- X C III.** De atterendo, comminuendō ve renum
& vesica calculo. 534
- X C I I I I.** Curatio vlceris renum per potum a-
quarum salsarum & nitrosarum na-
turalium. 543
- X C V.** Remedium ad eos qui se somno permin-
gunt. 545
- X C V I.** Quomodo facunda mulieres dignosci
debeant. 549
- X C V I I.** Curatio muliebris satyriasis, simulque
uterini furoris. 552
- X C V I I I.** Curatio in qua inquiritur, an qua in
thorace continentur tantū per screa-
tum purgari soleant. 555
- X C I X.** Curatio pruriginis inter inguina. 561
- C.** De capitis vulneribus detecto craneo:
& tutiū, ne curentur ex siccātibus me-
dicamētis, an cataplasmatibus humidis,
ut digestiuis ex oui vitello dicto, & si-
milibus. 563

T



INDEX RERVM

scitu dignarum, quæ in Quinta & Sexta Centuriis
reperiuntur.



A	Baptista.	590
	Ab arthritide praeservantia.	419
	Acetum in colico dolore.	430
	Aetij locus explicatus.	533
	Aegylas curans ceratum.	176
	Aegyptij quibus morbis obnoxij.	210 & 213.
	Affectiones animi quàm graues.	294
	Agnina caro qualis.	390
	Agnina caro calida edenda.	391
	Albugines.	212
	Alciatus Iurisperitus.	313
	Almanus praestigiator.	513
	Aloë, fecundas reddit.	228
	Aloë quibus obest.	452
	Amaurosis.	212
	Amatus Ferraria docuit.	313
	Amatus chirurgus.	594. & seq.
	Andrea Lacuna error de splenis expurgatione.	

INDEX.

<i>Angina periculosa permutatio.</i>	198
<i>Angina tumore in thoracem ruente quid agendum.</i>	199
<i>Antonij Nebriffensis pulsus, doctrina, fortuna.</i>	261
<i>Apoplexia quomodo fit.</i>	442
<i>Apollonius & Archigenes à Gal. reprehēsi.</i>	174
<i>Aqua ardens in capitis vulneribus.</i>	612
<i>Aqua florum arantiorum.</i>	440
<i>Aqua frigida quàm noxia nudato osse capitis.</i>	612
<i>Aqua pluuiialis.</i>	155
<i>Aqua florum chamcemeli.</i>	135
<i>Aqua frigida febricitantibus siticulosi non neganda.</i>	140 & 156
<i>Argentum viuum frigidum & siccum, cum partium subtilitate.</i>	95
<i>Argentum viuum sputum euocat.</i>	269
<i>Arthriticos præsèruat sanguinis missio, & purgatio per pharmacum.</i>	106
<i>Ardorem in glandis tantùm apice cur sentiunt, qui renum & vesicæ vitia patiuntur.</i>	260
<i>Ardoris vrina à diuersis causis distinctio.</i>	436
<i>Ardori vrinae quæ medicamēta cōueniant.</i>	437
<i>Articulario morbo vomitus prodest.</i>	417
<i>Articulos ulceratos cur Hippocr. humidis curet.</i>	623
<i>Arythmus.</i>	464 & 465
<i>Ascites curatus effluxu aquæ ex umbilico.</i>	131

INDEX.

Atheromatis materia putrescere potest, &c. 147

Auersio quid. 70

Auribus inicienda calida. 161

B

Baldi Iurisperiti mors. 231

Balneum ex oleo communi. 189

Balneum hecticis conueniens. 33

Balsamum ex Peru. 405

Bolus Armenia. 54

Branchos quid. 14

Buxum, Europaeum gaiacum. 493

C

Cochymia qua gignat mala. 266

Calculi causa. 534

Caluaria qua partes robustiores, & contra. 575

Caluaria tres partes. ibid.

Catapotia prohibentia sputum ex Mercurio. 91

Canes venenosi aliquid habent. 231

*Capitis fractura varia, variis egent instrumen-
tis.* 586

Capitis humidi nota. 314

*Capitis ossium fragmenta quousque persequen-
da.* 594

*Capitis vulnera quo maiora, eo minus pericu-
losa.* 632

Caro collisa statim in pus vertenda, & cur. 616.
& seq.

Catagmatica emplastra. 603

Catapotia ex aloë quibus profint. 23

Catap

INDEX.

Catapotia ex hiera quibus non conueniant.	304
Catarrhus quid.	13
Cauterium in coronali commissura quibus non conueniat.	48
Cephalica aliter applicanda cum os nudatum est, aliter cum non nudatum.	607
Cephalicum abstergens post digestium.	621
Cephalicum Deileontis.	606
Cephalica medicamenta.	602
Ceratum ventriculo aptum.	34
Cera in dysenteria vsus.	295
Chichophilum.	233
Chiromantia.	510
Chynicidium.	591
Cichorium discoctum.	297
Cicuta venenosa in Italia, & eius remediū.	257
Clyster in colico dolore.	140
Conditum restaurans.	36
Coitus nulla sequente seminis emissionē curatio.	347
Cor pilosum.	445
Cor vnde nutriatur.	336
Coryza.	14
Coxendicum dolor coxa iniusta cur sedatur.	49
Craffi pauci sanguinis.	124
Cubiculorum humiditas.	30
Cucurbitula an initio morbi possint admoeri.	317
Cucurbitula in plenitudine admoeri possunt.	346

INDEX.

Curationes vulnerum capitis contraria. 601
Cycliscus. 592

D

D *Eglutiendi difficultas mira.* 400
Digestivum ex oui vitello &c. 619
Doloris causa. 347

E

E *Crythmus.* 465
Electarium ad phthisim. 291
Electarium contra vermes. 274
Electarium ex rhabarbaro. 51
Emmota. 610
Emplastrum ad canis morsum. 231
Emplastrum ad tubercula. 146
Emplastrum catagmaticum Moschionii. 604
Emplastrum ex nido hirundinum. 152
Emplastrum nigrum. 604
Epiglottis. 20
Epileptici magna ex parte melancholici. 203
Evacuatio nimia periculosa. 66
Euphorbium quando nervis conveniat. 244

F

F *Fasciandi vulnere initium.* 631
Fasciandi ars necessaria. 632
Fascinatio, sola qualitate non fit. 512
Febris continua potentes purgationes non postulat. 66
Febris diaria ex frigore. 223
Fissura capitis maximè consideranda. 582

Fenic

INDEX.

<i>Fœniculum lac auget.</i>	507
<i>Fonticulorum apertorum utilitas.</i>	40
<i>Fotus in pleuritide.</i>	38
<i>Fotuum vsus.</i>	67.70.71
<i>Frigida in nerui punctura fugienda.</i>	244
<i>Frontis vulnera cataplasmata & fasciam constringentem cur postulent.</i>	630

G

<i>Glaucies in potu noxia.</i>	
<i>Glaucedo.</i>	213
<i>Glottis.</i>	21
<i>Goetica.</i>	509
<i>Graciles multi sanguinis.</i>	124
<i>Gurgulio, siue gargarcon.</i>	10

H

<i>Hæmorrhoides phlebotomo non aperienda.</i>	
<i>Herbarum nimius esus noxius.</i>	247
<i>Heterorythmus.</i>	465
<i>Historia Ozarici cuiusdam in capite grauer vulnerati, & curati.</i>	616
<i>Hirudinibus admotis, an cucurbitula affigenda.</i>	
<i>Hirudines forficibus præscindenda.</i>	24
<i>Hirudinum preparatio.</i>	24
<i>Hædina caro.</i>	391
<i>Hædina tostæ & frigidiuscula edenda.</i>	ibid.
<i>Homini magnitudo mira.</i>	250
<i>Humida morbofa.</i>	601

I 4

INDEX.

<i>Humida qualitas dolorem non infert.</i>	209
<i>Humida qualitas per se destruens.</i>	209
<i>Humoris latēis fluxus à parte principe ad igno- bilem, & contrà.</i>	65
<i>Hydropi curatio per chirurgiam.</i>	132
<i>Hypochyma.</i>	215 & 242
<i>Hypopyon.</i>	212

I

I <i>Ecoris calidi, humidi nota.</i>	314
<i>Incantationem nudis verbis fieri non posse eae D. Thoma.</i>	512
<i>Incantatores & incantationes varia.</i>	510
<i>Indicationibus duabus contrarijs cui insisten- dum.</i>	457
<i>Inflammatarum iecoris partium gibbarum si- gna.</i>	120
<i>Inflammatarum simarū iecoris partiū signa.</i>	120
<i>Inflammati iocinoris signa.</i>	119
<i>Instrumentum ad vocem recuperandam.</i>	80
<i>Ischiadici morbi causa, & curatio.</i>	422
<i>Ischiadi sanguinis missio ex qua vena competat.</i>	423
<i>Ischiadi vomitus prodest.</i>	417
<i>Ischuria à crassis humoribus, an urinam cientia competant.</i>	532
<i>Ischuria causa & signa.</i>	189
<i>I sis cephalicum emplastrum.</i>	506
<i>Isthmus quid.</i>	20
<i>Iulius Camillus.</i>	414
	Lac

I N D E X.

L

L ac caprinum heceticis utile.	36
L ac in stomacho concretum.	426 & 427
Lacte epoto non dormiendum.	36
Lactis aqua qua mensura, & quomodo bibenda.	
255	
Larynx.	20
Leonar. Fuchsi opinio reprehenditur de missione sanguinis in pleuritide sinistra.	184
Leucomata.	212
Limonis succus.	189
Linamenta vulnerum capitis.	600
Lotium nigrum.	385
Luna ad oppositionem veniente morbi rebelles curandi.	91

M

M Andragora morionis radix.	517
M artini Acacia error de splenis expurgatione.	364
Melancholia varios morbos parit.	238
Melancholici magna ex parte epileptici.	203
Melancholici quidam qua arte curati.	374
Meliceridis materia putrescere potest &c.	147
Mel saluiatum.	342
Membrana capitis inflammata curatio.	624
Mora in ventriculo corrupta.	440
Morbi Neapolitani nota.	395
Mulier valde gracili, cui suppressi sunt menses sanguis copiosus detractus.	124

INDEX.

N

Natura particulares hominum noscenda. 439

Nebula pendens in vrina quarto die. 75

Necromantia. 510

Nuci vnguentaria incommoda. 445

O

Obstrectio non aperienda ante plenitudinis
vacuationem. 359

Oculis injicienda frigida. 162

Oculorum nebulas delens inunctio. 150

Oleum ex ligno gaiaco. 192

Omentum hyrci in dysenteria. 248

Omentum veruecis in dysenteria. 271

Onix. 212

Oris ventriculi dolor periculosus. 488

Ossium capitis sectio quando facienda. 599

Oui vitellus. 447

P

Palatum. 10

Panis calens ventriculo applicatus.

Paralysis orta ex materia tumori ad interiora
regeſta. 166

Pararythmus. 465

Patientis collocatio, vt facilius pariat. 306

Partus difficultas quibus inueter. 128

Partus naturalis, & optimus. 409

Pestilentibus febribus cathartica valida non
competunt. 412

Petrus

INDEX.

<i>Petrus Abanus conciliator reprehenditur sen- tiens humiditatem solam phthisim gignere non posse.</i>	210
<i>Philotheus in Hippo. Apho. latinus factus.</i>	251
<i>Phimosi, phimus, periphimosi.</i>	83
<i>Phlegma pro inflammatione.</i>	307
<i>Phlyctana.</i>	213
<i>Phrenes.</i>	289
<i>Pisaurum.</i>	177
<i>Pleuritide dextra vexante axillari dextra se- canda: sinistra, axillari sinistra.</i>	182
<i>Pleuritidis lethalis signum.</i>	200
<i>Pleuritis sanguinis copiosam detractionem po- scit.</i>	207
<i>Podagricus nullus unquam convulsionem passus est, & cur.</i>	117
<i>Polyporum eius fluxum ventris creat.</i>	466
<i>Pruritus testiculorum remedium.</i>	145
<i>Pterigion.</i>	213
<i>Puero quinque annos nato sanguis detractus.</i>	149
<i>Puer conflatus chymico artificio.</i>	414
<i>Pulsus dicrotus quid indicet.</i>	260
<i>Pulsus intermissionem habens, periculosus.</i>	462
<i>Pulsus vermicularis & undosus unde dicti.</i>	78
<i>Pulsus vermicularis quale signum.</i>	76
<i>Pulsus undosus quale signum.</i>	76
<i>Pulsus undosus & vermicularis inaequalis in vno pulsu.</i>	77
<i>Purgationis immoderate remedia.</i>	64
<i>Pulmon</i>	

INDEX.

Pulmonis vomica per ventrem quomodo expur-
getur. 557

Puteus Turcarum regi ad quinos aureos in die
vectigalis. 544

Pyrites. 180

Q *Quotidiana febris nocturna, lethalis.* 275

R

R *Adix synarū quomodo apparetur à Mau-*
ritanis. 300

Ragusij descriptio. 264

Ramicem carnosum diminuens ceratum. 180

Raucitas. 14

Renū & vesicæ vitij rarò senes liberantur. 126

Renum & vesicæ calculi remedia. 538

Renum & viarū vrinae excoarationis nota. 431

Ricini semina venenosa. 442

Rosaceum in capite perforato. 610

Rupturæ accommodatus syrupus. 164

Rupturam curans ceratum. 164

Rythmus. 463

S

S *Al an in lactis coagulati curatione admit-*
tendus. 428

Sanguinis detractio ad libras duas. 208

Sanguis è vasis effluit tribus de causis. 14

Sanguis ex gingivis singulis mensibus fluens. 23

Sanguinis effluxus ex ruptura dignotio, & cu-
ratio. 17 & 18

San

INDEX.

<i>Sanguinis fluxum cohibentia.</i>	167
<i>Sanguinis missio an conueniat melancholia hy-</i> <i>pochondriaca.</i>	379
<i>Sanguinis per os reiectionis varij modi, & cau-</i> <i>sa.</i>	234
<i>Sanguis qua ex parte mittendus in melancholia</i> <i>hypochondriaca.</i>	379
<i>Sanguis spumofus an signum certum reiectionis</i> <i>ex pulmone.</i>	235
<i>Sanguinis stilla signum pessimum.</i>	472
<i>Sanguis in thorace contentus quomodo per se-</i> <i>cessum emittatur.</i>	335
<i>Sarxa parrhilha quid.</i>	60
<i>Satyriasis.</i>	554
<i>Scorpionis ictus remedium.</i>	334
<i>Scorpionis ictum sequentia symptomata.</i>	333
<i>Sectio in capite quomodo facienda.</i>	598
<i>Senibus quibus sanguis mittendus.</i>	415
<i>Sextarius.</i>	604
<i>Solani maniaci radix.</i>	511
<i>Splenem minuenda.</i>	361
<i>Splen quo sanguine nutriatur.</i>	363
<i>Sparganosis.</i>	507
<i>Steatomatis materia non putrescit &c.</i>	147
<i>Sternutatio partum accelerat.</i>	127
<i>Sternutatio singultum sedat.</i>	128
<i>Striges.</i>	509
<i>Struma febres mouent.</i>	88
<i>Sudoris causa.</i>	26

Sulphur

<i>Sulphur scabiei idoneum.</i>	241
<i>Suffusiones curabiles, & incurabiles.</i>	217
<i>Surditatis causa.</i>	319
<i>Surditatis eae crassis humoribus dignotio.</i>	ibid.

T

T <i>Alpa, & alij tumores capitis quò referri debeant.</i>	56
<i>Tenesmi varia causa, & varia curationes.</i>	502
<i>Tepida ventriculum dissolunt.</i>	169
<i>Terebinthina in digestivo vulgari lauanda.</i>	621
<i>Terebra.</i>	590
<i>Theriaces vsus in quartana.</i>	148
<i>Theriaces vsus in sedandis doloribus à venenosa qualitate.</i>	191
<i>Thurgia.</i>	509
<i>Thoracis vomica per intestina quomodo expurgetur.</i>	557
<i>Thrombosis.</i>	507
<i>Tonsilla.</i>	20
<i>Tortura oris causa, & remedia.</i>	136
<i>Tusla putens.</i>	543


V

V <i>Ene frontis sectio.</i>	263
<i>Vermes lati nō pariunt intra intestina.</i>	142
<i>Vermes rotundi intra intestina fuerant.</i>	142
<i>Vermis longus 4. cubitos.</i>	467
<i>Vermis rotundi capite calcato alij prodire vermes.</i>	142
<i>Vertigo.</i>	494
<i>Vesalius iniuria à Syluio reprehensus de hepatis</i>	55

I N D E X.

<i>is diuisione.</i>	239
<i>Vessalius reprehēditur sentiens in pleuritide tam dextra quàm sinistra dextram axillarem semper secandam esse.</i>	182
<i>Virga incisa, vt lapis inde extraheretur.</i>	525
<i>Vitriolo hausto monachus interijt.</i>	230
<i>Vlcera exiccationem postulant.</i>	622
<i>Vlcus & vulnus.</i>	570
<i>Vocis interceptio.</i>	254
<i>Vomitotium.</i>	169
<i>Vomitum ad leuandum oris ventriculi dolorem, an pracedere debeat clyster.</i>	488
<i>Vomitus an prouocandus in lactis aut sanguinis in ventriculo concretionē.</i>	427
<i>Vrina difficultatis remedijs constringentia qua- dam admiscenda.</i>	532
<i>Vrtica succus sanguinem sistit.</i>	277
<i>Vulnera ad suppurationem statim trahenda.</i>	623
<i>Vulnera capitis alibi lethalia, & alibi curatu facilia.</i>	572
<i>Vulnera cap. cur sectionem admittunt, aliorum verò membrorum minimè.</i>	584
<i>Vulnera capitis curatu difficilia.</i>	570
<i>Vulnera occipitis minimè periculosa.</i>	586
<i>Vulnera simplicia, & composita quomodo cu- randa.</i>	614
<i>Vulnera temporum periculosa.</i>	578
<i>Vulnus cap. statim secandum, vt nudetur os.</i>	598

F I N I S.



LVS
MED
SICI
SIM
CENT
The
near
Acc
APVD
SIB